

2
SCHILTERVS ILLVSTRATVS,
^{SEV}
EMENDATIONES
ET ADDIDAMENTA
AD
IO. SCHILTERI
INSTITVTIONES
IVRIS CANONICI,
OPERA
IVSTI HENNINGII BÖHMERI,
D. & Profess. Iuris Ordinarii
in Academia Fridericiana :
Accesserunt
EIVSDEM
ORIGINES
PRAECIPVARVM MATERIARVM
IVRIS ECCLESIASTICI.
CVM INDICE TRIPLICI.



HALAE MAGDEBVRGICÆ,
Litteris ORPHANOTROPHEI, M DCC XII.

THE
GREAT
WALL

OF
CHINA
AND
THE
MOUNTAINS
OF
THE
EAST

BY
JOHN
H. M. J.

THE
GREAT
WALL
OF
CHINA

THE
GREAT
WALL
OF
CHINA

V I R O
PER-ILLVSTRI ATQVE EX-
CELLENTISSIMO
DN. VRBANO
DIETERICO
DE LVEDECKE
REGIAE MAIESTATIS BO-
RVSSICAE

ET SERENISSIMI DVCIS BRVN-
SVICENSIS ET LVNEBVRGENSIS
CONSILIARIO INTIMO
ADVOCATIAE QVEDLINBVRGENSIS
PRAEFECTO REGIO

CVRIARVM DVCATVS BRVN-
SVICENSIS TAM IN SACRIS
QVAM PROFANIS PRAESIDI
GRAVISSIMO

DOMINO HEREDITARIO IN SICKTEN

PATRONO SVO INDVLGENTISSIMO

VIR PER-ILLVSTRIS
ATQVE EXCELLENTISSIME



Vemadmodum le-
ges rebus non ver-
bis datas esse, Ju-
stinianus Impera-
tor admonet, ita
in disciplina illa, quæ rerum humana-
rum

rum & diuinarum notitiam continet, & vere practica est, ea via incedendum esse videtur, vt cum Saluiano Massiliensi profiteri queamus, nos *rerum magis quam verborum amatores* esse. Præclare idem obseruat Seneca, contendens, *in studiis melius esse, res ipsas intueri, & harum causa loqui*, imo *rebus verba permittere*, cum rerum significandarum gratia hæc quoque reperta sint, adeoque parum de his laborandum esse videatur, si de illis satis constet. Quum vero hoc ipsum omnino eo sensu accipi debeat, quatenus ex verborum indifferente vsu nulla rerum diuersitas aut errorum labe inducitur, merito ἀκριβεια disciplinæ iuris quoque postulat, vt non semper faciles simus in verbis, quæ conceptum rerum deprauare, doctrinam iusti & iniusti corrumpere, & viam ad falsissimas conclusiones parare possint. Quod si enim præsentem iurisprudentiæ nostræ statum paulo penitius intuemur, fateamur necesse est, admodum hodie desudandum esse in intimiori verborum iuris enucleatione, vtpote quæ ab antiquis iurium interpretibus adeo ne-

glecta & densissimis inuoluta sunt tenebris, vt legum Romanarum sensum non tam euoluerint, quam intuluerint; quod vel inde factum esse, eruditi iudicant, quia literas humaniores & antiquitatum Romanarum studium haud contulerunt ad illam artem, quæ primario ex illis declaranda erat. Atque huc collimasse puto insignia studia tot Ictorum, Hottomanni, inquam, Balduini, Duarreni, Gothesfredorum, Ræuardi, Alberici Gentilis, Strauchii, Menagii aliorumque, qui suis operibus ostenderunt, non rebus tantum, sed etiam verbis, per quæ res cognoscuntur, operam sedulam dandam esse, ne a genuino legum sensu recedamus.

Non excurram in hunc campum amplissimum. vltius, ne a scopo meo nimium dilabar, sed potius ad illam iuris nostri partem me conuertam, quæ, si verum dissimulare nolo, incommodo & incauto verborum vsu adeo depravata est, vt in his expurgandis hodie multum temporis collocandum sit. Iuris ecclesiastici prudentiam intelligo, quam qui illotis, quod aiunt, manibus aggre-

aggrediuntur, rerum ipsarum, incommodis . appellationibus designatarum, peruersam facile animo suo ideam ingerant atque conciliant. Equidem primitiuae ecclesiae scriptores hic non acuso, qui ut plurimum simplicius & ita cautius rerum ecclesiasticarum administrationem descripserunt, & si forsan locutione non adeo commoda quandoque vti esse videntur, ipse tamen contextus & scopus rerum ostendit, quod integerrimum adhuc foueant sensum, nec ad eam verborum mentem prolapsi sint, quam postea in corrupta ecclesia iis affinxere. Sic ipse principalis terminus, quo in hoc iure utimur, *ecclesia* scilicet, iis denotat ut plurimum cœtum fidelium, non clerum tantum aut Episcopum; *Sacerdotium* proprie dictum ignorant; *Clericorum* appellatio a doctrina duorum primorum seculorum aliena est; *sacristiarum* proprie dictorum nulla deprehenduntur vestigia, *templorum* & *altarium* nomina vix admissa, quin potius fideles sua conuenticula *domus dominicas* vel *dominica* vel *oratoria* dixere, observante Rittershusio ad *Saluianum*, quod

etiam liquidum est ex *titulo Cod. de paganis sacrificiis & templis. Iurisdictionis ecclesiastica*, item *fori interni vel externi*, adeo eo tempore insolitæ voces fuerunt, vt nequidem res adæquata, quæ sub illis denotetur, inueniri possit; & infinitum foret, si ad reliquas iuris ecclesiastici appellationes progredi vellem.

Sicuti vero non diu ecclesia in statu suo puriori stetit, sed ad varias inclinare cepit corruptiones, ita ad palliandam hanc rerum ecclesiasticarum deprauationem corruptis verborum designationibus ex postfacto patres & scriptores vsi sunt, vnde non potuit non ipsius iuris ecclesiastici iactura promanare. Iam seculo Cypriani *Ecclesia* appellatio verum amisit sensum, & *clero*, imo *primario Episcopo*, attributa est; quin si Irenæi tempora h. e. seculum II. considero, adeo hic significatus corruptus iam fuit, vt prædicata, *ecclesiæ interna & inuisibili* in Sacris tributa, incaute cœtui cuiusvis externo applicata fuerint, vti Irenæi scripta produnt. Post tempora Cypriani *ecclesia* constanter *pro ordine parentium & imperantium* habita fuit, h. e.
pro

pro *republica*, ex quo deprauato sensu copiosissima errorum seges prognata est, quos si tantum referre vellem, ingentem catalogum contexere possem; ne dicam, ipsis ædibus sacris quoque vocem *ecclesiæ* adeo assignatam esse, ut adhuc hodie hac incommoda locutione utamur, & vix errores, inde propullulantes, præcaueamus. *Sacerdotium* sensu admodum pio & sancto omnibus fidelibus adscriptum esse, e sacris constat; ast seculo III. idem ministri *ecclesiæ* sibi priuatiue & quidem in sensu *proprio* vindicarunt, cum antea illi in sensu quodam mystico & improprio *sacerdotes* dicti fuerint.

Quanta vero ex hoc corrupto sensu perniciēs in *ecclesiam* redundauerit, plures ex nostratibus iam animaduertunt, quin & Icti iudicii limatioris non diffitentur, ius ecclesiasticum, introducto hoc vero sacerdotio, insignem accepisse cladem. Nec *clericorum* appellatio innocua fuit, postquam æuo Tertulliani ab *ecclesia* recepta est. Voces *altarium* & *sacrificiorum*, bona mente a patribus quibusdam adhibitæ, posteris

lapis offensionis fuerunt, & multa quoque Ictis incommoda pepererunt. Imo quamuis Christiani veteres ipsam *templorum & delubrorum* appellationem, quasi ab idololatria profectam indeque contaminatam (vt cum Rittershusio ad Salui-
anum loquar) respuerent, quidam tamen nec ab hic vocibus abstinuerunt, vti vel ex ipso Saluiano constat, quo tandem factum, vt locus congregatio-
nis fidelium solennem *templi* denomi-
nationem acceperit, quod tolerari po-
tuisset, nisi inde simul superstitiosæ con-
clusiones in ius nostrum irrepfissent.
Et quid de aliis appellationibus infinitis
dicam: quid de *postulationis, penitentia,*
confessionis, satisfactionis, sacramenti, ma-
trimonii, sponsaliorum, iurisdictionis, excom-
municationis, traditionis aliarumque re-
rum significatibus referam? quæ a
pristina sua simplicitate adeo deflexe-
runt, vt non parum turbarint ipsam iu-
risprudentiam. Ius *clauium* per plura
secula verum sensum amiserat, quem
tandem antiquitatum Hebraicarum pe-
riti restituerunt, quo non obstante infi-
nitæ conclusiones ex deprauato hoc
sensu

sensu adhuc in iure ecclesiastico supersunt.

Quæ cum ita sint, facile apparet, neminem inoffenso pede in iure ecclesiastico procedere posse, nisi qui hos scopulos euitare & præcauere studeat, ne in charybdim incidat. Hunc in finem sedulo fontes rerum singularum euoluendos esse, semper iudicaui, quippe ex quibus statim origines progressus & occasiones corruptionum in oculos incurrunt, & indagatori industrio ostendunt, quam caute in adhibendis eiusmodi appellationibus versandum sit, ne in erroneas incidamus conclusiones, quas tamen euitare hæud est integrum, quam diu sensui vocum corrupto adhuc inhæremus.

Specimen de usu huius doctrinæ, Vir perillustri, atque excellentissime, in hoc opusculo, quod intra breue temporis spatium enatum est, dedi, hoc consilio, ut in explicandis *Institutionibus Iuris Canonici* Io. Schilteri, lecti eximii, eo feliciores progressus facere possem. Postquam enim ante aliquot menses constitue-

ram

ram, relictis Coruini aphorismis iuris canonici, antea aliquoties explicatis, ductu Schilteri vti in illustrando studio iuris ecclesiastici, vtpote qui magis ad statum ecclesiarum nostrarum vbique respexisse videtur, statim ingentes deprehendi difficultates, inde potissimum promanantes, quod Schilterum, IC-tum alias eruditissimum, hunc iuris ecclesiastici nœuum haud euitasse animad-verterim, indeque plures conclusiones erroneas coaceruauerim, quæ illustratione peculiari indigerent. Accessit, quod plura capita huius studii, scitu necessaria, nescio quo fato aut consilio, omiserit, quæ necessario supplenda esse videbantur. Proinde ad singula Schilteri capita illustrationes, emendationes, quandoque etiam supplementa succincta contexui, eo consilio, vt hisce subsidiis via planior ad institutiones Schilteri intelligendas reddatur.

Sed merito vereor, ne iustam reprehensionem incurram, quod Tua, Vir perillustis, patientia, prolixiori hoc discursu abutar, nec memor sim illius,
mi-

minima non curare prætorem. Ast
 vero cum propensissimum Tuum in
 studia & eorum cultores animum o-
 mnes prædicent, & ego quoque multis
 rerum argumentis expertus sim, facile
 veniam admissæ huius temeritatis me
 impetraturum esse confido, si id vni-
 cum tantum allegauero, me hoc ipso
 rationem consilii mei duntaxat Tibi de-
 clarare, Teque simul arbitrum con-
 stituere voluisse, vtrum finem, quem
 mihi proposui, affecutus fuerim. Tu
 enim optime omnium nosti, quantum
 in rebus ecclesiasticis distent æra lupi-
 nis, & sicuti Augustissimus Dux Brun-
 suicensis, princeps ad immortalem glo-
 riam natus, pro inusitata sua prudentia
 Tibi præsidatum in consistorio sacro
 concedidit, quem etiam admirando
 cum iudicio in ecclesiarum salutem &
 reipubl. commodum administraſti, ita
 Tuo potius, Vir per-illustris, iudicio
 hasce meas meditationes subiiciendas
 esse censeui, vt si Tuo calculo dignas
 eas iudicaueris, me sufficientem labo-
 rum meorum fructum percepisse per-
 suasissimum habeam. Nec in hoc
 sub-

substitit animus, sed præterea etiam eas per-illustri Tuo nomini consecrandas esse existimauit, vt Tibi deuotionis suæ haud indubia ederet argumenta. Ex multis enim documentis Tuam, Vir Per-illustri, in me indulgentiam & voluntatem perspexi & cognoui, vt nullam occasionem intermittendam esse crediderim, Tibi deuotissimam meam mentem ostendendi, & simul declarandi, me non minimum felicitatis argumentum inde ducere, quod Tua indulgentia frui queam. Accipe itaque, Vir per-illustri, has qualescunque meditationes, nomini Tuo consecratas, meque illorum numero in posterum quoque accense, qui pro Tua Tuorumque integritate & salute serias ad Deum preces fundunt, & nihil magis curæ cordique habent, quam vt Tuo sub patrocinio vltius quiescere possint. Protegat ter sumum Numen gentem tuam splendidissimam, cuius Te caput DEus constituit, Tuæque prosperitati addat perpetuitatem, vt adhuc per plures annos Rex Borusforum potentissimus, Dominus meus
lon-

longe elementissimus, & Dux Brun-
suicensis augustissimus, qui sibi in capi-
endis consiliis Te constituerunt.
Nestorem suum, consiliis tuis fa-
luberrimis frui possint. Id vovet &
optat

**VIR PERILLVSTRIS & EX-
CELLENTISSIME**

perillustris Tui nominis

Halæ d. 12. Jan.

1712.

cultor deuotissimus

IUSTVS HENNINGIVS BÖHMER.

Ad Lectorem.

Non adeo necessarium esse duco, rationes consilii mei: fusius hic aperire, quæ ad hasce meditationes edendas me impulerunt. Res ipsa loquitur, Schilteri Institutiones iuris Canonici admodum concisas, ne dicam insufficientes, esse, ut illustrationem & supplementa desiderare videantur. Pluribus mentem meam in præcedente dedicatione aperui, quorsum vnice breuitatis studio me conferam. Non notas scripsi, quæ plerisque & diu adferre videntur, sed secundum Auctoris institutum omnia iusta connexionem, quantum fieri potuit, proposui, & quæ ei defuerunt, addidi, ut, quæ ad compedium iuris Canonici desiderantur, hisce additis subsidiis suppleta esse videantur. Plura scitu necessaria omisit Auctor, in pluribus etiam incaute secutus est principia Pontificiorum, quæ non adeo commode nostris applicari possunt ecclesiis, adeoque de his emendandis & supplendis laboravi. Addidi etiam in fine *origines præcipuarum materialium iuris ecclesiastici*, ut eo rectius de conclusionibus inde deductis constare possit. Quod si Deus vitam & vires concesserit, institutiones iuris ecclesiastici secundum Schema publico programme nuper propositum elaborare animus est. Hisce interim B. L.

fruere & studiis meis faue. Dabam

Halæ d. 12. Ian. 1712.

LIB.



LIB. I.

Institutionum iuris Canonici DE IVRE PERSONARVM.

Tit. I.

DE NATVRA IVRISPRVDEN- TIAE SACRAE.

§. I.



Us ecclesiasticum prima-
rio æstimandum est ex
statu ecclesiarum exter-
narum, h.e. illarum so-
cietatum, quibus homi-
nes sese vniunt ad De-
um colendum iuxta
ordinem præscriptum.

Sicuti autem societates hominum sunt vel *æqua-
les* vel *inaequales*, ita ante omnia indagandum
est, ad quam speciem societatis ecclesiæ referri
debeant.

§. II. Pontificii illas ad societates *inaequales*,
A refe.

referunt, & statum reipubl. in iis formant, imo ecclesiam vocant *rempubl. ecclesiasticam*, vti vel ex Marco Anton. de Dominis *tr. de republ. eccles.* constat. Inde in quovis statu civili duplicem effingunt rempublicam, *ecclesiasticam & civilem*, ita vt hæc illi subordinata sit, & ab illa dependeat *c. 10. D. 96.* Qui moderatiores sunt, *concordiam sacerdotii & imperii* quidem quærunt, vti Petrus de Marca & plerique Galli, vt tamen reipubl. ecclesiasticæ prærogatiuam indulgeant.

§. III. Auctor noster in eodem principio substitit, vti ex *hoc & tertio titulo* constat. Putat rempubl. in duas societates sese pandere, *ecclesiam & politiam*, & ita ecclesiam esse *partem reipubl.*, imo secundum §. VIII. esse *ordinem imperantium & parentium*, in quo reipubl. differentia a reliquis societatibus æqualibus maxime cernitur. Inde ius ecclesiasticum in *publicum & priuatum* §. 9. distinguit. In eo saltem a Pontificiis recedit, quod ecclesiam reipubl. coordinet, cum illi rempubl. ei subordinent. Et ex hoc præsupposito statu reip. omnes conclusiones efformat, vt in plerisque parum recedere a Pontificiis videatur.

§. IV. Condonandum hoc Auctori nostro fuisset, si ius canonicum in vsum ecclesiarum pontificiarum tradidisset, nec ad statum ecclesiarum Protestantium hanc doctrinam applicasset. Cum vero contrarium ex toto hoc tractatu appareat, merito hoc fundamentum examinan-

nandum est, ne in erroneas incidamus conclusiones.

§. V. Examinauit iam plenius hanc hypothesin B. Pufendorffius in *tr. de habitu religionis ad vitam civilem* & dubia a dissentientibus mota solide refutauit, ostenditque, ecclesiam quidem in republ. sed non partem reipubl. aut statum civilem esse. Atque hæc sententia & Christi intentioni & Apostolorum institutis omnino est conformis, utpote qui in ecclesiis imperantes haud constituerunt, sed eas ad formam collegiorum æqualium adornarunt, & noluerunt, ut præpositi in iis imperarent, sed exemplar, gregis fierent *1 Pet. V.* Directio quædam illis demandari debuit, quod omnibus collegiis commune est, sed hæc nullum imperium, nullam iurisdictionem inuoluit, quæ etiam primævis temporibus incognita erat.

§. VI. Proprium munus eorum, qui ecclesiis præsunt, in docendo, monendo & redarguendo consistit, a quo omne imperium alienum esse debet, alioquin inde Papo-Cæsaria nascitur. Idem censuit Isidorus Pelusiota *lib. III. epist. 216.* asserens munus eorum esse *ministerium referendis rationibus obnoxium, non imperium, in quod inquiri nequaquam debeat, paterpam procuracionem, non tyrannicam pro arbitrio viuendi licentiam, dispensatoriam præfecturam, non potestatem minime reddendis rationibus obnoxiam.*

§. VII. Nec quod in republ. existat ecclesia, facit, ut pars reipubl. dici debeat, quin po-

tius inde contrarium colligitur, illam iure ceterorum collegiorum censendam esse, cum respublica in republica esse non possit. Inde sicuti princeps in omnia alia collegia, ita quoque in ecclesias inspectionem habet, præcauendo, ne quid in eis in detrimentum reipubl. geratur. Et hæc præcautio hic eo magis necessaria est, quod homines, prout Curtius loquitur, quando superstitione capti sunt, plus obedire soleant, vatibus quam ducibus, quod nimia conniuentia Imperatorum luculenter ostendit. Exercet ergo hætenus princeps quilibet ius in *ecclesiam*, quatenus est summus Princeps in republ., sed non *in ecclesia*.

§. VIII. Postquam itaque protestantibus Principibus ius hoc sacrum supremum assertum est, merito quoque ecclesiæ protestantium secundum ius primæum æstimandæ sunt, ne summæ potestati aliquid detrahamus, vel alios in consortium regiminis sacri iis adiungamus, quorum munus ab imperio alienum est, quod tamen ex hypotheli auctoris nostri fuit. *Conf. Ius paroch. Sect. I. c. I.*

Tit. II.

DE LEGIBVS SACRIS ET ORIGINE IVRIS CANONICI.

§. I.

Iurisprudentiam nostram hauriendam esse, partim ex legibus *diuinis*, partim ex *humanis*,
autor

autor afferit. Ad illas refert *Ius Naturæ*, præcepta *Christi* & quodammodo *ius Mosaicum*. *IVS NATURÆ* omnino huc referendum, quod sicuti in genere omnes societates & collegia dirigit, ita quoque ecclesiis, prout societatem externam æqualem constituunt, hæc præcepta generalia applicari possunt.

§. II. *PRÆCEPTA Christi* sunt longe alius indolis. Doctrinam de pietate & vitæ sanctitate continent, non ius proprie dictum. Legislator Christus haud fuit, sed Doctor, & ita dogmata eius per modum *legum* haud sunt accipienda. Peccant in eo Pontificii, qui ex dogmatibus Christi ius externum extruxerunt, & omnia in peruersum mutarunt sensum, ut doctrinæ de redarguendo fratre, clauæ ligante & soluente, potestate Apostolis propria remittendi & retinendi peccata, de Sacramentis &c. docent.

§. III. *IVS MOSAICVM* ceremoniale plane ad N. T. non spectat. Interim ad historiam iuris canonici vel ideo referri debet, quod primi Christiani plura instituta traxerint ex moribus Iudæorum & Synagoga vetere, ut Seldenus de *Synedriis* & Campegius Vitringa de *Synagoga vetere* alique ostenderunt, quamuis ex mera libertate, ut adeoque etiam hæc instituta ad *ius humanum* referri debeant. Seculo III. præterea ex erroneo principio Sacerdotium V. T. tractum est in ecclesiam cum omni potestate regia, olim sacerdotibus propria, uti vel Cypriani Epistolæ ostendunt, unde eccle-

fix novam plane formam acceperunt, & noua quoque ex hoc nouo statu nata sunt iura.

§. IV. Hæc per tria priora secula sola constabant *obseruantia* seu *iure non scripto*, neque enim canones scriptos in conciliis illorum temporum editos esse nouimus. Quicquid patres in conciliis ad ordinem ecclesiæ statuebant, hoc omne literis Synodicis complectebantur, aliisque ecclesiis communicabant, vti scriptores illorum temporum ostendunt, quod plenius ostendi in *Diff. de obseruantia eccles.*

§. V. Vnde minus probabile est, canones, quos *apostolicos* vocant, collectos esse ineunte seculo III. prout Autor §. IV. innuit. Fundamentum omne vnice inde petit, quod in Concilio Nicæno prouocetur ad *regulas ecclesiasticas* seu *canones*, per quos antea dictos intelligendos esse censet. Ast constat ex historia horum temporum, mores ecclesiasticos etiam *canones* dictos fuisse, prout ostendi cit. *Dissert. c. II. §. 2.* ad quos Patres huius concilii prouocarunt. Quin quod si iam patres huius concilii ad hos canones, vt authenticos, prouocassent, omnino quoque *codici canonum vniuersæ ecclesiæ* inseri debuissent, quod minime tamen factum est. Conf. Io. Dallæus de *Pseud-Epigraphis Apost.* lib. III.

§. VI. Prima itaque collectio est in *Codice canonum vniuersæ ecclesiæ*, in concilio Chalcedonensi approbato, & suffragante Leone I. in occidente quoque recepto. Antea quædam ecclesiæ occiden-

cidentales versione quadam vsæ sunt, quam exhibet Iustellus in *biblioth. iur. canon. antiq. p. 274*, quæ tamen in Romana ecclesiâ auctoritatem nullam habuisse videtur, vti vel Zosimi controuersia cum ecclesiis Africanis ostendit. Sed post concilium Chalcedonense noua versio recepta est, cui adiecti sunt canones Carthagenenses, imo Decreta Præsulum Romanorum, cuius duos codices MSctos se vidisse testatur Petrus de Marca *de vet. collect. canon. c. 2*, vt proinde Dionysius primus haud fuerit, qui suæ collectioni decreta hæc addiderit.

§. VII. Canones Apostolici minime ei adiecti fuerunt, vti ostendit *Præfatio* relata a Petro de Marca *cit. l.* Habuit tamen Gallia anno 589 codicem quendam, cui nouiter adiecti fuere, vti ostendit locus ab Autore §. VI. adductus, quod sine dubio priuato cuiusdam ausu factum est.

§. VIII. Atque ex his & aliis ab Autore adductis collectionibus natum est *corpus iuris canonici*, quo hodie vtimur. Insignem hoc ipsum vsum in Germania semper habuit, imo etiam prærogatiuam præ iure Romano, partim quod ante illud iam dudum receptum esset, partim quod opinionem æquitatis & pietatis præ se ferret, credereturq; illud magis conscientis consulere, quamuis non iniqu; forsân dixerit Petrus de Ferrariis in *Praxi Pap. tit. 41. Gl. 3. §. 17. canones de-*

fruere flatum laicorum, ut amplient sub quadam simulata conscientia flatum clericorum.

§. IX. Nec post reformationem eius auctoritas imminuta est, postquam Icti Vitebergenses, Henninges-Goeden & Hieronymus Schurffius, magnopere improbarunt factum Lutheri, corpus iuris canonici comburentis. Horum exempla strenue secuti sunt Icti reliqui, qui usque ad nostra tempora, continuata serie, pro auctoritate iuris huius acriter pugnarunt, quod vel eorum scripta ostendunt, & praxis testatur. Imo cum ius aliquod commune ecclesiarum protestantium deesset, in subsidium recurrendum esse censuerunt ad ius Canonicum, uti Carpzovii *Iurisprudencia Consistorialis* ubique docet, cuius auctoritas in consistoriis adhuc satis magna est.

Tit. III.

DE ECCLESIIS ET ECCLESIASTICA POTESTATE

§. I.

DE statu ecclesiarum hic sollicitus est Autor, ubi rursus hypothesein suam, tit. i. destructam, ingeminat, & in formam quoque huius reipublice inquirat. Existimat vero §. IV. ecclesiam constitui ex principe seu magistratu politico, populo & clero, & hos in commune consulere de rebus ecclesiasticis. Ortum hic error traxit ex vulgata diuisione, qua hi qui sunt in ecclesia

fia ita dividuntur, vel vt vulgo loqui amant in dem Lehr- Mehr- und Behrstand/ quo factum est, vt his omnibus coniunctim imperium sacrum in ecclesia adscriberetur.

§. II. Sed simplicior, & statui ecclesiæ conformior est divisio, secundum quam hi, qui sunt in ecclesia, dividuntur in *doctores & auditores*. Princeps, quatenus membrum est ecclesiæ, non consideratur vt princeps, sed vt *membrum huius societatis*, & ius suum *extra ecclesiam* exercet in sacra, nec in eius exercitio coimperantes habet. Nec hic, quem Autor adfert, conceptus, congruit, cum statu veteris ecclesiæ, vti fusus ostendi in *diff. VIII. iur. eccles. antiq. ad Plin. secundum, & Tertull.*

§. III. Singulis ecclesiis olim post seculum I. præerant Episcopi cum presbyteris. nec particulares ecclesiæ erant, quibus suus deesset episcopus, vti ostenditur in libello *de regim. eccles. per tria priora secul. a Ienckino Thomasio edito*. Atque hi inter se ab initio æquales erant, ut, tamen apostolicæ ecclesiæ, ab Apostolis fundatæ, insignem auctoritatem haberent. Accessit præterea dignitas urbium, ex quo duplici fonte Antiochenus Alexandrinus & Romanus Episcopus præ reliquis eminebant.

§. IV. Romanæ ecclesiæ eminentia iam seculo II. ab Irenæo passim asseritur, vbi contra Hæreticos pugnat, cui *lib. III. adv. hæres. c. 3.* adscribit *potentiorē principalitatem*. Imo ibidem eam vocat *maximam & antiquissimam & omnibus*

cognitam a gloriosissimis duobus Apostolis Petro & Paulo fundatam & constitutam ecclesiam. Inde paulatim factum, ut episcopus Romanus supremam in omnes ecclesias potestatem affectaret, prout Auctor §. 10. in f. innuit.

§. V. Cum vero Auctor de iure papali hic nihil ulterius addat, defectum hunc supplebo & potestatem eius, variis modis & occasionibus auctam, in compendio referam, de quo themate pluribus eget Mornayus in *mysterio iniquitatis*. Ab initio potestas Episcopi Romani haud egrediebatur limites illius ecclesiae, unde etiam a scriptoribus antiquis *Urbis Romanae Episcopus* solummodo nominatur, non *pontifex maximus*, aut *Papa* Euseb. lib. V. c. 24. lib. VII. c. 7. Socrates lib. V. H. E. c. 22. Qui a vero secundum §. antec. in summa apud alias ecclesias celebritate erat, inde mox quandam affectavit in alios potestatem, quod exemplo *Victoris & Stephani* constat, sed non sine contradictione.

§. VI. Præterea opinio pervulgata invaluerat, Episcopum R. esse Petri & Pauli, principum Apostolorum, successorem, ex quo principatum præ ceteris quærebat, qui Seculo IV. in primis erupit, suffragante c. VI. concil. Niceni. Hinc Julius I. novum ius vrsit, non posse deponi episcopum ab orientalibus, absque suo præscitu Athen. apol. 2. Socrates lib. II, 8. cuius contrarium docui in *observat. ad Petr. de Marca* p. 127. Accesserunt relationes frequentes, quamvis mera ex libertate, ad episcopum R. de causis dubiis, quod

quod postea iure suo & veluti supremus arbiter vrsit, vid. Innocentii 1. *epist. ad Episc. Nucerianum.*

§. VII. Obstabant eius ausibus adhuc concilia provincialia, sed horum auctoritatem suppressere tentavit per *concil. Sardicense c. 3. 4. 7.* Petr. de Marca de *C. S. & Imp. lib. VII. c. 3.* Inde postea papa ius appellationes ad se factas recipiendi defendit, seque supremum iudicem constituit, quamvis concilium Sardicense huc non tendat, & tam orientales quam Africani acriter contraxerint. vid. *Cod. can. eccl. Afric. Marca cit. l. lib. VII. c. 7. 15.*

§. VIII. Quin etiam cum pleraque, quæ in conciliis provincialibus essent acta, honoris causa ad Episcopum R. referrentur, rursus inde ansam cepit hoc suo iure petendi, uti constat ex *epist. 2. Innoc. I. ad Victoric. Episc. Rhotomag.* Interim in Oriente valde eius principatum dubium reddebat CPolitanus, nec metropolitani in occidente eius in se protestatem agnoscebant. Hi ergo ante omnia subiugandi erant. Et quidem CPolitanus cedere debuit per Phocæ decisionem, blanditiis Gregorii M. extortam. Quoad hos arte opus erat, quia iure destituebatur. Inde primates & archiepiscopos *vicarios perpetuos* constituebat, honoris quasi maioris causa, imo eos adigebat, ut omnes pallium, signum vicariatus, ab eo petere necessum habuerint, ut ita ex post facto, non amplius proprio iure, sed potestate vicaria omnia egisse viderentur. vid. M. A. de Dominis

de republ. eccl. lib. 3. c. 11. §. 25. Item observat. ad P. de Marca. p. 148.

§. IX. Hoc modo adeo suppressi sunt Archiepiscopi, ut tandem quoque concilia provincialia, auctoritati papæ maxime noxia, definerent. Et cum non ubique præsens esse posset, per legatos suos ubique principatum suum stabilivit, & omnes archiepiscopos in sua verba iurare adiecit, cum absque hoc iuramento subiectionis pallium in posterum impetrare haud possent.

§. X. His velut gradibus supremam potestatem in omnes ecclesias sibi acquisivit, & primatum obtinere cepit *c. 1. D. 96.* Imo nec in hoc substitit fastus papalis, sed etiam reges & principes pedo suo subiectos esse voluit, quod vel Gregorii VII. *dictatus* docent, quo reliquias iuris circa sacra penitus iis excussit, si exceperis Reges Galliarum, qui libertatem suam hætenus strenue contra eius ausus tuiti sunt. Ulterius progressus pontifex, in temporalia ius supremum sibi arrogavit, prout docet constitutio Bonifacii IX. *in extrav. comm. 1. de maior. & obed.* Restiterunt hisce conatibus plures, quos collegit Goldastus *de Monarchia imperii* Conf. Guil. Barclai *de potestate papæ, an & quatenus in Reges & Principes seculares ius & imperium habeat.* Sic itaque nullum ius sibi acquisivit, sine summa aliorum contradictione, imo quæ possidet, vi clam vel precario possidet.

§. XI. Quod si itaque iura, quæ sibi tribuit, enar-

enarranda forent, insignem eorum catalogum texere possem. Breuiter : Plura sibi vindicauit reservata circa peccata, a quibus solus absoluit: *c. 3. D. 17.* maiores quæstiones ad eum referendæ *c. 5. D. 17. c. 3. C. 2. q. 6. c. 11. seqq. c. 9. q. 3.* Decretalia eius vim legis vniversalis habent *c. 1. D. 19.* ab aliis iudicari nequit *c. 7. 9. D. 21. c. 6. D. 40. c. 23. C. 2. q. 7. c. 10. & 13. seqq. C. 9. q. 3.* omnes ecclesiasticas dignitates se fundasse ait *c. 1. D. 22.* ad faciem Romanæ ecclesiæ omnia esse componenda contendit *c. 2. inf. D. 32.* Habet ius evocandi quoscunque clericos *c. 123. C. 1. q. 1. c. 21. C. 9. q. 3.* Omnes ad sedem Romanam appellare possunt *c. 5. seqq. c. 2. q. 6.* Ei subsunt omnia iudicia episcopalia *c. 6. c. 9. q. 3.* Potest in quauis ecclesia ordinare clericos, quia omnium beneficiorum se dominum dicit *c. 23. c. 9. q. 3.* Synodos generales convocat, easque derigit, & nihil fere excogitari potest, quod sibi non adscripsit.

§. XII. Valde tamen restricta est eius potestas per concordata Nationis Germaniæ, quæ autor in fine suarum *institut.* refert. Imo per reformationem adeo fracta est, vt ne quidem in terris Catholicorum amplius pristina libertate gaudeat, nedicam, in terris protestantium penitus eius potestatem omnem sublatam esse per *instrum. pac.* Dico, *potestatem eius sublatam esse* : iura ipsa, quæ ante papa in ecclesias, intra territorium protestantium fitas, exercuit, eo ipso haud

haud sublata, sed salva & ilibata manserunt, unde, quia ex iure circa sacra fluunt, quod supremæ potestati cohæret, merito iura hæc Dominis territorii adscripta sunt. Illi hæc suo iure exercent, non quatenus Papæ sed quatenus principes sui territorii sunt. vid. Dn. Stryk. *de iure papali princip. Evangel.*

§. XIII. Pergo cum Autore ad statum varium ecclesiarum, qui, prout §. XII. innuit, variam mutationem accipit ab *vnione & dismembratione*. Est etiam hæc materia scitu necessaria, adeoque supplenda: *Vnio est plurium ecclesiarum coniunctio iusta ex causa facta, ut post hanc coalitionem unam constituent ecclesiam.*

§. XIV. Primo requiritur *iusta causa*. Odiosa communiter dicitur vnio, & regulariter prohibita, quia non raro fieri suevit in fraudem legis ad multiplicationem beneficiorum introducendam c. 3. C. 10. q. 3. c. 1. C. 21. q. 1. c. 3. de cler. non resid. Iusta autem causa est, paupertas ecclesiæ alteri vniendæ, quod ministro ecclesiæ alimenta suppeditare non possit c. 4. inf. de atat. & qual. si ecclesia sit destructa, nec reparari queat, si penuria idoneorum ministrorum adsit, si ecclesia aliunde proprium habere ministrum impediat. &c. vid. Slevogt. *de vnion. eccl. diff.* 1. c. 2.

§. XV. Deinde requiritur *causæ cognitio*, & *Decretum* eius, qui ius circa sacra habet, & iurisdictionem in ecclesias vniendas. Inde Pontifex quascunque ecclesias vnire potest c. 8. X. de ex-

excess. pralat. Episcopi vero tantum ecclesias in sua diœcesi fitas, imo & beneficia seu bona ecclesiastica, quo iure etiam gaudet capitulum, sede vacante vel impedita. Sed in Germania tamen vnire non possunt contra l. p. & statuta ecclesiarum & bonorum ecclesiasticorum, qui fuit anno 1624. d. 1. Ian. Vicarii generales episcoporum hanc potestatem non habent, nisi speciatim eis concessa fuerit. In terris protestantium vniones fiunt decreto principis territorii, non a consistoriis, & si ecclesiæ in diversis territoriis sunt sitæ, vtriusque domini consensus concurrere debet. Vocandi quoque sunt ad actum vnionis hi, quorū interest, veluti patroni, non vero parochi, cum demum post eorum mortem vnio effectum sortiatur. vid. Sleuogt. *diff. II. de vnion. eccles. c. 1.*

§. XVI. Præterea & ecclesiarum vniendarum habenda est ratio. In Concil. Trid. *sess. 24. de reform. c. 13.* hoc provisum est: *In vnionibus quibuslibet seu ex supra dictis seu ex aliis causis faciendis ecclesie parochiales monasteriis quibuscunque, aut abbatibus seu dignitatibus, siue præbendis ecclesie cathedralis, vel collegiatae siue aliis beneficiis simplicibus aut hospitalibus militiisque non vniantur; vñ fuerunt hæc beneficia incompatibilia; quod Parochiæ alium scopum haberent, quam reliqua beneficia adducta. Similiter sess. XIV. de reform. c. 9. vnio prohibita est beneficiorum in diuersis diœcesibus sitorum, quia confusionem insignem inducit; quod tamen in territoriis protestantium non semper at-*

attenditur. Obtinet etiam vnio in bonis ecclesiasticis, quæ cum semel ad vsus pios destinata sunt, academiis aliisque piis causis uniri possunt, quatenus instrumentum pacis non repugnat. Exempla habet Slevøgt. *cit. diff. i. c. 1. §. 4.*

§. XVII. Vnio tribus modis fit (I) cum ecclesiæ ita confunduntur, vt ex duabus vna fiat, & ita vna, quæ alteri accedat, supprimatur, de qua specie Auctor loquitur in §. 12. *inf.* (II) Vt ecclesiæ maneant distinctæ, sed vna alteri subiiciatur, altera que *matrix*, altera *filia* vocetur, de qua Auctor etiam *cit. l.* loquitur. Cum vero filialistæ adhuc proprias habeant ædes sacras, parochus in ecclesia matrice residens etiam ibi sacra peragit. In effectu sunt duæ parochiæ ratione sacrorum separatæ, sed ratione parochi coniunctæ. Hæc vnio etiam potest contingere si ex redditibus ecclesiæ, quæ copia hominum abundat, noua ædificetur, & priori ministro ecclesiæ subiiciatur, conf. B. Hertius *de eccles. filiabus*. Hoc casu filia retinet propriam suam iurisdictionem, si in diuerso territorio sita fuerit *c. 2. X. de relig. domibus* Conf. Nicolai, *resol. 1.* Hæc vnio etiam contigit in ordine ensiferorum, vnito cum Teutonico. (III) Vt duæ ecclesiæ vniantur æquæ principaliter, & neutra neutri subiiciatur, sed communi tamen ministerio fruantur, quale exemplum est in *c. 48. C. 16. qu. 1.* In hac vnione vnaquæque ecclesia sua iura integra reseruat,

§. XVIII. Omnes species quidem in eo conueniunt, quod habeant communem ecclesiæ ministrum; ast circa onera differentia adest. In secunda & tertia specie parochiani vniuscuiusque ecclesiæ tantum contribuunt ad refectionem propriæ ecclesiæ, non alterius unitæ: sed ad ædium Parochialium refectionem omnes contribuant. De effectu vnionis plura habet Slevoigt *cit. tr. Diff. IV. c. I.*

§. XIX. Quemadmodum ex iusta causa unio fieri potest, ita, eadem causa suggerente, rursus dissoluitur, qua deficiente itidem prohibita est dissolutio. Et quidem hæc quoque facienda est auctoritate ejus, qui iurisdictionem in ecclesiam unitam habet, & consequenter si in diuersis territoriis sitæ fuerint ecclesiæ dissoluendæ, vtriusque territorii principis auctoritas accedere debet. Breuiter: qui habet ius vniendi, habet etiam ius unitas dissoluendi. Neque enim filialistis concessum est, propria auctoritate sibi ecclesiam construere, seque a matrice diuellere. Imo quamuis nobiles immediati imperii iurisdictionem sacram habeant, non tamen in propriis pagis, quorum incolæ ad ecclesiam alterius nobilis tanquam filialistæ relati sunt, ecclesiam ædificare, & subditos suos a pristina parochia auocare possunt. Facta plenaria dis-

B

solu.

solutione omnia in pristinum restituantur statum. Vid Slevogt. *cit. tr. diff. IV. c. 1. Nicolai ref. 2. Espen in iur. eccles. P. 2. tit. 29. c. 4. Leurenus in for. benef. p. 3. qu. 934. seqq.*

§. XX. Huc etiam pertinet *dismembratio*, quando quædam bona a beneficio separantur & alteri applicantur, remanente beneficio penes ordinarium ministrum ecclesiæ. Hoc itidem causæ cognitionem auctoritatemque eius requirit, qui ius supremum in illa bona habet, modo præcaueatur, ne contra I. P. & statum anni 1624. d. 1. Ian. fiat. Conf. Garcias *de benef. p. 12. c. 2. & 3. Petrus Leurenus in foro benef. P. 3. Sect. 2. c. 2. qu. 946. seqq.*

Tit. IV. DE SYNODIS.

§. I.

Synodorum institutio est antiquissima, sed non omnium vna eademque ratio est. Originem earum communiter quærent in conuentu Hierosolymis instituto, de quo *Act. XV.* agitur, in quo tamen ordinaria christianorum coitio tantumprehenditur. Compromiserant hi, qui in Antiochena ecclesia inter se contenderant de obseruantia legis Mosaicæ, in sententiam ecclesiæ Hierosolymitanæ, & ita ex compromisso

misso in hac ecclesia de illa quæstione agebatur. Tales coitiones plures factæ sunt in ecclesiis, quando de causis dubiis deliberandum erat, quæ tamen Synodi haud dicuntur, alioquin prima Synodus quærenda esset *AE. VI.*

§. II. Aliunde ergo ratio Synodorum petenda est. Scilicet pacto mutuo in singulis ecclesiis constituta erant iudicia, a tota ecclesia obeunda, quod plenius ostendi *Diff. III. Tur. eccl. antiq.* Cum vero paulisper ecclesiæ in vna prouincia sitæ, ex ratione vicinitatis coalescerent, facile contingere potuit, vt iudicia, quæ ex conuentione in singulis ecclesiis exercebantur, in communi conuentu ecclesiarum vnius eiusdemque prouinciæ peragerentur, quoties de rebus communibus agendum esset. Atque ita Synodi prouinciales fundamentum reliquis omnibus Synodis dederunt.

§. III. Fuerunt itaque Synodi prouinciales reuera primis temporibus iudicia quædam ecclesiastica, ex omnibus ecclesiis collecta, maxime vt de rebus ad disciplinam pertinentibus iudicaretur. Sed desinere debuissent, vbi Constantinus rebus ecclesiasticis præesse cœpit, quod tamen minime factum est.

§. IV. Sed conuiuentia Cæsarum Synodi prouinciales magis sunt confirmatæ, adeo

vt c. 5. *Concil. Nic.* cautum legamus, singulis annis bis per vnamquamque prouinciam, Synodos esse instituendas, quod etiam repetitum in *concilio Antioch. c. 20.* vt ad dirimendas causas dubias & controuersas hæ fierent. Ita ab ecclesiis particularibus in has curias iudicia translata sunt, quo ipso & ius plebis imminutum & Cæsarum iurisdicção in sacra fere sublata est.

Tit. V.

DE IUDICIIS ECCLESIASTICIS ET FORO COMPETENTE.

Agit in hoc titulo Autor de *iudiciis ecclesiasticis*, sed quædam vix tangit, plura etiam, quæ ex iure canonico dependent, omisit, vnde hæc distinctis membris supplenda esse censui.

Membrum I.

DE RATIONE CONSISTORIORVM NOSTRORVM.

§. I.

IN terris protestantium consistoria causis dirimendis ecclesiasticis destinata sunt, quemadmodum hæc quoque apud Pontificiosprehenduntur. Sed præter *iurisdictionem stricte acceptam* alia exercent; plura etiam

etiam iis interdicta & principi reservata, sunt, vt de certo fundamento adhuc Icti hæ-
sistent, quod tamen ex ratione consistorio-
rum Pontificiorum facile desumi potest, ad
cuius imaginem nostra formata esse constat.
Creditum enim fuit antiquitus, Principes
esse Episcopos in suis territoriis, adeoque,
illis esse reservata, quæ olim Episcopis &
officialibus eius haud concessa erant.

§. II. Postquam Episcopi ius omne sacrum
in suis Diœcesibus ad se traxerunt, quod *Iu-
risdictionis* nomine venire solet, *iudices ordi-
narii* inde sunt dicti, & aliquot seculis ipsi-
met causis dirimendis incubuerunt. Sensim
potestate eorum & sic quoque multitudine
negotiorum aucta, quædam negotia leuio-
ra Archidiaconis delegarunt, vnde adhuc
hodie *iudicia archidiaconalia* supersunt, plu-
rima autem sibi reseruarunt. Sed postquam
etiam his expediendis impares essent, *vica-
rios*, qui *specialius officiales* vocantur, sibi
constituerunt, qui iurisdictionem exerce-
rent, & tribunali ipsius Episcopi seu eius
consistorio præessent. Vnde in Porussia,
adhuc Præsides consistorii vocantur *officiales*.
Conf. Petrus Leuren. *de Vicar. Episcop.*

§. III. Postquam itaque hæc consistoria,
ad perpetuum iurisdictionis exercitium,
semel constituta sunt, officiales dicuntur,
habere iurisdictionem ordinariam, 2. de

consuet. in 6. Leurenus *cit. tr. qu. 69.* quod etiam de nostris consistoriis asseritur, B. Dn. Stryk. *ad Ius eccl. Brunnem. lib. III. c. 1. §. I.* Hæc tamen adhuc superest differentia, quod ab officialibus non appelletur Episcopus, Leuren. *cit. tr. qu. 74.* nisi sit *vicarius foraneus*: bene tamen princeps, quippe qui plus iuris habet, quam Episcopus, imo independentem in sacris potestatem.

§. IV. Licet vero officiales vices episcopi gerant, & *iurisdictionem* nomine eius exercent, Pontificii tamen ipsimet dubitant, quæ potestas hac voce comprehensa sit, cum *iurisdictionis* terminum nimis extendant, & plerumque ius omne in sacra sub eo complectantur Leuren. *cit. tr. qu. 107.* Scilicet, sub iurisdictione ipsi concessa hæc iura referuntur: iudicandi de causis controuersis, absoluendi, relaxandi, puniendi excessus clericorum, matrimoniales causas dirimendi, excommunicandi, suspendendi, interdiciendi, instituendi præsentatos, & confirmandi, dispensandi in leuioribus, confirmandi alienationes &c. vid. Leurenus *cit. tr. qu. 96. seqq.*

§. V. Plura tamen Episcopo reseruata sunt, quæ *Officiales* seu eius consistorium expedire nequit, quales sunt *causæ maiores*, & *gratiæ*. Sic dispensatio in causis maioris momenti ipsi est interdicta Leuren. *art. I. qu.*

qu. 119. Idem dicendum de Synodorum con-
 vocatione, literarum dimissorialium datio-
 ne, auctoritatis interpositione in extruen-
 dis templis & monasteriis, legum ecclesia-
 sticarum promulgatione, cognitione causa-
 rum criminalium, & feudalium, exactione
 subsidii charitatiui, erectione nouarum di-
 gnitatum & beneficiorum, vnione & dis-
 membratione, collatione beneficiorum, &
 pluribus aliis, de quibus plenius agit Leu-
 renius *cit. tract.*

§. VI. Potestate Episcoporum sublata,
 in territoriis protestantium, salua manse-
 runt consistoria eorum, in quibus reuera,
 illa peraguntur, quæ antea in consistoriis
 Episcoporum. Imo quidam horum consti-
 tutionem adeo necessariam esse crediderunt,
 vt princeps iudicio seculari has causas com-
 mittere haud possit Carpz. *lib. Iurispr. consist.*
def. II. quæ hypothesis tamen fluxit ex er-
 roneo conceptu de episcopatu nostris prin-
 cipibus competente. Vnde quando nostris
 consistoriis adscribitur *Iurisdictio ecclesiastica*,
 illa eodem sensu accipienda est, quo apud
 Pontificios accipi solet, quod vel ex iuri-
 bus, quæ consistorio tribuuntur a Brunne-
 manno *lib. III. de iur. eccles. c. I. §. 37.* conspi-
 cuum est. Causæ maioris momenti & gratiæ
 imo ipsa reseruata Papalia secretiori consi-
 lio principis reseruantur.

MEMBRUM II.

DE IVRISDICTIONE DELEGATA SEV COMMISSARIIS.

§. I.

Iudices sunt vel *ordinarii* vel *extraordinarii*. Hi dicuntur, quibus certæ causæ cognitio extra ordinem est commissæ & delegata, unde *delegati* & *commissarii* dicuntur. Cum enim causæ non tantum per viam appellationis, sed etiam in prima instantia ad Pontificem deferri possint, non autem expediat, eos omnes ad suum tribunal trahere, illas per delegatos iudices dirimere solet Espen *in iur. eccl. P. 3. tit. 5. c. 2. §. 4.* unde praxis commissionum harum late in iure canon, explicatur. Vid. *t. t. X. de offic. & pot. iudic. deleg.* Interim tamen caute circa applicationem huius doctrinæ ad fora nostra procedendum.

§. II. Delegare possunt inprimis (1) Pontifex & (2) eius Delegati, quibus subdelegandi competit potestas *c. 6. X. de offic. & pot. iud. deleg.* quia ad instar ordinariorum habentur. Espen *cit. l. §. 18.* & Pontifex non aliis, quam in dignitate ecclesiastica positis, delegare debeat *c. 11. de rescript. in 6.* quod etiam admittendum est, si Imperator statibus imperii delegauerit, qui in idem summa præfulgent dignitate. (3) *Ordinarii*, quales sunt Episcopi & prælati, quibus compa-

ran.

randi sunt principes imperii ; non vero delegati ordinariorum, quippe qui subdelegare vel ideo non possunt, quod tanta non possint dignitate, quod etiam de delegatis statuum Imperii dicendum est. Similiter ad totam causam delegare non possunt officiales Episcoporum, bene tamen ad quosdam actus Espen. *cit. l. §. 8.* quod etiam iuris est in magistratibus subalternis, qui commissiones decernere possunt ad amicabilem compositionem, rationes recipiendas, ocularem inspectionem, examen testium &c.

§. III. Delegatio fit vel *ex officio*, si utilitas rei. id postulat, vel *partibus petentibus*. Hoc interest, quod hæc decernatur sumtibus petentis, & declinari possit ; illa vero expediatur communibus sumtibus, nec declinari queat. B. Dn. Stryk *de claus. commiss. c. 1. n. 59. seqq.*

§. IV. Delegantur vel unus vel plures. & quidem hi vel *collective* vel *sigillatim* considerati. Priori casu, quia unam personam repræsentant, ut capitulum, per subdelegatum commissionem datam expediunt. Posteriori vero interest, utrum sint dati *simpliciter* seu *indefinite*, an *definite*. Prius fit, si nulla clausula, quomodo procedere debeant, adiecta fuerit, & hoc casu omnes conjunctim procedere debent c. 6, *de procur. in 6.*

adeo vt, vno absente, reliqui sine nullitate procedere non valeant *c. 16. & 22. X. de offic. & pot. iud. del.* licet vel maxime vnus ex his mortuus sit, quia & sic reliquorum expirat iurisdictio *c. 42. X. eod.* nisi intuitu dignitatis facta commissio *c. 14. X. eod. c. 5. de rescript. in 6.* Adeo autem gesta a præsentibus nulla sunt, vt nequidem subsistant, si vel maxime ea absens rati habeat, vel etiam partes. Dn. Stryk. *de deleg. princ. c. 3. n. 51. Ziegl. ad Lancell. Lib. III. c. 1. §. 18.* potest tamen absens vices suas vni ex præsentibus delegare, vt valide procedant *c. 6. X. de offic. & pot. iud. del.*

§. V. Definite commissio decernitur, si pluribus sub certa clausula iurisdictio delegata est. Huc pertinet (1) clausula *in solidum* vel *vt vnus, aut duo, vel omnes procedant* samt oder sonders. Hæc aliquando subintelligitur, vt in electionibus & postulationibus *c. 6. de procur. in 6.* quorsum forsitan respexit *A. B. c. 19.* vnde & in electione imperatorum plures legati non simul admittuntur, sed vnus tantum. Effectus huius clausulæ est, quod alter absque altero procedere possit, & vno negotium inchoante, reliqui se intromittere nequeant, nisi ille impediatur, vel recuset causam dirimere *c. 8. de offic. & pot. iudic. deleg. in 6.* vel si adiecta sit clausula: *quod non melius fieri debeat condi-*

tid occupantis A. B. c. 19. Perpetuata autem iurisdictione ab vno, quod per citationem fit *c. 20. X. de offic. & pot. iudic. del.* eo casu, illo mortuo, perpetrata censetur quoad omnes *c. 8. cit.*

§. VI. Porro (II) huc pertinet clausula *si non omnes potuerint interesse, vt reliqui non impediti procedant* samundsonders/ quæ clausula sua natura conditionalis est. *c. 13. X. de rescript.* Inter est vero, vtrum *indefinite* concipiatur, vt germanice fieri solet, & sic quodcunque impedimentum comprehendit; an vero *definite*, v. c. *si non potuerint &c.* quo casu tantum *inevitabilis necessitatis articulus* comprehensus censetur *c. cit. 13.* siue sit impedimentum *facti*, siue *iuris*, adeoque casus *voluntatis* haud comprehenditur, qui tamen priori casu comprehensus censetur *c. 21. X. de offic. & pot. iud. deleg.* Inde impeditus hoc denunciare debet suis concommisariis *c. 13. cit.* alioquin si reliqui procedant, vbi de impedimento eis non constat, nulliter procedunt *c. 16. de offic. & pot. iudic. deleg.* E contrario vbi de impedimento constat, reliqui adeo soli procedere possunt, vt subdelegatum impediti admittere haud teneantur *c. 34. X. eod.* Huius clausulæ quoque hæc virtus est, vt si vnus ex commissariis tanquam suspectus recusetur, concommisarii de causa suspicionis cognoscere,

valeant *c. 4. de off. & pot. iudic. deleg. in 6.*

§. VII. Quod negotia ipsa concernit, vel delegantur ad *totam causam*, vel ad *partem*. Priori casu rursus vel *definite* vel *indefinite*. Illud contingit, si modus procedendi præscriptus veluti, ut procedant *de simplici & plano, sine strepitu iudicii & figura clem. sape de V. S. c. 13. 26. X. de iudic. c. 25. X. de accus. c. 43. de elect. in 6. vel sola veritate facti inspecta* vid. B. Dn. Stryk. *de iudic. princ. ad solam facti. verit. §. 7. seqq.* Addi etiam solet clausula *remota recusatione*, quo casu tamen aperta suspitionis causa non censetur, exclusa Guil. 1. *obf. 33. n. 5.* Item *remota appellatione*, quæ omnem subdelegationem impedit *c. 27. X. de offic. & pot. iud. del.* vid. Brunnem. *diff. de rescript. princ. appell. remov.* Si indefinite causa est commissa, forma ordinaria iuris est servanda *c. 13. X. de offic. & pot. iud. del.* unde & de exceptione, sub&obreptionis delegatus cognoscit Gonzalez ad *c. 20. de rescript. n. 11.* & sententiam suam exequitur. Posteriori casu stricte commissionis limites servandi sunt *c. 40. eod. c. 37. eod.* veluti si tantum dentur ad amicabilem compositionem, ad nudam notionem, cum vel sine voto, vel tantum ad executionem.

§. IIX. Expirat delegatio (1) revocatione re integra facta *c. 6. eod. in 6.* vel re non integra, si

si sibi potestatem reuocandi reseruauit *c. 7. cod. in 6. (II.)* morte delegantis vel delegati, re adhuc integra *c. 14. X. de offic. & pot. iudic. del.* vel eius, contra quem commissio impetrata *c. 36. X. de rescript. (III)* recusatione suspecti *c. 17. & 25. X. de offic. & pot. iud. (IV)* facta exemptione *c. 9. cod. (V)* lapso tempore, nisi prorogatio partium accesserit *c. 4. X. eod.*

MEMBRUM III. DE ARBITRIS.

§. I.

INter *extmordinarios* iudices quoque referendi sunt *arbitri* consensu litigantium assumpti, vt eorum sententia controuersia decidatur. Hi sunt vel *voluntarii* vel *necessarii*. Illi pro litigantium arbitrio recipiuntur, mediante compromisso, quales olim erant Episcopi ad controuersias decidendas a partibus assumpti. vid. Sam. Basnage *tom. II. annal. diff. de tribunal. eccles.* Hi vero sunt, qui ex legis necessitate constituuntur, veluti ad cognitionem de recusatione suspecti *c. 39. de offic. & pot. iud. deleg.* vel ad controuersiam religionem concernentem per Instr. P.

§. II. Recipiuntur arbitri consensu solo interueniente, nec de iure canon, *iuramentum*

ex-

excluditur *c. 2. & 9. X. de arbitr.* In quo recessit a iure civili *Nov. 52. c. 11.* adeoque habiles iudicandi, in quos partes consenserunt, licet alias recusari potuerint, veluti quod mulieres sint, modo iurisdictionem patrimonialem habeant *c. 4. X. de arbitr.* vel iudices ordinarii *c. 5. X. h. t.* Speciatim tamen compromitti nequit in laicos quoad causas ecclesiasticas *c. 8. tr.* nisi (α) coniunctim cum clericis in eos arbitrium dirigatur *c. 9. 2. eod.* vel [β] causa mere temporalia concernat.

§. III. Cum compromissum lubrico & incerto eventui exponat controuersiam, tantum compromittere possunt domini rerum suarum; non administratores bonorum ecclesiasticorum, aut syndici, nisi speciale mandatum habeant, imo nequidem Episcopi aut Prælati sine consensu capituli, si lis de rebus ecclesiæ mota fuerit. Ex eodem fundamento quoque fluit, quod compromitti nequeat [1] de *causis matrimonialibus*, quatenus transactionem respuunt; facilius de sponsalibus *c. 2. X. de sponsal.* [2] de *beneficiis ecclesiasticis* prælaturis vel Parochiis. [3] de iis, quæ priuilegiatum iudicem habent *c. 8. de priuileg. in 6.* quippe quæ non subsunt priuatorum arbitrio.

§. IV. Compromitti solet in vnum vel plures. Posteriori casu eadem obseruanda, quæ

quæ de commissariis antea adducta, cum æque recipi possint cum clausula *samt und sonders* vel *samt oder sonders*. In hoc diuersitas superest, quod ubi *simpliciter* accepti sunt, vno impedito vel recusante, reliqui valide procedere possint contra iuris ciuilis dispositionem *c. 2. de arbitr. in 6.* Consultius vtique est, vt impares numero assumantur, *c. 1. X. b. 1.* interim si pares assumti sunt & inter se discordent, eligere tertium haud possunt, vtut compromisso hoc esset comprehensum *c. 12. X. b. 1.* Similiter nec substituendi facultas eis competit, nisi compromittentes hanc quoque facultatem eis indulserint *c. 13. X. b. 1.*

§. V. In genere potestas arbitrorum restricta est ad terminos compromissi, & sic tantum de causa decernunt, ob quam assumti sunt *c. 6. X. b. 1.* & quidem modo præscripto, adeoque coram eis reconuentio fieri nequit *cit. c. 6.* Si modus non præscriptus, formam iuris sequi debent, adeoque laudum eorum nullum est, latum contra rem iudicatam *c. 11. X. b. 1.*

§. VI. Laudo arbitrorum præcise standum est *c. 33. C. 2. q. 6.* nulla admissa appellatione, nisi ab arbitris iuris *c. 11. de offic. & pot. iud. deleg. in 6.* In hoc differt ab arbitrio arbitratorum, a quo conceditur *reductio ad arbitrium boni viri l. 76. seqq. pro soc.* quæ est
illa

illa ipsa actio, quæ ex negotio quod alterius arbitrio commissum est, fluit. Vires tamen suas amittit, si (1) contineat peccatum *c. 23. X. de iurei. c. 2. X. b. t.* de quo cognoscit iudex ordinarius. (2) Si sit contra formam compromissi, *c. 52. de elect.* (3) aut iuri repugnet *c. 7. X. de confirm. util. vel inutil.*

§. VII. Extinguitur compromissum I) morte vnius ex compromittentibus *c. 10. & f. X. b. t.* nisi in heredes conceptum sit. II) morte arbitri, quia personæ industria electa censetur III) lata sententia IV) transactione vel moto concursu V) lapsu temporis, nisi prorogatio compromittentium accesserit.

MEMBRUM IV. DE POSTVLANDO.

§. I.

Iudicium non tantum constituitur ex personis iudicantibus sed etiam litigantibus: Pro his alii interuenire solent vel postulando vel procurando. Postulare est desiderium suum vel alterius in iudicio proponere, vel alterius desiderio contradicere.

§. II.

§. II. Postquam ecclesiarum bonis & iuribus abundare cœperunt, de aduocatis quoque cogitatum est. In *cod. can. Afric. eccl. c. 97.* ita ea de re cautum: *Placuit etiam, ut petant ex nomine prouinciaram omnium legati percelluri, Vincentius & Fortunianus a gloriosissimis Imperatoribus, ut dent facultatem, defensores constituendi scholasticos, qui in acti sunt, vel in munere defensionis causarum, ut more sacerdotum prouinciae iidem ipsi, qui defensionem ecclesiarum suscepimus, habeant facultatem pro negotiis ecclesiarum, quoties necessitas flagitauerit, vel ad obfistendum obrepentibus, vel ad necessaria suggerenda, ingredi iudicum secretaria.* Res ex voto cessit, & ecclesiis advocati dati sunt, vti constat ex *l. 38. C. Theod. de episc. eccl. & cler.* quæ paulo post lata est. Neque enim muneri clericorum conuenire videbatur, causas ecclesiarum in iudicio peragere. Ab his tamen aduocatis omnino distinguendi sunt, qui defensionem ecclesiarum contra vim imminentem armis susceperunt, de qua aduocacia agit Anton. Matthæi *de nob. lib. II. c. 29.* vbi etiam de prioris generis aduocatis agit. *Conf. Obseruat. 18. ad Petr. de Marca lib. I. de C. S. & imper. c. 12.*

§. III. Sed tempora sequentia mutarunt mores clericorum. Equidem interdictum clericis, etiam in minoribus ordinibus constitutis, ne coram seculari iudice causas se-

C

cula-

culares orarent *c. I. & fin. b. t.* Propriam tamen suam causam vel ecclesie suae vel miserabilium persequi non prohibentur *c. I. X. b. t.* quod priscis temporibus aduersatur, Monachi & canonici regulares itidem admittuntur pro vtilitate ecclesie & monasterii sui, sed non nisi ex precepto abbatis *c. 2. X. b. t.*

§. IV. Satis utique graue est munus ministrorum ecclesie, vt merito a postulando arceantur etiam in ecclesiis protestantium. Imo hoc adeo extensum est in Saxonia alibique, vt ne quidem ludimoderatores, & æditui admittantur Carpz. *lib. I. Iurispr. eccl. def. 89.* Similiter quoque clerico interdictum est Tabellionatus munus *c. 8. X. de cler. & monach.* Interim si Notarius antea publice creatus esset, suo modo adhiberi posset ad illa, qua a Notariis sunt expedienda, Brunnem. *in iur. eccl. L. I. c. 8. m. 10. §. 9.* modo rerum ciuiliū peritus fuerit, alioquin partibus ad interesse tenetur, quod etiam de ædituis dicendum est. Dn. Stryk. *in not. ad ius eccl. Brunnem. cit. l.*

MEMBRUM V.

DE PROCVRATORIBVS ET SYNDICIS.

§. I.

PROCURATOR est, qui negotia aliena iudicialia mandato Domini, vel qui pro Domino habetur, administrat & suscipit. Estque vel generalis qui ad agendum & defendendum ac generaliter ad omnia constitutus est: vel specialis, cui certa tantum causa commissa. Ille licet maiorem habeat agendi licentiam, admitti tamen non debet ad aliquem articulum in quo speciale mandatum exigitur, nisi aliqui de articulis speciale mandatum exigentibus specificati fuissent, adiecta, clausula generali, quia tunc ad non expressa etiam admittitur c. 4. de procur. in 6. Porro uterque potest dari vel cum libero vel fine. Ille etiam ea peragere potest, quæ mandatum speciale requirunt c. 4. in f. cit. modo probabile ex circumstantiis sit, dominum, si præsens esset, idem facere velle, quo iure etiam hodie utimur.

§. II. Constituunt procuratores domini causarum maiorennes; imo etiam minorennes in causis beneficialibus & spiritualibus c. f. de indic. in 6. Habentur etiam pro dominis Episcopi & Prælati, ob ius in sacra; c. 9. X. de procur. Nudi administratores ecclesiarum eadem potestate non pollent, sed potius hi, qui repræsentant ecclesiam, Syndicum constituunt, qui regulariter ab universitate constituitur, quamvis de iure

canonico hæc diuersitas haud attendatur c. 7. & 9. X. *cod.* Excluditur excommunicatus, qui ad agendum procuratorem dare nequit, bene ad defendendum. Vid. tamen c. f. b. r.

§. III. Qualitates procuratorum de iure canonico sunt: (1) vt sint *maiorennes* c. 6. in f. b. r. in 6. quod de iure ciuili dubium. (2) *Integra fama*, si clericorum causas agere vellent Engel in coll. Iurid. b. r. n. 7. (3) *haud excommunicati* c. 7. X. *de iudic.* quo intuitu etiam hæretici arcentur, quod tamen ad tres religiones in imperio per I. P. approbatas extendi, & ita aduocatis & procuratoribus eo nomine inhabilitas opponi nequit, vid. I. P. art. V. §. 35. (4) *Laici*, etiam in causis spiritualibus c. 1. b. r. in 6. Clerici non admittendi eadem ratione, qua a postulando arcentur. (5) *masculi*. Abbatisa in causa cœnobii admittitur c. 4. X. *de confirm. util. vel inutil.* quamuis eo casu magis officii nomine quam procuratricis agat.

§. IV. Si plures sunt simpliciter constituti, de iure canonico *coniunctim* censentur dati, vt alter sine altero non possit admitti c. 6. de *prot. in 6.* exceptis causis electionum & postulationum *cit. c. 6.* Ast plures Syndicos, simpliciter datos, *in solidum* constitutos censeri volunt, quod ius ciuile quoad hos non correctum sit, Carpz. P. I. Decis. 16. Schilt.

pr. iur. Rom. ex. 10. §. 53. Verum hanc differentiam non agnoscit ius canonicum, quod non adeo distinguit inter Procuratores & Syndicos *c. 7. & 9. X. b. t.* Conf. B. Dn. Stryk in *Vf. mod. tit. quod cuiusu. vniu. nom. §. 12.* Tunc vero alter absque altero recte procedit, si dati sunt cum clausula *in solidum*, quo casu præfertur, qui per litis contestationem dominus litis factus est. *c. 6. b. t. in 6.*

§. V. Constitui potest procurator tam in *secularibus* causis quam *ecclesiasticis*, & sic etiam in matrimonialibus. *c. 10. X. b. t.* Quia tamen hæ criminalibus æquiparantur, litis contestatio per procuratorem non admittitur, quo ex gestibus vultu aliisque indiciis veritas erui possit. Brunnem. in *iur. eccl. lib. III. c. 3. §. 1.* Sic etiam in criminalibus, si criminaliter agitur, procurator admitti nequit *c. 15. & 16. de accus.* nisi tantum de punctis incidentibus agatur.

§. VI. Constituitur *mandato* etiam *tacito* *cl. 1. b. t.* tam in iudicio ad acta, quam extra iudicium, secundum formam & stylum cuiusque curiæ. Absque mandato comparens regulariter non admittitur *c. 1. X. b. t. c. 12. cod.* adeoque exceptio *illegitimationis* semper opponi potest. Constitutus ita procurator fit *dominus litis*, etiam de iure canonico *c. 6. b. t. in 6.* inde substituendi facultatem habet, nec facile reuocari potest

c. 2. h. t. in 6. Sed totam litem peragit, imo & appellare debet, appellationem autem persequi non tenetur *c. 14. in f. b. t.* secus ac de iure civili, ob dominium litis. Verum hoc dominium litis hodie in praxi vix vsum habere, ostendi *diff. de dominio litis c. III.*

§. VII. Definit potestas procuratoris per *reuocationem*, tam *expressam* quam *tacitam*. Hoc fit (1) Si Dominus causam per se tractare incipiat, non vero si tantum procuratori assistit *c. 8. de Proc. in 6.* (2) Dato posteriori procuratore *c. 14. X. eod.* Reuocatio tamen ad notitiam iudicis vel aduersarii peruenire debet, alioquin quod reuocatus procurator agit, ratum esse debet *c. 13. X. eod.* excepto procuratore ad contrahendum matrimonium dato *c. 9. h. t. in 6.* Eandem reuocandi licentiam non habet procurator, qui alium con- vel substituit, nisi potestas reuocandi eidem concessa fuerit *c. 3. h. t. in 6.* Quibus modis præterea potestas procuratoris desinat, repetendum ex iure civili.

MEMBRUM VI. DE TRANSACTIONIBVS.

§. I.

Antequam partes ad litem admittantur, ante omnia iudex sollicitus esse debet,

vt

vt partes ad concordiam per amicabilem compositionem deducat *c. 7. D. 90. c. f. X. b. 1.* Vnde hodie ante omnia iudex partes citare debet ad amicabilem compositionem, alias reus opponere solet exceptionem *non tentata amicabile compositionis.* Cogere eos ad illam nequit, nisi vbi scandalum publicum ex lite imminet, veluti si ministri ecclesie odiosas rixas mouent *Mev. p. 3. Decis. 217. & P. 2. Decis. 26. Brunnem. in iur. eccl. lib. III. c. 3. §. 6.*

§. II. Cum vero iura & bona ecclesiastica non subsint libero priuatorum arbitrio, inde quoque transactiones non indistincte, sunt permixtæ. Prælati enim de illis transigere non aliter possunt, quam cum capituli consensu *c. 3. 5. 8. X. b. 1.* quatenus agitur de illis per transactionem alienandis, quemadmodum in terris protestantium eo casu consistorii decretum requiritur cum debita causæ cognitione. Vnde ne quidem Abbates cum conuentu transigere possunt de bonis monasterii, si desit superioris consensus *c. 8. X. b. 1.* nisi essent Abbates *insulati, & exempti* qui episcopalia exercent.

§. III. Similiter super beneficio ecclesiastico vel officio sacro, in litem deducto, transactio reprobata est, tum ob labem Simonie *c. 7. X. b. 1.* tum ne vitiosus hoc modo in beneficia detur ingressus, quæ vltima ratio etiam admitti potest apud Protestantes, quia

officia sacra non subsunt priuatorum arbitrio. Alia est ratio iuris patronatus, quod priuati iuris est. De *decimis* non idem receptum de iure canonico per *c. 2. X. b. n.* quod de *ecclesiasticis* accipiendum: *Laicales* enim itidem sunt priuati arbitrii.

§. IV. A transactione differt *pactum simplex remissorium*, quod in causis beneficiorum facilius quam transactio admittitur, quia gratis fit, cum transactio non possit fieri, nisi dato aliquo vel remisso vel retento *c. 6. in f. b. t.* Parem tamen vim habet, cum pacta nuda hoc iure plenam efficaciam obtinuerint *c. 1. & 3. X. de pact. c. 8. C. 20. q. 1. c. 30. C. 18. q. 2.* Urget quidem Zieglerus in *prælect. ad ius can. c. 1. cit. in cit. textu* agi de *transactionibus*: Verum cum, ubi ius civile rigorem habet, ius canonicum ab eo recedat, & conscientix solum rationem habeat, admodum probabile est, hoc ius nunquam pactis nudis efficaciam subtraxisse, quo iure etiam hodie vtimur.

MEMBRUM VII. DE CITATIONE.

§. I.

Initium iudicii merito hoc iure habenda est **CITATIO** per *c. 20. X. de offic. & pot. iud. del.* quam-

quamvis Pontifex in c. 19. X. eod. ius Romanum antiquum secutus, litis contestationem initium iudicii esse voluerit. Sed prior sententia magis principiis fori nostri congruit. Consistit hæc in legitima a iudice competente ad iudicium facta vocatione litis potissimum peragenda gratia. Admodum necessaria est, ut omitti non possit, *clerm. pastoralis. de sent. & re iud.* nequidem in notoriis. Equidem contrarium colligunt ex c. 8. X. de cohabit. cleric. c. 12. X. de sent. & re iudic. c. 15. de purgat. canon. c. 21. de iurei. Verum hæc referri debent ad processum clericalem, mediante quo eos, quos suppressere voluerunt, inauditos nec citatos condemnarunt, quod a recta ratione, imo a iure canonico antiquo alienum est. c. 2. C. 2. q. 1. Imo ubi per mandata S. C. proceditur, adhuc admittitur exceptio subreptionis.

§. II. Citatio est vel iuris vel hominis. Hæc fit a iudice competente. Illa a lege, quoties certum terminum præfixit, intra quem quis absque ulla alia citatione aliquid peragere debeat *clerm. 2. de pan.* quo pertinet octiduum Saxonicum, oblationi ad iurandum destinatum. Simile exemplum, occurrit in electione Papæ c. 6. X. de elect. & imperatoris per A. B. c. 1. c. 19. ibi: *propria motu etiam non vocati.* Atque hæc sua natura est peremptoria, non item hominis, nisi hoc

C § 3. ex.

expressum vel a lege constitutum fuerit.

§. III. Citatio *hominis* est vel *generalis* vel *specialis*. Illa fit ad totam causam: *hæc* vero ad singulos actus. Illa obtinet in tribunalibus supremis, ne propter locorum distantias sumtus augeantur *c. 5. in f. X. de restit. spo- liat. c. 6. X. de dol. & contum.* qua facta, nulla in posterum ad actus singulos necessaria est specialis citatio. *Hæc* obtinet in iudiciis inferioribus, in quibus facilius citationes insinuari possunt.

§. IV. Specialis est tum *privata* tum *publica*. Illa rursus (1) est vel *solemnis* vel *minus solemnis*. *Hæc* in causis leuioribus & summariis obtinet, & absque scriptura fieri potest: illa vero in scriptis est expedienda. Delegati non nisi in scriptis citare possunt, adiecta copia suæ commissionis *c. 2. de dilat.* (2) vel *verbalis*, vel *realis*, quatenus fit apprehensione personæ, ne aufugiat, quæ etiam in clericis locum habet, si a consistorio iudex secularis imploratur, ut eos apprehendat *c. 15. de sent. excom. in 6.* Plerumque Consistoria destituta sunt manu militari, per quam fiat apprehensio, quod etiam de academiis dicendum est. *Publica* fit per citationem publicis locis affixam, foris ecclesiarum scilicet, si causa sit consistorialis *c. f. X. de dol. & contum.* vel pro cathedra sacra *clm. vii. de for. compet.* quæ in quibusdam ecclesiis etiam in

in *processu desertionis* obtinet, minus tamen, commode. Rectius de iure Saxon. edictalis citatio in trium dominorum territoriis decernitur Carpz. *lib. 3. decis. 62.* vid. Dn. Stryk. *de diff. sponsal. sect. VI. §. 40.*

§. V. Decerni debet citatio a iudice ordinario vel delegato & quidem (1) *intra limites iurisdictionis*, quod etiam in delegatis obtinet, quamvis quoad hoc expresso partium consensu prorogatio ad alium locum fieri possit *c. 11. de rescript. in 6. §. in nullo.* (2) *ad partium instantiam*, hinc præmitti solet *supplicatio* pro decernenda citatione. Vbi tamen iudex ex officio procedere potest, instantia partium non est necessaria. Huc etiam Mev. *p. 6. decis. 6.* refert causas matrimoniales, quando de matrimonio consummando res est, quod tamen dubium. (3) *Sit præterea iudex competens*: Si notorie incompetens, citatus ne quidem comparere tenetur *elem. pastoralis de sent. & re iudic.* (4) *legitimo modo concipiatur*, ubi imprimis necesse est, ut causa, de qualis mota est, exprimatur, quo reo integra sit deliberatio; quo casu ne quidem olim *induciarum deliberatoriarum* amplius dabantur. *c. 2. X. de dilat.* hodie vero eo minus, quo libellus statim citationi adiungi solet. Locum quoque adiiciendus, si citatio a iudice delegato fiat.

§. VI. Vires imprimis citatio accipit

ex

ex legitima insinuatione, facienda (a) per nuncium iuratum, & quidem (b) vel *in faciem* si præsens est citandus, vel si absens, *ad domicilium habitationis* c. 3. X. de dol. & contum. cuius insinuationis documentum (c) actis inferendum est.

§. VII. Hoc modo insinuata citatio operatur obligationem ad comparandum, alioquin contumax in expensas condemnatur, c. 6. X. in f. de dol. & contum. Præterea perpetuat iurisdictionem tum ordinariam c. 19. X. de for. compet. tum delegatam c. 20. X. de offic. & pot. iud. deleg. operatur præventionem & litispendentiam, impedit mutationem libelli &c.

MEMBRUM IIX.

DE LIBELLI OBLATIONE.

§. I.

LIBELLUS stricte denotat *scripturam*, qua actor tum ipsum factum, tum causam agendi, apud adiecta conclusionem, secundum naturam actionis demonstrat. Et hic in processu ordinario statim ab initio offerendus, & adversario edendus: alioquin obstat exceptio non communicati libelli c. 1. X. h. t. In summaris, qualiscunque actoris propositio sufficit, & hoc

hoc intuitu in *clem. sape de V. S.* libellus in his non exigitur.

§. II. Ita concipiendus est libellus, ut de genere actionis intentatæ inde constare queat, quamvis nimis subtilitates haud attendendæ sint. *c. 6. X. de iudic.* Interim (1) in actione reali res specificè designanda & suis limitibus circumscribenda, *c. 2. X. b. t.* si est iudicium *singulare*; secus si *uniuersale*. (2) *fundamentum* actionis *specificum* & proximum exprimendum; quod in actione personali est *ipsa specialis causa debendi c. 3. X. b. t.* in reali vero illa iuris in re species, ex qua agitur, quamvis hic quoque titulum exprimere utile sit. (3) Conclusio actioni congrua addenda, alioquin si inepta sit petitio, reus absoluitur ab instantia, ut tamen actori adhuc permissum sit, convenientiorem actionem mouere *c. 15. X. de iudic.* refusis tamen actori impensis.

§. III. Olim *articulatim* proponebatur, in causis ordinariis, unde noua seges litium, quæ ansam dedit generatim articulatos libellos abrogandi, seruatò eorum vñ in accusationibus. Vnde nec in consistorio libellus articulatus admittitur B. Dn. Brun, neman. *in iur. eccles. lib. III. c. 2. §. 2.* Clausulæ quoque variæ iis adiungi solent, quæ pleræque otiosæ, quamvis clausulam salutarem mirifice commendare soleant, quæ sane est
an-

antiquissima, vti apparet ex *c. 2. X. de ordin. cognit.*

MEMBRUM IX. DE MUTUIS PETITIONIBUS.

§. I.

Libellus est duplex vel *conventionalis* vel *reconventionalis*. Reus enim ab actore conventus actorem coram eodem iudice reconuenire potest, ex ratione civili, quæ repetitur in *c. 1. C. 3. qu. 8.* Siue connexa sit causa, siue non connexa, adeo ut clericus laicum in foro suo conueniens, ibidem reconueniri possit. Proinde requisita ordinaria libelli hic quoque obseruanda.

§. II. Locum habet reconuentio, siue coram iudice *ordinario* siue coram *delegato* agatur, *c. 1. X. h. t.* adeo ut commissarius eundem procedendi modum in reconuentione obseruare debeat, qui ipsi præscriptus est quoad reconuentionem *c. 2. X. h. t.* modo ad instantiam partis datus fuerit commissarius Gonzalez. *ad c. 1. h. t. n. 10.* Coram arbitris autem reconuentio locum minime habet, *c. 6. X. de arbitr.* quemadmodum reconuentio quoque coram eo iudice fieri nequit, qui speciem illam iurisdictionis
non

non habet, ad quam causa spectat *c. f. X. de iudic.*

§. III. Admittitur reconuentio in omnibus causis etiam summariis, *clem. saepe. d. V. S.* imo & in appellatione extraiudiciali, quæ primæ instantiæ beneficium non adimit, sicut *iudicialis*, ob quam causam in hac admitti nequit. Locum vero alias non habet (1) in causis celerrimæ expeditionis, ut in causa spoli, nisi rursus de spolio reconuentio instituat *c. f. X. de ordin. cognit.* (2) criminalibus *c. 1. C. 3. q. 11.* Neque enim relatione criminum sed innocentia se reus purgare debet.

§. IV. Habet reconuentio non tantum effectum *prorogationis*, sed etiam *simultanei processus*, ut ordine succesivo utraque causa simul agatur. *c. 1. X. b. t.* modo in ipso litis exordio h. e. ante litis contestationem proponatur; si post illam proponitur, admittitur quidem quoad effectum prorogationis, & eum in finem cautio præstanda est, sed simultaneus processus cessat *c. 3. de re-script. in 6. clem. saepe de V. S. vers. verum.* & separatim de illa agitur. *c. 2. X. de ordine cognit.* Porro hæc reconuentio adeo fundata est, ut in eius præiudicium actor conventioni amplius renunciare non possit.

MEMBRUM X.

DE LITIS CONTESTATIONE.

§. I.

Proximum est, ut actione proposita, reus ad causam respondeat, si exceptiones dilatorias nullas vel non fundatas habeat, nec peremptorias litis ingressum impediennes, de quibus suo loco. Inde *LITIS CONTESTATIO* necessaria, quæ consistit in responsione idonea rei ad causam principalem facta *animo litem contestandi*, atque adeo necessaria est, ut sine illa ad ulteriora progressus fieri, & sententia ferri nequeat, nisi hæc facta fuerit. *c. 1. seqq. ut lite non contest.* In *summaris* causis quidem hæc non exigitur *in clem. sæpe de V. S.* quod tamen tantum ad *solemnem* restringendum, ut in illis sufficiat qualiscunque contradictio. In *notariis* plane illam excludunt, sed absque fundamento. Aliud dicendum, si in causa principali quædam quæstio *incidenter* tractatur *c. f. X. de offic. iud.*

§. II. Dixi responsionem fieri debere, *animo litem contestandi*. Nam nulla inducitur L. C. (r) si simpliciter opponitur exceptio peremptoria litis ingressum impediens *c. 2. de L. C. in 6.* ubi sæpe factum proponi debet *pro nuda*.

nuda informatione iudicis. (2) Si simpliciter offerantur positiones cum iuramento dandorum *c. vn. X. b. t.* quæ magis inuentæ sunt ad litis contestationem generalem declarandam.

§. III. Potest L. C. de iure canonico fieri *generaliter* ; specifica non præcise requiritur, bene tamen iuxta recessum imperii novissimum. Vnde inuentæ sunt *positiones*, iure canonico approbatæ in *clem. sepe de V. S.*, quæ viam parant ad probationem, vt scilicet inde constare possit, quid ab actore probandum sit. Potissimum eorum vsus ibi necessarius est, vbi specialis litis contestatio non præcise facienda est. Et ita iuramentis vtrique præstitis, adhuc salva est probatio super positionibus, a reo negatis, nisi ipsa via probandi per positiones suscepta fuerit, quod alicubi receptum est.

§. IV. Tempus litem contestandi in iure canonico non est definitum, adeoque *eventualis* litis contestatio, in primo termino facienda, hic non requiritur, quod tamen in *R. I. noviss.* correctum. Nec refert, vtrum per ipsum principalem, an procuratorem fiat, quamvis in matrimonialibus in foris protestantium litis contestatio per procuratorem non admittatur. Idem dicendum de criminalibus criminaliter intentatis.

§. V. Ceterum quod frivolarum litis contestationes negatiuæ in iure canonico non

D

puni-

puniantur, non adeo mirandum est, postquam *generalis* eo iure admittitur, sub qua omnis friuola negatio occultatur. Ast ubi *specialis* hodie requiritur, pœnæ mendaciorum non essent negligendæ. Vid. Dn. Berger in *elect. proc. Saxon. tit. 16. obs. 2.*

MEMBRVM XI. DE IVRAMENTO CAL- VMNIÆ.

§. I.

AD illa, quæ in ingressu litis faciendæ sunt, pertinet etiam *IVRAMENTVM CALVMNIÆ* generale, a Iustiniano introductum, & iure canonico approbatum. Intentio Iustiniani fuit, iuramenta *malitia*, quæ in vna causa multiplicabantur, tollendi, & loco eius *generale*, ad totam causam præstandum, exigendi. *Nov. 49. c. 3. §. 1. auth. Hoc sacramentum C. de iurei. propt. calum.* Sed ius canonicum in alia omnia iuit, sanciendo, post generale præstitum adhuc speciale exigi posse *c. 2. §. f. b. t. in 6.* unde praxis hodierna extra Saxoniam orta est.

§. II. Non tamen hoc iuramentum est de substantia iudicii, neque enim præstandum est, nisi exigatur a parte vel a iudice ex officio *c. 1. b. t. in 6.* Est enim iuramentum
le-

legale, & sic a iudice *ex iusta causa* quoque remitti potest.

§. III. Præstant hoc litigantes in *exordio litis* c. 1. b. t. in 6. & sic ante litem contestatam, tam in prima, quam in secunda instantia, quamvis in prima iam iuratum sit c. 2. b. t. in 6. tam ipsimet principales, quam eorum procuratores & aduocati c. 6. X. b. t. c. 2. b. t. in 6. Possunt etiam principales hoc iure iuramentum calumniæ præstare, per procuratorem, speciali mandato instructum c. 4. X. b. t. c. 3. b. t. in 6. quod a ratione iuramenti alienum est.

§. IV. Liberantur tamen a præstatione huius iuramenti (I) clerici causas ecclesiæ suæ agentes c. 1. X. b. t. Aliud est, si causas proprias agant c. 5. X. b. t. (II) aduocati fisci, quod tamen nullo iure fundatum est, (III) consilarii principum, qui causas eorum agunt per R. I. de anno 1654. §. 43.

§. V. Olim excipiebantur causæ spirituales, in quibus exigere non poterat c. 2. X. b. t. quod correctum est, in c. 1. in f. b. t. in 6. nam & in summariis exigere potest clem. saepe de V. S. adeo vt si illud recusetur, actor causa cadat, reus vero pro confesso habeatur c. f. in f. X. b. t. quod in causis ecclesiasticis limitatur, vt tendat in rei præiudicium, actori vero nullum ius inde acquiratur.

MEMBRUM XII. DE DILATIONE ET FE- RIIS.

§. I.

DILATIONES sunt tempora, ad actum quendam iudicalem peragendum destinata; nam dantur etiam extraiudiciales, quæ huc non spectant. Aliquando tantum spatium temporis complectuntur, intra quod aliquid peragendum est, quoties ab vno litigantium tantum quid peragendum; quandoq; certus præstituitur terminus, si vtriusque litigantis præsentia necessaria est.

§. II. A fine olim distinguebantur in citationes & deliberatorias: posteriores tunc necessariae erant, si per citationem de causa ipsa reus non satis informatus erat; alioquin hæ non ulterius indulgendæ c. 2. h. 1. quod hodie generaliter observatur, postquam citationi libellus includitur. Huc etiam pertinent probatorias, quæ sua natura sunt peremptoriae, & consequenter illis lapsis, melior probatio amplius iniungi nequit.

§. III. Porro dilationes sunt vel iudiciales vel legales. Hæ a lege sunt determinatæ, possunt tamen arctari & prorogari a iudice, iuxta ex causa c. 15. X. de sentent. & re iudic.

iudic. c. 57. de appellat. c. 24. in f. X. de offic. & pot. iud. deleg. & hoc intuitu etiam arbitrarie dicuntur; nisi forsan precise præscriptæ fuerint. Illæ a iudice determinantur, ubi a lege haud reperiuntur determinatæ, & quidem secundum locorum distantiam, personarum & negotii qualitatem. c. 5. X. de appellat.

§. IV. Officium iudicis est in concedendis dilationibus (1) ne nimis breues aut longas concedat, alioquin appellationi locus est *c. 4. X. h. t.* (2) ne ultra tertiam concedat absque solennitate legali *c. pen. X. de testibus*, quamvis secundum *R. I. nouiss. §. 50.* tertia non sit concedenda absque iuramento, nisi de impedimento iusto aliunde satis constet. (3) ne absque causæ cognitione eas indulgeat, nisi pars altera sponte in eam consenserit.

§. V. Differtur quoque iudicium ipso iure per *FERIAS*, quæ sunt *dies ab actibus iudicialibus vacui*, adeo ut si terminus comparitionis in eas incidat, iustam inde quis habeat exceptionem feriarum. Est vero differentia feriarum *diuinarum & humanarum*, quod in illis, etiam partibus consentientibus, nullus actus iurisdictionis contentiosæ celebrari possit; nisi necessitas urgeat, vel pietas suadeat; bene tamen in his, si id ipsum partium voluntate fiat *c. f. X. de feriis*, vel si

personarum citatarum tempore harum feriarum, haud sint occupatae c. f. X. de iudic. Hæc observatio hodie maxime ibi locum habet, ubi iudicia eo tempore haud sunt clausa, quod contingit in iurisdictione Academica.

§. VI. Ceterum ipsas ferias divinas, ne quidem excepto die dominico, non iudaico more esse observandas, ut præcise ab omni opere abstinenceatur, patres antiqui censuerunt, uti constat ex c. 12. de consecrat. D. 3. & c. 11. C. 26. qu. 5. Conf. Concil. Laod. c. 29. Concil. Aurel. III. c. 21. & 29. Unde etiam actus, qui sunt voluntarie iurisdictionis, in iis fieri possunt, & alia negotia, quæ aliis diebus ita commodè expediri nequeunt c. 3. X. de feriis. Admittunt etiam illa, quæ quandam rationem pietatis habent, quo pertinent cognitiones de alimentis, de causis spiritualibus, amicales compositiones, vel quæ moram non ferant, ut, impositiones arresti, captura facinorosorum eorumque persecutio. &c.

§. VII. Computantur tamen adhuc feriarum divinarum more iudaico a vespera ad vesperam c. 1. X. de feriis Levit. XXIII. 32. quod intelligendum quoad divina officia & horas canonicas c. 5. D. 75. ceteri dies a media nocte ad mediam noctem, c. 24. de offic. & potest. iudic. deleg. etiam in materiis canonicis.

cis. Vsum hæc observatio præbet in diebus criticis, quales plures in his materiis occurrunt, utpote si quaeritur, utrum quis in mense capitulari, an papali mortuus fuerit? si de anno deseruito quaestio incidit &c. Materiam tamen substratam quoque ratio habenda est, unde sæpe intelligitur, diem nocti opponi, veluti qui ad certum diem citatus est, nocte comparere non debet. *c. 24. X. de offic. & pot. iud. deleg.*

MEMBRUM XIII.

DE ORDINE COGNITIONVM.

§. I.

Non raro contingit, ut lite mota, plures quaestiones & causæ diuersæ incidant, quæ, quo ordine in cognitionem deduci debeant, ante omnia videndum. Et quidem (1) si causæ *principalis* & *preiudicialis* concurrunt in eodem processu, de illa prius cognoscendum, quum ab eius decisione reliqua dependeant. *c. 1. X. b. t.* Sic a quaestione natalium dependet successionis causa, adeoque hæc prius terminanda in foro ecclesiastico *c. 3. X. b. t.* quatenus scilicet, ex matrimonii validitate dependet. Si vero aliunde, etiam in foro seculari peragi potest. Porro si actoribus opponitur exce-

ptio excommunicationis, de hac prius cognoscendum *c. 19. X. de iudic.* Si dubitatur, an delinquens sit clericus an laicus, quaestio status prius discutienda est in iudicio ecclesiastico *c. 12. de sent. excommun. in 6.* Limitatur tamen hæc sententia, nisi causa spoli vel momentaneæ possessionis concurrat, quæ prius terminanda in foro seculari, licet causa præiudicialis ad ecclesiasticum forum pertineat *c. 7. X. qui fil. sint legit.*

§. II. Porro (II) si duæ causæ diuersæ, sese inuicem non contingentes, concurrant, si quidem sint *ciues*, distinguendum, vtrum per modum *actionis* vtraque proponatur, an altera per modum *actionis*, altera in vim *exceptionis*. Priori casu vel *separatim* vtraque proposita, & separatim de vtraque cognoscitur; diuerso processu, vt tamen reconuentio super spolio facta sistat conuentionem: *c. f. X. b. t.* vel per modum *reconuentionis*, & tunc vicissim sunt tractandæ, & simul eadem sententia terminandæ. Posteriori vero de *exceptione* prius cognoscendum est, si cognitionem causa principalis remoratur, qualis est exceptio *spolii c. 2. X. b. t.* vel si exceptio criminis & inhabilitatis obiicitur. Hoc casu intendit reus tantum, vt actor ab agendo repellatur, ergo, probato crimine & spolio, nec fit executio in spolio, nec pœna decernitur

nitur ; quod secus est, si per modum *actionis* spoli causa ventilatur.

§. III. In causis *criminalibus* itidem distinguitur, utrum utraque causa sit criminalis, an vero altera civilis, altera criminalis. Priori casu maior minori præponitur *l. 54. de iudic.* quæ regula etiam posteriori casu obtinet, quatenus causa criminalis ut maior præponi debet *l. 33. C. ad L. Int. de adult.* nisi decisio criminalis ex civili dependeat *l. 1. C. de appellat.* vel actione spoli agatur, cui criminalis accusatio, a reo mota, moram iniicere haud potest. *c. 6. X. de restit. spoli.*

§. IV. Hæc de ordine cognitionum: sed de *foro* quoque quædam quandoque incidit difficultas, si causa principaliter proposita, in eodem iudicio alia incidat, quæ ad aliud fori decisionem spectat. Hoc casu distinguitur, utrum in causa seculari incidenter emerferit ecclesiastica, tunc iudex secularis de illa cognoscere nequit, sed iudex ecclesiasticus prius eam decidere *c. 5. & 7. X. qui fil. sint legit.* & huius decisionem sequi debet iudex secularis quoad causam principalem *c. 2. de except. in 6.* Si vero causæ ecclesiasticæ incidat civilis, iudex ecclesiasticus de utraque causa cognoscere potest *c. 2. X. de coniug. serv. c. 1. X. qui fil. sint. legit. c. 3. X. de Donat. int. vir. & vxor.* quod priori casu

iudex secularis ratione causæ ecclesiasticæ sit plane *incapax*; posteriori vero iudex ecclesiasticus tantum *incompetens*, qui tamen fieri potest *competens* ratione connexionis. Gonzalez Tellez *ad c. 3. X. h. t. n. 14.* Dn. Stryke *de causa incidente. c. 11.* Sed hæc ratio diuersitatis inter protestantes non debebat admitti, cum nullam inhabilitatem iudicis secularis quoad causas ecclesiasticas agnoscamus, sed tantum *incompetentiam*.

MEMBRUM XIV.

DE CONTVMACIA.

§. I.

CONTVMACIA quoque in processu emergere potest, quæ duobus potissimum modis contingit: (1) si legitime citatus, nec impeditus, haud compareat, (2) si citatus quidem se sistit, sed haud facit, quod facere debebat, veluti litem non contestatur, aut non debito modo &c. Hic adhuc ad appellationem admittitur, non ille.

§. II. Contingit hæc vel a parte actoris vel rei. Si illud, & quidem *ante litem contestatam*, venienti ad terminum reo in expensas condemnatur, reus ab instantia absolvitur, nec actor aliter admittitur, nisi sufficienter

ca-

cauerit de lite prosequenda *c. 1. b. t. in 6.* Si vero *lit. contestata* est, eo casu, auctore contumace, testes recipi & ad proferendam sententiam definitiuam procedi potest. *c. 3. X. b. t.*

§. III. Si reus absens est ante L. C., in expensas condemnatur, & trina facta citatione, immittitur actor in bona eius *c. 1. X. b. t. t. t. X. de qui mittit. in possess. causa rei serv. vel* si bona sint ecclesiastica, hæc sequestrantur. *c. 2. X. b. t.* Verum hic modus puniendi contumaciam rei per immissionem sublatus est per *R. I. de anno 1654. §. 36.* Porro potest reus excommunicari *c. 1. ut lit. non contest.* si aliis remediis locus esse nequeat, *Concil. Trid. Sess. 25. de reform. c. 3.* vnde sine dubio olim in camera bannum contumaciæ originem traxit, per *R. I. cit. l. sublatum.* Planior ratio est, puniendi contumaciam rei, si sub pœna confessi & conuicti citatus, pro confessio & conuicto habeatur.

§. IV. Si post L. C. contumax est, tunc aut auctori probatio incumbit, aut reo. Priori casu iudex super probatione ab auctore facta pronunciat, si vel maxime reus sibi reseruauerit reprobationem; posteriori vero contra reum pronunciat, quia ius actoris ex confessione rei liquidum est,

MEMBRUM XV.

VT LITE PENDENTE NI-
HIL INNOVETVR.

§. I.

HÆc regula per totum processum vsum præstat, adeoque, antequam ad alias processus partes progrediamur, eius vsus & sensus docendus. *LITIS PENDENTIA* inducitur per citationem reo legitime infinuatam, vt citatus de causa ipsa satis per eam instrui possit *Clem. 2. b. t. & durat vsque ad rem iudicatam c. 28. §. præterea X. de offic. & pot. iudic. deleg.* Citatio, quæ fit ad instantiam rei in materia proiocationis ex *l. diffamari vel l. si contendat*, huc non pertinet. Huius effectus est, quod omnia in eo statu durare debeant, in quo fuere lite mota; nihilq; innouari possit.

§. II. Inde (I) lis decidenda secundum iura, quæ fuere tempore motæ litis, non secundum priuilegium lite pendente impetratum *c. f. X. b. t.* (II) rei litigiosæ alienatio prohibita est *c. 3. & 4. X. b. t.* (III) Coniugum alteruter accusatus, ante probatum impedimentum, iure, quod habet in alterum, priuari non potest *c. 2. X. b. t.* nisi in continenti probari queat *c. 13. X. de restit. spol.* Vnde vt maritus interim quoque uxorem, de adulterio accusatam, alere, imo ei sum-

sumtus litis suppeditare debet. Et in genere possessione sua nemo est priuandus.

§. III. Ante omnia requiritur, *vt de statu cause vel rei satis constet*. Sic in possessorio summarissimo, vbi vterque litigantium se possidere contendit, ille, pro quo pronunciat, præfertur in possessione, licet alter remedium suspensuum interposuerit. Licet enim ita adhuc lis super possessione pendeat, hic tamen interim actus possessorios exercere nequit, præsertim cum talis sententia vim suspensiuam non habeat, sed tantum *deuolutiuam*.

§. IV. Quod ergo innouatum, statim reuocandum, non tamen semper *absolute* inuolidum est, si causa in principalem litem deducta per sententiam annulletur. Vbi enim, lite super matrimonio pendente, reus aliam ducit, si illud nullum declaratur, posterius subsistit *c. 18. de sponsal. c. 1. X. de eo qui dux. in vxor. quam poll. per adult.*

§. V. Iusta tamen de causa, lite pendente, innouatio fieri potest, quorsum in primis pertinet *sequestum*, quod a iudice decerni potest, quoties periculum vel *disipationis* imminet, vt in fructibus *c. 2. b. t. vel armorum vel damni irreparabilis*. Hoc intuitu etiam sequestum puellarum & feminarum recte fieri potest, veluti si patris *seuitia*,
me-

metuenda sit erga liberos *l. 3. in f. de lib. exhib.*, si de violentia, filix a parentibus inferenda in matrimonio, suspicio adsit *c. 14. X. de sponsal.* si duo proci de puella litigent *c. 10. in f. de sentent. & re iud. c. 2. & 4. X. de spons. duor.* si vxor, quæ a marito diuertit, opponat exceptionem fœuitiarum *c. 13. X. de restit. spol. &c.* Conf. Dn. Cocceius de *Sequestro feminarum.*

MEMBRUM XVI. DE PROBATIONIBVS.

§. I.

Lite contestata causa omnis ad *PROBATIONEM* deuoluitur, quæ est actus iudicialis, quò iudici de causa dubia in litem deducta ex idoneis argumentis fit fides. Estque duplex, vel *solennis*, quæ fit solenni a iure præscripto modo, vel *minus solennis*, quæ vocari solet *Demonstratio*, & consistit in quali quali & quomodocunque facta fide. Illa in processu ordinario, hæc in summario obtinet, quippe in quo *necessariæ probationes* non negligendæ *clem. sepe de V. S.* quin etiam hæc in antiquis sufficere videtur *c. 13. X. h. t.*

§. II. Probandum est *factum dubium*, ex quo litis decisio dependet. Quæ præsumptionem iuris pro se habent, haud sunt proban-

banda, quia haëtenus pro veris habentur, & sic onus probandi deuoluunt in aduersarium *c. ult. de restit. spol. in 6.* Similiter Notoria non esse probanda colligunt *ex c. 3. X. de testibus cog. c. 3. X. de eo qui cognov. c. 9. X. de accus. c. 15. seqq. C. 2. q. 1. c. 23. X. de elect. c. 21. X. de iurei.* Sed constat, multa dici notoria, quæ non sunt, adeoque prouidendum est, ne quod dubium est, pro notorio habeatur, monente Alexandro III. in *c. 14. X. de appellat.* Quod si ergo negetur notorium, probandam esse volunt *notorietatem non veritatem* & quidem per decem testes. Sed cum notorium allegetur propter rei veritatem, & certitudinem, & quæstio de hac, non de notorio, vertatur, potius in dubio veritas rei probanda. Quin quod factum esse possit notorium, vt tamen circumstantiæ lateant. Conf. Dn. I. S. Stryk. *de Notorio c. II.*

§. III. Porro factum, quod probandum est, consistit vel in *affirmatiua* vel *negatiua* propositione. Illam, non hanc probandam esse asserunt per *c. 11. X. b. t. c. 23. X. de elect.* quod negatiua directo probari non possit, bene tamen per indirectum *c. 35. X. de testib.* vel sit *negatiua iuris*, vel circumscripta loco & tempore *cit. c. 35. c. 26. de testib.* vel sit *negatiua qualitatis c. fin. de presunt. & in X. de scri-*

scrutin. in ordin. fac. Hisce casibus etiam, negativam probandam esse volunt.

§. IV. Verum hæc doctrina non satis coheret. Admitto sententiam, negativam, non esse probandam, quatenus in simplici litis contestatione negativa consistit, quia sic affirmanti, non neganti incumbit probatio. Sed quoties fundamentum actionis, quod ab actore proponitur, in *negativa* consistit, illud æque probandum est ab actore, si dubium sit, nullamque præsumptionem iuris pro se habeat, ac si in affirmativa consistat, cum etiam negativa directo probari possit, docente Dn. Cocceio *Diss. de directa probat. negativa*. Et reuera huc collimant, limitationes adductæ. Sic *negativa qualitatibus* vel ideo probanda, quia in ea actor se fundat, & reus pro se præsumptionem habet. Porro *negativa iuris* itidem probanda, quia actor in ea se fundat & dubia est. Denique *negativam facti* duplicem esse aiunt, vel *facti indefiniti* vel *definiti*; Hanc, quatenus circumstantiis munita est, probari posse, non illam, quatenus absque omnibus circumstantiis proponitur. Verum hoc inde est, quod *indefinita*, non quod *negativa* sit, quia pari ratione etiam *affirmativa indefinita* probari nequit.

§. V. Illi regulariter probatio iniungenda, qui, quod dubium est, in iudicio proponit, unde

vnde tamen decisio causæ dependet, siue actor siue reus fuerit: *c. 8. X. b. t.* aliquando vtrique onus probandi iniungi potest, scilicet in *iudiciis duplicibus*, quoties vterque se in facto dubio fundat, & vterque actoris vices sustinere videtur *c. 3. X. b. t.*

§. VI. Modus probandi varius est. Regulariter est vel *artificialis* vel *inartificialis*. Hic expeditur per testes, instrumenta, confessionem, inspectionem ocularem (quæ etiam in probanda virginitate adhibetur *c. 4. X. b. t.*) imo iuramentum &c. Ille vero desumitur ex facti circumstantiis, quæ suppeditant argumenta probabilia, *presumptionem* quandam inducentia, *c. 2. c. 12. & 53. X. de presunt.* Hic modus tamen plerumque tantum semiplene probat, ille plene.

§. VII. Vnde liquidum est, probationem habere suos gradus, quia fides iuridica quoque gradus admittit. Pro qualitate itaque causæ nunc grauior probatio requiritur, vt in criminalibus, & matrimonialibus: *c. 24. X. de testib.* nunc leuior sufficit, vt in causa alia civili *c. 12. X. de presunt.* imprimis *occulta & antiqua c. 13. X. b. t.* vbi imperfectæ probationes etiam admittuntur.

§. VIII. Terminus, intra quem probatio peragenda, nec iure civili, nec canonico determinatus, sed a iudice pro arbitrio præfigendus, secundum qualitatem causæ &

E

per-

personarum, & distantiam locorum *c. 4. C. 3. q. 3.* nisi actor, non expectata sententia iudicis, probationem sponte susceperit, quo casu probatio eius nullo termino peremptorio coarctatur. Pluribus tamen in foris certus terminus est præfixus, qui tunc præcise obseruandus, & currere incipit ab eo tempore, quo sententia, super probatione lata, in rem iudicatam transierit. Si intra terminum probatorium probatio haud facta, h. e. instrumenta, vel articuli, ad quos testes sunt examinandi, haud oblatis, probaturus iure suo cadit, quo rigore tamen, in causis ecclesiasticis non est utendum. Brunnemann *in iur. eccles. lib. III. c. 4. §. 12.*

§. IX. Facta probatione de viribus eius arbitratur iudex, & pro plene probante pronunciat, sine vlla iuramenti impositione. *c. 2. X. b. t.* Si vterque probauit, quod forsitan reus reprobationem susceperit, tunc, si æqualis vtriusque probatio est, non ad testium multitudinem respiciendum, sed ad eorum qualitatem, & deposita *c. 32. X. de testibus c. 9. X. b. t. c. 57. X. de elect.* Scilicet in depositione videndum, quænam sint verosimiliores; in qualitate, quinam testes fide digniores sint? *c. 45. de R. I. in 6. c. 9. X. b. t.* Quod si probatio vtrinque æqualis est, contra eum respondendum, qui probare debuit, & ita ut plurimum reus absolueudus, nisi causa

fa aëtoris fit fauorabilis, qualis est piz cau-
 fz, ecclefiz, dotis &c. c. 3. X. b. r.

MEMBRUM XVII. DE TESTIBVS.

§. I.

Communitè probatio fit per *teftes & do-
 cumenta*. In *teftibus* refpiciendum im-
 primis ad qualitatem, an fidem facere pof-
 fint, h. e. an poffint veritatem dicere, &
 vtrum præfumentur veritatem dicturi. In-
 de quidam *in totum* inhabiles funt, & pro-
 inde ftatim reiiciendi, quidam vero *fecun-
 dum quid*, qui admittuntur, falua tamen
 exceptione.

§. II. Ius Canonicum fere eosdem repe-
 lit a teftimonio, quos ius ciuile, quosdam
 adhuc addit. Quosdam repellit in totum
 (1) propter *vita turpitudinem* & malos mores,
 quorfum referunt hæreticos, c. 1. X. de hæret.
 (contra orthodoxum fcilicet,) item excom-
 municatos c. 8. de fent. excommun. in 6. c. 5. eod.
 in 6. corruptos c. 9. X. b. r. periuros c. 18. C. 6.
 q. 1. infames c. 39. C. 2. q. 7. c. 1. X. de except.
 quo intuitu audiendus, qui crimen tefti ob-
 iicit, quod probandum in fe fufcipit c. 1. cis.
 fiue caufa fit ciuilis fiue criminalis c. 54. X.
 b. r. Excipiunt tamen (1) crimina atrociora
 c. 31. & 32. X. de Simon. c. 14. X. de præfunt. c. 1.

X. de confess. (2) si testis crimen commisit, quod non infamat, & vitam emendauit, admittitur in causa ciuili, non criminali *c. 54. X. b. t.* nam canones quodcunque peccatum mortale crimen vocant. In hoc apparet differentia iuris ciuilis & canonici. Illo enim testis tantum repellitur, qui ob crimen condemnatus est; hoc vero etiam, si per modum exceptionis obicitur, & adhuc probandum est *c. 13. X. b. t.* Gonzalez *ad c. 54. X. b. t. n. 12.* Imo de iure ciuili non omnes damnati repelluntur, sed iure canonico omnes criminosi inhabiles sunt. Idem *ibid.*

§. III. Quidam (II) repelluntur ob certam *qualitatem* personæ coherentem, ob quam suspecta est, quales sunt [I] testes de familia producentis, nisi essent probatæ vitæ & opinionis *c. 24. X. b. t.* Hoc intuitu parentum quoque testimonium reprobatur, nisi (α) agatur de probanda consanguinitate *c. 5. X. b. t. c. 3. X. qui matrim. accus.* vel (β) liberorum ætate *l. 16. ff. de probat.* (γ) si contra liberos deponant. Huc [II] referuntur *laici*, qui contra clericum, & vice versa, testari nequeunt in causa criminali *c. 14. X. b. t.* [III] *Iudei* contra christianum *c. 26. c. 2. q. 7. bene* tamen vice versa *c. 21. X. b. t.* [IV] *procuratores* & *executores causarum* *c. 6. X. b. t. c. ult. pr. b. t. in 6.* [V] *confessionarius* de eis, quæ ei sunt

sunt reuelata in confessione auriculari *c. 2. X. de offic. iud. ordin. c. 12. X. de penit. [VI] Socii criminis c. 10. & 20. X. b. t.* Reliqua ex iure ciuili supplenda, & proinde nec femina a testimonio dicendo excluduntur *c. 3. & 33. X. b. t. c. 5. X. de adult.* licet iure antiquo canonico ex haud admissæ fuerint *c. 10. §. ult. de Verb. sign. c. 1. C. 15. q. 3.*

§. IV. Testes ad testimonium dicendum euocati testimonium dicere debent, & ad hoc cogi possunt *c. 1. X. de testib. cog.* si vel maxime iurauerint, quod in hac causa testimonium dicere nollent *c. 18. X. b. t.* etiam in causa criminali, vid. Gonzal. ad *c. 5. X. de testib. cog. n. 8.* Inde quoque puniuntur, qui testes impediunt, ne deponant *c. 37. & 46. b. t.* Modus cogendi est arbitrarius, in iure non determinatus; quin etiam quandoque per torturam cogi possunt *c. 7. C. 2. q. 1.* Clerici censuris ecclesiasticis coërcentur. Pœna confessi & conuicti huc non pertinet, nisi causa, in qua dicere testimonium debent, quodammodo ad eos spectet.

§. V. Cogi tamen non possunt (1) qui in ea causa antea fuere iudices *c. 38. C. 2. q. 6.* vel (2) aduocati (3) confessionarii *c. 12. de penit.* qui nec volentes admittuntur Carpz. lib. III. Iurisprud. eccl. def. 25. & qui alias de iure ciuili cogi nequeunt *c. ult. C. 4. q. 2.*

§. VI. Ipsa productio testium facienda legitime, vbi ante omnia factum probandum certis articulis includendum, *c. 42. X. b. t.* qui intra terminum probatorium iudici offerantur, hoc fine, vt testes aduersariumque citer. Citantur vero testes (1) sumtibus producentis, qui illis expensas itineris suppeditare debet *c. 11. in. f. de rescript. in 6.* (II) a iudice competente & quidem clerici a iudice ecclesiastico. Vid. Autorem *h. t. §. 17.*

§. VII. In termino præfixo testes producantur in iudicio, in quo causa principalis peragitur, nisi sint valetudinarii, senes, debilitate confecti, aut paupertate depressi, qui domi possunt examinari. *c. 8. X. b. t.*

§. VIII. Producantur ad minimum duo *c. 5. 10. 23. X. b. t.* multitudo testium refrenanda est. *c. 29. X. b. t.* E contrario vnus regulariter plene non probat *c. 23. & 47. X. b. t.* etiam si magnæ sit auctoritatis *c. 38. b. t.* nisi (1) ob qualitatem causæ plures haberi non possint, vt in *antiquis & occultis*, vt si impedimentum occultum matrimonii probandum *c. 22. X. b. t. c. 12. X. de sponsal.* vel mors *Nov. 117. c. 11.* (2) ob qualitatem testis, quatenus de officio suo deponit *c. 19. X. de appell. c. 54. X. b. t.* (3) ob processus qualitatem, veluti in summarissimo possessorio, si pro defensione vnus testis producat *c. 8.*

§. IX. Citandus quoque est aduersarius, alio-

alioquin receptio testium est nullius momenti. *c. 2. X. b. 1.* Si tamen hic contumaciter abest, nihilominus testes iuramento obstringuntur *c. 2. b. 1.* Ideo autem productioni testium interesse debet, vt possit protestari contra testium inhabilium productionem; alioquin si eos scienter admiserit, publicatione facta, contra eos amplius excipere nequit, nisi iurare possit, quod de inhabilitate ei antea haud constiterit. *c. 31. X. b. 1.* Consulius est, vt sibi contra personas testium quascunque exceptiones generaliter referuet *c. 31. in f. cit.* quamuis hz subtilitates in consistoriis haud attendantur, Brunnem. *in iur. eccl. lib. 3. c. 4. §. 22.*

§. X. Producti testes in termino productionis iureiurando obstringantur, etiam si clerici vel religiosi sint *c. 51. b. 1.* nisi iuramentum pars aduersa remiserit *c. 39. X. b. 1.* Iurent vero testes, *se non odio, neque amicitia, neque pro aliquo commodo, quod habuerint, vel habent, vel habituri sint, ad hoc iurandum indu- tos, & sicut ipsi dicunt, rei veritatem esse c. 5. X. b. 1.*

§. XI. Post examinandi sunt testes, seorsim, remotis partibus a iudice, & quidem (1) sigillatim *c. 52. X. b. 1.* (2) debita adhibita diligentia quoad omnes circumstantias *c. 37. b. 1. c. 52. eod.* vnde etiam super interrogatoriis, quæ pars aduersa produxit, similiter examinandi sunt, Defectum in interrogatori-

is ratione *circumstantiarum* iudex supplere debet. *c. 37. X. b. t.* (3) Deponant testes tantum de eo, ad quod probandum producti, in aliis ipsis non creditur *c. 39. X. b. t.* (4) Dicant rationem scientiæ per illum sensum, corporis, per quem veritas percipienda *c. 27. c. 33. X. b. t. c. 47. eod.* & quidem clare, alioquin denuo examinari possunt *c. 53. X. b. t.* (5) cuncta plene conscribantur a iudice *c. 37. b. t.* & testibus prælegantur, & denique (6) examine facto, testium dicta in publicum monumentum seu rotulum redigatur *c. 42. X. b. t.*

§. XII. Antequam rotulus publicatur, alii possunt produci testes, qui super iisdem articulis examinentur. Ultra tertiam productionem testes non producuntur, nisi adhibita solennitate legali *c. 15. 25. 36. 46. X. b. t.* Similiter etiam reus reprobationem suscipere potest, *c. 26. b. t.* unde de publicatione rotuli protestari debet.

§. XIII. His peractis tandem fit *publicatio attestatorum*, ad petitionem partium, non tertii, *c. 30. X. b. t.* Huius effectus est, (1) quod reprobatio excludatur, nisi iusta causa aliud suadeat. *c. 35. X. b. t.* (2) Sistatur ulterior testium productio *c. 46. X. b. t.* tam in eadem quam secunda instantia *c. 17. X. b. t. clem. 2. b. t.* modo (a) publicatio legitime facta, *c. pen. de probat. c. 45, b. t.* (6) examen debito modo

modo peractum *c. 48. X. b. t.* (γ) super iisdem articulis testes examinandi sint *c. 19. X. b. t.* aliud si super nouis *c. 17. X. b. t.*

§. XIV. Publicatione facta super dictis testium potest disputari *c. 15. X. b. t.* & tandem iudex desuper pronunciat, ponderando tam probationem quam reprobationem. *c. 32. X. b. t.* Atque hæ attestationses in vno iudicio receptæ fidem faciunt in eadem causa & inter easdem personas coram alio iudice *c. 11. X. b. t.* non in diuersa *c. 38. X. b. t.*

MEMBRVM XVIII.

DE EXAMINE TESTIVM EXTRAORDINARIO.

§. I.

Regulariter verum est, lite non contestata, ad receptionem testium non esse procedendum in causa principali *c. 5. X. vt lite non contest.* multo minus ad sententiam *c. 1. X. eod.* ne quidem in causa matrimoniali *c. 4. X. eod.* Ceterum casus quando testes recipiuntur ante L. C. in puncto incidenti, huc non pertinent.

§. II. Extra ordinem tamen in causa principali quandoque testes examinari possunt ante L. C., imo ante motam litem, quod vocant ad *perpetuam rei memoriam c. 5.*

E §

cit.

cit. c. 41. X. de testib. quo præcaueatur ne progressu temporis probatio depereat *c. 41. cit.* & quidem reus indistincte ad hoc examen admittendus est, utpote in cuius potestate non est, quando excipere velit, nisi forsan per modum actionis exceptionem suam proponere possit.

§. III. Actor vero regulariter ad hoc examen haud admittitur, cum actionem movere & ita ordinario modo probationem peragere possit. Ex iusta tamen causa ad hoc examen *extraordinarium* admittitur, (I) si in presentiarum commode agere non possit, vel litis contestatio aliunde impediatur, (II) si de testium morte vel absentia diuturna metus adsit *c. 5. X. ut lite non cont.* modo intra annum actionem moueat, vel saltem receptionem huiusmodi testium denunci- et reo *cit. c. 5.*

§. IV. Facienda est hæc receptio testium coram eo iudice, coram quo controuersia, suo tempore ventilanda est, & quidem eodem modo, quo ordinarium examen testium instituitur. Hinc citandus est aduersarius, ad videndum iurare testes, & ut interrogatoria, si velit, offerat *c. 41. X. de testib.* nisi presentissimum in mora periculum sit *Meu. P. 8. Decis. 261. & 471.* Hoc examen itidem in rotulum conicitur, & demum publicatur, ubi ordinarie probatio fuisset facienda.

§. V.

§. V. Atque hoc obtinet, *cum civiliter agatur*, vt dicitur in *c. 5. cit.* Scilicet in criminalibus requiritur probatio luce meridiana, clarior, & inde ordinarium examen testium necessarium est. Nisi 1) ex crimine civiliter agatur 2) ad instruendam inquisitionem generalem, vel 3) ad defensionem rei. Conf. Dn. Werlhof. *de exam. testium extraord.*

MEMBRVM XIX.

DE FIDE INSTRUMENTORVM.

§. I.

PROBATIO porro instruitur per *INSTRUMENTA publica*. Huc referuntur I) *libri ecclesiastici*, qui fidem de iis faciunt, quæ parochus ratione officii egit Concil. Trid. *sess. 24. de reform. c. 1. inf. vers. habeat Parochus.* II) instrumenta a publicis personis confecta, veluti sigillo capituli munita *c. 5. X. de probat. c. 9. X. b. 1.* modo sigillum integrum sit & instrumentum legibile *c. 6. X. cod.* III) acta publica a personis publicis conscripta *c. 11. X. de probat.* IV) libri censuales in archiuo reperi & a scrinario conscripti *c. 13. X. de præscript.* V) scriptura testibus roborata, modo
re-

testes adhuc viuant, vt manum suam recognoscere possint *c. 2. X. b. t.* VI) Tabellionis instrumentum, vel, si hic decesserit, vt non potuerit ex iis, quæ in nota redacta, sunt, instrumentum facere, à iudice ex protocollo desumptum ad instantiam partium *c. 15. X. b. t.*

§. II. Probant vero tantum I) authentica, non exemplaria inde desumpta, nisi a) in antiquis, b) auctoritate publica transumpta sint, ita vt iudex ordinarius de veritate originalis antea agnoscat, citatis iis, quorum interest, quo casu parem cum originali vim sortiuntur *c. f. X. b. t.* II) nullo vitio aut ratura deprauata *c. 3. 6. X. b. t.*

§. III. Eandem auctoritatem non habent instrumenta priuata, sed tantum contra scribentem probant, modo *causa debendi* in eis expressa sit: si *indeterminate* loquantur, nihil probant *c. 14. X. b. t.* h. e. si vel nulla vel generalis tantum causa debendi expressa sit, nisi aliunde de causa debendi constet. Inter mercatores tamen huiusmodi cautiones valere vulgo receptum est. Brunnem. *cent. 2. decis. 99.*

§. IV. Produci debent instrumenta post L. C. etiam post publicationem attestatorum, vsque ad definitiuæ sententiæ rationem, seu antequam in causa concludatur *c. 9. X.*

X. b. t. modo probatio nullo termino probatorio circumscripta fuerit. Post conclusionem in causa regulariter produci nequeunt, nisi de nouo fuerint reperta *c. 4. X. de except. c. 4. de elect. in 6. vers. alioquin.* vel aduersarius productioni consentiat, vel causa ecclesiastica sit.

§. V. Licet vero testes eandem vim probandi habeant, quam instrumenta, quædam tamen magis probantur per instrumenta, & hæcenus hæc eis prævalent, vt in antiquis & priuilegiis *c. 13. X. de prescript. c. 7. X. de priuil. & quarum fluxa est memoria l. 3. C. si min. se mai. dix.* Interim tamen extra hos casus etiam instrumentorum falsitas per testes potest probari *c. 10. X. b. t. vid. diff. de collis. probat. c. II.*

§. VI. Corruit vis instrumentorum (1) si idem contraria produxerit *c. 13. X. b. t.* si vel maxime cum protestatione posterius produxerit, (2) si aliis vitiis laborent *c. 3. & 6. b. t.* (3) si ab altera parte contrarium documentum producat, quo casu probabiliori standum, vel, si de hoc non constat, contra eum pronunciandum, qui probare debuit. *vid. cit. dissert. c. III.*

MEMBRUM XX.
DE PRÆSUMTIONIBVS.

§. I.

VLterius probatio fit per argumenta artificialia, quæ operantur PRÆSUMTIONEM h. e. probabilem coniecturam ex legitimis indiciis & causæ circumstantiis desumptam. Quemadmodum vero probabilitas suos gradus habet; ita præsumtiones quoque vel summam vel levissimam vel mediocrem fidem operantur. Illa rarissime, isthæc quandoque, hæc vero sæpissime fallit.

§. II. Est hæc vel lege determinata vel non. Illa dicitur *iuris*, quando a lege ei hic effectus tribuitur, ut in dubio pro veritate assumi debeat, absque qua determinatione non est præsumptio iuris, licet forsan obiter in iure allegetur. Talis inducitur ex vita ante acta c. 3. 15. X. b. t. ex præteritis præsumuntur futura c. 6. 9. X. b. t. ex vicinitate præsumitur notitia facti c. 7. 8. X. b. t. qualitas naturalis vel legalis præsumitur inesse c. f. X. b. t. fornicatio præsumitur, si nudus cum uirga reperiatur in eodem lecto c. 12. X. b. t. omnis præsumptio est delicti exclusiua, mutatio non præsumitur &c. De aliis in materia ecclesiastica.

fiastica præsumtionibus vid. Brunnem. *de iur. eccles. lib. III. c. 6. §. 10.*

§. III. Aliquando præsumptio a lege ita determinata est, ut non admittat probationem in contrarium, quam vocant *præsumptionem iuris* & *de iure c. 30. X. de sponsal. c. 7. X. de despons. impub. c. 6. X. de condit. oppos.* quamvis hæc species improprie præsumptio dicatur. Minime tamen huc referri debet *violenta & urgentissima* præsumptio, quale exemplum est in *c. 2. X. b. t.* quæ adhuc admittit probationem in contrarium *c. 1. X. b. t.*

§. IV. Licet vero hæc præsumptio non admittat probationem in contrarium, contra eam tamen in foro ecclesiastico locum habere volunt *denunciationem Evangelicam*, qua utuntur, quando quidē in foro externo quis tutus est, sed salva conscientia ius acquisitum exercere nequit. Trahunt illam ex Matth. XII, 15. seqq. in quo loco tamen doctrina, *de redarguendo fratre* tantum proponitur, non remedium aliquod civile. Ast *denunciatio evangelica* per modum remedii civilis peragitur coram consistorio, seu *iudicio ecclesiastico*, & si denunciatus a iure suo quæsito desistere nolit, excommunicatur, quo ipso omnes res iudicatæ hoc modo rescindi possunt. Admittunt itaque, quamvis male, hoc remedium contra hanc præsumptionem, quod

quod declarat Brunnem. *in iur. eccl. lib. III. c. 6. §. 9.*

§. V. Si præsumptio non est eo modo a lege determinata, dicitur *hominis*, quæ pro veritate non habetur, ut iudex eam in pronunciando sequi possit, sed vel probantem adiuuat, vel facit locum iuramento purgatorio aut suppletorio *c. 2. 3. X. de probat. c. 2. X. de purgat. canon.* Sic fama vicinæ præsumptionem pro matrimonio operatur, plene tamen non probat, nisi aliunde adminicula habeat *c. X. b. t.*

§. VI. In collisione præsumptionum fortiori standum, h. e. quæ maiorem pro se probabilitatis rationem vel iuris favorem habet, qualis est *pro libertate rerum.* Sic etiam generalior præsumptio cedere debet specialiori, quas & similes regulas illustravi *diff. de collis. præsumt.*

MEMBRUM XXI.

DE IVREIVRANDO.

§. I.

Probatio quoque non raro per *iusiurandum* instruitur, vel saltim lis deciditur, quamvis iuramentum præterea de iure canonico variis aliis usibus inseruiat, de quibus post. *IVSIVRANDVM* est religiosa asseveratio, qua in maiorem rei veritatem Deus vocatur
in

in testem & vindicem. Religiosa asseueratio non sufficit, qualis est 1 Cor. XV, 31. in quo loco minus recte Augustinus iuramentum quaerit in c. 2. 4. C. 22. q. 1. Nam praeterea Deus in *vindicem* vocari debet, id quod proinde tot solennibus externis declarari solet, imo ipsis formulis, potissimum in *Iudeorum* iuramentis. Formulæ inter christianos receptæ: *Sic me Deus adiuvet &c.* rem non satis exprimunt, & ad naturam precum simplicium inclinant, quamvis antiquissimæ sint. c. 5. seqq. C. 55. q. 6.

§. II. Cum itaque *sui ipsius deuotio*, quæ iuramentis propria, admodum dura sit, inde iuramentis Salvator obicem posuisse videtur. Et quidem Christiani primitiuae ecclesiae strictè præcepto Salvatoris inhaeserunt: patres seculi V. & seqq. indulgentiores circa iuramenta fuisse, & præceptum Christi *de non iurando* varie explicuere, c. 2. seqq. c. 22. q. 1. docentes, temeritatem iuramentorum a Christo refrenatam, legitimam, *in necessitate*, usum admissum. c. 5. *ibid.* ita ut non sponte præstetur, sed demum ad instantiam alterius in necessitatis casu c. 26. X. b. 1. Si omnes ad Christi regulas mores componeremus, simplici assertioni & negationi stari posset, quippe quæ iuramentis æquipollerent c. 10. C. 22. q. 5. qualem vitam Saluator postulauit, & primi Christiani mo-

ribus expreſſerunt. Aſt cum in alio plane ſtatu viuamus, præceptum illud *de non iurando* ad præſentem ſtatum applicari nequit, quorſum etiam inclinat Pontifex in *c. 26. X. h. t.*

§. III. Ex quo ſuit I) *per creaturas non eſſe iurandum c. 9. ſqq. C. 22. q. 1.* (& tamen Pontificii admittunt iuramentum per *reliquias ſanctorum c. 3. ſeqq. C. 35. q. 6.*) multo minus per falſos Deos, quamvis ab infidelibus tale iuramentum accipere permiſſum ſit, *c. 16. C. 22. q. 1.* & qui ita iurat, periurium committat, ſi fidem frangit *c. 10. C. 22. q. 5.*

§. IV. II) *Temere haud eſſe iurandum*, multo minus in communi loquela *c. 12. C. 22. q. 1.* & ſic *iuramenta extraiudicialia reſecanda forent*, quæ tamen per ius canonicum admodum promota & multiplicata ſunt.

§. V. III) *Formulas iuramentorum, & ſolemnitates eſſe arbitrarias*, modo conceptum iuramenti exprimant, utpote ſi quis iurauerit *bey dem Worte der ewigen Wahrheit*. Interim *ad effectum civilem externum* præſcripta formula & ſolemnitate utendum: hac a laicis ſit per erectionem digitorum; a clericis vero per admotionem manus ſiniſtro pectori.

§. VI. IV) In omni iuramento neceſſarios eſſe hos tres comites: *veritatem, iudicium & iuſtitiam Jerem IV, 2. c. 7. C. 2. q. 1. c. 26. X. h. t.* Veritas quidem, ut periurium euitetur; iudicium,

ut

vt iurans intelligat vim iuramenti & materiam de qua iuratur: *iustitia*, ne de re illicita iuretur, & iuramentum fiat vinculum iniquitatis.

§. VII. Quamvis vero sint variz iuramentorum species, hic tamen primario de *iuramento litis decisorio* agendum, quod litis decidendæ causa exigitur siue principalis, siue incidentis. Estque duplex, vel *iudiciale* vel *legale*: Illud dicitur *quod pars parti defert in iudicio, approbante iudice per sententiam interlocutoriã c. f. X. h. t.*

§. IIX. Defert hoc iuramentum, cui onus probandi incumbit, siue actor sit siue reus, non procurator, nisi speciali mandato instructus, nec, qui alias libere de re sua disponere nequit, quales etiam sunt clerici, causas ecclesiarum suarum agentes. Defertur omnibus, cuiuscunque conditionis fuerint, etiam 1] clericis *c. 26. in f. X. h. t.* 2] impuberibus, vt tamen præstatio actualis iuramenti differatur ad annos *pubertatis plenæ*: 3] de periurio suspectis, quamvis qui talibus defert iuramentum, grauiter peccet *c. 5. 8. C. 22. q. 5.* Interim delatio talis valet in præiudicium deferentis.

§. IX. Deferri potest in quacunque causa, *quæ priuati est arbitrii*, & de qua transigi potest, & consequenter delationi locus est in sponsalibus, quia mutuo dissensu dissolui

possunt *c. 2. X. de sponsal.* vid. Dn. J. S. Stryk diff. *de delat. iurament. in matrim.* E contra-
rio deferri nequit I) in causis beneficialibus
Brunnem. *in iure eccles. lib. III. c. 5. §. 4. c. 10. X. de transact.* II) contra matrimonium *c. 7. X. de sent. & re iud.* nisi alia omnis ratio litem
dirimendi cesset *c. 10. X. de desponsat. impub. c. 7. X. de frig. & malef.* III) in criminalibus, cri-
minaliter peragendis, nisi reo deferatur ad
innocentiam suam ostendendam *c. ult. X. b. t.*

§. X. Deferri potest de iure communi
quocunque tempore ante conclusionem,
in causa, tam in prima, quam secunda instan-
tia, licet actor probationem iam suscepit.
Huic enim renunciare & iuramentum de-
ferre non est prohibitum *l. 12. C. de reb. cred.*
nec iure canonico mutatum.

§. XI. Delatum iuramentum, interlocu-
toria sententia præcedente, omnino est præ-
standum, nec recusari potest nisi *iuxta de cau-
sa*, alioquin reus habetur pro confesso, vel
si actor recusat, reus absolvitur *c. f. X. b. t.*
modo deferens de malitia iurare paratus sit.
Antequam autem is, cui delatum est, iura-
mentum suscepit, illud referre deferenti
potest, quatenus æqualem notitiam habet.
Excipit tamen Gregorius IX. in *c. ult. X. b. t.*
actionem famosam criminaliter intentatam,
ne eius probatio iuramento actoris nitatur,
quæ

quæ debet esse luce meridiana clarior. Quin etiam moribus is, cui delatum est iuramentum, se offerre potest ad probandum id, de quo iurandum erat, qui tamen, si nihil probaverit, adhuc ad iuramentum admittitur.

§. XII. *Legale* iuramentum est, quod ex necessitate legis defertur, idque vel ad *supplendam probationem imperfectam*, vel ad *purgationem rei suspicionibus grauatæ*, inde prius *suppletorium*, hoc *purgatorium* seu *purgatio canonica* dicitur. Vtrumque solus iudex defert, prout rationes circumstantiarum id postulant; actori quidem, si semiplene probatum sit, & qualitas personæ hoc admittat; reo vero, si nequidem semiplene probatum est, quædam tamen suspensiones contra eum militent, vel si semiplene quidem probatum, sed actor forsan non sit integræ fidei, & causa tamen ardua *c. ult. X. b. t.* Sic in matrimonialibus caute & circumospecte iudex hic procedere debet, vtrum asserenti *suppletorium*, an neganti *purgatorium* deferat? Brunnem. in *iur. eccles. lib. III. c. V. §. 6. seqq.* Sane si iuuenis fateatur stuprum, sed promissionem matrimonii neget, hic regulariter iuramento se purgare debet.

§. XIII. Ceterum si super graui causa præstandum est iuramentum, canones desiderant quoque *compurgatores*, qui de credu-

litate iurant, vt per hos iuraturō eo maior fides concilietur *t. i. X. de purgat. canon.* qui tamen nostris in foris ignorantur. Receptius vero est, vt ministri ecclesiæ ad actum iurandi adhibeantur, qui grauissimis persuationibus animum iuraturi flectere studeant, ne periurium committat.

§. XIV. Sic iteque ius canonicum paucissima tantū tradit de *iuramento litis decisorio*, & quæ tradit, ex iure ciuili repetit; quæ vero de iuramentis tradit, ad extraiudicialia negotia spectant. Agnoscit hic diuersitatem iuris ciuilis & canonici Gonzalez ad *c. ult. b. t. r. i.* ajens: *Ius ciuile iuramentum in litibus duntaxat admittit, & agnoscit; Ius vero Pontificium etiam in litibus & præterea in negotiis aliis quibusuis.* Hoc tamen contra Saluatoris doctrinam esse, supra asserui, cum nulla, tanta necessitas iuramenta exigat quoad negotia extraiudicialia, quam iudicialia. Extenderunt vero vsum iuramentorum vel ideo, vt quæcunque negotia secularia ad suum forum trahere possint, vbi iuramentis munita sunt, quia sic spiritualem qualitatem induunt. Deinde, vt per iuramenta obedientiam & subiectionem laicorum firmarent. Imo hoc modo clerici potentiores sibi subiecerunt inferiores. Sic Pontifex Pallium Archiepiscopis haud tradit, nisi iuramentum obedientiæ canonicæ præstiterint, nec ali-

aliter confirmat electos episcopos. Ipsam formulam vid. in *c. 4. X. b. t.* Episcopi quoque a clericis suis idem iuramentum exegerunt, quod tamen prohibitum est *c. 5. X. b. t.* Denique huc quoque collimat *iuramentum religionis*, quod reuera est *iuramentum obedientie*, quia per hoc clerici conscientiis dominari tentarunt.

§. XV. Ex hac praxi canonica tandem invaluit, ut quibuscunque actibus, maxime de quorum validitate dubitari poterat, iuramentum adiiceretur, quo ipso hoc iurenouum robur accipiunt, & virtute iuramenti subsistunt ex vulgata regula: *Omne iuramentum, quod salua aeterna salute servari potest, servandum esse c. 2. de pact. in 6. c. 28. X. b. t.* Distinguendum tamen, utrum actus tantum nullus sit, an vero *absolute prohibitus*. Ibi iuramentum actui validitatem conciliat, cum in arbitrio eius, cuius interest, positum sit, nullitatem haud allegandi. Hic vero iuramentum nihil operatur, quia legi prohibitiæ renunciari nequit *c. 12. X. de for. compet. c. 10. X. de sponsal.*

§. XVI. Præstaret, utroque casu ius civile sequi *l. 5. C. D. LL.* ut usus iuramentorum extraiudicialium temerarius fisteretur, qui per doctrinam canonicam mirum in modum promotus est. Sed postquam iudices per censuras ecclesiasticas adacti sunt ad servan-

dam doctrinam hanc canonicam in foro civili per *c. 2. b. t. in 6.* in foris adeo hæc radices egit, vt etiam inter protestantes strenue defendatur.

§. XVII. Ceterum vim obligandi amittit iusiurandum I) remissione eius, cui iuratum est. *c. 2. X. de sponsal.* II) cessante conditione expressa vel tacita, qualis est: *rebus flostantibus c. 25. X. b. t.* III) concurrente difficultate, propter quam promissum impleri nequit *c. 17. X. b. t.* IV) absolute vel relaxatione a magistratu ecclesiastico facta.

§. XIX. Ast circa *absolutionem* circumspectione opus est. Nam iuramentum aut vitium habet, & invalidum est, aut subsistit. Priori casu tantum iuramentum declaratur nullum, & quia hoc, præcedente cognitione de validitate iuramenti, fit, a vinculo eius dicitur *absolui*, qui iurauit *c. 2. X. b. t.* veluti si vi metuque vel dolo extortum *c. 29. X. b. t.* si super re illicita præstitum &c. Cognitionem autem, vtrum iuramentum sit licitum an illicitum, & ideo seruandum annon seruandum, Pontifex ad forum ecclesiasticum traxit *c. 34. X. de elect.* & in hac cognitione tota se fundat *relaxationis* ratio. Posteriori casu vero *relaxatio* fieri nullo modo potest, quamuis in foro ecclesiastico semper, prætextus excogitari valeant,

ant, ob quos iuramentum inualidum declaratur. Hoc lubens concedo, posse principem iuramento valido effectum subtrahere in pœnam eius, cui iuratum est, si iusta causa id suadeat.

§. XIX. Ex hac doctrina praxis inualuit, quod illi, qui inique vrphedam præstiterunt, soleant antea petere relaxationem iuramenti ad effectum agendi Gail. 1. obs. 22. Blum. in proc. camer. tit. 35. quod inordinat. Camerali clare prouisum est. Et ita cognitio de validitate iuramenti quoque, ad forum seculare spectat, quamuis Pontifex hanc cognitionem tantum ad suum forum trahere nitatur c. 34. X. de elect. c. fin. de for. compet. in 6. Imo cum hæc relaxatio tantum cleri Pontificii inuentum sit, vt causarum secularium cognitionem ad suum forum trahant, merito inter Protestantes cognitio hæc foro seculari vindicatur.

MEMBRVM XXII.

DE EXCEPTIONIBVS.

§. I.

SVpra dictum est, probatione peracta, reprobationem super directo contrariis articulis demum permissam esse ante publicationem attestationum. clem. 2. de testib. Fit vero præterea reprobatio alio modo, si reus ex-

F 5

ceptio

ceptiones peremptorias habeat, quibus actionem intentatam elidere conatur, quæ etiam adhuc integra est, publicatis attestationibus. Brunnem. *in proc. civ. c. 20. n. 81.* Gonzalez *ad c. 12. h. t. n. 11.*

§. II. In genere *exceptiones* dicuntur allegationes, quibus reus ad sui defensionem, utitur contra motam actionem, suntque vel *dilatoria* vel *peremptoria*; illa tantum differunt, hæ vero plane tollunt litem. Illa ante litem contestatam opponi debent, nec postmodum admittuntur *c. 20. X. de iudic.* nisi (1) post litem contestatam demum ortæ fuerint *c. 25. X. de offic. & pot. iud. Deleg. c. 4. X. h. t.* (2) Processum reddant retro nullum, qualis est exceptio falsi procuratoris *c. 4. in f. X. de procur.* item excommunicationis *c. 12. X. h. t.* (3) si post L. C. demum in notitiam rei pervenerint *c. 4. X. h. t. c. 31. de testib.* quod iuramento asserendum est. *cit. c. 4.* (4) Si gravamen continent non momentaneum, sed tractum temporis habens, qualis est exceptio loci non tuti. *c. 47. X. de appell.*

§. III. Integrum vero est, aut omnes simul, aut successive easdem proponere, nisi (1) adsit *fori declinatoria*, quæ ante omnes proponenda *c. 20. X. de sent. & remis.* (2) nisi iudex certum præstituerit terminum, intra quem omnes proponi debeant, *c. 4. X. h. t.* quod hodie

hodie generaliter constitutum, vt omnes in primo termino coniunctim proponantur. Imo in causis summariis iudex tales exceptiones, quantum fieri potest, plane reiicere debet, *clerm. saepe. de V. S.* & sic etiam in causis ecclesiasticis seu consistorialibus.

§. IV. Longe diuersam indolem habent *peremptoriae*, quæ, vt antea dixi, ad *reprobationem* quoque referri possunt. Sed etiam hæ duplicis generis sunt; quædam sunt *simpliciter tales*; quædam vero *litis finita* dicuntur, quibus reus intendit, litem iam finitam esse, per rem iudicatam, iuramentum extraiudiciale, transactionem. Hæ ante L.C. opponi & probari possunt, non illæ *c. 2. de L. C. in 6.* nisi etiam hæ in continenti probari queant, quod moribus inualuit; si autem altioris indaginis sunt, Litis contestatio iniungitur & post eam reo reseruantur. Vnde adhuc reus litem negatiue contestari potest; quia excipiens non videtur fateri intentionem actoris *c. 6. X. b. 1.*

§. V. Quæ post litem contestatam opponuntur, certum terminum a iure canonico haud acceperunt, prout §. 1. dictum est. Sed per *R. I. de anno 1654. §. 37.* rei iubentur, omnes peremptorias sub pœna præclusi litis contestationi annectere, quamuis probatio earum reseruetur ad terminum, quo reprobatio fieri debeat.

MEM.

MEMBRUM XXIII. DE PRÆSCRIPTIONI- BVS.

§. I.

INter peremptorias eminet exceptio *præscriptionis*, iis opponenda, qui post terminum, actioni in iure præfixum, agunt. Præscriptiones hæ sunt duplicis generis, quædam introductæ sunt *fauore possidentis*, quædam *odio petentis*. Illæ vsucapienti profunt *ob b. f. possessionem*, licet dominus negligens haud fuerit, & ita aduersus creditores quoque, quibus res obligata fuit, competunt, quia non se fundant in negligentia non-petentis. Hæ illis profunt, qui actione personali vel alia temporali conueniri poterant, & tempore præstituto haud sunt conuenti. Gratianus *ad c. 15. c. 16. q. 3.* Et quia se fundant in negligentia agere cessantium, non nocent iis, qui agere impediti sunt, forsan ob hostilitatem *c. 10. X. b. t.*, vel Schisma *c. 14. X. b. t.* vel si vacauit ecclesia cathedralis, & defensore destituta fuit, *c. 15. X. b. t.*

§. II. Circa vsucapionem stricte dictam hæc de iure canonico singularia occurrunt: (I) quod contra ecclesiam 40. anni requi-
ran-

rantur *c. 4. X. b. t.* vt & aliam piam causam, licet ecclesia contra priuatos ordinario tempore tuta sit. *c. 3. X. b. t.* Imo contra ecclesiam Romanam centenaria requiritur *c. 14. X. b. t.* & sic taciturnitas prælatorum potest nocere ecclesie *c. 1. X. b. t.* Dantur etiam quædam ecclesie cathedrales, quæ ex beneficio Pontificis Romani contra omnem præscriptionem tutæ sint.

§. III, (II) Bona fides in omni temporis præstituti parte requiritur. Dicitur autem *bona fides*, iusta opinio, qua quis putat rem, quam possidet, esse suam, quæ tamen aliena est, & ita hæc semper supponit *possessionem rei alienæ*, per *c. f. X. b. t. in f.* vnde dispositio iuris canonici ad alias præscriptiones referri nequit, quam vbi quis rem alienam possidet. E contrario in præscriptionibus contra debita mere personalia nihil immutatum est, nec ad eas dispositio iuris canonici applicari potest, cum is, qui scit, se certam quantitatem debere, propterea non sit in mala fide constitutus, si modo interpellatus non fuerit. Conf. *c. 5. X. b. t.*

§. IV. Jus ciuile tantum requirit *bonam fidem* ab initio, quæ dispositio sine dubio magis consulit vtilitati reipubl. quæ huc tendit, vt lites finiantur. Ius canonicum vero æquitatem & conscientie rationem pro

pro fundamento habet, sed ita fere vsucapionis rationem sustulit, cum lites ex lite inde progerminant, & vsucapio seu præscriptio hodie non amplius sit modus lites finiendi, sed promouendi. Interim iure canonico in praxi utimur.

§. IV. (III) Laici non possunt præscribere *decimas*, aut alia spiritualia, utpote quorum possessionis incapaces sunt. *c. 7. X. b. t. c. f. X. de rer. permut. c. 17. X. de Decimis.* Idem quoque dicendum esse volunt de *iurisdictione ecclesiastica*, quæ doctrina tamen ad fora Protestantium non recte applicatur, cum laici harum rerum possessionis sint capaces.

§. V. Similiter (IV) nulla præscriptione acquiri possunt vel admitti, quæ ad statum ecclesiæ eiusque regimen pertinent. Huc pertinet visitatio, aut procuratio ratione visitationis debita *c. 11. & 16. X. b. t. obediencia & subiectio c. 12. X. b. t. Parochiarum & Diœcesium limites c. 13. de probat. c. 4. de Paroch.* Si tamen de certis limitibus non constat, præscriptio 30. annorum attenditur. *c. 6. C. 16. q. 6.* Huc quoque referendam esse existimo *dotem* ecclesiæ stricte dictam, certo officio sacro deputatam, cuius generis etiam sunt *bona mensæ Episcopalis*, seu *bona mensalia*. Hæc a ceteris *bonis ecclesiasticis* in eo differunt, quod sustentationi clericorum speciatim & perpetuo destinata sint, quod de

de ceteris bonis ecclesiasticis, quæ tantum sunt in patrimonio ecclesiæ, dici nequit. Proinde hæc facilius alienari possunt, illa difficilius, interim non omnis alienatio eorum exclusa est. Bicchius *Decis.* 375. n. 4. Ziegler *de dot. eccl.* c. 12. §. 6. seq. Ioh. a Sande *de prohib. rerum alien.* P. 1. c. 6. §. 4. n. 27. Inde quoque illa præscriptione quadragenaria amittuntur, non hæc, *mensalia* scilicet, seu *dotalia*.

§. VI. Hæc tamen iura, quæ præscriptione ordinaria dicto modo acquiri non possunt, inconcussa manere volunt, *præscriptione immemoriali* interueniente, quæ tempus, cuius initii non extat memoria, requirit, & priuilegio æquiparatur in c. 26. X. de V. S. Videlicet vetustas tanti temporis inducit præsumptionem iuris & de iure, legitime & valide hæc iura vel remissa, vel bona alienata esse, & inde hac præscriptione libertas vel ius aliud non tam acquiritur, quam ab initio legitime esse acquisitum, demonstratur. Cum ergo etiam *bona mensalia* quandoque licite & valide, adhibitis debitis requisitis, alienari possint, talem alienationem qualificatam ab initio factam fuisse, vetustas tanti temporis probat. Faber in *Cod. lib. 7. tit. 13. Def. 19.*

§. VII. (V) Sine possessione præscriptio haud procedit c. 3. de R. L. in 6. quæ regula tamen

tamen restringi debet ad illos casus, quibus quis dominium aliquod, vel ius singulare acquirere intendit: nam ad *amittendum ius*, quo alteri libertas obueniat, solum lapsus temporis sufficere ostendi in *Diff. de prescript. ann. redit. real. §. 18.*

MEMBRUM XXIV. DE SENTENTIA ET RE IUDICATA.

§. I.

Probatione & reprobatione peracta, tandem concludendum in causa, quo ipso litigantes vltioribus deductionibus renunciant, & decisioni iudicis causam committunt, id quod fit per *sententiam definitiuam*, qua causa in litem deducta, deciditur, & reus absoluitur vel condemnatur *c. 15. X. de V. Signif.*

§. II. Ab hac differt *interlocutoria*, per quam tantum punctus incidens in lite principali deciditur, estque *vel mere talis*, quæ grauamen singulare nullum habet, vel *mixta*, quæ habet vim definitiuæ, vel damnum irreparabile continet, quam distinctionem in materia appellationis recepit, Concil. Trident. *Sess. 13. de reform. c. 1. & Sess. 24. de reform. c. 20.* Sic etiam in modo appel-

appellandi quædam est differentia inter definitivam & interlocutoriam per *c. 60. X. de appell. de quo tit. seq.* Item quod solennis publicatio non requiratur in interlocutoria.

§. III. In sententia ferenda respiciendum est (I) *ad competentiam iudicis*: ab incompetente lata, veluti a seculari iudice in causa clericorum est ipso iure nulla *c. 4. X. de iudic. c. 3. X. de consuet.* Ceterum quomodo delegati in ferenda sententia procedere debeant, colligi potest ex iis, quæ dicta sunt. *Membr. II.*

§. IV. (II) *Ad ordinem iuris c. 19. X. b. t.* vel iure communi præscriptum, vel etiam a delegante determinatum, veluti si causa est delegata sub clausula *de simplici & plano*, ubi sententia potest ferri etiam conclusionem non facta, in scriptis & sine scriptis, a iudice sedente vel stante &c. *clem. sape de V. S.* Alioquin sententia non servato iuris ordine lata est ipso iure nulla *c. 24. X. b. t.* veluti si litis contestatio desit. *c. 1. seq. X. Ut lite non contest.*

§. V. (III) *Ad normam legum vel regularum ecclesiasticarum*, secundum quas lites decidendæ, alioquin sententia est ipso iure nulla *c. 1. 8. X. b. t.* Quod si dissensus adsit inter ius civile & canonicum, Pontifex canones præferendos esse voluit, quia eos in

hunc promulgarit finem, vt derogarent, iuri ciuili, inde quoque fieri videmus, in decifionibus *ut plurimum* præualere ius Canonicum. Tradunt quidem communiter regulas, quando iuris canonici aut ciuilis dispositiones præualere debeant, quæ tamen ita sunt comparatæ, vt iis fidere haud valeamus.

§. VI. (IV) *Ad acta & probata*, ne in applicatione erretur; alioquin sententia contra ius litigatoris lata dicitur, & in rem iudicatam transit, nisi intra decendium suspensa fuerit. *c. 13. X. b. t.* Inde iudices in examinando factò cauti & prouidi esse iubentur, ne affectibus indulgeant, sed in concipiendis sententiis præ oculis Deum habeant *c. a. b. t. in 6.* Imo ne in factò ipso erretur, iudices tam ordinarii quam delegati publicam personam adhibere debent, qui vniuersa iudicii acta conscribant, competente ordine, designando loca, tempora & personas. Neque enim pro iudicis processu præsumitur, nisi quatenus in causa legitimis documentis constiterit, vt ait Pontifex. in *c. 11. X. de probat.*

§. VII. Sententia legitime concepta tandem in termino præfixo, ad quem partes citandæ, est debito modo publicanda, alioquin contra non citatum effectum habere nequit. Publicatio ipsa facienda est in iudicio *a iudice*: (nomine Episcopi alius eam re-

recitare potest) & quidem *sedente* ex scriptura, quæ postea partibus est edenda *c. f. b. t. in 6.* Ut vero iudex ipse hodie recitet sententiam, non est necesse, cum recitatio plerumque a secretario iudicii fiat.

§. VIII. Legitime publicata in rem iudicatam transit *c. 13. in f. X. b. t.* quatenus de iure mere priuato actum est. Inde in rem iudicatam non transeunt latæ (I) in causis matrimonialibus, *c. 7. X. b. t.* (II) in causis beneficialibus, (III) criminalibus.

§. IX. Rei iudicatæ effectus est, (I) quod faciat ius inter partes, cum victus sententiam approbasse censeatur *c. 15. X. b. t.* ex quo apparet, quam inique contra rem iudicatam concedatur *denunciatio euangelica*, qua volunt, rescindi posse res iudicatas, si postmodum de iure victi euidenter constiterit. Sed supra iam monui, minime hoc remedium in sacris esse fundatum, imo quod debebat esse *charitativum* remedium, eo modo sit *coactivum*, dum ita peti solet, Denunciaten durch gebührenden Kirchenzwang darzu anzuhalten / Daß er seine schwere Sünde bereue / und mir die durch Urtheil abgesprochene 500. Thlr. bezahlen müsse.

§. X. Alter effectus sententiæ, condemnatoriae scil., est, quod executioni mandari debeat. Et quidem fieri debet executio (I) a iudice, qui sententiam tulit, vel cui hic

executionem demandavit. Hic tamen, de nullitate sententiæ opposita iudicare, nequit, sed quæstionem ad delegantem, referre debet. *c. 5. X. b. t.* quia merus est executor. Aliud videtur dicendum, si iudex alterius loci in subsidium iuris imploratur ad executionem faciendam, quippe qui merus executor, dici nequit, cum iurisdictionem habeat. Sic consistoria solent, executionem brachio seculari committere, cum mediis executionem faciendi communiter destituantur Brunnem. *de iure eccl. lib. III. c. 11. §. 3.* (II) post quadrimestre spatium, si sententia de quantitate soluenda lata sit, quod iudex tamen pro qualitate debiti & circumstantiarum & arctare & prorogare potest. *c. 15. X. b. t.*

MEMBRUM XXV.

De

APPELLATIONIBVS.

§. I.

SVspendi vires rei iudicatæ possunt per
APPELLATIONEM rite interpositam,
 quæ est *prouocatio ad superiorem iudicem ob gra-*
vamen illatum. Cum vero *prouocatio* sæpe in
 iure de simplici querela, coram iudice pro-
 posita, prædicetur, *l. 7. §. 5. comman diuid. l. 7.*
 §. ult.

§.vlt. *cod.* inde a glossatoribus excogitata est appellatio duplex, *iudicialis*, quæ a sententia iudicis inferioris, & *extraiudicialis*, quæ a grauamine extraiudiciali interponitur, quam speciali tractatu explicuit Dn. Lyncker *de grauam. extraiud.*

§.II. Dicitur vero *grauamen extraiudiciale*, (I) quod non a iudice sed a parte extra processum infertur, vel a iudice quidem, sed non qua tali, verum vt parte. *c.51. X. h. t.* Hæc appellatio improprie talis est, & magis simplex prouocatio ad causam *c.5. X. h. t.* & sic ordinarius iudex, qui in prima instantia iudicat, adeundus, non superior. Gail. *1. obs. 120. n. 3. 4.* Huc pertinet, si locator colonum propria auctoritate expellere nititur, si quis aliquid suscipit in praiudicium tertii &c.

§.III. (II) Quod a iudice infertur in praiudicium tertii, qui ad actum non est citatus, ad quem citari debuisset, vel si citra causæ cognitionem sufficientem partem grauat, forsan periculo petentis decernendo sequestrum, arrestum, si audientiam denegat, vel saluum conductum *c. 47. X. de appell. &c.* Hisce & similibus casibus *extraiudicialiter* procedere iudex dicitur, cum debite suum officium haud faciat. Imo & illa, quæ ante L. C. fiunt, solent huc referri, quod litis contestatio demum initium

iudicii ex principiis Romanis constituat. Et hisce in casibus appellatur ad superiorem. Tam late extenderunt canones beneficium appellandi sub prætextu æquitatis cerebrinæ.

§. IV. *Iudicialis* appellatio vero est, quæ interponitur a *sententia* iudicis inferioris, tam *interlocutoria* quam *definitiva*. Ab utraque enim hoc iure & in praxi permixta est appellatio *c. 1. 12. X. b. t. clem. 5. b. t.* Sed in appellatione ab *interlocutoria* hæc singularia sunt: (I) quod in scriptis facienda sit *c. 1. b. t. in 6.* (II) causa grauaminis exprimi debeat *c. 59. X. b. t.* (III) quod appellatio ex actis prioris instantiæ iustificari debeat. Valens. *b. t. §. 9.* Concernit enim hæc appellatio punctum incidentem, ubi summarie procedendum, cum interim suspendatur causæ principalis decisio *c. 10. X. de appell.* imo iudex talem sententiam retractare potest, *c. 60. X. b. t.* adeoque de causa appellationis plene informandus est. Cum vero in appellatione a sententia definitiva hæc cessent, eadem quoque hic non requiruntur. Quamvis vero Concil. Trident., prout *tit. antec. §. 2.* monitum est, non ab omni interlocutoria appellationem admittat, in foris tamen nostris iuri antiquo canonico statuitur.

§. V. Appellant grauati, etiamsi delegatio facta fuerit cum clausula, *remota appellatione*.

latione, quatenus sententia manifestam iniquitatem continet *c. 9. X. de sent. & re iudic.* (vid. tamen *c. 53. X. b. t.*) alioquin hoc posteriori casu appellatio cessat. Potest vero sub hac clausula tantum delegare Pontifex vel Princeps, cui arbitrium circa leges competit; non delegatus eius *c. 27. X. de offic. & pot. iudic. deleg.* *Mev. P. 3. decis. 187.* nec iudex inferior; imo nec hæc clausula impedit, quo minus commissarius ut suspectus recusari *c. 36. X. b. t.* vel remedium *supplicationis* adhiberi, vel restitutio in integrum peti possit. *Gail. 1. Obs. 33. n. 5.*

§. VI. Præterea ab appellatione excluduntur *indigni*, quales sunt (1) notorii delinquentes *c. 13. seqq. X. b. t. c. 18. de heret. in 6.* (2) qui non deferunt appellationi aduersarii, sed contra eam quid attentant *c. 23. c. 42. X. b. t.* (3) contumaces in non veniendo. Idem (4) dicendum de *renunciantibus* *c. 20. 21. X. b. t.* vel facto quouis sententiam approbantibus *c. 20. X. de offic. iud. deleg.*

§. VII. Fundamentum appellationis est *grauamen* *c. 38. X. b. t.* & quidem præsens & specificum. Generalis appellatio non sufficit *c. 2. X. b. t. c. 18. eod.* nisi ad certam causam restricta fuerit & grauamen futurum probabiliter instet *c. 18. X. b. t. in f.* quorsum pertinet, si quis appellat a reiectionis reiectione & omni futuro grauamine.

ne. Cessante omni grauamine, appellatio inanis est *c. fin. C. 2. q. 6.*

§. VIII. Admittitur appellatio regulariter in omnibus causis, in quibus quis grauatus est, nec ius canonicum summas non-appellabiles agnoscit. *c. II. X. b. t.* Reiiicitur tamen (I) in notoriis *c. 61. vers. porro h. t.* quando scilicet constat, eam aperte friuolam esse; (II) in causis disciplinaribus *c. 32. X. b. t.* (III) in causis moram non ferentibus, ut in possessorio summariissimo, ut scilicet non habeat effectum suspensiuum *l. vn. C. si in moment. poss. appell.* quoad effectum deuoluti-
vum appellatio permixta est *c. 10. & 15. X. de restit. spol. clem. vn. de seq. clem. vn. de caus. poss. & propriet.* Eadem ratio est appellationis a sententia interdicti *c. 37. X. b. t.* (IV) ab iis quæ iuris sunt, veluti a legibus latis *c. 29. X. b. t.* ab executione, nisi modus executionis excedatur *c. 15. in fin. X. de sent. & re iudic.* (V) a causis ecclesiasticis in foris protestantium, ad cameram scilicet, bene tamen ad suprema consistoria vel tribunalia principum. Neque enim Camera de his causis cognoscit.

§. IX. Appellatio facienda est (I) *gradatim c. 66. X. b. t. c. 9. X. de offic. iud. ordin.* interim appellatio *per saltum* non habetur pro deserta, sed remittenda ad intermedium iudicem *Mev. p. 5. Decis. 204.* Hoc iure admissa est appellatio imme-

immediate ad Pontificem vel eius legatum *c. 1. de offic. legat. (II) ad competentem*, & ita in causa seculari non appellandum ad Pontificem vel eius nuncios *c. 7. inf. X. h. t.* Postquam itaque Prælati & Episcopi superioritatem territorialem habent, & ita per *officiales* suos ius in secularibus dicunt, ab illis non ad Papam sed ad summa imperii tribumalia appellandum, quamuis prius sæpe tentatum fuit. Vid. *R. I. de anno 1654. §. 164. Capit. Iosephi §. 18.* De hac confusione iurisdictionum iam olim conquesti sunt status imperii in *centum Grauaminibus* in comitiis Noricis Oratori Pontificio anno 1523. exhibitis *grauam. IX. (III) ad Superiorem.* Et sic a delegato Pontificis vel principis ad ipsum delegantem appellatur, *c. 27. X. de offic. & pot. iudic. deleg.* a Consistorio ad principem, a quo dependet, quamuis consistorium in plurimis locis directionem processus retineat Brunn. *de I. E. lib. III. c. 10. §. 2.* Vbi deest superior, appellatio cessat, & ita Pontificii a Papa appellationem illicitam esse iudicant, quamuis Galli sæpe ab eo prouocasse legantur ad concilium generale, vid. Richerius in *hister. concil. lib. IV. p. 107.*

§. X. Ad formalia appellationis imprimis pertinet, *ut debito modo interponatur & quidem 1) vel in scriptis vel viva voce*, si a sententia definitiua appellatur, vel ipso facto *c.*

9. *b. t.* II) *coram iudice inferiori c. f. X. b. t.* vel si hic copiam sui non fecerit, sufficit coram honestis viris protestationem interponere, expressis causis appellationum, id quod ex natura protestationis fluit *c. f. cit. ibique Gonzalez.* III) *intra decem dies c. 15. X. de sent. & re iudic. c. 8. b. t. in 6.* quod tempus de momento in momentum currit scienti.

§. XI. Interposita appellatione, appellans a iudice primæ instantiæ Apostolos petere debet *h. e.* literas dimissoriales, quibus iudici ad quem appellatio denunciatur, & quidem 1) *intra 30. dies c. 8. b. t. in 6.* alias censetur appellationi renunciasse *Clem. 2. b. t.* 2) *instante & sepius;* imo sufficit de iure canon. si simul vno contextu eas petierit, *instante instantius & instantissime Clem. 2. b. t.* quæ duos observata fuerint, appellanti haud nocet, si iudex inferior eos debito tempore haud exhibeat *cit. Clem.*

§. XII. Apostolis iudex inferior tempus inferere debet, intra quod appellatio apud superiorem introducenda sit; neque enim hic terminus in iure definitus est. *c. 4. §. 26. X. b. t.* In *R. I. nouiss.* tamen terminus introductioni ad Cameram præscriptus est, qui a iudice prorogari potest. Ipsa introductio fit per exhibitionem supplicationis pro decernendis procesibus appellatoriis, citatione, compulsorialibus & inhibitorialibus cum obla-

oblatione ad solennia præstanda. Huic adiungitur libellus, quo facti series vna cum gravaminibus perspicue proponitur, & reformatio prioris sententiæ petitur.

§. XIII. Appellatione hoc modo facta, causa denuo reuoluitur, & aduersarius exceptiones suas proponit, appellans grauamina vltius iustificat, & probat *c. 70. X. b. t.* & ita nouæ probationes & deductiones admittuntur, & tandem sententia fertur. Et quidem si appellans in probatione defecerit, prior sententia confirmatur & causa remittitur ad iudicem primæ instantiæ *c. 61. in f. b. t.* appellante in expensas condemnato. *c. 59. X. b. t.* si autem grauamina debito modo probauit, reformatur sententia, expensæ compensantur, & iudex ad quem sententiam exequitur.)

§. XIV. Operatur appellatio legitime interposita I) vt sententia primæ instantiæ suspendatur; alioquin quicquid a iudice inferiori contra eam fit, pro *attentato* habetur, & statim per mandata S. C. in irritum reuocatur *c. 56. X. b. t.* quod tamen restringendum ad illum articulum, a quo appellatum est. II) vt appellans in alia causa non possit cogi ad respondendum coram iudice inferiore, quia quodammodo suspectus est *c. 6. & 24. X. b. t.* quod tamen cum grano salis accipiendum est. III) vt ceteris litis confor-

fortibus proſit vnus appellatio, qui com-
muni iure iuuantur, & eandem cauſam ean-
demque deſenſionem habent. *c. 72. X. b. t.*
IV) vt iudex inferior, ſi ab interlocutoria
appellatum eſt, in cauſa principali tamdiu
quieſcere debeat, donec punctus incidens
fuerit decifus *c. X. b. t.*

§. XV. Corruunt tamen hi effectus, ſi
appellatio eſt deſerta *c. 45. X. b. t.* vel appel-
lans ei renunciat *exprefſe*, quod facere poteſt
re adhuc integra, h. e. quamdiu appellatus
haud citatus eſt; alioquin inuito eo renun-
ciatio fieri nequit, adeo, vt renunciatione
licet facta, appellatus poſſit eam proſequi
c. 57. X. b. t. Mev. p. 5. dec. 215. n. 5. Sic quo-
que *tacite* renunciatur appellationi ſi fata-
lia haud obſeruantur, quo caſu appellans
ad reſuſionem expenſarum tenetur *c. 26.*
X. b. t.

MEMBRVM XXVI.

DE PROCESSV SUMMARIO.

§. I.

SECUNDUM haecenus dicta inſtruitur pro-
ceſſus *ordinarius*. Cum vero in iudiciis
eccleſiaſticis vt plurimum *ſummario* agatur
proceſſu, huius ratio paucis tradenda. Scili-
cet *ſummarius* dicitur, quo iudex, omiſſis ſolen-
ni-

nibus, & quæ licet remorari possunt, de simplici & plano, sola veritate facti inspecta, procedit, ut quam citius lis finiatur. Ratio eius habetur tum quoties civiliter, tum etiam quoties criminaliter, scilicet per viam inquisitionis, agitur, c. 21. & 24. X. de accusat.

§. II. Causæ, quæ ad summarium processum pertinent, ad has reduci possunt, classes. 1) Quædam sunt tales *per se* ex dispositione iuris communis: 2) quædam tales fiunt *ex accidente*, per commissionem principis vel partium conventionem. Ad primam classem referuntur causæ publicæ, moram non ferentes, & piæ seu ecclesiasticæ. clem. 2. de iudic. Causæ clericorum, licet coram consistoriis peragantur, non semper sunt piæ, adeoque non semper summariæ, veluti causæ debitorum. Similiter causæ rusticorum, ubi aduocati defunt, summarie expediuntur, ut & causæ executivæ & cambiales. Ad secundam classem causæ reliquæ referuntur, quarum decisio delegatis est commissæ sub clausula: *simpliciter & de plano, sine strepitu & figura iudicii, sola veritate facti inspecta &c.* clem. sæpe d. V. S. Quin vero etiam partes per modum *compromissi* in causis ordinariis processum summarium eligere possint, ut iudex illum sequi teneatur, dubium non habet, quod etiam late probavit Brunnem. in *proc. civili*. Imo expediret, ut omnes causæ

ſæ ſummariter pertractarentur, docente B. Dn. Strykio *de iudicio princip. ad ſolam facti veritatem.*

§. III. Atque in his cauſis ſummaryis ſecundum *clem. ſæpe. de V. S.* ita proceditur; *ut neceſſario non requiratur libellus* (actio in ſcriptis propoſita, ſed qualiscunque propoſitio ſufficiat) *litis conteſtatio* (ſolennis) *non poſtulat*ur, (ſed qualiscunque contradic-tio ſufficiat) *non admittatur exceptio feriarum humanarum, dilationum materia amputetur, lis quantum fieri poteſt, abbrevietur, exceptiones; (maxime altioris indaginis) appellationes dilatoriae & fruſtroriae repellantur, partium advocatorum & procuratorum contentiones & iurgia, teſtiumque ſuperflua multitudo refrenentur, probationes tantum neceſſariae & deſenſiones legitima admittantur, etiam per poſitiones. Interrogat iudex partes ſive ad earum inſtantiam ſive ex officio, ubi hoc æquitas ſuadeat. Sententiam deſinitivam quemodocunque publicet, etiam conſuſione non (exprefſe) facta.*

§. IV. Si tamen in his caſibus proceſſus ordinarius ſervatur, non contradicentibus partibus, id quod ita geſtum eſt, ſubſiſtit, *clem. cit. in f.* Quin quod in curiis Saxonicis proceſſus ſummaryi ita plene inſtruantur, ut in paucis ab ordinariis differant. In plurimis locis in his per mandata *cum vel ſine clauſula* proceditur, quemadmodum etiam hic proceſſus diſtinguit *actiones* ſtrictè dictas

Etas, & implorationes officii iudicis, seu extraordinarias persecutiones.

MEMBRUM XXVII. DE CAUSIS POSSESSORIIS.

§. I.

AD summarium processum quoque spectant *causæ possessoriæ*, tum quia moram non ferunt, tum quia saltem præparant iudicium principale, quæ proinde etiam apud Romanos per interdicta, seu extraordinarias actiones expediebantur. Potissimum autem circa remedium *retinendæ & recuperandæ possessionis* ius canonicum quasdam speciales observationes habet, quæ hic tradendæ sunt.

§. II. Primum est, *causam possessionis & proprietatis coram eodem iudice pertractandam esse c. 1. X. de caus. posses.* ob connexitatem, nisi iudex possessorii sit inhabilis in petitorio, veluti quod causam ecclesiasticam concernat. *c. f. X. de iudic.* Et quamvis Pontificii plures ne quidem possessorium rei ecclesiasticæ coram iudice laico institui posse contendant, constat tamen, quod in possessorio de nudo factò, *possessione*, agatur, adeoque iuris ecclesiastici nihil admixtum habeat.

§. III. Alterum est, *quod hoc iure causa*
pos-

possessionis & proprietatis in vno eodemque iudicio commixtim tractari posset, siue vtraque causa delegatis sit commissa c. 2. & 3. X. eod. siue vtrumque remedium in iudicium simul per cumulationem deductum sit c. 6. X. eod. quod a ratione iuris ciuilis alienum est. l. 3. C. de interdict. Quod tamen intelligendum est, quatenus hæc remedia compatible sunt, qualia sunt adipiscendæ & recuperandæ, non retinendæ, nisi de rebus incorporalibus agatur, quia etiam hic agere potest in petitorio, qui non possidet c. 5. X. eod. E contrario ius ciuile tantum admittit, vt relicto possessorio, institui possit petitorium. l. 12. §. 1. de acquir. vel amitt. possess. ad quem textum pontifex in cit. c. 5. prouocat, quæ tamen pro cumulatione nihil facit. Effectus huius cumulationis est, quod in alterutro iudex possit pronunciare, quod probatum fuit, adeoque si constat de petitorio, illud absorbet possessorium. d. 6. cit. in f.

§. IV. Tertium est, quod si duo contendant de possessione, & eam probent, ille præferendus sit, qui antiquiorem & magis titulata possessionem demonstrauit; quia hoc modo alterius possessio præsumitur vitiosa c. 9. X. de probat. quod hodie imprimis attenditur, vbi remedium retinendæ possessionis est vel *summarium* vel *ordinarium*.

§. V. Quartum est, quod exceptio spoli in
qui-

quibuscunque causis auctori opponi queat c. 1. de restitu. spol. in 6. modo intra 15. dies possit probari cit. tr. qui spoliatus ante omnia restituendus, seu auctori tamdiu audientia denegatur, donec restitutio fuerit facta. In praxi sufficit, si modo intra 15. dies articuli probatoriales offerantur Carpz. P. 1. C. 6. def. 2. Ceterum quis sit effectus huius exceptionis, iam præoccupavi tit. de ordin. cognit. vid. c. 2. X. de ordin. cognit.

§. VI. Quintum est, quod qui de spolio agit ante omnia sit restituendus, nulla admissa exceptione, quæ petitorium respicit c. 1. seqq. de restitu. spol. vel delicti commissi c. 6. X. eod. vel etiam ipsius spolii antea perpetrati, cum etiam prædo restituendus sit. Aliquando tamen restitutio recte denegatur, si periculum animæ, vel vitæ in restitutione subsit c. 8. & 13. X. eod. vel turbarum & gravissimi damni, vel si spoliatus possessionis sit incapax c. 14. X. eod. vel denique auctor consentiat, ut quæstio dominiæ simul ventiletur c. 1. X. eod. Denique si spolium desit c. 3. X. h. t. & c.

§. VII. Denique ipsa actio spolii plurimum singularia ex iure canonico, vel potius eius erronea interpretatione accepit. Scilicet de iure civili tantum datur contra spoliatorem, non tertium possessorem; at de iure Canon. etiam datur contra tertium

H

pos.

possessorem spoliū consciū per *c. saepe* 18. X. *de restit. spol.* Interpretes ulterius progressi, existimarunt in *c. redintegranda* 3. C. 3. qu. 1. plura singularia esse introducta, quamvis interdictum *unde vi* tantum ibidem applicetur ad casum violentæ deiectionis, vti ostendit Ziegler. *diff. ad cit. can. c. 2.* Interim interpretum sententia in praxi obtinuit, adeoque secundum horum mentem hoc remedium hæc singularia habet: 1) quod detur omni illi, qui quocunque modo possessione iniuste excidit, etiam per factum iudicis, de facto procedentis *c. 7. X. de restit. spol.* vel si quis spoliatus sit cadavere parochiani sui *c. 5. & 6. X. de sepult.* vel si quis tantum nude derineat, non vero iis, qui facto suo possessionem amiserunt *c. 2. X. de restit. spol.* 2) quod detur aduersus omnem tam b. quam m. f. possessorem, propterea quod in *cit. can.* dicatur, redintegranda esse omnia, quæ vi maiorum perditæ fuerunt, vbi tamen iuxta Zieglerum legendum esse videtur *violentia maiore.* vid. *diſt. diff. c. IV. §. 7.* Alioquin enim Innocentius III. in *c. 18. X. de restit. spol.* nihil noui statuisse. 3) quod etiam propter amissam possessionem mobilium principaliter detur, imo etiam incorporaliū, 4) quod hoc remedium detur ad 30. annos, cum interdictum *unde vi* alias tantum annale sit.

TIT. VI. DE VISITATIONE ECCLE- SIASTICA.

§. I.

Visitatio ecclesiasticæ admodum necessariæ sunt, ut præcaueatur, ne quid damni capiant ecclesiæ, sed ut pietas promoveatur, & mali mores eradicentur. Aeuo Apostolico hoc officium sibi vindicabant, Apostoli, qui tum per se, tum per cooperarios, ut Timotheum, Titum aliosque, ecclesias visitabant, uti ex instructione Pauli, Timotheo & Tito data, apparet. Reliqui presbyteri propriæ ecclesiæ curam gerebant, & quia præterea alias ecclesias sub sua inspectione non habebant, visitatio ecclesiasticæ, de qua hic agitur, cessabat post Apostolorum excessum. Seculo vero IV. Parochiis institutis, munus visitandi ecclesias parochiales recte sibi Episcopi vindicarunt, quippe cuius inspectioni parochiales ecclesiæ suberant.

§. II. Sed tribus prioribus seculis alia visitatio, *domestica* scilicet, Episcopo & presbyteris demandata erat, quæ hodie fere exoleuit, ut non adeo mirandum sit, quod Autor noster eius plane nullam iniiciat.

mentionem, quæ tamen cum ex ipso presbyterali munere fluat, in iure ecclesiastico haud negligenda est. Ceterum quod dubitetur, utrum ministri ecclesiæ ad hanc obstricti sint, apparet ex Fechtii *dissert. de visitat. domestica*. qua ita perplexe de hac materia loquitur, ut magis eos ab hac obligatione absolvat, quam ad eam adstringat.

§. III. Scilicet Presbyterorum & Episcoporum munus proprium olim fuit, non tantum ecclesiæ suæ in vniuersum consideratæ curam gerere, sed præsertim etiam *singulorum*, ipsorum Apostolorum exemplo i *Thess. II, II. Act. XX, 20.* id quod aliter fieri non potuit, quam per *visitationes domesticas*. Inde enim *Ἐπισκοποι* seu inspectores dicebantur, quod in mores singulorum inspicere, & singulorum curam gerere deberent. Quod eo tempore adeo necessarium erat, ut imprimis hoc pietatis officium erga pauperes & viduas exercerent Justin. in *Apol. II. in f.* multo magis curam singulorum intuitu pietatis haberent, exemplo Ioannis, de quo Euseb. *lib. III. H. E. c. 23.* præsertim eorum, quos baptizauerant, uti ostendit Hieronymus relatus a Gratiano in *c. 5. D. 95.* Neque enim credebant se suo satis fecisse officio, si publice docerent, conciones haberent, & sacra administrarent, quin potius hoc præcipuum munus suum esse iudicabant: Erant

Erant enim presbyteri duplicis generis, quidam docebant, quidam non docebant, 1 Tim. V, 17. ex quo apparet, proprium & essenziale munus presbyterorum non fuisse docere, sed gregem pascere & inspicere, Ad. XX, 28. h. e. intendere toti gregi, et inspectionem in singulorum mores & vitam habere, vid. diff. VI. ad Plin. secund. §. 41. p. 371. seq. quod necessario per visitationem domesticam fieri debuit.

§. IV. Sed aucto fidelium numero, & potestate Episcoporum presbyterorumque in altum evecta, cura hæc specialis ad eo abiecta est, ut de necessitate visitationis domestica plerique parum amplius solliciti fuerint. Et tamen cura animarum singulis est commissa, imo ideo tot ecclesiarum particulares instituta esse leguntur, ut quis eo rectius curam singulorum habere posset. Ex quo fundamento Brunnemannus lib. I. c. 6. m. 1. ibique R. Dn. Strykius ut & Seckendorffius in stat. christian. lib. III. c. 13. §. 3. in addit. necessitatem huius visitationis omnino agnouerunt.

§. V. Debebat hæc visitatio domestica fundamentum esse visitationis ecclesiastica. Cum enim secundum §. VI. auctoris nostri pastores de vita & moribus singulorum in ipsa visitatione rationes reddere teneantur, id aliter facere nequeunt, quam si ipsimet

sedulo *visitationem domesticam* institu-
ant.

TIT. VII.

DE EPISCOPIS ET CLE-
RICIS.

IN hoc capite de Episcopis & clericis ple-
raque nimis concise pertractantur,
vnde nonnulla plenius explicanda sunt.

MEMBRUM I.

DE
POTESTATE ET IVRE
EPISCOPORVM.

§. I.

AGitur §. VI. de Episcoporum potestate.
Hæc olim fere eadem fuit, quæ hodie
nostrorum Superintendentium, sine *imperio*
& *iurisdictione*. Sed vtrumque obtinuerunt
conniuentia Cæsarum, prætenso iure clau-
um aliisque clandestinis artibus. Solent
verò hodie iura eorum in quatuor classes
dividi, quarum mentionem obiter iniicit
Auctor §. VI. *in not.*

§. II. Prima classis habet *iura ordinis*, quæ
Episcopis ex consecratione seu propter sacerdo-
tium

tium competunt, & ab illis tantum exercen-
tur, presbyteris autem denegantur, vt or-
dinatio clericorum, altarium & ecclesiarum
consecratio, benedictio abbatum, inaugura-
tio Regum, confirmatio baptizatorum, con-
fectio chrismatis c. 4. D. 68. Communia
etiam eis sunt, quæ presbyteris competunt,
& sic *actus ministerii sacri* huc pertinent, vt
tamen quidam ex his Episcopis proprii sint,
quidam cum presbyteris communes.

§. III. Secunda classis habet *iura iurisdic-
tionis ecclesiastica*, quæ vel vniuersim iura
circa Sacra complectuntur, vel in specie de-
notant *ius iudicandi de causis ecclesiasticis & clericis*,
& ita continent censuras ecclesiasticas,
iurisdictionem stricte dictam, leges con-
dendi potestatem, absoluendi a censuris, &
omnia quæ per modum *iudicii & imperii* per-
agi debent.

§. IV. Tertiæ classi adscribitur *lex Dioe-
cesana* c. 18. de offic. iudic. ordin. quæ reliquam
potestatem circa sacra cum omnibus com-
modis complectitur, & ad dioecesim est re-
stricta, quo sensu etiam statibus imperii
superioritas *territorialis* adscribi solet. Huc
referunt canonicam obedientiam & subie-
ctionem, ius in bona ecclesiastica, pias cau-
sas & monasteria, inspectionem in scholas
& academias, ius conuocandi synodos, ex-

actionem cathedralici, ius visitandi, charitativum subsidium exigendi &c.

§. V. Quarta classis habet *iura dignitatis Episcopalis*, quæ illis propter singularem præminentiam debentur ratione titulorum, proedriæ & insignium. Inde Principes ecclesiastici præ secularibus proedriam habent in publicis negotiis Imperii. Atque hæc in tribus posterioribus classibus relata iura consequuntur per solam electionem, licet nec confirmatio Papæ nec consecratio accesserit.

§. VI. Verum in terris protestantium per I. P. art. 5. §. 48. suspensum est ius Dioecesanum cum tota iurisdictione ecclesiastica & *omnibus suis speciebus* contra A. C. tam principes quam subditos, imo, ut verius dicam, abrogatum, simulq; caurum est, *ut intra terminos territorii cuiusque ius Dioecesanum & iurisdictione ecclesiastica se contineat*. Vnde non ipsa iura sunt sublata, sed episcopis tantum erepta. Concludunt inde communiter, iura episcopalia cum toto iure Dioecesano principibus nostris competere, indeque Carpzovius lib. 1. Iuripr. consist. def. 2. existimat, Principes duplicem personam gerere, ecclesiasticam & politicam, esse Episcopos & simul Principes in suo territorio, proinde Def. 4. iura episcopalia antea adducta refert, & statibus A. C. attribuit.

§. VII.

§. VII. Ita ergo supponit, jurisdictionem ecclesiasticam & ius Diœcesanum clericis, non summæ potestati in republica competere, ut proinde necesse sit, Principes nostros in sortem clericorum conicere, quod oppido falsum est. Ius sacrum Principi, quali, competit, & iniuste ab Episcopis occupatum est, quibus nullum *imperium* ex primæva institutione competit. Sublata ergo eorum potestate, postliminii iure ad principes rediit, quod ipsis, qua talibus, competit, & ita frustra disputatur, an hoc vel illud ius ad L. Diœcesanam, an vero ad jurisdictionem ecclesiasticam pertineat? Imo cum etiam Papale imperium in territoriis protestantium sublatum sit, longe plus iuris protestantes status habent, quam olim Episcopi, quorum iura præterea insignem inuolvebant dependentiam, a iure sacrorum nostrorum principum longe alienam. Vid. Autor *meditat. ad I. P. art. 5. §. 48. p. 709.*

§. VIII. Neque hæc observatio otiosa est. Dependet enim inde quæstio, an iurisdictio ecclesiastica ita principibus propria sit, ut non possit per inuestituram nobilibus communicari ad exemplum iurisdictionis secularis, vel ab illis præscriptione immemoriali acquiri? quod communiter negant ex erroneo illo principio, quod

iurisdictio ecclesiastica ad ius episcopale pertineat, cuius præter principem nemo alius capax esse possit, cum hæc laicis, h. e. qui non sunt Episcopi, omnino propter inhabilitatem denegata sit. Verum ex ante adducto fundamento quæstio hæc omnino affirmanda est, cum eodem modo & iure ecclesiasticam princeps exerceat iurisdictionem, quo secularem, & sicuti hanc, ita etiam illam conferre potest.

§. IX. Reliquiæ tamen quædam pristini iuris catholicis relictæ sunt in terris protestantium in *cit.* §. 48., si de consequendis redditibus, censibus, decimis & pensionibus agitur, quatenus anno 1624. in ditionibus statuum notorie in possessione vel quasi iurisdictionis ecclesiasticæ fuerunt.

MEMBRVM II.

De

ELECTIONE EPISCOPORVM HODIERNA.

§. I.

DE antiquo more eligendi Episcopos agit Autor §. VII. *seqq.* hodiernum plane amittit, scitu tamen necessarium. Scilicet hodie prælati ad officium & dignitatem ecclesiasticam promouentur, vel per viam

etc.

electionis, quæ ordinaria, vel postulationis, quæ extraordinaria, de qua tit. sequente. Minora beneficia per collationem deferuntur.

§. II. *ELECTIO est canonica personæ idoneæ ad dignitatem ecclesiasticam per vota maiora capitularium vel conuentualium facta vocatio. In hoc satis differt a nominatione, quæ olim Regibus compete-
bat, etiam tunc, vbi electio ab ecclesijs cathedralibus fiebat, de qua vid. Espen. in iur. eccles. P. I. tit. 13. c. 3. quæ tamen hodie in Germania incognita est.*

§. III. *Pertinet electio hodie ad capitulum vel conuentum, cui prælatus quæritur; neque hoc ius liberum eligendi Papa per Germaniam impedire potest per vfitatas reservationes, idque vi concordatorum Germaniæ, relatorum ab Autore p. 467. nisi forsitan prælaturæ apud curiam Romanam vacauerint. Sunt etiam præterea iura eligendi & postulandi in omnibus Archiepiscopatibus, Episcopatibus & reliquis fundationibus immediatis confirmata in l. P. art. 5. §. 16.*

§. IV. *Eligunt ergo (I) qui sunt de capitulo, h. e. ecclesiarum cathedralium clerici, vt dicitur in c. 3. X. de caus. poss. & propriet. nec alij admittuntur, nisi consuetudine speciali hoc alicubi introductum fuerit cit. c. 3. quod etiam l. P. art. V. §. 17. confirmatum, ibi:*

Et quibus id præterea pariter cum capitulo pro more competit. (II) quatenus sunt habiles tempore faciendæ electionis h. e. qui vocem in capitulo habent, quales non sunt α) qui sacros ordines non susceperunt clem. 2. de etat. & qual. & ord. pref. β) qui suspensi ab officio vel excommunicatione maiori ligati, non minori c. 39. X. de elect. γ) qui scienter indignum elegerunt, qui per triennium votum dare nequeunt c. 43. b. t. δ) hæretici c. fin. C. 9. q. 1. Ne vero impedimentum electoribus postea obiiciatur, solent nuntii Apostolici, qui intersunt electionibus, eos quoad hunc actum absolvere ab omnibus censuris ecclesiasticis. Hodie præterea in I. P. art. 5. §. 16. respiciendum ad loci consuetudines & statuta antiqua, quatenus illa imperii constitutionibus, transactioni Passauensi, paci religiosæ, & imprimis declarationi & transactioni Instrumenti pacis sunt conformia. Præterea de Archiepiscopatibus & Episcopatibus, qui penes A. C. addictos manent, vel ubi vtraque pars mixta iura habet, cautum est, ut priori casu nihil contineat illi confessioni aduersum, posteriori vero, ut statutis antiquis nihil de nouo admisceatur, quod catholicorum vel A. C. addictorum conscientiam & causam pro cuiusque parte lædere eorumque ius imminuere possit.

§. V. Adeo autem libera electio capitulo in *I. P. art. V. §. 17.* est conseruata, vt electi in capitulationibus suis spondere debeant, se susceptos ecclesiasticos principatus, dignitates & beneficia nequaquam iure hereditario possessuros, aut id acturos, vt hereditaria fierent. Nec porro ab electionibus excludendi sunt Nobiles patricii, gradibus academicis insigniti, aliaque personæ idoneæ, vbi id foundationibus non aduersatur: sunt enim in quibusdam ecclesiis cathedralibus tales foundationes, vbi nemo in numerum canonicorum admittitur, nisi ex antiquo nobili stemmate procreati fuerit, qui proinde vocantur *Stiftmäsig.*

§. VI. Absentes canonici citandi sunt *c. 42. X. b. t.* nisi valde essent remoti *c. 18. X. b. t.* Qui per contemptum non est vocatus, irritare potest electionem. *c. 28. & 36. X. b. t.* Possunt tamen absentes votum suum per procuratores vel plures, qui sint de capitulo, edere *c. 46. b. t. in 6.* sed vt singuli in solidum potestatem habeant, quod etiam in electionibus Cæsarum obseruatur. Vid. *Dn. Stryk. Diss. de claus. commiss. c. II. n. 34. seqq.* Præterea procurator non potest alium suo & alium procuratorio nomine eligere, nisi speciale mandatum habeat *c. 46. cit.*

§. VII.

§. VII. Eliguntur ordinariæ, qui sunt de gremio ecclesiæ *c. 13. D. 61.* possunt tamen etiam hodie extranei eligi, imo alicubi consuetudine vel lege publica receptum, ut eligere prælatum teneantur ex gremio alterius ecclesiæ, vel ex familia quadam illustri, quale exemplum est in *I. P. art. XIII. §. 6.* Eiusmodi restricta electio vel potius postulatio est in episcopatibus Naumburgensi & Merseburgensi.

§. VIII. Qualitates plures recensentur a Canonistis in eligendo observandæ, quæ tamen rarissime ab iis observantur. In compendio has recenset Brunneman. in *dir. eccles. lib. I. c. 5. §. 12.* ex quibus fere hodie tantum hæc supersunt, ne sint minores 30. annis *t. t. X. de atat. & qual. spurii,* beneficia plura curata habeant *c. 34. X. h. t. irregulares, h. e. inhabiles ad munus ecclesiasticum, vel ob vitium corporis, vel ob commissum homicidium &c. aperte criminosi &c.*

§. IX. Facienda demum electio (1) *sede vacante c. 36. de elect.* siue per mortem prælati, siue alio modo, veluti per mutationem religionis propter reservatum ecclesiasticum in *I. P.* fundatum, adeo ut nequidem tractatus de futura electione ante mortem Prælati fieri possint. Expectanda quoque est sepultura Prælati *c. 7. D. 79. r.*

36. *X. b. t.* (II) *intra tres menses* a die vacationis computandos, nisi (a) iustissimum impedimentum adfit, cum tempus hoc currere non possit *c. 41. X. b. t.* & sic interim vocatur *sedes impedita* vid. *Diff. de iure capituli sede impedita.* Vel (C) Pontifex ex iusta causa ulteriorem dilationem eligentibus iniungat. Alias electio ad Pontificem devolvitur *c. 41. X. b. t.* quod etiam in *concord. nat. German.* confirmatum. In capitulis immediatis, A. C. addictis, cessat ius devolutionis, neque enim Pontifex illud sibi arrogare potest, cuius iurisdictio est suspensa, neque Imperator, utpote qui iurisdictionem ecclesiasticam sibi ipsi hoc rerum statu vindicare nequit.

§. X. Antequam electores ad electionem accedant, de *forma electionis & capitulationis* solent deliberationes instituere. Est enim triplex ratio electionis (1) per *scrutinium*, (2) per *compromissum*, (3) *in inspirationem*, *c. 42. X. b. t.* Qui contra has præscriptas formas eligere attentaverunt, ea vice potestate privantur.

§. XI. Frequentior modus est per *Scrutinium*, ubi iuxta *c. 42. X. b. t.* considerari debet (1) *Scrutatorum electio*, qui vota aliorum excipiant. Horum electio debet fieri (a) præsentibus omnibus, qui debent & possunt & volunt commode interesse, (C) & quiden-
tre

tres eligendi, γ) de collegio, nisi extranei privilegio vel consuetudine vocem activam obtinerent, tunc hi quoque eligere possent *Espen in iur. eccl. P. II. tit. 21. c. 4. §. 13.* (II) *Scrutatorum munus*, quod consistit in exquirendis aliorum votis, & quidem a) *diligenter*, unde adhortari debent eligentes, ne indignum eligant: b) *Sigillatim*, neque ad votandum admitti debent bini vel terni sed singuli seorsim, ut confusio evitetur, c) *secrete*, quod commodius fit, si in schedula votum concipiatur & offeratur, d) *ordinate*, ut ante omnia scrutatores vota a se inuicem exigant, antequam reliqui ad votandum admittantur. Solet præterea ipsi electioni præmitti *missa de Spiritu S. & iuramentum electorum.*

§. XII. Vota hoc modo exquisita (III) in Scripturam redigenda sunt, quia ad totum actum electionis adhibentur Notarii, qui super totum electionis actum instrumentum conficiant, & tandem (IV) collatione votorum facta *publicatio* facienda, secundum pluralitatem votorum, ut is electus censeatur, in quem maior & sanior pars consensit c. 42. X. b. t. Ista publicatio debet fieri (1) mox (2) a scrutatoribus omnibus, vel vno nomine eorum, (3) coram omnibus eligentibus, (4) suppresso eorum nomine, qui
vota

vota dederunt. Hac facta electores amplius variare nequeunt *c. 58. X. b. t.*

§. XIII. Iuxta formam hujus scrutinii, quoque adornata est electio Imperatoris in A. B, quippe quæ etiam peragenda intra tres menses, præmissa Missa de Spiritu S., & præstito ab electoribus juramento. Similiter quæ antea de procuratoribus dicta sunt, hic quoque repetita sunt.

§. XIV. Alter modus eligendi est per *compromissum*, cum eligendi potestas vni vel pluribus, siue de collegio siue extra collegium, committitur, vnanimi omnium consensu: vel vno enim dissentiente, per compromissum electio fieri nequit, cum quod singulos tangit, a singulis quoque approbandum sit *c. 29. de R. I. in 6.* Hi compromissarii formam compromissi ad vnguem seruare debent, qua seruata, compromittentes electum recipere tenentur, alioquin electio est nulla *c. 32. X. b. t.* vtpotè si indignum elegerint *c. 37. b. t. in 6.*

§. XV. Denique electio per *inspirationem* dicitur fieri, cum omnes electores, nullo præcedente tractatu, statim in vnum consentiunt *c. 42. X. b. t.* quorsum referunt electionem Ambrosii & Athanasii. vid. *Diff. de iniussit. vocat. fact. ad clam. pop. §. 22. seqq.* Huc tamen minime referendam esse volunt electionem, quæ fit ad clamorem populi *c. 2.*

X. b. t. cum non semper vox populi sit vox Dei.

MEMBRVM III.

De

POSTVLATIONE.

§. I.

POSTVLATIO olim electioni inerat, & ipsam denotabat electionem c. 11. D. 61. maxime vbi plebis consensus adhuc in electione desiderabatur. Plebs enim ita sæpe expetebat sacerdotem c. 18. D. 61. c. 1. D. 62. vel petebat episcopum c. 9. D. 65. vbi simul canon græcus refertur, in quo hæc verba occurrunt: *populi congregati postulent cum, quem sibi expetunt.* Sed a temporibus Innocentii III. distinctio demum inuenta est realis inter electionem & postulationem, qua hodie in fraudem canonum vtuntur.

§. II. Consistit hoc sensu peculiari postulatio in petitione supplice capituli, ad superiorem directa, ut persona quadam, in quam consenserunt, per viam dispensationis ad dignitatem ecclesiasticam promoveatur, qua ob impedimentum aliquod canonicum directo eligi nequit.

§. III. Atque hæc, quam descripsimus, dicitur alias solennis, in qua requiritur (1) concors capituli petitio. Ergo ante hanc po-

postulationem fieri debet electio personæ, quam perviam postulationis admitti desiderant ad prælaturam, ubi tamen secundum c. 40. X. de elect. distinguitur, utrum postulatio concurret cum electione, an non. Prius contingit, si candidati concurrant, quorum alter eligibilis, alter postulabilis est, quo casu hic non aliter præfertur, quam si duplo maiora vota habeat, respectu totius capituli. Posterius vero contingit, si candidati concurrentes omnes sunt postulabiles, quo casu simpliciter vota maiora sufficiunt.

§. IV. (II) *Petitio hæc dirigenda ad superiorem*, qui in defectu canonico dispensare potest, & cum Pontifex confirmationes Episcoporum sibi reseruauerit *in concord. nat. German.*, etiam horum postulatio ad eum dirigenda. Ceterorum prælatorum inferiorum postulatio dirigenda ad Episcopum, quorum confirmatio ad eum spectat. Si Prælati in terris protestantium, perviam postulationis constitui desiderantur, postulatio fit ad ipsum principem. Heber. *Disser. de postulat. c. V.*

§. V. (III) *Postulatio hæc fit pro admitendo eo, cui obstat defectus canonicus, quo minus directo eligi non possit.* Non quivis defectus intelligitur, sed dispensabilis, seu in quo et solet & potest dispensari, ut uti si

defectus sit in ætate, in illegitimis natalibus, vel quod iam beneficium aliud curatum, habeat, vel alii ecclesiæ alligatus sit. &c. Sed non raro quoque ante electionem Pontifex his, qui defectu quodam laborant, solet dare *Decretum elegibilitatis*, quo casu directo eligi possunt.

§. VI. Differt hæc *postulatio* ab electione, quod licet capitulum per vota maiora in aliquem consenserit, imo etiam scrutinium publicauerit, postulato tamen inde nullum ius acquiratur, sed electores adhuc variare possint, quamdiu postulatio superiori nondum insinuata est. Præsentatione superiori facta, electores quidem amplius variare non possunt, superior tamen liberum arbitrium habet, utrum eam admittere velit nec ne *c. 4. X. h. t.* Breuiter confirmatio electionis est *iustitia*, sed postulationis admissio est gratia, qua demum facta, postulatus ius consequitur.

§. VII. In capitulis protestantium nomen *postulationis* quidem retentum est, sed non res ipsa. Neque enim, qui eligunt, preces ad Papam dirigere tenentur pro admissione, postulati in Archiepiscopum, Episcopum aut Prælatum, sed sufficit, si intra annum postulati postulationis suæ fidem fecerint Sacræ Cæsareæ Maiestati, quo casu statim inuestiuntur, ut tamen ultra taxæ ordinariæ sum-

summam insuper eiusdem dimidium pro infeudatione pendant, per *I. P. art. V. §. 21.* In eo tamen differunt ab Episcopis catholicis, quod non simpliciter, vt hi, vocentur *Episcopi*, sed *Postulati in Archiepiscopos, Episcopos, Abbates aut Praepositos* per *I. P. art. V. §. 22.* Nam etiam ante admissionem papalem, is, qui electus est, solet vocari *postulatus in Episcopum*; post admissionem autem dicitur simpliciter Episcopus.

§. VIII. Denique datur etiam postulatio *simplex* seu non soleñis, quæ dirigitur ad eum, sine cuius consensu candidatus eligi nequit, non ob aliquem defectum, sed eius interesse, vtpote si Monachus eligitur, consensus Abbatis impetrandus est. Atque hæc præcedere solet ipsam electionem, adeoque electione facta adhuc confirmatione Pontificis opus est.

MEMBRVM IV.

DE

CONFIRMATIONE PRÆLATORVM HODIERNA.

§. I.

ELECTUS intra mensem assensum electioni præstare tenetur, alioquin iure ex electione quæsito priuatur *c. 6, & 27. de*

elect. in 6. Neque enim regulariter inuitus cogitur ad consentiendum, quamuis non defint exempla, inuitos etiam quandoque ad dignitatem ecclesiasticam suscipiendam coactos fuisse, de quibus agit Zieglerus *tr. de clerico renitente.*

§. II. Assensu præstito, *confirmatio electionis* petenda erat ab immediato superiori, & sic episcopus electus confirmabatur a Metropolitano, in qua confirmatione inquirebatur, an electio debito modo facta esset, & sic erat simplex *cognitio de facta electione.* Petrus de Marca *de concord. sacerdot. & imper. lib. VI. c. 3. 4. 5.* Sed hodie Episcoporum confirmationes Pontifex sibi vindicauit, modumque earum & formam præscripsit in *c. cupientes 16. de elect. in 6.* Constitutio hæc Nicolai III. confirmata est in *concordat. Nat. Germ.* ab Aut. nostro *p. 469.* adductis, hoc adiecto, quod, si intra tempus præscriptum non fuerint præsentatæ, vel si præsentatæ minus canonicæ fuerint, ipse providere, si canonicæ fuerint, eas confirmare velit, nisi ex rationabili & euidenti causa de digniori & ytiliori persona duxerit providendum.

§. III. Porro olim Episcopi in ipsa confirmatione non iurabant, sed tantum scripto tradebant professionem fidei. At Gregorius IX. censuit, episcopos suis Metropolitanis in ipsa confirmatione præstare debere iuramentum fidelitatis & obedientiæ ca-
no-

nonicæ, quo ipso factum est, ut postquam Pontifex omnes confirmationes sibi vindicavit, ei quoque iuramentum præstari debeat.

§. IV. Fit confirmatio præcedente debita causæ cognitione, adeoque generaliter citandi sunt in ecclesia, in qua electio facta est, quorum interest *c. f. de elect. in 6.* Subinde quoque iuxta *Concil. Trident. Sess. 24. de reform. c. 1.* necesse est, ut plena instructio de electione in instrumentum publicum, redigatur, & cum professione fidei ab electo facta quamprimum ad Romanum Pontificem transmittatur. Hæc testimonia & instructiones transmissæ, per Cardinalem *relatorem*, qui ut plurimum *protector* illius regni est, adiunctis tribus aliis, sedulo examinantur, & tandem relatio fit in consistorio Pontificis, & ipsa Pontificis approbatio sequitur, Bullis consuetis explicata.

§. V. Tribuit hæc confirmatio potestatem exercendi iurisdictionem ecclesiasticam, cum omnibus suis speciebus, exceptis ordinis iuribus. Ante illam administrationi eius sese ingerere non debet *c. 17. de elect. c. 44. eod.* nisi valde remoti sint, seu extra Italiam constituti *c. 44. X. b. 1.* & ita quoque Episcopi Germaniæ post electionem statim iurisdictionalia exercent in suis diœcesibus, ante omnem Pontificis confirmationem,

imo & iura territorialia, quæque inde dependent. Proinde statim iure sessionis & suffragii in comitiis gaudent, & Archiofficia quoque expediunt, non tamen absolute *Episcopi* sed *electi episcopi* dici solent. Fagnanus ad c. 7. X. de rescript.

§. VI. Episcopi A. C. addicti in eo differunt ab Episcopis catholicis: (I) quod confirmatione nulla indigeant, sed tantum intra annum S. Cæsareæ Maiestati fidem suæ electionis facere debeant (II) quod proinde vocentur *electi in Episcopos*, (III) quod in comitiis sessionem in scamno inter ecclesiasticos & seculares intermedio & transverso capiant per I. P. art. V. §. 21. & 22. (IV) quod haud consecrentur, & ita quoque illa, quæ ordinis sunt, non exercent. Confirmant quoque Principes A. C. addicti Prælatos electos in suis territoriis, & ad alia beneficia ecclesiastica promotos, quod non adeo mirandum, cum etiam Duces Pomeraniæ olim omni tempore Episcopos Caminienses confirmasse legantur.

MEMBRUM V.

De

CONSECRATIONE.

§. I.

Quia olim proprium Episcopi munus erat, actus ad ministerium divinum, pertinentes peragere, inde statim quoque ordinabantur per impositionem manuum, præsentibus comprouincialibus episcopis. Postquam vero hi, neglecto sacro officio, tantum iurisdictionalia exercuere, inde, consecratio sæpe diu dilata fuit, & adhuc hodie differtur, absque ea tamen, quæ ordinis sunt peragere nequeunt *c. 4. X. de translat. Episcop.* Sic licet Archiepiscopus Moguntinus post electionem actum electionis imperatoris dirigere queat, coronationem tamen electi imperatoris aliter peragere, nequit, nisi ipse consecratus sit.

§. II. In oriente consecratio episcoporum ad metropolitanos, horum vero ad Patriarchos spectabat; sed in occidente metropolitanorum ordinatio ad Pontificem non spectat, nisi tantum eorum, qui Dioceseos urbicariæ finibus continentur. *Marca de C.S. & Imper. lib. VI. c. 4.* Episcopi ergo suffraganei a suis Archiepiscopis in ecclesia, ad quam promoti fuerant, aut in prouincia,

& quidem intra tres menses, a data confirmatione consecrantur. Concil. Trid. *Sess. 23. de reform. c. 2.* præstito solenni iuramento, de quo plenius differit Espen *in iur. eccles. P. I. tit. 15. c. 2.*, quamvis hoc olim reprobauerit Leo *in c. 3. X. de maior. & obed.* Conf. Gonzalez Tellez *ad c. 4. X. de elect. n. 26.*

§. III. Olim ritus consecrationis erat simplicissimus, & potissimum impositione manus absoluebatur. Sed paulatim plures ritus & solennia addita sunt, quæ fufius referunt & explicant Durandus *in rituali div. offic.* & Espen *cit. l. c. 3.* Huic consecrationi non tantum hunc effectum tribuunt, ut illa, quæ sunt ordinis, consequatur, sed etiam ut iam matrimonium cum ecclesia consummatum sit, quod electione initiatum; & confirmatione demum ratum dicitur *c. 4. X. de transl. Episc.* per quod nexu indissolubili conglutinatur cum ecclesia sua, per Pontificem demum dissolvendo.

TIT. IIX.

DE

PRESBYTERIS.

§. I.

Hodie quidem una eademque est ratio Presbyterorum. Sed olim Presbyteri erant

erant duplicis generis, quidam simul docebant, quidam non *1 Tim. V, 17.* quod indicium præbet, proprium eorum munus non constituisse in docendo, sicuti quoque Doctores non statim erant Presbyteri; plures enim in ecclesiis docebant, qui confessori Presbyterorum adscripti non erant. Commune omnium officium erat, (1) *intendere gregi*, ut iuxta præceptum Salvatoris nostri vita ab unoquoque institueretur, *Act. XX, 28.* (2) *curam habere pauperum & viduarum.* Iustin. *Martyr. Apol. II.* (3) *dirigere illa, quæ in cœtu fidelium fiebant, & inde quoque administrationi sacrorum præerant.* Sed hodie præcipuum eorum munus consistere aiunt in prædicatione verbi diuini. Voetius *Polit. eccles. P. 2. lib. 2. tr. 3. c. 3. §. 4.*

§. II. Ex quo fluit, residentiæ seu perpetuam præsentiam omnibus Presbyteris esse necessariam, & munus hoc per vicarios exerceri non posse. Ast de iure canonico residendi necessitas multis ex causis relaxatur, & vicarii quoque non adeo incogniti sunt, ut in antiquis canonibus vtrumque prohibitum sit. Quin & fugere ministro ecclesiæ ob metum publicum haud permissum videtur, nisi malum imminens vnicuius personam petat; quamvis etiam Carpzov. *lib. I. I. E. def. 2.* suo modo excipiat casum pestis, quod declarat Brun-

nem.

nem, in *I. Eccl. lib. 1. c. 6. m. 10. §. 12.* ibique Dn. Stryk.

§. III. Quæ cum ita sint, facile apparet, nostros ministros magis *Doctores & Ministros* quam *Presbyteros* vocari posse, quia primarium eorum munus in *concionando & docendo* consistit, quod olim *doctorum*, qua talium, proprium erat. Conf. Gisb. Voet. *p. 2. lib. 2. tr. 3. c. 4.* Sunt adhuc in Belgio *Presbyteri* seu *seniores*, distincti a *doctoribus*, de quibus Voetius *cit. l.* qui *presbyteros* primævos quodammodo referunt, quod tamen admittere non vult Campegius Vitringa *de Synagoga vet. lib. II. c. 2. p. 482. seqq.*

§. IV. Quemadmodum vero olim *Presbyterorum* confessus erat in singulis ecclesiis, teste Tertull. *c. VII. de exhort. castit.* ita quoque in nostris ecclesiis ministri ecclesiarum vnius civitatis vnum constituunt, collegium seu *ministerium*, qui in commune consulunt ecclesiæ, conuentus ad conuocationem Senioris seu Pastoris primarii instituunt, publicis scandalis emendandis incumbunt, & quibus ipsimet impares sunt, ad consistorium referunt, Brunnem. in *Iur. eccles. lib. 1. c. 6. m. 9. §. 5. seq.* cum iurisdictionem proprie dictam nullam habeant. Id. *lib. III. c. 1. §. 34.*

§. V. Addam, quæ præterea ius canonicum de *ministerio* adfert. (I) Non inique cen-

censet, in honorem ministerii plura esse, dissimulanda *c. 8. D. 96. c. 12. C. 2. q. 7.* & ita nœui eius prudenter sunt emendandi. De *conservanda dignitate ministerii pluribus* agit, Gisb. Voetius de *polit. eccl. P. 2. lib. 2. tr. 1. c. 9. p. 304. seqq.* (II) ministerio huic cohærere, efficaciam Spiritus S. statuit, adeoque etiam Spiritum Sanctum operari per impium ministerium *c. 98. inf. C. 1. q. 1. c. 30. seqq. C. 1. q. 1. c. 66. C. 1. q. 1. modo fit intra ecclesiam c. 58. C. 1. q. 1. c. 84. C. 1. q. 1.* adeoque ministerio, quod extra ecclesiam Catholicam est seu Pontificiam, omnem efficaciam abiudicant, ex vulgato asserto, quod extra ecclesiam non sit salus, nec Spiritus S. efficacia. Augustinum tamen in eadem sententia non perstitisse, apparet ex *c. 97. C. 1. q. 1.* Ita mirifice confundunt ecclesiam *internam & externam.*

TIT. IX. DE DIACONIS.

§. I.

AUtor ex communi sententia Diaconorum originem repetit ex *Act. VI.* quæ adeo inueterata est, vt concilia quoque idem doceant & Scriptores ecclesiastici repetant, *Enseb. lib. II. H. E. c. 1.* Patres tamen in Concil. Constantinopolitano, in Trullo habito *c. 16.* de eo dubitarunt, quorum

rum sententiam etiam sequitur Vitringa *de Synag. Vet. lib. III. P. 2. c. 5. p. 924.*, qui hos septemuiros, quorum *Act. VI.* fit mentio, tantum electos fuisse censet ad munus aliquod *temporarium & extraordinarium.*

§. II. Scilicet ipse contextus docet, electos fuisse hos septemuiros ad *ministerium quotidianum*, quod in alendis pauperibus ex bonis communibus consistebat, quæ cura antea Apostolis incumbibat. At vero Diaconi huic muneri non præerant, sed potius ipsi Presbyteri, *Act. XI. 29. 30.* qui hoc intuitu dicuntur a Iustino Martyre in *Apol. II. in f. Indigentium omnium curatores.* Ad eoque *tit. cap. VI.* hos potius electos esse, quam Diaconos, credibile est.

§. III. In Synagogis Iudæorum *ministri* tales satis noti erant, & quia ecclesiæ Christianorum ad imaginem Synagogarum conditæ sunt, inde prono alveo fluit, eos in ecclesiis constitutos fuisse ex institutis Iudaicis; adeoque & collegio Presbyterorum & ecclesiæ inferuiebant. *c. 17. D. 93. Leuitarum* nomen incognitum erat, quia ipsum *Sacerdotium* nondum receptum erat. Hoc vero Episcopis & Presbyteris applicato, cum *Leuitis* comparati, & iura *Leuitarum* iis applicata sunt, & hoc modo *ordinibus sacerdotis* adscribi cœperunt,

TIT. X.
DE
CLERICIS MINORVM
ORDINVM.

§. I.

CLericorum numero præter necessitatem multiplicatus est, cum omnia horum, qui in *minoribus ordinibus* constituti sunt, officia ita sint comparata, ut ab vno commode administrari possint. Vnde horum omnium partes in ecclesiis protestantium, sustinent *aditui* vel *ecclesiarum custodes*, quamvis in nonnullis locis ab his adhuc distinguantur *Ostiarii*, qui claudendis ianuis ecclesiæ, purgando templo & campanis sonandis præsent, vocanturque *Bürcher* / *Glöckner*.

§. II. Ut ut vero secundum ius Canonicum ostiarii, custodes & similes *clericorum*, ordini adscribantur, posset tamen dubitari, an idem de ecclesiis protestantium quoque dicendum sit, quia cum ministris ecclesiæ seu pastoribus nullo modo comparari queunt, qui proprie hoc nomine venire videntur. Ast cum etiam suo modo ecclesiis inseruiant, & clericorum appellatio omnibus his, qui ecclesiæ inseruiunt, competat, *aditui* quoque imo & *organici* huc referun-

runtur Carpz. *P. 1. I. E. Def. 75.* Mev. *P. 7. Decif. 27. n. 3.* quo pofito etiam immunitates & iura clericorum iis denegari non debent, fed confiftorio æque fubfunt, vt paftores cum tota familia. Mev. *cit. l.* Carpz. *P. 3. I. E. Def. 6.*

§. III. Conftituuntur Cuftores in plurimis locis ab ipsis Paftoribus. Alicubi a *Patronis* cum præfci- tu Paftoris, & a confiftorio confirmantis Carpz. *P. 1. I. E. Def. 79.* de quo Autor *lib. I. tit. 16. in f.* agit. Patrono enim non eft integrum, cuftores recipere fine Confiftorii confirmatione, aut eos deponere, cum vtrumque iurisdictionis ecclefiafticæ actus fit Mev. *P. 7. Decif. 27.*

§. IV. Cuftodis officium eft, ordinare, decenter baptifterium, præparare neceffaria ad celebrationem Euchariftiæ, præcentoris vices obire, fi alii cantores defunt, facrifcia implere, comitari paftorem, facra peragentem, eique inferuire &c. Plura quoque, quæ olim Diaconis incumbabant, eis commiffa funt, veluti vt publice legant in ecclefia, affiftant Paftori, facram cœnam peragenti &c.

§. V. Quamvis vero Paftorum viduæ ubique fere gaudeant anno gratiæ, cuftodum viduæ & liberi tamen hoc non gaudent, cum tantum fauorem pro fe non habeant, vti Paftores, nifi ordinationibus ecclefiafticis

ficis hoc ipsis specialiter concessum fuerit,
vbi de Ducatu Magdeburgico constat.

TIT. XI.

DE

ABBATIBVS ET MONACHIS.

§. I.

DE ABBATIBVS & MONACHIS pro instituti ratione satis prolixè agit Autor, pauca tamen, quæ deesse videntur, iis addam. Abbates in Germania sunt vel immediati vel mediati. Illi dicuntur duobus modis: (I) *ratione exemptionis*, quod immediate subsint Pontifici Romano, (II) *ratione territorii*, quod immediatum in imperio est, & ita superiorem præter Cæsarem non habent, siue sint catholici siue protestantes, quod etiam de Abbatissis dicendum. Hi episcopis in multis æquiparantur, propriam suam Diocesin habent, iurisdictionem episcopalem quodammodo exercent tanquam *ordinarii*, imo præterea ex privilegio Pontificis vsum Pontificalium habent, h. e. vtuntur mitra annulo, & Sandaliis, vnde etiam *insulati* dicuntur. Tamburinus de Iur. Abbat. Tom. I. Disp. 21. q. 1. Atque hi primam tonsuram & ordines minores conferunt c. 3. de priuil. in 6.

§. II. In imperio etiam præfulgent dignitate singulari, vocanturq; *Äbte* *Ärztel*, *Öber*

den/ & in Comitibus sessionem in scamno Principum ecclesiasticorum post Episcopos habent, ut Abbas Fuldenfis, Augustæ Archicancellarius, & primas per Germaniam & Galliam, Campidunensis, Augustæ Archimareschallus, Præpositus Elvangelensis, Corbeiensis &c. Sed etiam Abbatissæ quædam similem prærogatiuam habent, propriumque territorium, votum quoque, & sessionem in Comitibus exercent post Prælatos. Sic Rhenensibus assident Essensis, Buchauiensis, Quedlinburgensis, Andlauensis, Heruordiensis, Gernrodenfis &c.

§. III. Et quidem cum quædam Abbatissæ & præposituræ immediatæ A. C. addictæ sint, cautum est in *I. P. art. VI. §. 14.* quod in hoc diiudicando vnice respiciendum sit ad terminum anni 1624, d. 1. Ian. & Prælati vocari debeant, *electi in Abbates & Præpositos.* In hoc porro conditio Abbatissarum, A. C. addictarum, melior est, quod licite nubere possint, nec hoc facto resignare teneantur, cum nullo voto castitatis sint alligatæ, prout Thulemarius peculiari scripto German. ostendit.

§. IV. *Mediati* vero dicuntur, qui domino territorii subiacent, quales tum apud Catholicos tum apud Protestantibus habentur. Sic in Austriacis & Bauaricis diuisionibus multi sunt Abbates, qui statum provin-

cia.

cialium loco & iure per omnia habentur. De his iridem cautum in *I. P. art. V. §. 25.* vt ad terminum prædictum vnice respici debeat, & A. C. addicti monasteria eodem modo possideant, prout anno 1624. possederunt. Vnde in terris protestantium dantur Abbates seu Prælati catholici, & A. C. addicti: qui *eliguntur* a conuentualibus, & *confirmantur* a Domino territorii, vel *admittuntur*, si per viam postulationis electi fuerint vid. *I. P. art. V. §. 26.* Olim ab Episcopis confirmabantur, quibus sublati, ius confirmandi Abbates, etiam catholicos, Domino territorii competit.

§. V. Cum itaque ex his appareat, *Abbat* nomen dignitatem non minimam ecclesiasticam inuoluere, inde quidam, studium humilitatis præ se ferentes, novos ordines fundarunt, iisque præfectos humiliore nomine *Guardianorum, Priorum, &c.* insigniuerunt, vt Dominicani, Franciscani, &c.

§. VI. Sed circa hæc nomina distinctione opus est. In Monasteriis, vbi Abbates sunt, vicariatum eorum gerunt *Prepositi* sine *Priores claustrales* c. 9. X. de V. S. qui in quibusdam congregationibus a proprio Abbate, in nonnullis vero a capitulo & Superioribus eliguntur. Tamburinus de iure Abbat. T. 3. Disp. 2. qu. 4. n. 1. & sic curam gerunt monasterii post Abbatem. Espen. in iur. eccl. P. 1. tit. 21. c. 2. §. 1. seqq. His quodam-

modo similes sunt Priores *obedientiarum*, qui præfunt *obedientiis*, quæ sunt cellæ vel monasteriola, quæ a monasterio principali dependent, in quibus pauciores Monachi sub Priore obedientiarum viuunt. Vid. *Caſel du Fresne in Gloſſar. voc. obedientie*. Tales cellas plures sæpe habuit monasterium, vti de Cluniacensi monasterio conſtat, quod 200. habuerit. Anton Matthæi *de nobil. lib. II. c. 25. p. 452*. Inde quoque orta diſtinctio inter Monachos *clauſtrales* & *obedientiarum*.

§. VII. A Prioribus *clauſtralibus* diſtinguunt Priores *conuentuales*, qui in ſuis monaſteriis ex inſtituto ordinis proprio ſunt loco Abbatum, vti apud Dominicanos. Similiter Præmonſtratenſes ſuos ſuperiores vocant *Præpoſitos*, & inde *præpoſitura* etiam dignitas dicitur, ſicuti *Abbatia*.

§. VIII. Congregatio Monachorum in monaſteriis *conuentus* dicitur, inde Monachi *conuentuales* & *eccleſiæ conuentuales* dicuntur. Matthæi *de nobil. p. 553*. quæ denominatio a Proteſtantibus tantum retinetur, cum in noſtris monaſteriis proprie dictos monachos non habeamus. Quamuis vero Catholicis alias permiſſum ſit, alios religioſorum ordines in ſuis monaſteriis introducere, hæc tamen libertas ſuo modo iis ademta, eſt in *I. P. art. V. §. 26*. quoad ea monaſteria, quæ

quæ in territoriis Protestantium anno 1624. d. 1. Ian. possederunt.

§. IX. Qui admitti ad monachatum desiderant, per annum, quo in Nouitiatu viuunt, probandi sunt, eisque præest *Magister Nouitiorum*, qui eos instruit in vita & moribus monasticis. Ante completum probationis annum professio edita est ipso iure nulla, per Concil. Trident. *Sess. 25. de regular. c. 15.* quo correctum est *c. 2. & 3. de regular. in 6.* quia intra hoc tempus libere propositum vitæ monasticæ deserere possunt.

§. X. Ante professionem Nouitii adhuc libere disponere possunt de bonis suis. Ne vero Nouitii nimis præcipitanter de bonis suis inter viuos disponant, & ita postea propositum vitæ monasticæ deserere impediantur, cautum est in Concil. Trident. *Sess. 25. de regular. c. 16.* ne talis renunciatio vel donatio fiat, nisi intra duos menses proximos ante professionem, & quidem cum licentia Episcopi; imo ne ita facta effectum fortiatur, iuramento licet confirmata, nisi secuta professione.

§. XI. Denique notandum, esse etiam fundationes liberas seculares, *freye weltl. Stifter*, vbi virgines aluntur, sub inspectione Abbatisæ, quæ voto castitatis haud adstringuntur, sed conuentum relinquere & nubere possunt, sola Abbatisa excepta.

Huiusmodi monasteria duo sunt Ratisbo-
na, das Obermünster und das Niedermün-
ster. Ipsæ Abbatiæ principali dignitate
gaudent, & in Comitibus imperii quoque
votum & sessionem habent. Idem quoque
dicendum de monasterio Lindauensi.

Tit. XII.

De

SACRIS ORDINIBVS EQUESTRIBVS.

§. I.

Quemadmodum hi ordines potissimum
militia gratia coaluerunt, ita quoque,
prout res bellica postulauit, pluribus in-
structi fuerunt officialibus, de quibus vid.
Europ. Herold P. 1. p. 334. seqq. Superstitio
præterea insignia eis peperit bona, eodem
modo, quo monasteriis, postquam hisce or-
dinibus adscripti religiosam vitam degere
videbantur.

§. II. Hæc bona dispersa sunt per varias
prouincias, inde quoque iuxta prouincias,
quas *Baliuias* vocant, ea distinxerunt. *Ba-
liuia* enim idem est quod *prefectura* vid. Mat-
thæi de nobil. p. 1092. Sic ordo Teutonicus
habuit die *Valley Lothringen Burgundi
Elfaß Coblenz Oesterreich Granderich
Tyrol*

Tyrol/ Hessen/ Utrecht/ Thüringen/ Westphalen und Sachsen. Hisce præsumt *commendatores prouinciales* die Land-Comther/ qui vices Magistri ordinis in prouincia seu Baliuia gerunt, sub quibus sunt *simplices commendatores*, die schlechten Comther/ forsan a *commendando* dicti, qui terminus rei militari proprius est, non a *commeatu*, vt Autor existimat.

§. III. Ipsi fratres ordini adscripti sunt, vel *religiosi* vel *seculares*. Ex illis quidam, *militia* operam dederunt, quidam *sacris*, vt Presbyteri, Diaconi, Subdiaconi. Anton. Matthæi *de nobilit. lib. IV. c. 14. p. 993*. Equites ipsi horis canonicis non adstringuntur, vt Presbyteri ordinis, sed loco earum certas preces quotidie dicere iussi sunt. Statuta ordinis habet Europ. Herold *p. 1. p. 335*. Fratres *religiosi* præterea ad instar monachorum tria vota emittunt, & sub regula Augustini viuunt, adeoque ad seculum reuer- ti prohibentur ad instar Monachorum. Matthæi *cit. l. p. 994*. Clerici vero ad Parochias etiam admissi, & sacris præsumt. Id. *cit. l.*

§. IV. Ipsi ordines immediate Papæ sub- sunt, & ita quoque exempti sunt a iurisdic- tione Episcoporum, vt ostendit Matthæi *cit. l. p. 999*. ex charta Innocentii III. Sed reformatione in Germania secuta, com-

mendatores cum ipsis commendaturis, quæ in terris protestantium reperiuntur, Principibus protestantibus subesse cœperunt, suffragante I. P. art. V. §. 14. ubi inter *bonæ ecclesiastica immediate* etiam *Baliuæ* recensentur, & terminus anni 1624. d. 1. Ian. iis quoque præscribitur. Conf. art. V. §. 25.

§. V. Cum ergo bona hisce ordinibus destinata inter ecclesiastica referantur, uti diximus, imo commendaturæ naturam beneficiorum ecclesiasticorum habeant, omnino quoque iura, quæ circa huiusmodi bona in genere obtinent, his quoque applicari, eaque non aliter alienari possunt, quam si consuetæ solennitates interuenerint, & cum consensu capitulari alienata fuerint.

§. VI. Constituunt enim in singulis Baliuis Commendatores capitulum, sub *commendatore prouinciali*, dem *Land Comthe*, quo decedente, penes capitulum interim iurisdictio ecclesiastica residet, quod etiam eligit commendatorem prouincialem, eodem modo, quo alii Prælati eliguntur. Magnum ordinis magistrum eligunt *commendatores prouinciales*, qui itidem inter se capitulum constituunt, & in sede ordinaria Magistri ordinis conueniunt. Sic quoque in singulis Baliuiis certus locus capitulo destinatus, quo de causis maioris momenti

menti deliberationes instituuntur, vbi scilicet commendator prouincialis residet.

TIT. XIII.

DE

SCHOLIS ET VNIVERSITATIBVS.

§. I.

CUm Scholæ & Academiæ itidem sint, *societates* quædam externæ, inde disputari solet, vtrum sint ad corpora *ecclesiastica*, an *profana* referendæ? Nec hæc quæstio est de lana caprina, cum ex statu collegiorum iura æstimanda sint. Curia Papiensis censuit, esse secularia collegia; alii ad corpora ecclesiastica eas retulerunt. *Limneus in iur. publ. lib. VIII. c. 1. n. 47.* Alii denique mixturam quandam in iis deprehendi indicarunt.

§. II. Equidem Imperatores *ius erigendi Academiæ* hætenus exercuere: ast Pontifex concursum prætendit cum Imperatore in erigendis Academiis, nec desunt exempla Academiarum a Papa erectarum. Inde auctoritate Imperatorum & Paparum gradus Academici in Academiis Catholicis conferuntur, qui vices suas in concilio Ba-

K 5

file-

fileensi & Ferrariensi Episcopis comiserunt, eosq; cancellarios Academiarum constituerunt, adeo vt Academiae ab hoc tempore cathedris Episcopatum incorporatae fuerint. Linck. *de iur. Episc. c. X. n. 49. seqq.* Hoc intuitu cura Academiarum & Scholarum dicitur, *iuris Episcopalis* & ad *Legem Diocesanam* refertur, Carpz. *P. I. Iurispud. Consist. lib. I. Def. 8. & 9.*

§. III. Accedit praeterea, quod Scholae in monasteriis & collegiis canonicorum habitae fuerint, Ziegler *de Episc. lib. III. c. 23. §. 5. seqq.* ita vt a clericis discipuli instituerentur. Quo ipso scholae ad corpora ecclesiastica in plerisque relatae fuerunt, id quod ex multis adhuc documentis perspicuum est. Sic Academiarum consistoria ad formam consistoriorum Episcopaliu sunt adornata, Academiae & Scholae ecclesiarum & piorum corporum iura habent Carpz. *P. III. eccles. Def. 12. n. 7.* Vniuersitates praetoribus accensentur, & quibusdam in locis in diocesis provincialibus praetorum iure fruuntur, & sic in Saxonia in Consistorio supremo vel Senatu ecclesiastico conueniuntur. Carpz. *cit. l. n. 5. & 9.* Similiter & scholae triuales in plerisque locis subsunt consistorii iurisdictioni, nisi consuetudine aliud introductum vel legibus publicis cautum sit. Vid. Dn, Stryk *in not. ad ius eccl. Brunnen. lib. I. C. IV.*

C. VI. m. 12. §. 12. Hæc omnia indicant, Academias & Scholas magis ad corpus ecclesiasticum referendas esse, quæ ex ratione, etiam Pontifex ius erigendi Academias sibi vindicauit.

§. IV. Ex hoc fundamento quoque Principes protestantes in plurimis Monasteriis Scholas erexerunt, vel bona monasteriorum Academiis incorporarunt, quia hoc ipso ad vsus æque similes imò magis pios applicata sunt, et consequenter pristinam suam naturam haud amiserunt, sed adhuc instar beneficiorum ecclesiasticorum habentur. *Sieyogt de union. benef. Diff. I. c. I.*

§. V. Proxime olim imprimis ad corpora ecclesiastica accedebant *scholæ episcopales*, quæ ab Episcoporum regimine dependebant, & in quibus iuuentus ad vtilitatem ecclesiæ, eiusque disciplinam addiscendam instituebatur, de quibus mentio fit in *Concil. Cabilonensi II. anno 813. celebrato, c. 3.* quæ circa seculum XI. in desuetudinem abierunt, restaurandæ tamen secundum *Concil. Trident. Sess. XXIII. c. 18.*

§. VI. Sicuti vero hæ scholæ episcopales maxime illis patebant, qui ad clerum essent assumendi, ita postea Academiae plenius instructæ sunt, vt omnibus indifferenter prodesse, qui quibuscumque artibus liberalibus essent instruendi, & inde *Vniuersita-*

fit.

santes dictæ videntur, quæ itidem ad *corpore ecclesiastica* accedere videntur. Hoc intuitu quoque *Schola* disertis verbis inter *bona ecclesiastica* referuntur in *L. P. art. V. §. 25.* & terminus quoque anni 1624. d. 1. Ian. iis applicatur.

§. VII. Inter Protestantes *ius instituendi scholas* ad Principem pertinet, quemadmodum ille quoque scholarum ministros constituit, nisi *ius Patronatus* Senatui competat. Quod si Princeps vel Patronus religionem mutaverit, communitatibus in *L. P. art. VII. §. 1.* concessum est, ut possint idoneos nominare scholæ ministros a Principe confirmandos. Quid vero tunc obtineat, si simul communitas aliqua religionem sui Principis amplexa est, de eo vid. *L. P. art. VII. §. 2.*

§. VIII. Sic quoque in hoc casu Principi integrum est, in usum subditorum, qui eandem cum principe religionem profitentur, novas instituere scholas. Ast in *ciuitatibus immediatis* imperii, ubi Catholica & Protestantium religio æque viget, ut Kauffbeitz & Augusta Vindelicorum &c. maior difficultas occurrit, an novas scholas erigere iis integrum sit, quæ anno 1624. d. 1. Ian. ibidem non fuerunt. Fuisse hanc quaestionem in comitiis acriter ventilatam refert Autor. *meditat. ad Instrum. P. art. V. §. 29. p.*

460. vbi in f. d. §. 29. argumenta vtriusque partis subinde recenset. Non defunt in vtramque sententiam argumenta satis plausibilia, quodsi tamen verba dicti §. 29. final. recte ponderentur, nouarum scholarum institutio non videtur prohibita, cum expresse cautum sit, neutri partium alteram de religionis suæ exercitio deturbare fas esse, quod liberum Religionis exercitium, etiam inuoluit nouarum scholarum institutionem, imo inter annexa eius refertur, in art. V. §. 31. Ast vbi protestantes soli clauem reipubl. gerunt, mere respiciendum est ad annum 1624, vt illis tantum scholis Catholici frui possint, quas dicto anno habuerunt. Si nullas habuerint, parentes non prohibentur exteris suæ religionis scholis liberos tradere, aut priuatis domi præceptoribus instituendos committere per art. V. §. 34.

§. IX. Denique ex hætenus dictis quoque fuit, disciplinam in scholis exercendam esse secundum leges a principe præscriptas, non ad præscriptum parentum. Hi quidem intra priuatos parietes disciplinam in liberos exercent, sed in Scholis publicis omnia dirigenda sunt secundum leges, cum hæc seminaria constituentur in utilitatem reipublicæ, & vigor Patriæ potestatis.

statis in his quiescere, & se suis continere limitibus debeat.

TIT. XIV.

DE

IVRE PATRONATVS.

§. I.

IVS PATRONATVS antiquissimum quidem est, sed non eodem modo & sensu olim, vti quidem hodie, vsitatum. Olim Fundatores eligebant clericos & constituebant, eosque presentabant Episcopo, non vt ipse eos constitueret, sed vt tantum, an digni essent, inquireret. Sic Iustin. in Nov. 57. c. 2. iubet, a fundatoribus idoneos in ecclesiis, quas fundauerint, eligi, & nominari, & quidem dignos ex Episcopi Diocesani iudicio & examine probandos. Idem perspicue apparet ex Nov. 123. c. 18. vbi Imper. ita: *Si quis oratorii domum fabricauerit, & voluerit in ea clericos ordinare, aut ipse aut ejus heredes: Si expensas ipsis Clericis ministrant, & dignos denominant, denominatos ordinari &c.* Episcopi ergo erat probare presentatos, & ordinare quos dignos iudicasset; nam in hunc finem ei offerebantur, vt dicitur in Concil. Tolet. IX. c. 2. relato a Gratiano c. 32. C. 16. q. 7.

§. II.

§. II. Quia vero hæc *collatio muneris ecclesiastici*, quæ olim laicis Patronis adscribebatur, cum doctrina subsequen-
tium temporum minus convenire videbatur, secundum quam laici inhabiles iudicati ad ius spiri-
tuale exercendum, novam interpretationem *præsentatio a Patronis facienda* accepit, ut tan-
tum denotaret *designationem personæ*, Episcopo offerendam, ut ille ei, si dignus reper-
tus fuerit, munus ecclesiasticum conferat. Omnem enim *collationem* munerum eccle-
siasticorum adscribunt Episcopo, eamque aiunt esse vel *liberam*, quando Episcopus
ipse denominat personam muneri præfici-
endam: vel *non liberam*, quæ sit ad præ-
sentationem Patroni. Hoc sensu præsen-
tatio accepta parum vel nihil a *nominatione*
differt, de qua Autor §. 10.

§. III. Inde factum esse credo, quod Ca-
nonistæ quovis conatu ius Patronatus co-
arctare, eiusque essentiam vnicè ad *præsen-
tationem* restringere laborauerint, ne ultra
quid Patrono indulgeretur, sed Episcopo
ius collationis saluum maneret. Imo non
defuerunt, qui illud multis argumentis im-
pugnaverunt, ut Gisb. Voetius de *Polit. eccl.*
P. 2. lib. 3. tr. 2. c. 3. seqq. alique, quæ ta-
men solide resolvit Schookius exercit. 18. §.
6. Incommoda quædam secum habet, sed
propterea in totum reprobari nequit.

§. IV.

statis in his quiescere, & se suis continere limitibus debeat.

TIT. XIV.

DE

IVRE PATRONATVS.

§. I.

IVRE PATRONATVS antiquissimum quidem est, sed non eodem modo & sensu olim, vti quidem hodie, vsitatum. Olim Fundatores eligebant clericos & constituiebant, eosque presentabant Episcopo, non vt ipse eos constitueret, sed vt tantum, an digni essent, inquireret. Sic Iustin. in Nov. 57. c. 2. iubet, a fundatoribus idoneos in ecclesiis, quas fundauerint, eligi, & nominari, & quidem dignos ex Episcopi Diocesani iudicio & examine probandos. Idem perspicue apparet ex Nov. 123. c. 18. vbi Imper. ita: *Si quis oratori domum fabricauerit, & voluerit in ea clericos ordinare, aut ipse aut ejus heredes: Si expensas ipsis Clericis ministrant, & dignos denominant, denominatos ordinari &c.* Episcopi ergo erat probare presentatos, & ordinare quos dignos iudicasset; nam in hunc finem ei offerebantur, vt dicitur in Concil. Tolet. IX. c. 2. relato a Gratiano c. 32. C. 16. q. 7.

§. II.

§. II. Quia vero hæc *collatio muneris ecclesiastici*, quæ olim laicis Patronis adscribebatur, cum doctrina subsequentium temporum, minus convenire videbatur, secundum quam laici inhabiles iudicati ad ius spirituale exercendum, novam interpretationem *præsentatio a Patronis facienda* accepit, ut tantum denotaret *designationem personæ*, Episcopo offerendam, ut ille ei, si dignus reperi- tus fuerit, munus ecclesiasticum conferat. Omnem enim *collationem* munerum ecclesiasticorum adscribunt Episcopo, eamque aiunt esse vel *liberam*, quando Episcopus ipse denominat personam muneri præficiendam: vel *non liberam*, quæ fit ad præsentationem Patroni. Hoc sensu præsentatio accepta parum vel nihil a *nominatione* differt, de qua Autor §. 10.

§. III. Inde factum esse credo, quod Canonistæ quovis conatu ius Patronatus coarctare, eiusque essentiam vnicè ad *præsentationem* restringere laborauerint, ne ultra quid Patrono indulgeretur, sed Episcopo *ius collationis* saluum maneret. Imo non defuerunt, qui illud multis argumentis impugnarunt, ut Gisb. Voetius de *Polit. eccl.* P. 2. lib. 3. tr. 2. c. 3. *seqq.* aliique, quæ tamen solide resolvit Schookius *exercit.* 18. §. 6. Incommoda quædam secum habet, sed propterea in totum reprobari nequit.

§. IV.

§. IV. Ius Patronatus est vel *laicum* vel *ecclesiasticum*. Hoc dicitur, quod clerico competit ratione sui beneficii, sicuti illud, quod laico competit ratione patrimonii proprii, imo et si clerico competit ratione patrimonii proprii *laicum* est, quale etiam in dubio præsumitur. Espen *in iur. eccles. P. 2. tit. 25. c. 2. §. 10.* Diuersitas vtriusque iuris in eo quæritur, (I) quod laicus intra quatuor menses, ecclesiasticus vero intra sex præsentare debeat *c. vn. b. t. in 6.* (II) quod ille in præsentando variare possit, non hic *c. 29. X. b. t.* quæ variatio tamen hunc effectum habet, vt per præsentationem secundi non excludatur primus, sed Episcopus vni gratificari possit Brunnem. *in iur. eccl. lib. 2. c. 8. §. 4.* ibique Dn. Stryk. (III) quod legatus a latere in præiudicium Patroni *ecclesiastici* non *laici* beneficium vacans conferre possit. *c. 28. X. b. t.*

§. V. Olim tantum acquirebatur *sola fundatione*, sed post obtinuit, vt etiam *dotatione*, & *exstructione* obtineri queat, adeo vt hoc modo tres ad fundationem concurrentes ius Patronatus acquirant Fagnanus *ad c. quoniam. X. b. t. m. 34.* Et denique præscriptione 40. annorum contra ecclesiam, alias liberam, præscribitur *c. 24. X. de elect. Finkelts. de iur. Patron. c. 4. n. 96.* In fundatione tamen requiritur consensus Episcopi, vel, in
terris

tèrris protestantium, domini territorii, absque quo ius patronatus nemo sibi vindicare potest. *c. 25. X. b. t.*

§. VI. Porro circa *acquisitionem* refert, vtrum fundo vel castro acquiratur, an personæ, vnde illud *reale*, hoc *personale* dicitur. Si *reale* est, tunc secundum ea, quæ Autor §. XV. habet, transit cum re ad omnem possessorem *c. 13. X. b. t.* & sic etiam ad maritum, fundo in dote dato, imo & ad viduam ratione Dotalitii, nisi expresse exceptum sit. Espen *cit. l. c. 4. §. 12.* Si *personale* est, ad heredes tam legitimos quam extraneos in solidum transit *c. 1. X. b. t.* Huc etiam refero, si collegio competit, vt Senatui vel capitulo, quo casu maioris partis sententia in præsentando præfertur.

§. VII. Ceterum ius patronatus non tantum in *præsentando* consistit, quod ius satis prolixè Autor explicat; verum etiam *iura* nonnulla *reverentialia* habet, quorum obiter Autor mentionem iniicit §. 32. Et hoc intuitu quoque tanti habetur, vt etiam magnis animi concertationibus de eo contendatur. Primo itaque patrono debentur *iura* illa *reverentialia*, quæ in iure communi fundantur, & collecta sunt a R. Dn. Strykio duplici *diff. de iur. reverent.*

§. IIX. Speciatim autem ad *iur. honoris* spectat 1) quod *ductu publico* in ecclesia pa-

L

tro-

tronata condecorantur ob funus domesticū
 vid. *diff. de luct. publ.* §. 29. II) quod publicis
 ecclesiæ precibus speciatim commendentur
Carpz. lib. II. I. E. def. 289. *dissert. de iur. prec.*
publ. c. III. §. 20. seqq. adeo ut etiam pro pa-
 troni vxore & liberis institui debeant. conf.
Espen de iur. eccles. P. II. tit. 25. §. 22. III)
 quod sedem eminentiorem, qualis est, quæ
 Altari propior est in templo & sic
 in choro stallum habeant, quod alias laicis
 haud permissum est. *Id. cit. I. §. 26.* imo
 & sepulchrum in choro quoque ipsis conce-
 datur. Alia adhuc addunt iura honoris
 circa *processionem* &c. quæ apud nos ces-
 sant.

TIT. XV.

DE

ORDINATIONE.

§. I.

Ordinatio ab ævo Apostolico facta est
 per *manuum impositionem*, quæ tamen ab
 Apostolis non ut ritus aliquis ecclesiasticus,
 sed cum *miraculosa* quadam *efficacia* adhibita
 fuit. Neque hac tantum in presbyterorum
 constitutione, sed aliis variis occasionibus
 vti leguntur, ut hi, quibus manum impo-
 nerent, Spiritus S. gratia instruerentur,
 quod

quod donum in Apostolis erat extraordinarium. Act. IIX. 17. 20. IX. 17. *seqq.* VI. 6. XIII. 3. XXIX. 8. Neque enim alii imponebant manum, quam qui hoc extraordinario dono præditi erant. 1 Tim. IV. 14. 2 Tim. I. 6.

§. II. Defunctis Apostolis, impositio manuum in presbyterorum & Episcoporum constitutione retenta fuit, non habita distinctione, vtrum hi, qui manus imponebant, hoc extraordinario dono essent præditi nec ne? Et ita ab hoc tempore in meram mutari cœpit ceremoniam ecclesiasticam, ex quo facile diiudicari potest, an recte *iuris divini* dici possit, & an *ecclesie* a Deo datum sit, prout Autor existimat? Ziegl. *de Superintend.* c. 14. §. 13.

§. III. Quia tamen clerus pontificius supponit, Episcopos Apostolorum succellores esse, inde quoque impositioni manuum, quæ ab eis in ordinatione fit, eandem virtutem attribuit. Patet hoc ex c. 9. C. 1. q. 2. ubi dicitur, quod *per sacram manus impositionem Spiritus S. conferatur*, & passim Episcopis adscribitur, quod tradant Spiritum, seu paracletum c. 5. §. 7. *de consecrat. D. 5.* Hoc sensu ordinatio, pretio interveniente, *Simonia* dicta fuit, quod Spiritus S. gratia vendatur c. 11. C. 1. q. 1. Imo ipsa ordinatio in classem sacramentorum est reiecta. Atque hanc

gratiam Spiritus S., per quam ad officium sacrum peragendum demum idonei fiunt, vocarunt *characterem*, & quidem *indelebilem*, ne de efficacia ministri impii dubitari posset, cum etiam minister impius eandem efficaciam retineat, ac quidem pius. *c. 30. C. 1. q. 1. seqq. c. 66. C. 1. q. 1.* Augustinus Scholasticis ad fingendum hunc characterem, seu *notam animæ impressam*, ansam dedisse videtur, uti apparet ex *c. 97. C. 1. qv. 1.*

§. IV. Non ergo *præsentatione* Patroni, non *electione* populi, imo nec *confirmatione* Episcopi Pastor munus sacrum h. e. potestatem illam spirituales, quæ muneri cohæret, consequitur, sed demum *ordinatione*, & ita, stante hac hypothesi, absolutæ necessitatis est, ut sine ea electus & confirmatus non possit illa, quæ ordinis sunt, peragere, quia, ut dicitur in *c. 4. c. 1. q. 7. §. 11. ex Deo ordinatio est.*

§. V. Huic characteri indelebili, qui per ordinationem animæ ordinati imprimitur, adscribuntur insignes effectus, & utinam reliquias eius in excelsis protestantium haud haberemus, in quibus tamen hunc characterem, & quidem recte, negamus. Sic 1) operatur, ne ordinatio possit reiterari *c. 1. D. 68.* 2) ut sine titulo fieri nequeat *c. 1. D. 70. h. e. sine certo officio sacro vel ministerio, vel redditu certo, unde se alere possit,*
ne

ne character ille despectui fiat. 3) Potestatem eucharistiam administrandi confert, & 4) ius clauium seu absolvendi a peccatis, adeo ut nec laicus in casu necessitatis eucharistiam administrare possit *c. 47. de consecr. D. 4. vid. Lynck. de eo quod in sum est circa S. cenam c. 2. n. 4.* 5) per depositionem non amittitur, nec per excommunicationem aut suspensionem; adeo ut talis minister depositus vel excommunicatus sacramenta valide conferre possit, licet peccet in conferendo *c. f. X. de cleric. excomm. depos.* 6) imò inde fuit doctrina de efficacia ministerii impii pastoris *c. 98. inf. C. l. q. 1. quod spiritus S. æque adsit ministerio impii, quam pii cit. c. 98. c. 58. C. l. q. 1. & quod consequenter æque efficaciter verbum Dei prædicare possit.* 7] quod ordinem nemo derelinquere & deserere possit, ut fiat laicus. *vid. Dn. Thomasi diff. de desert. ord. eccles.* 8] quod gravius puniri debeat laicus sacra ministrans quam clericus depositus. 9] quod ab hæreticis ordinati de novo non sint ordinandi, ubi ad nostram redeunt ecclesiam, 10] quod non facile impii deponi possint, quia nihilominus characterem retinent. 11] quod depositi adhuc clericorum iure fruantur, non in sortem laicorum incidant. 12] quod sacerdotium conferat, id quod ab alio quam Episcopo conferri nequit, quippe qui tantum

sunt successores Apostolorum. 13] quod clerici incarcerationi non facile debeant ob debita civilia. 14] quod vocentur *spirituales*, laici carnales c. 5. & 12. C. 6. q. 1. 15] quod clerico manum inferens ipso iure excommunicatus sit, a qua excommunicatione tantum Pontifex absolvere queat c. 29. C. 17. qv. 4. & c.

§. VI. Ordinatio facienda I] a proprio episcopo c. 1. sqq. D. 76. c. sqq. D. 71. vt autor etiam §. III. monet, vel in terris Protestantium a Superintendente, cui inspectio in ecclesiam vacantem competit, vel cui in specie per ordinationes ecclesiasticas hoc ius commissum Ziegler. *de Superint.* c. XIV. §. 17. Alibi Senior in ministerio ordinat collegam, in ministerio cooptandum, vti Hannoueræ. Iure Canonico *competentia* ratione ordinationis non tantum æstimatur ex beneficio vacante, sed etiam ex persona clericæ ordinandi: peregrinos enim clericos nemo ordinare potest c. 7. sqq. D. 71. c. 1. sqq. D. 72. & 73. nisi per literas dimissorias potestas hæc indulta sit.

§. VII. Literæ dimissoriales olim dicebantur, quibus clericus ab Episcopo dimittebatur nunquam reversurus. Espen P. 2. tit. 9. c. 3. §. 1. Hodie vero dicuntur, quibus clericis potestas fit, ab aliis Episcopis ordines suscipiendi. Has tantum Episcopus

pus etiam non consecratus concedit, non eius officialis, nec alius Prælatus c. 1. de tempor. ordin. in 6. c. 8. X. de offic. Archidiacon. Sed harum literarum usus in ecclesiis protestantium nullus est, cum, ubi Superintendens impeditur ordines conferre, consistorium hoc negotium alii demandet.

§. IIX. Porro II) facienda est publice in ecclesia præsente populo. Ziegler de Superint. c. 14. §. 14. III) tempore præsistitq. h. e. in solennibus quatuor temporum ieiuniis vel Sabbato ante dominicam de passione c. 3. X. de tempor. ordin. Olim die dominica ordines conferebantur, quod tempus huic negotio satis commodum est, interim inter Protestantes est arbitrium. IV) Sine interveniente pretio c. 1. §. 8. sqq. 22. 101. 116. C. 1. q. 1. c. 4. C. 1. q. 2. V) a ministerio eiusdem religionis; id quod si in eo territorio deest, ubi ordinandus sacris est præficiendus, alibi ordinari debet, quem locum ipsæ communitates elegerint, per I. P. art. VII. §. 1. in f. quo facta a principe vel domino territorii, etiam diversæ religionis, statim confirmandus est cit. §. 1. art. VII. in f. Hoc utique singulare est, quod Abbatem Luccensem Theodorum HL. ut ait A. C. addictus esset, Catholici Coloniz Diaconum & Monasterii presbyterum ordinaverint. vid. ill. Leibnitii tom. III. Script. Brunsvic. p. 699.

TIT. XVI.

DE

CONFIRMATIONE ET INVESTITURA.

§. I.

PER *Præsentationem, confirmationem & ordinationem*, ordinatus quidem clericorum ordini adiungitur; sed ut præterea etiam in possessionem officii sacri & emolumentorum ei annexorum ecclesiæ illius, cui præficiendus est, mittatur, *institutio seu investitura* necessaria est. Ast in ecclesiis Protestantium absolute necessaria non est. Carpz. lib. I. l. E. def. 54. n. 5. cum per ipsam ordinationem *potestatem ministerii sacri* ordinatus accipiat, & ita in ecclesia sibi destinata statim officio fungi debeat. Inde quoque fit, ut sæpe diu differatur, quandoque plane omitatur. Ziegler de Superint. c. XV. §. 5. Quamvis vero negari nequeat, eam utilem esse, si ab initio fiat ante ipsum officii sacri ingressum, Meu. p. 3. decis. 133. n. 7. simul tamen inde apparet, eam plane minus commode adhiberi, postquam pastor ordinatus iam diu suo functus est officio. vid. Ius Paroch. Sect. III. c. 1. §. 38. Ziegl. cit. l. §. 6.

§. II.

§. II. Interim in beneficiis patronatis Canonistæ adeo necessariam institutionem, Episcopi esse aiunt, ut si propria auctoritate ante *institutionem* beneficium occupet, & fructus percipiat, ius ex præsentatione, quæsitum amittat *c. 5. de elect. in 6.* Sed hoc intelligendum est de collatione iuris in beneficium *iuris patronatus*, adeoque magis *confirmationi* hodiernæ responderet. Volunt enim non a patrono beneficium conferri posse, sed hanc collationem, etsi non liberam, spectare ad Episcopum, eamque vocant *Institutionem*, quo ipso realis possessio non transfertur, quæ proinde dici solet *institutio corporalis*.

§. III. Tracta est utraque *institutio* tam verbalis quam realis ex moribus feudorum. Imo *beneficia ecclesiastica* proprie dictam naturam *feudorum antiquorum* habent, quia etiam prædia ecclesiastica ob servitia ecclesiastica bene meritis fruenda, loco *salarium*, dantur, in quo primæva feudorum natura constitit. Espen. in *Iur. eccles. P. II. tit. 18. §. 3. seqq.* Unde etiam *beneficii* appellatio, feudis propria, ad prædia ecclesiastica tracta est, & præbendæ in antiquis diplomatibus non raro vocantur ein *Pfründe der geistlichen Lehnschafft*. Conf. du Bois in *histor. eccles. Paris. tom. II. lib. 17. c. 7, §. 10. p. 584.*

§. IV. Similiter. sicuti *inuestitura* appellatio de feudorum concessionibus prædicatur, ita etiam ad beneficia ecclesiastica trahi debuit. Est vero *inuestitura* vel *abusiva* vel *realis*: per illam vasallus tantum ius in feudum non actualem possessionem consequitur; per hanc vero actualem simul possessionem consequitur. Illa similis est institutioni seu *inuestitura*, quæ fit de beneficiis ecclesiasticis, quippe per hanc clericus quidem ius in beneficio acquirit, sed nondum possessionem, donec in eam, separato actu fuerit inductus, ut loquitur Petrus Gudelinus de iur. feud. p. 2. c. 9. relatus ab Espenio. cit. ir. P. 2. tit. 26. c. 2. §. 2. in f.

§. V. Hæc itaque *investitura realis* Episcopo tribuitur, cum huic etiam *verbalis* competat, siue sit beneficium *liberum*, siue *non liberum*. De *liberis* beneficiis h. e. iuri patronatus non subiectis hoc eo minus dubium habet, cum constet, ab antiquis temporibus bonorum ecclesiasticorum dispensationem penes Episcopum fuisse, adeoque illum quosque redditus clericis assignasse. Postquam vero bona stabilia clericis in modum *beneficii* assignata fuerunt, ad Episcopum quoque tanquam *Dominum quendam feudi* hæc *inuestitura* spectavit. Quemadmodum vero per mortem huiusmodi vasalli feudum ecclesiasticum fit vacans, & ad domi-

dominum feudi reuertitur, ita Episcopi inde sibi vindicarunt fructus vacantis beneficii, sub nomine *iuris deportus*, de quo agit Ludov. Thomass. *de vet. & nov. eccles. discipl. P. 3. lib. 2. c. 37.*

§. VI. Cum itaque beneficia libera, quæ olim ad collationem Episcoporum spectabant, in territoriis protestantium ad collationem Principis spectent, iis quoque *ius inueſtendi* competit, quod per Superintendentes aliosque iis adiunctos commissarios expedire possunt. Laicis & magistratui seculari *ius inueſtendi* denegat Mev. *P. 3. Decis. 134.* quod hoc sit proprium Episcopo, & ad iura *ordinis* referatur, adeoque a magistratu seculari exerceri non possit. Sed inueſtituram ad actus *ordinis* referendam esse, negant Pontificii, dum concedunt, Episcopum etiam non consecratum instituere posse. Petrus Leurenus *in for. benefic. P. II. q. 169. n. 1.* quin potius iurisdictioni ecclesiasticæ ea adscribunt, cuius nec inhabiles sunt magistratus seculares in foris Protestantium, si præscriptione immemoriali tuti sunt. Et quamuis in ipsa inueſtitura concio solennis aliaque sacra solennia interuenire soleant, hæc tamen magistratus secularis æque Pastoribus commendare potest, vti Princeps eam committit Superintendentibus. Inde etiam in nonnullis locis Patroni *ius inueſtendi*

endi habent ex consuetudine, quod tamen expedire solent per personas qualificatas & idoneas Io. Köppen *Dec. 1. enucl. 2. n. 50.*

§. VII. Sed in ecclesiis patronatis institutionem realem Episcopo competere, eo magis mirandum, quod bona ecclesiastica, Patroni in salarium assignanda, a Patrono vel eius maioribus prouenerint, adeoque ipse potius tanquam *dominus feudi* haberi debeat. Olim sane tantum presentabant Episcopo candidatos examinandos & ordinandos *c. 32. C. 16. q. 7.* Verum ut recte obseruat Espen. *de iur. eccles. P. 2. tit. 26. c. 2. n. 1.* olim in ipsa ordinatione institutio complectebatur, adeoque ordinati separatim non ita instituebantur. Hac vero ab ordinatione separata, Episcopi quoque illam sibi vindicarunt. Conf. idem *P. 2. tit. 25. c. 5. §. 6.* Ex quo apparet, quod consuetudo haud irrationalis sit, secundum quam Patroni adhuc hodie in quibusdam locis inuestiunt, & quod eorum maximopere intersit, ut concurrant in inuestiundo, quod Auctor §.

VIII. seqq. declarat.

Tit. XVII.

TIT. XVII.

De

PERSONARVM ECCLESIA-
STICARVM OFFICIO ET
QUALITATIBVS.

§. I.

Officium ministrorum ecclesiæ satis arduum est, si recte exerceatur. Summatim quidam Autor refert, quibus hæc addenda. Imprimis illis demandata est (I) *cura pauperum & viduarum*, ut infirmos diligenter visitent, necessitatibus peregrinorum & indigentium succurrant, & orphanorum singularem curam habeant *c. 2. D. 91.* Hoc erat primarium Presbyterorum officium in primitiua ecclesia, Iustin. Martyr. *in Apol. 11, in f. teste*, & per plurima secula continuatum est. *c. 1. D. 82. c. 6. D. 86. c. 1. seqq. D. 87. c. 7. D. 88.* In hunc usum quoque bona ecclesiastica erant destinata, quorum dispensatores illi erant. Sed hoc officium adeo hodie incognitum est, ut fere hi in inuidiam vocentur, qui hoc officium sedulo peragunt.

§. II. Huic coniuncta esse debet (II) *inspectio in singulorum mores & vitam*. Debent enim cum magna animi constantia vigilare super dominicas oves, ut ait Gregorius
in

In c. 23. D. 81. & ira cauere, ne quis pereat, c. 10. D. 47. quæ inspectio tamen ita temperanda, ne in Dominatum degeneret c. 3. D. 94. c. 6. D. 95. c. 7. D. 95. Et in hunc finem *uisiones domesticas* esse necessarias, supra dixi.

§. III. Vltcrius (III) disidentes fratres ad concordiam deducant c. 7. D. 90. & in hoc mutuū sibi auxilium & consilium præbeant. c. 11. D. 90. Sed rursus absque autoritate dictatoria. Placide, sine asperitate aut persecutione, errantes in viam deducant c. 8. D. 45. c. 1. 2. D. 46.

§. IV. Occulta (IV) delicta iis reuelata, etiam extra auricularem confessionem haud propalent, aut magistratui ad vindictam publicam denuncient, quin potius in convertendo delinquentem omnem adhibeant operam. Verum quanta imprudentia a plerisque hic peccari soleat, experientia testatur, cum plurimis illa insideat persuasio, se ad denunciandum esse obligatos. Sed audiant Augustinum in c. 19. C. 2. q. 1. ita differentem: *Nouit nescio quem homicidam. Episcopus, & alius illum nemo nouit. Ego nolo illum publice corripere, & tu quæris inscribere? prorsus non prodo, nec negligo. Corripio in secreto. Pono ante oculos eius Dei iudicium, terreo cruentam conscientiam, persuadeo penitentiam. Hac charitate præditi esse debemus. Unde aliquando*

quando homines reprehendunt nos, quod quasi non corripiamus, aut putant, nos scire, quod nescimus, aut putant, nos tacere quod scimus. Sed forte quod scis & ego scio, sed non coram te corripio, quia curare volo, non accusare. Sunt homines adulteri in domibus suis, in secreto peccant: aliquando nobis produntur ab uxoribus suis, plerumque zelantibus, aliquando maritorum salutem querentibus. Non prodimus palam, sed in secreto arguimus. Vbi contigit malum, ibi moriatur. Non tamen vulnus illud negligimus ante omnia ostendentes homini in tali peccato constituto, sauciamque gerenti conscientiam, illud vulnus esse mortiferum.

§. V. Ante omnia vero (V) a studio complacendi alienus sit. Nihil illo Pastore est miserius, qui luporum laudibus gloriatur c. 6. D. 83. Imo quisquis male agentibus adulatur, pulvillum sub capite vel cubitu iacentis ponit, ut, qui corripitur ex culpa debuerat, in eo sultus, laudibus mollior quiescat c. 2. D. 46. Proinde Patres censuerunt, eiusmodi clericum ab officio remouendum esse c. 3. D. 46.

§. VI. Damnantur quoque (VI) iniuriarum suarum ultores in c. 8. D. 46. Nihil quippe magis ab officio Pastoris alienum esse debet, quam impias mouere actiones iniuriarum, quas iudex ex officio inter personas ecclesiasticas impedire pro viribus debet. Mev. P. 1. Dec. 224. n. 5, & 6, & P. 3. Decis. 217.

§. VII.

§. VII. Qualitates clericorum sunt plures, ab Autore nostro strictim tactæ. Plures Pontificii repetierunt ex sacerdotio V. T. quæ in *externa* quadam corporis *integritate* consistunt, quæ tamen magis ad internam animi dispositionem debuissent applicari, uti fit in *c. 4. D. 49.* Ex harum defectibus quidam dicuntur *irregulares*, h. e. a *regula* alieni, in qua præscriptæ sunt debitæ qualitates *c. 17. Concil. Nic.* & ita *irregularitas* notat *impedimentum canonicum*, ob quod quis *ordinari vel in suscepto ordine administrare prohibetur*; qualis oritur ex bigamia, defectu natalium, effusione sanguinis, ex crimine infamante, defectu quodam corporis, aliisque, de quibus plene agit Espen *de Iur. Eccl. P. 2. tit. 10. c. 2. seqq.* Leurenus *de for. benef. P. 1. qn. 335. seqq.* Sed ipse Espenius *cit. l. c. 1. n. 3.* fatetur, per plura secula *irregularitatem* tantum in crimine eiusque suspicionem constituisse, & eum demum *irregularem* dictum fuisse, qui non esset *irreprehensibilis*, adeoque plures qualitates otiosæ hodie in clericis Pontificiis requiruntur, quæ merito apud nos cessant. Sint itaque illi demum *irregulares*, qui sunt *reprehensibiles*, quoniam hi reuera a *regula*, a Paulo *1 Tim. III, 2.* præscripta, alieni sunt. E contrario illi *regulares* dicantur qui ita comparati sunt, prout

Caro-

Carolus M. Hadrianum depinxit, teste
Lambecio in bibl. Vindeb. lib. II.

*Vir, cui vita Deus, pietas lex, gloria
Christus:*

*Pastor apostolicus, promptus ad omne
bonum.*

Tit. XIX.

DE

PRIVILEGIIS ET IMMUNITATIBUS CLERICORUM.

§. I.

Priuilegia clericorum & immunitates sunt iuris mere humani, non diuini. Neutiquam vero cum Autore nostro in §. 1. asserendum est, eos ipso iure a foro ciuili esse exemptos, quod sint exempti a societate reip. ciuili, & ad ecclesiasticam translati; nam prout tit. I. euici, ecclesia separatam quandam rempubl. haud constituit, nec iurisdictionem iure proprio habet, quin potius hæc a ciuili dependet.

§. II. Verum cum Autor satis prolixè priuilegia clericorum pro instituti ratione explicauerit, nihil eis addere necesse est. Quia vero ita absoluit illa, quæ ad consuetu-

tionem clericorum spectant, debuisset etiam post hunc titulum subiicere modos quibus clerici officium suum amittunt, id quod cum omiserit, defectum hunc supplebo.

MEMBRUM I.

De

RESIGNATIONE SEV RENUNCIATIONE.

§. I.

Primus modus amittendi beneficium sacrum est *RESIGNATIO*, quæ est spontanea officii ecclesiastici, ex auctoritatis publicæ concessionem facta abdicatio. Dico, renunciationem esse abdicacionem officii ecclesiastici, non ordinis, huius enim desertionem plane improbant. Differunt in eo, quod *resignatio officii sacri* non tollat ordinem, nec resignantem eximat, numero clericorum: ast *renunciatio ordinis* in laicam conditionem detrudit renunciantem, & ex clerico facit laicum.

§. II. Talem vero *desertionem ordinis* damnant Pontificii, præsertim in Concil. Trident. Sess. XXIII. de ordine c. 4. eamque *Apostasiam ordinis* dicunt, & delictis ecclesiasticis accensent, quæ hypothesis vnice fuit ex doctrina de *charactere indelebili*, quod non diffutetur Autor noster supra lib. I. tit. 14. §. 6.

Pon-

Pontificiorum doctrinam secutus. Merito tamen ab hac recessit Ill. Dn. Thomafius *Diss. de Desert. ordin. eccles.* docens desertionem talem parum honestam, si absque iusta causa fiat, non tamen delictum esse. Cum enim conclusio Pontificiorum fluat ex principio reprobato, merito ipsa conclusio quoque reprobanda erit. Neque olim hæc doctrina, quod ex clerico posset fieri laicus, adeo incognita erat, cum etiam quandoque clerici in pœnam laici fierent, seu *communione laicam* acciperent, cuius fit mentio in *c. 10. seq. D. 50. c. 13. D. 55. c. 5. D. 84. c. 118. C. 1. q. 1. c. 1. C. 1. q. 7.* Erat autem communio laica iuxta Albaspinæum *de veter. eccles. ritib. lib. I. obs. 4. §. 5.* nihil aliud, quam esse in ecclesia & de ecclesia tanquam laicum, ita ut qui ecclesiasticus laicæ communioni deputabatur, gradu suo perpetuo excideret, & ex clerico fieret laicus. Incognitum ergo eo tempore adhuc fuit Anathema Patrum Tridentinorum, quod ei dicunt, qui docet, ex clerico posse fieri laicum.

§. III. Resignationes ut sint permiffæ, requiritur (I) *ut sponte fiant.* Qui metu & vi maiori adactus renunciare debuit, eius resignatio est nulla, sed is in omnia iura amissa restituendus est *c. 2. X. de his que vi met. caus.* etiamsi eiurauerit beneficium *c. 4. X. eod.* (II) *accedente auctoritate superioris,*

in nostris ecclesiis, consistorii, absque qua effectum nullum habet, quippe qui illam *iusta de causa* denegare potest *c. 1. X. b. t.* Patroni consensus non de *necessitate*, sed tantum *honestate* requiritur Carpz. *P. 2. I. E. Def. 125.* adeo ut si in eius manus facta fuerit, sine auctoritate consistorii, ea nullam habeat firmitatem *c. 8. X. b. t.*

§. IV. Fiat (III) *iusta de causa*. Probatae sex causae sunt in *c. 10. X. b. t.*, quae hoc versiculo continentur:

*Debilis, ignarus, male conscius, irregularis,
Quem mala plebs odit, dans scandala,
cedere possit.*

Imprimis huc canonistae referunt *conscientiam criminis*, maxime *occulti*, ob quod saepe Episcopi sese sponte poenitentiae ecclesiasticae subiecerunt & resignarunt. Vid. Albaspinæus *de Veter. rit. eccl. lib. II. obs. 34.* §. 11. Samuel Basnage *Tom. II. annal. ad ann. 254.* §. 4. Petrus de Marca *de concord. sacerdot. & imper. lib. VII. c. 25.* Praeter has causas alias admitti posse, praesertim in ecclesiis nostris, dubium non habet, quae arbitrio iudicis reservantur.

§. V. Renunciatio fit vel *absolute & simpliciter*, vel sub certo modo vel *conditione*. Posterius fit; (I) Si resignans sibi reservat aliquam

quam pensionem, vel redditum ex beneficio, quod, iusta causa suadente, admitti potest. Engel in colleg. I. Can. b. t. n. 10. etiam in ecclesiis protestantium. Carpz. Lib. 1. I. E. Def. 153. seq. (II) Si fiat in fauorem tertii. Hæc regulariter est prohibita, quia raro absque pactis clandestinis quæstuosus esse solet. Quodsi tamen turpis quæstus nullus subesset, facilius, ceteris paribus, admitti posset, qua ratione hodie excusari solent resignationes præbendarum in fauorem tertii. Confer. Duarrenus de benef. eccles. lib. VIII. c. 2. Quia tamen ita tertio de nouo beneficium conferendum est, hæc renunciatio fieri debet, cum consensu Patroni, ne in præiudicium præsentationis ipsi competentis hæc fiat. Finckelthaus de iur. Patron. c. II. n. 23.

§. VI. Resignatione facta, & a superiore admissa, resignans omne ius suum amittit, nec ad officium resignatum reuerti potest sine noua vocatione. Ceterum quid dicendum sit de *renouatione vocationis resignatæ*, speciali dissertatione exposui. Idem quoque dicendum est de *desertore ordinis*. Sed an hic de nouo ordinandus sit, si noua vocatione ad idem vel aliud officium ecclesiasticum redeat? ambiguum est. Sane si ex laico aliter clericus fieri nequit, quam mediante ordinatione, quæstio affirmanda videtur.

MEMBRVM II.

De

TRANSLATIONE.

§. I.

Porro resignatio fit in hunc finem, ut vel resignans a sacro ministerio prorsus absteineat, vel ut in aliam ecclesiam transeat, quæ in specie dicitur *TRANSLATIO*, estque nihil aliud, quam *ad aliam ecclesiam, ad precedentem legitimam vocationem, transitio, relicta priori.*

§. II. Iam olim hæ translationes prohibitæ erant, quia plerumque vel ad maius lucrum captandum vel ob ambitionem fiebant. Obseruarunt id Patres *Concil. Sardic.* in c. 1. hanc addentes rationem, *quod nullus adhuc Episcopus inueniri potuerit, qui de ciuitate maiori in minorem transisset.* Admissæ tamen sunt, quæ ex utilitate ecclesiæ fierent. Petrus de Marca *de Conc. Sacerd. & imper. lib. VII. c. 8.* de quo cognoscebant metropolitani cum comprovincialibus. Sed Innocentius III. hanc cognitionem sedi Papali reseruauit in c. 2. *X. b. t.* Finxere enim Pontificii matrimonium quoddam spirituale inter ecclesiam & Episcopum, quod solus Papa dissoluere posset, adeo ut ne quidem

dem nuncii apostolici transferre queant. Sed in translatione inferiorum clericorum solius Episcopi consensus necessarius est.

§. III. Ante omnia in translatione requiritur (I) *utilitas vel necessitas ecclesiæ c. 34. 35. C. 7. q. 1. c. 3. X. b. t. ibi: ecclesiarum utilitate & necessitate pensata.* Vtpote si in ecclesiâ, ad quam vocatus est, plus proficere possit, si a suis auditoribus odio habeatur, si huic ecclesiæ minus aptus est, qui alii aptior esse potest ob tenerrimam forsan vocem. Plerumque hodie in nostris ecclesiis *necessitas* hæc desumitur ex *vocatione* ad aliam ecclesiam, eaque eius conscientiæ committitur. Vtrum vero hæc sufficiat, ut possit *in dubio* relinquere ecclesiam suam, quæ semel ei demandata est, ego dubito, cum nec olim hæc iusta causa translationis habita fuerit, c. 122. C. 1. q. 1. Duo in utramque partem argumenta occurrunt: primum ex vocatione, alterum ex vinculo, quo suæ ecclesiæ conglutinatur, desumptum. Vtrumque æqualis roboris censendum, ergo in dubio *ἀπεχέν.*

§. IV. De Iure Canonico (II) Superioris auctoritas necessaria est ad effectum *dispensationis*, ut per hanc contra canones transferri possit. In terris protestantium Consistorii Decretum petitur propter *resignationem*, quæ translationem præcedit, imo &

Patroni alterius ecclesiæ consensus necessarius est, quia in tali translatione noua, quædam est collatio.

§. V. Denique (III) consensus transferendi quoque requiritur. Inuitus regulariter transferri nequit, nisi magna causa id sua- deat *c. 6. X. de etat. & qual. ord.* cum etiam inuitus quis ad munus ecclesiasticum subeundum cogi possit *l. 31. C. de Episc. & cleric. Ziegl. de cleric. renit.*

§. VI. Rarius translationes renitentium, sunt; frequentius *translocationes*, quæ in genus pœnæ incidunt, quando clerici ob mores pessimos de pinguiore ecclesia contra voluntatem propriam transferuntur in minorem, redditibus haud abundantem, quæ vocari solet *eine Pœnitenz - Pfarre*. Atque hæc in nostris quoque vsitata est ecclesiis, totiesque adhibetur, quoties depositio ministri ecclesiæ non satis tuta iudicatur. Negari tamen nequit, eam multis incommodis esse obnoxiam, relatis a Dn. I. S. Strykio *de translocat. ministr. eccles.*

§. VII. Translatione facta prior ecclesia vacat ipso iure, vt ad electionem vel præsentationem licite progressus fiat. Cessat quoque annus gratiæ, qui tantum in casu mortis locum habet. Alia videtur ratio anni deferuiti, si eo tempore transfe-

ratur, quo ad salarium illius quadrantis anni petendum iam quodammodo ius habet.

MEMBRVM III.

DE

PERMVTATIONE ALIISQVE MODIS AMITTENDI OFFI- CIA ET BENE- FICIA.

§. I.

DEnique resignatio quoque quædam occurrit in PERMVTATIONE officiorum ecclesiasticorum & beneficiorum, quia hæc fit per reciprocam resignationem in fauorem alterius factam: *Flamin. de resignat. lib. II. q. 5. n. 59.* Quia enim officia sacra non sunt priuati arbitrii, & nemo absque legitima vocatione ad officium sacrum adspirare potest, receptum est vt resignatio talis fiat in manus superioris, qui de nouo cuilibet ecclesias permutatas conferat. Alias merito est prohibita *c. 5. X. de preb. c. 5. X. de rer. permut.* præsertim si ob turpem quæstum fiat.

§. II. Requiritur ergo hic quoque *Au-
thoritas Superioris*, & apud nos, *Consistorii*, imo

& *Patroni* in ecclesiis patronatis, cum in hac permutatione noua vtrunque fieri debeat, collatio ad præcedentem præsentationem, Finckelthaus *de iure patron. c. 5. n. 7.* adeo vt permutationes a Consistoriis, in sciiis patronis factæ, sint inualidæ. Quod si tamen horum consensus legitime requisitus fuerit, & utilitas ecclesiarum permutationem postulet, a Consistorio ad consensum impertientium cogi possunt, cum salus ecclesiarum suprema lex esse debeat *c. 17. de iur. patron.* Finckelthaus *cit. l.* Ex quo fluit, quod vbi ecclesiæ permutandæ in diuersis territoriis sitæ sunt, vtriusque territorii consistorium concurrere debeat Garcias *de benef. p. II. c. 4. n. 65.*

§. III. Accedere præterea permutationi debet *causa cognitio*, cum tantum ob utilitatem vel necessitatem talis permutatio concedi debeat. Permutatione cum consensu eorum, quorum interest, decreta, vacantia, reuera talis non oritur, qualis in *resignatione* & *translatione*, adeoque ad electionem nouam procedi nequit, cum antea capitulum in permutationem consentire debeat. Quæ vero beneficia maiora ita vacant, in curia Romana vacare dicuntur, quorum collationes Pontifex sibi reseruauit in *concord. Nat. German.*

§. IV. Amittuntur porro dignitates eccle-

clesiasticæ & beneficia *immediat* in imperio nostro per mutationem religionis, idque *vi reservati ecclesiastici*, quod adeo in I. P. *art. V. §. 15.* extensum, ut si episcopus vel solus vel vna cum capitularibus religionem mutaverint, illi statim iure suo excidant, cum tamen, si capitulum cum suo Episcopo consentiat, præiudicium nullius adsit. Casu tali ergo contingente, statim capitulum ad electionem procedere potest. *cit. §. 15.* Ante Instr. Pacis acriter literis pariter & armis de hoc reservato disceptatum est, præsertim cum Gebhardus Truchsesius Archiepiscopus Colonienfis, ducta vxore, sacra protestantium amplecteretur. vid. Obrecht *diff. de reservat. eccles.* donec tandem in I. P. ad æqualitatem quandam res redacta fuerit.

§. V. Huc etiam referunt ingressum in monasterium, sed sine ratione, cum etiam monachus in Episcopum eligi possit, salvis votis. Similiter qui aliud accipit beneficium cum priori incompatible, prius ipso iure amittit, nisi accedat dispensatio superioris, quæ hodie ordinarie accedere solet. vid. Link. *ad decretal. b. t. §. 2.* Denique sunt, etiam modi, quibus quis in pœnam amittit dignitatem ecclesiasticam, de quibus Autor agit *ut. seq.*

MEM-

MEMBRUM IV. DE STATU ECCLESIAE VA- CANTIS.

§. I.

Status ecclesiae vacantis multis incommodis ab omni ætate obnoxius fuit, ut ostendit Augustinus *epist.* 118. inde ad præcauendam diutinam vacationem varia remedia introducta sunt. Scilicet 1) in hunc finem potissimum inuentæ sunt designationes successorum & *coadiutoria*, de quibus Autor supra *tit. VII. §. 15.* egit, quod indicat August. *epist.* 110. Conf. Gratianus *ad c. 7. C. 8. q. 1.* II) Circumscriptæ quoque in hunc finem sunt electiones, ut intra certum tempus sub pœna *deuolutionis* fierent *c. 11. D. 50.*

§. II. In nostris ecclesiis vacantia communiter ad semestre spatium extenditur, cum magno ecclesiarum incommodo. Tempus hoc in ecclesiis patronatis quoque iure canonico determinatum est, sed non eum in finem, ut præcise ad illud tempus ecclesiae vacarent, sed ut ad minimum intra illud tempus præsentatio fieret. Ast in nostris ecclesiis propter *annum gratis*, viduæ &

& liberis indultum, fere vacantia ad sex menses durat, in quibusdam locis etiam ad annum, quod merito corrigendum esse, optime monet Brunnem. *iur. eccl. lib. II. c. 5. §. ult.*

§. III. Vacat vero ecclesia, seu locus in ecclesia vel *absolute* vel *secundum quid*. Hoc contingit, quando pastor suspenditur vel ob institutam accusationem, vel ob alios excessus, & tunc cura huius ecclesiæ aliis demandatur. Sed ita reuera magis patitur ecclesia, quam Parochus, maxime, si ad certum tempus suspensio decernitur. Fiduciarii pastores enim non tantam curam ecclesiæ commendatæ adhibere possunt, uti quidem propriæ impendunt. Alium substituere, iniquum esse censet Carpz. *lib. III. I. E. def. 116. n. 3.* cum non vacet ecclesia, quæ ratio tamen ecclesiæ utilitati repugnat. Præstaret vel temporales suspensiones in totum eliminare, vel his admissis, alium substituere, & suspenso in eventum emendationis spem de noua promotione facere. Similiter talis vacantia occurrit ob senium & morbum fonticum ordinarii pastoris, qui tamen haud resignat, quem in finem in nostris ecclesiis receptæ sunt *substitutiones* Carpz. *lib. 1. I. E. def. 16. & 152.* ita ut substitutus spem succedendi consequatur *Id. cit. l. def. 18.*

§. IV.

§. IV. Si absolute vacat, si quidem adest senatus ecclesiasticus, ut in ecclesiis cathedralibus, cura ecclesiæ ad *capitulum* redit, c. 7. C. 16. q. 1. c. 6. C. 15. q. 7. c. 23. D. 86. M. A. de Dominis *de republ. eccles. lib. II. c. 9. §. 10. seqq.* Thomassinus *de vet. & nov. eccl. disc. P. I. lib. 3. c. 7. seqq.* Inde non tantum exercet iurisdictionem ecclesiasticam, sed etiam iura territorii, & votum sessionemque in comitiis I. P. art. V. §. 21, Non tamen exercet 1) illa quæ ordinis sunt, 2) functiones personales, ut archicancellariatum, adeoque capitulum Moguntinū non potest electores convocare ad actum electionis Buxtorff. *ad A. B. concl.* 15. 3] quæ sunt *gratia*, non iurisdictionis, ut collationes beneficiorum vacantium, nisi ipsum capitulum in horum collatione concurrat. Hactenus ergo capitulum est immediatum membrum imperii, subest imperii summis tribunalibus, & foro Austregarum gaudet. Sed vivente Episcopo, eius iurisdictionem agnoscit, exceptis quibusdam capitulis immediatis, de quibus Gail. I. *abs. 30. n. 9.*

§. V. In reliquis ecclesiis inferioribus videndum, utrum plures adsint ministri, an unus. Priori casu cura vacantis loci reliquis incumbit, cum cura ecclesiæ singulis in solidum demandata sit. Posteriori vero Superintendentibus incumbit, ut vicinis

Pastoribus curam ecclesiæ viduatæ iniungant, præscitu Patroni, vti in quibusdam ordin. eccles. prouisum est. Vult quidem Carpz. *lib. I. I. E. def. 165.* præmio aliquo seu honorario horum operam esse compensandam, sed propter annum gratiæ, viduæ & liberis debitum, parum vel nihil lucri ex illa commendatione habebunt, vnde etiam horum opera vt plurimum solet esse superflua. Anno gratiæ deficiente, redditus Parochiales fiduciariis recte assignantur. Carpz. *I. E. lib. I. def. 164.* Hanc tamen obligationem vicinorum Pastorum cessare vult idem *cit. def. 165.* si locus ecclesiæ vacantis peste infectus sit, quod temperat Brunnem. in *I. E. lib. II. c. 5. §. 16.*

§. VI. Hæ commendationes ecclesiarum vacantium a multis seculis iam vsitatæ fuer. docente Duarreno *de SS. eccl. ministr. lib. V. c. 7.* neque hoc repugnat canonibus, pluralitatem beneficiorum prohibentibus, cum commendatæ ecclesiæ saltim ad tempus retineantur *c. 3. C. 21. q. 1.* Vocabantur olim hi fiduciarii pastores *intercessores* vel *interventores c. 22. C. 7. q. 1. & visitatores c. 16. §. 19. D. 61.* vid. Menragius in *amæn. iur. civ. c. 35.* Sed paulatim vsu inualuit, vt commendatæ ecclesiæ in perpetuum a fiduciariis retinerentur, imo ad palliandam pluralitatem beneficiorum introductum est, vt quis v-

nam

nam *titulatam* ecclesiam, plures vero *commendatas* acciperet, quas *commendas* vocarunt, quæ hodie ad instar ordinarii beneficii conferuntur, & a vicariis administrantur. Referuntur hæc inter ordinaria beneficia ecclesiastica in *I. P. art. V. §. 25.*

TIT. XIX.

DE EXCESSIBVS & POENIS CLERICORVM.

§. I.

AD forum ecclesiasticum olim non tantum *lapsus clericorum*, sed etiam *laicorum delicta* spectabant, postquam semel post seculum III. receptum fuit, pœnitentiam de omnibus delictis, etiam *occultis*, esse agendam, adeoque *huius intuitu* Episcopi in omnia delicta inquirebant, eisque vel *publicam* vel *privatam* imponebant pœnitentiam, quod fusius docet Morinus *de admin. Sacram. pœnit. lib. 1. c. 9. & 10.* Sed postquam Innocentius III. *forum pœnitentiale*, ut aiunt, delegavit Presbyteris & auricularem confessionem inde extruxit, Episcopi criminalem quandam iurisdictionem, *modo quodam politico*, sibi asseruerunt, unde tot nata sunt iura ca-

no-

nonica de *delictis publicis*, eisque *processu* *solenni* vindicandis, imo noua confusio iurisdictionis magistratus *secularis* & *ecclesiastici* inualuit, quæ tandem occasionem dedit, vt distingueretur inter delicta *clericorum* & *laicorum*, ita vt illa ad forum Episcopi pertinerent, non illa, nisi essent *ecclesiastica* vel *mixta*. Vid. *Espenius de iur. eccl. P. II. tit. 4. c. 1.*

§. II. Delicta clericorum *grauiora* olim a magistratu *seculari* vindicabantur *l. 23. C. Theod. de Episc. & cler. ibique Godofred. l. 1. C. Theod. de relig. l. 3. C. Theod. de Episc. aud. Nov. 83. pref. §. 2. & c. 1. Nov. 123. c. 21.* sed sensim, *Regum & Cesarum beneficio*, cognitio de delictis clericorum quibuscunque, adempta est magistratui *ciuili*, quod post confirmauit *Fridericus in auth. Statuimus C. de Episc.* quo iure postea Pontifices strenue vsi sunt. *c. 8. & 10. X. de iudic.* Inde in delictis clericorum hunc processum formant, vt de iis conuictus clericus ab *ecclesiastico iudice* deponatur, & si *incorrigibilis* deprehensus fuerit, *excommunicatione* & tandem *anathemate* puniatur, & vel *carceri* perpetuo mancipetur, vel *brachio seculari* post *degradationem* tradatur ad *pœnam* subeundam *criminales*. *c. 10. cit. c. 2. X. de cleric. excomm.*

tionem clericorum spectant, debuisset etiam post hunc titulum subiicere modos quibus clerici officium suum amittunt, id quod cum omiserit, defectum hunc supplebo.

MEMBRUM I.

De

RESIGNATIONE SEV RENUNCIATIONE.

§. I.

Primus modus amittendi beneficium sacrum est *RESIGNATIO*, quæ est spontanea officii ecclesiastici, ex auctoritatis publicæ concessione facta abdicatio. Dico, renunciationem esse abdicacionem officii ecclesiastici, non ordinis, huius enim desertionem plane improbant. Differunt in eo, quod *resignatio officii sacri* non tollat ordinem, nec resignantem eximat, numero clericorum: ast *renunciatio ordinis* in laicam conditionem detrudit renunciantem, & ex clerico facit laicum.

§. II. Talem vero desertionem ordinis damnant Pontificii, præsertim in Concil. Trident. Sess. XXIII. de ordine c. 4. eamque Apostasiam ordinis dicunt, & delictis ecclesiasticis accensent, quæ hypothesis vnice fluit ex doctrina de charactere indelebili, quod non diffitetur Autor noster supra lib. I. tit. 14. §. 6.

Pon-

Pontificiorum doctrinam secutus. Merito tamen ab hac recessit Ill. Dn. Thomastus *Diff. de Desert. ordin. eccles.* docens desertionem talem parum honestam, si absque iusta causa fiat, non tamen delictum esse. Cum enim conclusio Pontificiorum fluat ex principio reprobato, merito ipsa conclusio quoque reprobanda erit. Neque olim hæc doctrina, quod ex clerico posset fieri laicus, adeo incognita erat, cum etiam quandoque clerici in pœnam laici fierent, seu communionem laicam acciperent, cuius fit mentio in *c. 10. seq. D. 50. c. 13. D. 55. c. 5. D. 84. c. 118. C. 1. q. 1. c. 1. C. 1. q. 7.* Erat autem communio laica iuxta Albaspinæum *de veter. eccles. ritib. lib. I. obs. 4. §. 5.* nihil aliud, quam esse in ecclesia & de ecclesia tanquam laicum, ita ut qui ecclesiasticus laicæ communioni deputabatur, gradu suo perpetuo excideret, & ex clerico fieret laicus. Incognitum ergo eo tempore adhuc fuit Anathema Patrum Tridentinorum, quod ei dicunt, qui docet, ex clerico posse fieri laicum.

§. III. Resignationes ut sint permissæ, requiritur (I) *ut sponte fiant.* Qui metu & vi maiori adactus renunciare debuit, eius resignatio est nulla, sed is in omnia iura amissa restituendus est *c. 2. X. de his que vi met. caus.* etiamsi eiurauerit beneficium *c. 4. X. eod.* (II) *accedente auctoritate superioris,*

in nostris ecclesiis, consistorii, absque qua effectum nullum habet, quippe qui illam *iusta de causa* denegare potest *c. 1. X. b. t.* Patroni consensus non de *necessitate*, sed tantum *honestate* requiritur Carpz. *P. 2. I. E. Def. 125.* adeo ut si in eius manus facta fuerit, sine auctoritate consistorii, ea nullam habeat firmitatem *c. 8. X. b. t.*

§. IV. Fiat (III) *iusta de causa*. Probata sex causæ sunt in *c. 10. X. b. t.*, quæ hoc versiculo continentur:

Debilis, ignarus, male conscius, irregu-
laris,
Quem mala plebs odit, dans scandala,
cedere possit.

Imprimis huc canonistæ referunt *conscientiam criminis*, maxime *occultri*, ob quod sæpe Episcopi sese sponte pœnitentiæ ecclesiasticæ subiecerunt & resignarunt. Vid. Albaspinæus *de Veter. rit. eccl. lib. II. obs. 34.* §. 11. Samuel Basnage *Tom. II. annal. ad ann. 254.* §. 4. Petrus de Marca *de concord. sacerdot. & imper. lib. VII. c. 25.* Præter has causas alias admitti posse, præsertim in ecclesiis nostris, dubium non habet, quæ arbitrio iudicis reservantur.

§. V. Renunciatio fit vel *absolute & simpliciter*, vel sub certo modo vel *conditione*. Posterius fit; (I) Si resignans sibi reservat aliquam

quam pensionem, vel redditum ex beneficio, quod, iusta causa suadente, admitti potest. Engel *in colleg. I. Can. b. t. n. 10.* etiam in ecclesiis protestantium. Carpz. *Lib. 1. I. E. Def. 153. seq.* (II) Si fiat in fauorem tertii. Hæc regulariter est prohibita, quia raro absque pactis clandestinis quæstuosus esse solet. Quodsi tamen turpis quæstus nullus subesset, facilius, ceteris paribus, admitti posset, quâ ratione hodie excusari solent resignationes præbendarum in fauorem tertii. Confer. Duarrenus *de benef. eccles. lib. VIII. c. 2.* Quia tamen ita tertio de nouo beneficium conferendum est, hæc renunciatio fieri debet, cum consensu Patroni, ne in præiudicium præsentationis ipsi competentis hæc fiat. Finckelthaus *de lur. Patron. c. II. n. 23.*

§. VI. Resignatione facta, & a superiore admissa, resignans omne ius suum amittit, nec ad officium resignatum reuerti potest sine noua vocatione. Ceterum quid dicendum sit de *renouatione vocationis resignatæ*, speciali dissertatione exposui. Idem quoque dicendum est de *desertore ordinis*. Sed an hic de nouo ordinandus sit, si noua vocatione ad idem vel aliud officium ecclesiasticum redeat? ambiguum est. Sane si ex laico aliter clericus fieri nequit, quam mediante ordinatione, quæstio affirmanda videtur.

MEMBRUM II.

De

TRANSLATIONE.

§. I.

Porro resignatio fit in hunc finem, ut vel resignans a sacro ministerio prorsus abstineat, vel ut in aliam ecclesiam transeat, quæ in specie dicitur *TRANSLATIO*, estque nihil aliud, quam *ad aliam ecclesiam, ad præcedentem legitimam vocationem, transitio, relicta priori.*

§. II. Iam olim hæ translationes prohibitæ erant, quia plerumque vel ad maius lucrum captandum vel ob ambitionem fiebant. Obseruarunt id Patres *Concil. Sardic.* in c. i. hanc addentes rationem, *quod nullus adhuc Episcopus inueniri potuerit, qui de ciuitate maiori in minorem transisset.* Admissæ tamen sunt, quæ ex utilitate ecclesiæ fierent. Petrus de Marca *de Conc. Sacerd. & imper. lib. VII. c. 8.* de quo cognoscebant metropolitani cum comprouincialibus. Sed Innocentius III. hanc cognitionem sedi Papali reseruauit in c. 2. *X. b. t.* Finxere enim Pontificii matrimonium quoddam spirituale inter ecclesiam & Episcopum, quod solus Papa dissoluere posset, adeo ut ne quidem

dem nuntii apostolici transferre queant. Sed in translatione inferiorum clericorum solius Episcopi consensus necessarius est.

§. III. Ante omnia in translatione requiritur (I) *utilitas vel necessitas ecclesiæ c. 34. 35. C. 7. q. 1. c. 3. X. h. t. ibi: ecclesiarum utilitate & necessitate pensata.* Vtpote si in ecclesiâ, ad quam vocatus est, plus proficere possit, si a suis auditoribus odio habeatur, si huic ecclesiæ minus aptus est, qui alii aptior esse potest ob tenerrimam forsan vocem. Plerumque hodie in nostris ecclesiis *necessitas* hæc desumitur ex *vocatione* ad aliam ecclesiam, eaque eius conscientiæ committitur. Vtrum vero hæc sufficiat, ut possit *in dubio* relinquere ecclesiam suam, quæ semel ei demandata est, ego dubito, cum nec olim hæc iusta causa translationis habita fuerit, c. 122. C. 1. q. 1. Duo in utramque partem argumenta occurrunt: primum ex vocatione, alterum ex vinculo, quo suæ ecclesiæ conglutinatur, desumptum. Vtrumque æqualis roboris censendum, ergo in dubio *ἀπέχεν.*

§. IV. De Iure Canonico (II) Superioris auctoritas necessaria est ad effectum *dispensationis*, ut per hanc contra canones transferri possit. In terris protestantium Consistorii Decretum petitur propter *resignationem*, quæ translationem præcedit, imo &

Patroni alterius ecclesiæ consensus necessarius est, quia in tali translatione noua, quædam est collatio.

§. V. Denique (III) consensus transferendi quoque requiritur. Inuitus regulariter transferri nequit, nisi magna causa id sua-
deat c. 6. X. de etat. & qual. ord. cum etiam inuitus quis ad munus ecclesiasticum subeundum cogi possit l. 31. C. de Episc. & cleric. Ziegl. de cleric. renit.

§. VI. Rarius translationes renitentium, fiunt; frequentius *translocationes*, quæ in genus pœnæ incidunt, quando clerici ob mores pessimos de pinguiore ecclesia contra voluntatem propriam transferuntur in minorem, redditibus haud abundantem, quæ vocari solet *eine Pœnitenz - Pfarre*. Atque hæc in nostris quoque vsitata est ecclesiis, totiesque adhibetur, quoties depositio ministri ecclesiæ non satis tuta iudicatur. Negari tamen nequit, eam multis incommodis esse obnoxiam, relatis a Dn. I. S. Strykio de *translocat. ministr. eccles.*

§. VII. Translatione facta prior ecclesia vacat ipso iure, vt ad electionem vel præsentationem licite progressus fiat. Cessat quoque annus gratiæ, qui tantum in casu mortis locum habet. Alia videtur ratio anni deseruiti, si eo tempore transfe-

ratur, quo ad salarium illius quadrantis anni petendum iam quodammodo ius habet.

MEMBRVM III.

DE

PERMVTATIONE ALIISQVE MODIS AMITTENDI OFFI- CIA ET BENE- FICIA.

§. I.

DEnique resignatio quoque quædam occurrit in PERMVTATIONE officiorum ecclesiasticorum & beneficiorum, quia hæc fit per reciprocam resignationem in fauorem alterius factam: *Flamin. de resignat. lib. II. q. 5. n. 59.* Quia enim officia sacra non sunt priuati arbitrii, & nemo absque legitima vocatione ad officium sacrum adspirare potest, receptum est vt resignatio talis fiat in manus superioris, qui de nouo cuilibet ecclesias permutatas conferat. Alias merito est prohibita *c. 5. X. de prob. c. 5. X. de rer. permut.* præsertim si ob turpem quaestum fiat.

§. II. Requiritur ergo hic quoque *Au-
thoritas Superioris*, & apud nos, *Consistorii*, imo

M 5

&

& *Patroni* in ecclesiis patronatis, cum in hac permutatione noua vtrunque fieri debeat, collatio ad præcedentem præsentationem, Finckelthaus *de iure patron. c. 5. n. 7.* adeo vt permutationes a Consistoriis, insciis patronis factæ, sint inualidæ. Quod si tamen horum consensus legitime requisitus fuerit, & utilitas ecclesiarum permutationem postulet, a Consistorio ad consensum impertientum cogi possunt, cum salus ecclesiarum suprema lex esse debeat *c. 17. de iur. patron.* Finckelthaus *cit. l.* Ex quo fluit, quod vbi ecclesiæ permutandæ in diuersis territoriis sitæ sunt, vtriusque territorii consistorium concurrere debeat Garcias *de benef. p. II. c. 4. n. 65.*

§. III. Accedere præterea permutationi debet *causæ cognitio*, cum tantum ob utilitatem vel necessitatem talis permutatio concedi debeat. Permutatione cum consensu eorum, quorum interest, decreta, vacantia, reuera talis non oritur, qualis in *resignatione* & *translatione*, adeoque ad electionem nouam procedi nequit, cum antea capitulum in permutationem consentire debeat. Quæ vero beneficia maiora ita vacant, in curia Romana vacare dicuntur, quorum collationes Pontifex sibi reseruauit in *concord. Nat. German.*

§. IV. Amittuntur porro dignitates eccle-

clesiasticæ & beneficia *immediat* in imperio nostro permutationem religionis, idque vi *reservati ecclesiastici*, quod adeo in I. P. *art. V. §. 15.* extensum, ut si episcopus vel solus vel una cum capitularibus religionem mutaverint, illi statim iure suo excidant, cum tamen, si capitulum cum suo Episcopo consentiat, præiudicium nullius adsit. Casu tali ergo contingente, statim capitulum ad electionem procedere potest. *cit. §. 15.* Ante Instr. Pacis acriter literis pariter & armis de hoc reservato disceptatum est, præsertim cum Gebhardus Truchsesius Archiepiscopus Colonienſis, ducta vxore, sacra protestantium amplecteretur. vid. Obrecht *diff. de reservat. eccles.* donec tandem in I. P. ad æqualitatem quandam res redacta, fuerit.

§. V. Huc etiam referunt ingressum in monasterium, sed sine ratione, cum etiam monachus in Episcopum eligi possit, salvis votis. Similiter qui aliud accipit beneficium cum priori incompatible, prius ipso iure amittit, nisi accedat dispensatio superioris, quæ hodie ordinarie accedere solet. vid. Link. *ad decretal. b. t. §. 2.* Denique sunt, etiam modi, quibus quis in pœnam amittit dignitatem ecclesiasticam, de quibus Autor agit *ut. seq.*

MEMBRUM IV.

DE

STATU ECCLESIAE VA-
CANTIS.

§. I.

STatus ecclesiae vacantis multis incommodis ab omni ætate obnoxius fuit, ut ostendit Augustinus *epist.* 118. inde ad præcauendam diutinam vacationem varia remedia introducta sunt. Scilicet 1) in hunc finem potissimum inuentæ sunt designationes successorum & *coadiutoria*, de quibus Autor supra *tit. VII. §. 15.* egit, quod indicat August. *epist.* 110. Conf. Gratianus *ad c. 7. C. 8. §. 1.* II) Circumscriptæ quoque in hunc finem sunt electiones, ut intra certum tempus sub pœna *deuolutionis* fierent *c. 11. D. 50.*

§. II. In nostris ecclesiis vacantia communiter ad semestre spatium extenditur, cum magno ecclesiarum incommodo. Tempus hoc in ecclesiis patronatis quoque iure canonico determinatum est, sed non eum in finem, ut præcise ad illud tempus ecclesiae vacarent, sed ut ad minimum intra illud tempus præsentatio fieret. Ast in nostris ecclesiis propter *annum gratia*, viduæ &

& liberis indultum, fere vacantia ad sex menses durat, in quibusdam locis etiam ad annum, quod merito corrigendum esse, optime monet Brunnem. *iur. eccl. lib. II. c. 5. §. ult.*

§. III. Vacat vero ecclesia, seu locus in ecclesia vel *absolute* vel *secundum quid*. Hoc contingit, quando pastor suspenditur vel ob institutam accusationem, vel ob alios excessus, & tunc cura huius ecclesiæ aliis demandatur. Sed ita reuera magis patitur, ecclesia, quam Parochus, maxime, si ad certum tempus suspensio decernitur. Fiduciarii pastores enim non tantam curam ecclesiæ commendatæ adhibere possunt, uti quidem propriæ impendunt. Alium substituere, iniquum esse censet Carpz. *lib. III. I. E. def. 116. n. 3.* cum non vacet ecclesia, quæ ratio tamen ecclesiæ utilitati repugnat. Præstaret vel temporales suspensiones in totum eliminare, vel his admissis, alium substituere, & suspenso in eventum emendationis spem de noua promotione facere. Similiter talis vacantia occurrit ob senium & morbum fonticum ordinarii pastoris, qui tamen haud resignat, quem in finem in nostris ecclesiis receptæ sunt *substitutiones* Carpz. *lib. 1. I. E. def. 16. & 152.* ita ut substitutus spem succedendi consequatur. *Id. cit. l. def. 18.*

§. IV.

§. IV. Si absolute vacat, si quidem adest senatus ecclesiasticus, ut in ecclesiis cathedralibus, cura ecclesie ad *capitulum* redit. c. 7. C. 16. q. 1. c. 6. C. 15. q. 7. c. 23. D. 86. M. A. de Dominis de republ. eccles. lib. II. c. 9. §. 10. seqq. Thomasinus de vet. & nov. eccl. disc. P. I. lib. 3. c. 7. seqq. Inde non tantum exercet iurisdictionem ecclesiasticam, sed etiam iura territorii, & votum sessionemque in comitiis I. P. art. V. §. 21. Non tamen exercet 1) illa quæ ordinis sunt, 2) functiones personales, ut archicancellariatum, adeoque capitulum Moguntinū non potest electores convocare ad actum electionis Buxtorff. ad A. B. concl. 15. 3) quæ sunt *gratia*, non iurisdictionis, ut collationes beneficiorum vacantium, nisi ipsum capitulum in horum collatione concurrat. Haftenus ergo capitulum est immediatum membrum imperii, subest imperii summis tribunalibus, & foro Austregarum gaudet. Sed vivente Episcopo, eius iurisdictionem agnoscit, exceptis quibusdam capitulis immediatis, de quibus Gail. I. obs. 30. n. 9.

§. V. In reliquis ecclesiis inferioribus videndum, utrum plures adsint ministri, an unus. Priori casu cura vacantis loci reliquis incumbit, cum cura ecclesie singulis in solidum demandata sit. Posteriori vero Superintendentibus incumbit, ut vicinis

Pa-

Pastoribus curam ecclesiæ viduatæ iniungant, præscitu Patroni, vti in quibusdam ordin. eccles. prouisum est. Vult quidem Carpz. *lib. I. I. E. def. 165.* præmio aliquo seu honorario horum operam esse compensandam, sed propter annum gratiæ, viduæ & liberis debitum, parum vel nihil lucri ex illa commendatione habebunt, vnde etiam horum opera vt plurimum solet esse superficialia. Anno gratiæ deficiente, redditus Parochiales fiduciariis recte assignantur. Carpz. *I. E. lib. I. def. 164.* Hanc tamen obligationem vicinorum Pastorum cessare vult idem *cit. def. 165.* si locus ecclesiæ vacantis peste infectus sit, quod temperat Brunnem. in *I. E. lib. II. c. 5. §. 16.*

§. VI. Hæ commendationes ecclesiarum vacantium a multis seculis iam vsitatæ fuer. docente Duarreno *de SS. eccl. ministr. lib. V. c. 7.* neque hoc repugnat canonibus, pluralitatem beneficiorum prohibentibus, cum commendatæ ecclesiæ saltem ad tempus retineantur *c. 3. C. 21. q. 1.* Vocabantur olim hi fiduciarii pastores *intercessores* vel *interventores* *c. 22. C. 7. q. 1. & visitatores c. 16. §. 19. D. 61.* vid. Menragius in *amen. iur. civ. c. 35.* Sed paulatim vsu inualuit, vt commendatæ ecclesiæ in perpetuum a fiduciariis retinerentur, imo ad palliandam pluralitatem beneficiorum introductum est, vt quis v-

nam

nonica de *delictis publicis*, eisque *processu* *solenni* vindicandis, imo noua confusio iurisdictionis magistratus *secularis* & *ecclesiastici* inualuit, quæ tandem occasionem dedit, vt distingueretur inter delicta *clericorum* & *laicorum*, ita vt illa ad forum Episcopi pertinerent, non illa, nisi essent *ecclesiastica* vel *mixta*. Vid. Espenius *de iur. eccl. P. III. tit. 4. c. 1.*

§. II. Delicta clericorum *grauiora* olim a magistratu *seculari* vindicabantur *l. 23. C. Theod. de Episc. & cler.* ibique Godofred. *l. 1. C. Theod. de relig. l. 3. C. Theod. de Episc. aud. Nov. 83. pref. §. 2. & c. 1. Nov. 123. c. 24.* sed sensim, *Regum & Cesarum beneficio*, cognitio de delictis clericorum quibuscunque, adempta est magistratui *ciuili*, quod post confirmauit Fridericus in *auth. Statuimus C. de Episc.* quo iure postea Pontifices strenue vsi sunt. *c. 8. & 10. X. de iudic.* Inde in delictis clericorum hunc processum formant, vt de iis conuictus clericus ab *ecclesiastico iudice* deponatur, & si incorrigibilis deprehensus fuerit, *excommunicatione* & tandem *anathemate* puniatur, & vel *carceri* perpetuo mancipetur, vel *brachio seculari* post *degradationem* tradatur ad *pœnam fubeundam* *criminales*. *c. 10. cit. c. 2. X. de cleric. excomm.*

§. III. Sed hæc immunitas clericorum non ubique illibata mansit, sed hinc inde imminuta est. Espen. *de iur. eccles. P. 3. tit. 3. c. 2. & 3.* In foris Protestantium fere in plerisque ad iura pristina reditum est. Nam de *excessibus clericorum leuioribus* cognoscitur consistorium, & pœnas ecclesiasticas infligit Brunnem *de I. E. lib. III. c. 1. §. 20.* In *gravioribus* vero sceleribus *generalis* quidem inquisitio relicta est consistorio, sed *specialis* magistratui civili reseruata, quatenus a Consistorio desuper admonitus est. Id. *tit. 1.*

§. IV. Delicta laicorum, prout dixi, etiam spectant ad forum ecclesiasticum, si sunt *ecclesiastica* vel *mixta*, & ita clerici quoque ob hæc crimina a foro ecclesiastico iudicantur. *Illa* dicuntur, quæ tantum spectant fidem, religionem & sacra, Matthæi *introd. ad ius Can. lib. III. tit. 4.* Hæc vero, quæ simul respectum *delicti civilis* continent, ut adulterium, concubinatus, Sodomia, sacrilegium, usuraria prauitas, quæ tamen magno legum principumque ludibrio Pontificii ad forum suum quoque traxerunt, quia enim hæc sine evidente calumnia sibi solis vindicare non potuerunt, callido commento mixta dixerunt. Anton Matthæi *de criminib. in proleg. c. IV. §. 6.* Adeoque merito huiusmodi crimina a laicis commissa inter Prote-

te-

testantes in foro seculari vindicantur, nisi quatenus ob hæc contra clericos ad suspensionem vel depositionem agi queat, Brunem. in iur. eccl. lib. 2. c. 18. §. 4.

§. V. Ad delicta mere ecclesiastica referuntur.

(1) *Hæresin*, quæ aliter in foro theologico, aliter in foro civili definitur. Hoc modo est *dissensus constans ab orthodoxia*, vel ut dicitur in l. 2. §. 1. C. de Hæret. est *deniatio a iudicio catholica religionis & tramite seu formula fidei publice præscripta*. *Orthodoxia* in sensu civili est *religio dominans & publice approbata*, unde quia tres religiones in imperio dominantur, & in I. P. approbatæ sunt, in sensu civili orthodoxæ habentur, nec dissensus, licet grauissimus sit, hæresin constituit. Cautum proinde in I. P. art. 5. §. 35. quod siue Catholici, siue A. C. fuerint subditi, nullibi ob religionem despiciatui haberi, nec a mercatorum, opificum aut tribuum communionibus, hereditatibus, legatis, hospitalibus, leproforiis, eleemosynis aliisque iuribus & commerciis, multo minus publicis coemeteriis honorene sepulturæ arceri debeant: quæ omnia ex principiis Romanæ ecclesiæ sese aliter habere deberent, si veram hæresin. Protestantibus obicere in sensu civili possent.

§. VI. Sunt ergo in imperio nostro hæretici dicendi, qui diuersis modis appro-

batis religionibus sectam profitentur, & ab articulis fidei illarum religionum approbatarum recedunt. Hi tamen rursus non ex Doctorum opinionibus, sed ex publica doctrina, petendi sunt. Catalogus Hæreticorum refertur c. 39. C. 24. q. 3. Non autem sunt hæretici in sensu ciuili, qui tantum in adiaphoris dissentiunt, quamuis clerus R. ex his facile articulos fidei facere possit. Porro hæreticorum numero eos eximunt, qui errorem suum agnoscunt, & eiurant; pertinaciam enim requirunt c. 28. C. 24. q. 3. vt scienter in errore permaneant. Sed ita vix vllus hæreticus erit, quia nemo, nisi qui sanæ mentis non est, scienter errabit.

§. VII. Hæresis instar criminis lèse Majestatis habetur, & punitur, quia *conspirationem aduersus ecclesiam h. e. regnum cleri* continet c. 39. in f. c. 24. q. 3. Proinde hæretici excommunicantur & extorres iudicantur c. 12. c. pen. X. b. 1. omniumque iurium exercitio priuantur, veluti quod non possint succedere l. 19. C. de hæret., nec legatum aut fidei commissum accipere l. f. C. eod. nec testamentum condere c. 13. X. b. 1. nec postulare nec testimoniam dicere: mulieres hæreticæ non gaudent priuilegio dotis Nov. 109. c. 1. liberi vel parentes hæretici necessario exheredandi sunt, remouentur a publicis officiis

c. 12. §. credentes b. ipsum imperium supremum amittunt *c. 16. X. b. t.* bona mortuorum confiscantur, nec orthodoxis liberis reseruantur *c. 10. X. b. t.* ecclesiastica sepultura priuantur *c. cit. 13.* Denique declarati hæretici traduntur brachio seculari, vt comburantur. Imo iisdem subiacent pœnis, qui inuenti fuerint sola suspitione notabiles, nisi possint congrua purgatione propriam innocentiam purgare *c. 9. X. b. t.* Huic Tyrannidi subiacent porro magistratus ciuiles, qui ecclesiam contra hæreticos defendere recusant *c. 9. b. t.* Et quis omnes Tyrannidis sacræ species referret?

§. VIII. Equidem pœnam excommunicationis sed non cum iisdem effectibus, nostrates quoque in hæreticos probant; imo & contumaces tandem exilio mulctandos esse aiunt. Carpz. *pr. crim. qu. 44. n. 30.* quod plerumque ad hæreses nouas restringere solent. Sed ita parum recedimus a Pontificiorum doctrina: magis autem a doctrina Christi. Sufficere vtique posset *præceptum de emigrando*, si tolerantia displiceret. Satis notanter Autor *meditat. ad L. P. art. VII. in f. p. 366.* Quod si hæc imitamur Protestantes aliquanto mitioribus remediis, veluti exilio, fustigatione, censura ecclesiastica & similibus, haud existimare nos oportet, ita recte ex ordine a nobis sic-

ri. *Saltem enim gradu aliquo peccamus mitius, culpa omni non vacabimus.*

§. IX. Denique non desunt, qui ne quidem hæreticos in imperio tolerari posse censent. In *l. P. art. VII. §. 2. in f.* cautum est, quod *præter religiones approbatas nulla alia in sacro imperio R. recipiatur vel toleretur.* Verum, hoc de *publico* religionis exercitio intelligendum esse, recte censet Autor *medic. cit. l.* priuata singulorum tolerantia haud prohibita est. Admissa tali tolerantia inter Protestantes, hæretici quoque in iis locis iurium communium capaces sunt.

§. X. Ab Hæreticis distinguunt *Schismaticos*, qui, salua fide, a communione reliquarum ecclesiarum recedunt. Olim communio inter omnes ecclesias obtinebat, quæ sæpe scindebatur ob lites de principatu vel aliis causis indifferentibus. Tale schisma sæpius euenit inter orientalem & occidentalem ecclesiam & adhuc durat. Postquam vero Pontifex R. omnes ecclesias pedo suo subiecit, schismaticus dicitur, qui subiectioni sedis R. se subducit. Circa annum 1640. Papa admodum metuebat, ne schisma in Gallia fieret per noui Patriarchatus institutionem, cuius rei seriem recensui in *obseru. I. ad Petrum de Marca lib. I. de C. S. & I. c. 1.* Hi Schismatici dicuntur extra ecclesiam constituti h. e. extra iugum papale, &

& ita extra omnem spem salutis positi. Verum talem schismatis definitionem non nouit primitiua ecclesia.

§. XI. Hæreticis quoque accensent *Simoniacos c. 19. seqq. C. 1. q. 1. c. 13. C. 1. q. 3. c. 27. C. 1. q. 7.* Stricte dicitur *SIMONIA* conatus vendendi gratiam Spiritus S. pro pretio. Potissimum olim circa ordinationem notata fuit, quippe in qua putant per impositionem manus Spiritum S. ordinatis dari, (vid. Concil. Trid. *Sess. XXIII. de ordine c. 4.*) & ita cum reuera vendi, si pro ordinatione pecunia sumatur *c. 21. C. 1. q. 1.* Latius postea extensa ad quascunque res spirituales vel quasi, adeo vt qui officium ecclesiasticum vel præbendas pretio interueniente acquirit, Simoniacus dicendus sit, quamuis reipsa ne quidem umbra illius peccati concurrat, cuius Simonem Petrus insimulauit. Interim prætextus nunquam Pontificiis defuit sub specie fucatæ pietatis vid. *c. 8. C. 1. q. 3.* De vitio Simonix ex mente Canonistarum dissertatione proluxa agit *Espen p. IV. Iur. eccles.*

§. XII. Requiritur autem *conventionem interuenientem*, absque qua in foro externo Simoniam haud committi volunt, licet mente forsan intendatur. Deinde plura subterfugia adduntur, quibus Simonia facile regi potest, veluti si quis aliquid accipiat.

non tanquam pro re sacra, sed pro externo labore &c.

§. XIII. Hoc crimen quoque crimini *læse maiestatis* æquiparatur *l. 31. C. de Episc. & cler.* & ita in his tribus criminibus eundem processum observandum esse volunt, qui in crimine perduellionis obtinet, veluti quod quilibet, alias inhabilis, ad accusandum admittatur, testes inhabiles haud repellantur *c. 21. X. b. t.* quod procedatur de simplici & plano, absque interuentu aduocatorum *c. 20. de heret. in 6.* ibique glossa &c. De Simonia convicti Clerici depunantur & laici excommunicantur.

§. XIV. hisdem pœnis, quibus Hæretici plectuntur, obnoxii sunt *Apostatae*, qui a fide christiana in totum desciscunt, & ad Paganismum vel Iudaismum defleunt *c. 1. X. de Apost.* Hac ex ratione in sagas pœna ignis statuta est, quia Apostasian dicuntur committere, imo etiam testamenti factionem, eis ob eandem causam denegandam esse, vult Richter. *P. 1. Decis. 57.*

§. XV. Magiæ speciem quoque *Sortilegia* esse censent, quæ omnes diuinationum illicitarum species complectuntur. Huc imprimis pertinent sortes sanctorum seu Apostolorum *c. 1. C. 26. q. 1. c. 3. C. 26. q. 2.* quorum ratio & methodus traditur *Tom. IV. obseru. Hall, 13.* Conf. Linkius *de sortib. Apost.*
Ideo

Ideo autem speciem magix habere sortilegia volunt, quod vel expressum vel tacitum pactum cum Diabolo interuenire soleat. Espen. *in iur. eccl. P. III. tit. 4. c. 3. §. 10.* Poena eadem hic obtinet in iure Canonico, quæ in Hæreticos & Apostatas est statuta.

§. XVI. His proximum est *sacrilegium*, quod in genere dicitur, quoties quid circa res diuinas committitur. Sic sacrilegus dicitur, qui subtrahit laicis calicem *c. 12. de consecr. D. 2.* qui contemnit verbum diuinum, qui Deum blasphematur *l. 34. C. de Apost.* & in genere qui Simoniam, hæresin &c. committit. Similiter qui res sacras violat, & personis ecclesiasticis vim infert, quod vt crimen publicum in Deum commissum puniendum *l. 10. C. de Episc. & cler. Auth. Sed nouo C. cod.* Porro qui sacra turbat, quod aliquando ultimo supplicio afficitur, si ministro ecclesiæ, dum sacra facit, vis inferatur, vt sacra hoc modo turbentur, *cit. Auth. Nep. 123. c. 31.* Carpz. *Pr. crim. qu. 44. n. vlt.* Denique qui ministro publice, dum verba ad populum facit, obloquitur, qui relegatione punitur Carpz. *lib. III. I. E. Des. 95. n. 16.* Cetera crimina, quia in foris Protestantium pro mere secularibus habentur, hic non persequar.

§. XVII. Modus procedendi vsque ad seculum XII. in delictis simplicissimus fuit. Quia Episcopis cura animarum per totam Dioecesin erat demandata, inde tanquam vigiles industrii inquirebant in quæcunque crimina ad effectum pœnitentiæ imponendæ seu ad ipsius peccatoris reconciliationem. Creditum enim fuit, peccatum absque *satisfactione* remitti non posse, & ita magis tanquam *Pastores animarum*, quam *iudices* inquirebant; nec solennitatem processus obseruabant, donec seculo XII. relicto foro pœnitentiali, tanquam *iudices* in criminalibus procedere inceperint. *Espen de I. eccl. P. III. tit. 4. c. 1.* Hoc facto, modus procedendi in criminalibus ex Legibus fuit desumptus.

§. XIX. Triplicem modum procedendi demonstrant per c. 24. *X. de accus.* scilicet per *accusationem*, *inquisitionem* & *denunciationem*. Via *accusationis* ex regulis iuris ciuilibus vnice instructa est, & rectius ex sede propria addiscitur. Via *inquisitionis* iuri canonico vnice debetur; inquirebant olim, vt dictum est, Episcopi in quæuis delicta, non ad processum criminalem formandum, sed vt pœnitentiam delinquentibus indicerent. Postquam vero seculo XII. iudicia criminalia exstruxerunt, & quædam crimina sibi reseruarunt, via hætenus vsitata in
foro

foro pœnitentiâli, vt loquuntur, traducta est ad forum externum criminale. Hanc Pontifices sedulo promouerunt per submissos generales inquisitores, qui circa reformatam ecclesiam & ab hæreticis purgandam solliciti erant, quod papa se pastorem vniuersalem omnium ecclesiarum crederet. Talis fuit Bonifacius, Germanorum Apostolus dictus, de quo in chronico Hamelenfi apud Dn. Leibnitium *tom. II. script. Brunsvic. p. 508.* ita: *Autoritate Apostolica inquisitor hæreticæ prauitatis extiterat, vnde adiutorio dictæ regis Pipini multos hæreticos exterminavit, & igni tradidit comburendas, & quatuor synodos generales intimauit, & in Alemannia multæ mirabilia fecit. Ex hac inquisitione in hæreticos originem traxisse iudicia occulta apud Germanos, Vehmica scilicet Vemeding, censet Ill. Leibnitius in introd. tom. III. script. Brunsvic. p. 14.* quæ maxime in Westphalia inualuere, prætextu, impios, sagas & hæreticos persequendi. Ipsi inquisitores generales adigebant clericos illius ecclesiæ, ad quam missi erant, ad iuramentum præstandum, vt iurarent, quod super his, quæ scirent & crederent, esse in sua ecclesia reformatâ, tam in capite quam in membris (exceptis occultis criminibus) meram & plenam dicerent inquisitoribus veritatem c. 17. X. de accusat. in f. Hi ergo procedebant sine omnibus

indiciis, eamque inquisitionem vocabant *generalem*. Gonzalez *ad c. 21. X. de accus. n. 10.*

§. XIX. Specialis inquisitio instruitur contra certam personam, precedente clamore aut diffamatione vel denunciatione, ubi officium accusatoris supplet fama vel clamor publicus *c. 24. X. de accusat.* Debet tamen ante omnia constare de corpore delicti, nisi sit delictum facti transeuntis, ubi sufficit, per coniecturas de eo constare *c. 21. X. de accus.* Inquisitione instituta, reus legitime interrogandus, & ad defensionem admittendus, quem in finem ei dicta & nomina testium sunt publicanda, ne ei quid subtrahatur, quod defensionem eius possit impedire. *c. 24. X. eod.*

§. XX. Quod si reus factum negauerit, nec tamen de eo plene convictus sit, olim purgatio vulgaris *per aquam frigidam*, adhibebatur, de cuius ritu vid. Espen. *P. 3. Iur. eccl. lib. 8. c. 4.* Similis purgatio erat *per ferrum candens*, cuius exemplum refertur in *annal. Hildeshemens. ad ann. 1028.* apud Dn. Leibnitium *in script. Brunsvic. tom. 1. p. 725.* & in *vita Meinweri. p. 558.* quæ dici solebat, *iudicium ferri igniti.* Ibid. *p. 563.* sicut prior purgatio *iudicium aqua frigida* dicebatur. vid. *Histor. de Guelfis* apud ill. Leibnit. *cit. l. p. 783.* Huc etiam pertinebat purgatio per *sumtionem Eucharistie* *c. 23. & s. C. 2. qu. 5.* per-

du-

duellum c. 1. 2. X. de purgat. vulg. Hac postea sublata, purgatio canonica cum compurgatoribus facienda retenta est, cuius exemplum refert Ditmarus lib. VI. circa f. vel iuramentum in reliquiis præstandum. vid. *visa Meinwerthii cit. l. p. 563.*

§. XXI. De usu Torturæ, in his iudiciis adhibendæ, nihil certi constat, quamvis iam seculo XIII. eius usus in secularibus iudiciis notus fuerit. Sic enim in *Cbron. Bothonis Brunsvic. ad ann. 1286.* apud Dn. Leibnit. tom. III. script. Brunsvic. p. 371. dicitur: *Keyser Roloff de greypön, unde leytt ön fragen mit der vnuernunft* (per torturam) *da bekande hey &c.* Sed satis credibile est, inquisitores hæreticæ pravitatis torturas potissimum commendasse & adhibuisse, vid. *Matth. introd. in ius can. lib. III. tit. 4. p. 282.* quamvis rariorem eius usum in foris ecclesiasticis esse arbitretur *Espen. in Iur. eccl. P. III. tit. 8. c. 3. in f.*

TIT. XX.

DE IVRE LAICORVM SIVE PAROECIANORVM.

§. I.

IN primitiva ecclesia iura laicorum satis magna erant, docente *Blondello de iure*

plebis in regim. eccles. sed ambitione Episcoporum ita imminuta sunt, vt nihil vel parum iuris iis relictum sit, excepta sola parendi gloria. Agnoscit hoc ipsum ius canonicum, quo de *iure laicorum* nullus occurrit titulus, vt magis de *obligatione*, quam de *iure laicorum* hodie agi debeat. Cum vero laici in statum *subiectionis* abiecti sint, & certæ ecclesiæ adscripti, postulat ratio iuris, vt de qualitate *Paræcianorum* dispiciamus, quia hanc doctrinam Autor omisit.

§. II. Paræcianus dicitur, qui ecclesiæ Parochiali tanquam *gleba* adscriptus est. Olim Dioceses quoque *Parochiæ* dictæ sunt *l. 10. C. 9. q. 1.* Postmodum districtus ecclesiarum Parochialium ita dici cœpit, vid: *Ius Paroch. Sect. III. c. 3.* adeoque Paræcianus dicitur, qui intra paræciam seu Parochiam habitat, & ita ex *foro domicilii* hoc potissimum æstimandum est, si in ciuitate una tantum parochia est. Sola habitatio temporalis neminem Parochianum facit *c. 3. de sepult. in 6. Alex. Sperell. in decis. for. eccles. decis. 87. n. 4.* Imo nec domicilium sufficit, nisi eiusdem cum ecclesia religionis sit. vid: *I. P. art. V. §. 34.*

§. III. Secundum quid tamen sola habitatio ad tempus paræcianum constituit, quoad certos effectus. 1) *ad onera realia solvenda*, vid: *Ius Paroch. tit. I. §. 16.* Hoc intuetur etiam Iudæi intra Parochiam habitantes ad

ad quædam onera Parochialia soluenda adstringuntur. Hoc decrevit concilium Viennense apud Lambec. *lib. II. de bibliotb. p. 66.* hoc modo: *adiicientes, vt Iudei sacerdoti Parochiali, infra cuius Parochiæ terminos manserint, pro eo, quod loca, in quibus Christiani manere deberent, occupant; iuxta quantitatem damni, quod ei ex hoc inferunt, ad arbitrium Diæcesani omnes prouentus loci, quos, si ibidem manerent Christiani, sacerdos perciperet, refundere compellantur.*

§. IV. II] *Quoad quædam ecclesiastica iura,* veluti sepulturam. Nam etiam extranei ibi sepeliendi sunt vbi ad tempus habitauerunt, nisi commodè ad propriam deferri possint parochiam. Denique III] si in vna ciuitate plures sunt Parochiæ, sola habitatio quoque attenditur, vt ibi censeatur paræcianus, vbi habitat. Nonnunquam tamen in ciuitatibus sunt ædes priuilegiatæ, quarum inhabitatores Paræciæ nulli addicti sunt, & hi censeantur Paræciani ex illa ecclesia, in qua sacra perceperunt.

§. V. Nec tantum hæc qualitas Parochialitatis ad priuatos spectat, sed etiam ad ipsos reges & principes extensa est. Testis est Eadmerus *lib. VI. Histor. pr.* vbi ita: *Comprobatum ab aliis est magis ad Archiepiscopum Can-*
ma-

suaviensem id pertinere, ea ratione, quod Rex & regina speciales ac domestici Parochiani sunt ipsius, nec diocesim cuiusvis episcopi ei posse precipere, quod sui iuris dignoscitur esse, cum tota terra, lege primatus Cantuarie, Parochia sua sit, & omnes episcopi totius insula Parochias, quas habent, non nisi ab ipso & per ipsum habeant. Verum ad alias Parochias in ciuitate constitutas hoc extendi nequit, vid. ius Paroch. Sect. IV. c. I. §. 13.

§. VI. Effectus huius qualitatis potissimum consistit in subiectione & obligatione tum ad sacra ibi percipienda, ubi quis Parochianus est, tum ad onera illius Parochiae ferenda. Est enim ius Parochiale reuera, *ius bannarium*, prout in toto tr. *de iure Paroch.* ostendi. De effectibus sigillatim ad lib. II. occasio edisserendi dabitur.



In-



Institutionum Ecclesiasticarum

LIBER. II.

TIT. I.

DE

IVRE RERVM ET S. LITVRGIA.

§. I.

IVra Liturgica quoad maximam partem debentur consuetudini, quædam etiam superstitioni. Vnde hic ante omnia videndum de iure illa determinandi, reformandi, vel plane tollendi. *Ius instituenti Liturgiam* Autor §. II. ex erronea hypothefi de statu ecclesiæ, sæpe reiecta, denegat soli principi, & ecclesiæ adscribit, h. e. principi & clero simul, admittit etiã ordines prouinciales, quos plebem repræsentare dicit. Ad-

O

mo-

modum incongrue. Ordines prouinciales non vbique concurrunt ad deliberationes circa summa rerum instituendas, & vbi concurrunt, non quibusuis deliberationibus interfunt. Porro in ecclesia qua tali hunc respectum non habent, quod supra iam monui.

§. II. Hoc certum est, ecclesiam, quatenus collegium constituit, posse quædam determinare, quæ ad finem ei propositum spectant, et ita omnia membra ecclesiæ ad huiusmodi deliberationes concurrere debent. Huc quoque pertinet ordo in liturgia obseruandus, sicuti etiam hunc primitiue ecclesiæ pro arbitrio per *modum pæli* determinarunt, vnde tanta diuersitas rerum liturgicarum seu rituum orta est. Sed paulatim Episcopi iura, ecclesiæ der Gemeinde competentia, sibi vindicarunt, & pene omne ius circa sacra vsurparunt.

§. III. Cum vero imperantes inspectionem in omnes ecclesias habeant, & præcauere debeant, ne imperium sacrum in his collegiis exstruatur, suo iure agunt, si ius determinandi res liturgicas sibi vindicant, quando ex circumstantiis apparet, ecclesias hac libertate sua abuti. Status ecclesiarum satis corruptus est, vt facile tumultus & turbæ inde oriri possent, si hodie adhuc eadem libertas iis concederetur. Trahi.

hitur populus superstitione, ritibus sæpe, inanibus tenaciter adhæret, adeoque vix patitur, vt noui ritus instituantur, quod bellum adiaphoristicum, motus Anglicani, aliaque infinita exempla ostendunt. Huc respexit I. P. art. V. §. 29. vbi ita cautum est: *Neutri partium alteram de religionis suæ exercitio, ecclesiæ ritibus & ceremoniis disturbare fas sit, sed ciues pacifice & comiter inuicem cohabitent.* Ob huiusmodi causas salus reipubl. postulat, vt princeps liturgicas res adornet & determinet, in quo iure nec clerum admittere tenetur, quia hanc determinationem, qua princeps suæ reipubl. instituit, frustra renitente Carpzovio p. 2. decis. 113.

§. IV. Inde quoque Principibus Protestantibus ius reformandi sacra competit, & quidem non cumulative, sed priuatiue, quod etiam in I. P. art. V. §. 30. prouisum est, vbi ita: *cum eiusmodi Status immediatis cum iure territorii & superioritatis ex communi per totum imperium hæc long vsitata praxi etiam ius reformandi exercitium religionis competat, ex quo in s. dicti §. concluditur, quod ob hanc causam nulli Status immediato ius, quod ipsi ratione territorii & superioritatis in negotio religionis competit, impediri oporteat.* Ius autem reformandi exercitium religionis non potest non denotare ius mutandi, corrigendi, & in melius restituendi res liturgicas, in quibus potissimum exercitium publicum

publicum religionis consistit, quod ipsum Statibus *ratione territorii & superioritatis* adscribitur, cuius cum ministri ecclesiæ non sint participes, merito ab eius exercitio excluduntur. Neque hoc ius reformandi tantum exercent circa sacra, quibus ipsi addicti sunt, sed etiam circa sacra peregrina, veluti Iudæorum, prout illustri exemplo ostendi in *diff. de causa Iudæor. toler. inf. de precibus Iudæorum reformatis.*

§. V. Quamvis vero immediata imperii nobilitas iura territorialis superioritatis ex plerorumque sententia non habeat, in iure tamen reformandi ceteris principibus exequata est, ut in iuribus religionem concernentibus & beneficiis inde promanantibus idem ius habere debeant, quod Statibus Imperii competit. *art. V. I. P. §. 28.*

§. VI. Potest tamen hoc ius reformandi restringi 1) pactis cum subditis initis, quod rursus *I. P. art. VII. §. 1.* prouisum est his verbis: *saluis tamen semper statuum, qui Protestantes nuncupantur, inter se & cum subditis conuentis pactis, priuilegiis & reuersalibus & dispositionibus aliis, quibus de religione eiusque exercitio & inde dependentibus eiusque loci Statibus & subditis hucusque prouisum est, salua itidem cuiusque conscientia libertate.* Atque hoc pertinet ad protestantes inter se, quibus ratione exercitii religionis non præscriptus est terminus anni

1624. d. 1. Ian. Quod vero pacta inter dominum territorii & subditos diuersæ religionis de publico uel etiam priuato religionis exercitio introducendo, permittendo & conseruando concernit, illa eatenus approbata sunt in *I. P. art. V. §. 33.* quatenus obseruantix dicti anni 1624. non aduersantur.

§. VII. Restrictum II) hoc ius reformandi est in *I. P. art. V. §. 31.* quoad Status, qui diuersam a domino territorii profitentur religionem, ut scil. iure reformandi non obstante, *Statuum Catholicorum Landsassi, Vassalli & subditi cuiuscunque generis, qui siue publicum siue priuatum Augustanæ Confessionis exercitium anno 1624. quacunque anni parte, siue certo pacto aut priuilegio, siue longo usu, siue sola denique obseruantia, dicti anni habuerunt, retinere id etiam debeant in posterum, una cum annexis, QUATE- NVS illa dicto anno exercuerunt, aut exercita fuisse probare poterunt.* In præcedente §. 30. assertum erat Statibus, ius reformandi, in hoc §. 31. vero illud restringitur.

§. IIX. Atque hoc tantum pertinet ad Catholicos & Protestantes inter se. Quod vero attinet ad ipsos Protestantes, quatenus duas partes constituunt, hoc casu de iure reformandi in *I. P. art. VII. §. 1.* ita sancitum: *ut si dominus territorii ad alterius partis sacra transferit, aut principatum aut ditionem, ubi*

alterius partis sacra exercitio publico de presenti vigent, seu iure successionis, seu vigore presentis tractatus pacis, aliove quocunque titulo nactus fuerit, aut recuperarit, ipsi quidem concionatores aulicos sua confessionis citra subditorum onus aut prauiudicium secum atque in residentia sua habere liceat, at fas eis non sit vel publicum religionis exercitium, leges aut constitutiones ecclesiasticas haëtenus ibi receptas immutare, vel templa, scholas, hospitalia, aut eo pertinentes redditus, pensiones, stipendia, prioribus adimere, suorumque sacrorum hominibus applicare, vel iuris territorialis, Episcopalis, Patronatus, aliove quocunque pretextu subditis ministros alterius confessiones obtrudere, ullumue aliud impedimentum aut prauiudicium directe vel indirecte alterius sacris asserre &c.

§. IX. Hac tamen circa ius reformandi facta restrictione domino territorii diuersae religionis non videtur interdictum, exercitium suae religionis in eo loco, quo anno 1624. illud haud viguerit, introducere. Neque enim subditis hoc ipso ius prohibendi datum, sed tantum eorum sacris est prospectum, ne villo modo in eius exercitio turbari queant. Vid. Autor. *meditat. ad I. P. Specim. IV. mantissa II.*

§. X. Ex hoc iure reformandi quoque dependet ius ritus abrogandi tam particulares, quam vniuersales. Quoad hos plerique dissentiunt, existimantes eos abrogari non posse

posse sine totius ecclesiæ eiusdem confessionis consensu. Hildebrand. *diff. de ritib. sacris* §. 17. vbi tamen §. 19. addit limitationem, nisi abusibus, corruptelis & superstitionibus infecti fuerint. Sed hoc ipso destruit regulam, cum ritus haud aliter abrogari soleant, nisi superstitiosi fuerint, de quo cognoscit Princeps, quia ius reformandi habet. Sic ritus exorcismi est antiquissimus, & vniuersalis. Si abrogatio eius decernitur a principe, hæc sola ratio sufficit, quod superstitiosus sit, vti reuera est. Reuera contraria sententia nata est ex erroneo conceptu de statu ecclesiæ. Conf. B. Dn. Stryk in not. ad ius eccl. Brunnam. lib. I. c. 6. m. 3. §. 1. verbo: *remoto scandalo*. Pluribus hanc sententiam illustravi in *diff. de observantia eccles. in f.*

§. XI. Patronis sane aut nobilibus mediatis, licet mero imperio gaudeant, nequaquam competit ius circa res liturgicas quid mutandi, cum ius Patronatus a iure sacrorum toto cælo differat Finckelthaus *de iure Patron. C. II. n. 19.* Carpz. *P. I. Iurisp. E. def. 3.* Ziegl. *de iur. maiest. lib. 1. c. 17. §. 3.* Imo ne quidem consistorium hoc ius exercere potest, cum ad legislatariam potestatem pertineat, quæ destituuntur consistoria, B. Dn. Stryk. *ad ius eccl. Brunnam. lib. I. c. 6. m. 12. §. 6. verb. per sua Consistoria.*

TIT. II.

DE

SS. BAPTISMATE.

§. I.

AD sacramenta recte intelligenda, simulque quid circa ea iustum sit? recte discernendum, multum iuvat, inquirere in eorum originem. Sane Baptismus non demum cum Christianismo natus, sed apud Iudæos iam vsitatus fuit, prout Seldenus de *Synedriis lib. I. c. 3.* perspicue docet. Totam huius sacramenti originem & indolem breuiter tradidi in *diff. X. ad Plin. II. & Tertull.*

§. II. Ius dandi baptismum hodie Parochis tributum est, modo ei religioni addicti sunt, in qua baptizandus est imbuendus. Quodsi enim subditi in tali ditione vivunt, vbi anno 1624. neque publicum neque priuatum religionis exercitium habuerunt, eis permissum est in *I. P. art. V. §. 34.* infantes recens natos in vicinia Pastori suæ religionis ad baptismum offerre. Ziegler. de *iur. Mai. lib. I. c. 14. §. 4.*

§. III. Ad Baptismum nemo cogendus est. Imo ne quidem Iudæorum infantes, invitis eorum parentibus, baptizandi sunt, cum patriam potestatem, unde ius circa
fa-

sacra liberorum dependet, in liberos habebant, quamvis iure canonico antiquo secus statutum sit. Mancipiorum diversa videtur ratio, quorum infantes a Domino Baptismo offerri possunt, renitente matre infideli vel patre. De Patre christiano maior ratio dubitandi est, an hic a magistratu ecclesiastico cogi possit, ut infantem recens natum Baptismo offerat. Quid enim si credat, infantes in infantia non esse baptizandos, sed baptismum ad annos discretionis differendum esse? Dissentiret hic a tribus in Imperio R. approbatis religionibus, adeoque vel ei iniungi posset, ut se ad sacra consueta accommodaret, aut emigraret. Nihil plus iuris magistratui ecclesiastico competere, videtur, nisi forsan quis prouocare vellet ad *R.I. de ann. 1529. §. 6.* ubi dicitur: daß auch ein ieder seine Kinder nach Christl. Ordnung Herkommen und Gebrauch in der Jugend tauffen lassen solle. Welcher aber das verachten und nicht thun würde/ auf Meinung als solte derselbig Kinder tauff nichts seyn/ daß derselbig/ so darauf zu beharren unterstünde/ für einen Wiedertauffer geachtet / und obangezeichneter Kayserl. constitution unterworfen sey &c.

§. IV. Ipsa poena in his, qui S. baptismum iterant, tam iure iustiniano est capitalis *l. 1. c.*

C. ne sacr. baptism. iteret. quam repetita in-
cit. R. Daß alle und iede Wiedertauffer und
 Wiedergetauffte Mann- und Weibs-Pers-
 onen verständiges Alters von natürl. Le-
 ben zum Tode mit Feuer / Schwerdt und
 dergleichen / doch nach Gelegenheit der
 Personen / ohne vorgehend der geistl.
 Richter inquisition, gericht und gebracht
 werden. Sed hoc potissimum contra Ana-
 baptistas *seditiosos*, qui eo tempore motus in
 imperio impios excitauerant, statutum est,
 vnde etiam in *R. I. de anno 1530.* vocantur
 die aufrührische unchristl. Secte des Wied-
 ertauffs / vti imprimis apparet ex *R. I. de*
anno 1535. Cum vero seditio huic sectæ non
 sit connata, sed praxis in Belgio doceat,,
 Anabaptistas quiete viuere, docente Dn.
 Buddeo *de concord. relig. Cbrist. statuque civil.*
c. VI. §. 3. seqq. vbi imprimis prouocat ad il-
 lius sectæ ministrum in Belgio, *ANGELVM*
ARENSTOON DOORGEEST, qui nullas
 seditiosas doctrinas sectæ suæ adscribi posse
 serio vrget; admodum durum foret, pœ-
 nas in LL. Imperii Anabaptistis dictatas,
 illis velle applicare, qui paruulorum bapti-
 smum illicitum aiunt.

§. V. Illi potius pœnis subiiciendi, qui so-
 lius *lucris causa* se variis in locis baptismo of-
 ferunt, quod nonnunquã Iudæi facere solent,
 qui reuera *belliarum* committunt, & ita
 pœna

pœna fustigationis afficiendi sunt Carpz. in
pr. crim. qu. 93. n. 44.

§. VI. Quoad ipsum actum baptismi sequentia vulgo requiruntur. (I) In baptizante Pontificii requirunt *intentionem* illud faciendi, quod facit ecclesia. Concil. Trid. *Sess. VII. de baptismo can. IV.* Sed hoc modo nemo certus esse potest, vtrum vere baptizatus sit, quia ei nunquam de intentione baptizantis constare potest. Longe aliter olim Innocentius Papa ad c. i. X. de baptismo, aiens: *Non est necesse, quoad effectum baptismi, ut sciat baptizans, quid sit baptismus, scilicet, quod infundat gratiam, vel quod sit sacramentum, nec etiam oportet, quod credat hoc ipsum, imo si contrarium credat, & reputet deceptionem, baptismus tamen habet effectum suum. Non requiritur, quod baptizans sciat, quid sit ecclesia, nec quod in mente gerat, quod facit ecclesia: imo si contrarium gerat in mente, i. e. non facere, quod facit ecclesia, sed tamen facit, quia formam servat, nihilominus baptizatur, dummodo baptizare intendat.* Conf. c. 46. c. 77. c. 89. C. 1. q. 1.

§. VII. Baptismus (II) peragendus est in ecclesia. Sed non tam ad locum, quam congregationem fidelium esset respiciendum, vti
 in

in primitiua ecclesia, teste Tertull. *de coron.* c. 3. vnde satis laudabile est quorundam locorum institutum, vbi baptismus paruulorum differtur in diem dominicum, vt in plena fidelium congregatione fieri possit. Sed hodie magis ad *qualitatem loci* respici solet, vtrum sit *baptismatis ecclesia*, c. 54. seq. C. 16. q. 1. Espen. *de Iur. ecclef. lib. II. tit. 2. c. 2. n. 15.*

§. VIII. Offerantur (III) baptizandi baptismum per patrilinos ad id rogatos, quæ oblatio ab omnibus patrilinis fieri debet, cum absque *contactu corporali* spiritualis cognatio haud oriatur ex mente Pontificiorum. Vtut vero hanc cognationem in ecclesiis nostris negemus, negari tamen nequit, in plerisque locis etiam hunc *contactum* patrilinorum superesse.

§. IX. Ante baptismum (IV) fiat *solemnis professio*, quæ etiam olim apud Iudæos vsitata fuit. Selden. *de Synedr. lib. I. c. 3.* & inter Christianos merito retenta *Act. VIII, 37.* Huc quoque pertinet *solemnis contestatio*, qua baptizandi contestantur, *se renunciare Diabolo, Pompe & angelis eius*, vt loquitur Tertull. *de coron. c. 3.* Atque hæc promissio olim fiebat publice in ecclesia, qua ipsa baptizandus in *confederationem* Christianorum *disciplinam* consentiebat, cuius singulares olim erant effectus, prout ostendi in *Diff. III. ad Plinium II.*

§. X.

§. X. Hæc professio & contestatio (V) fiebat olim non tantum in ecclesia, sed etiam *adhibitis testibus* peculiaribus, prout docuit. l. §. 19. Inde origo *Patrinorum*. vid. Mastricht *de susceptor*. In parulorum baptismo hi respondent pro paruulis, & *prodest paruulo fides eorum, a quibus consecrandus offertur*, ut dicitur in c. 7. *de consecr. D. 4.* & sic inter credentes reputantur *per offerentium responsionem* c. 8. *de consecr. D. 4.* Vnde a Patrinorum officio remouentur contemtores verbi diuini. An vero possint admitti discrepantes in religione, de eo vid. Dn. Stryk *ad Ius Eccles. Brunne mann, lib. II. c. 1. m. 2. §. 12.*

§. XI. Numerus Patrinorum non vbique determinatus est. In Concil. Trid. *sess. 24. de reform. matrim. c. 2.* statutum est, ut vnus tantum admittatur vel *ad summum vnus & vna*, ne cognatio spiritualis nimium extendatur. c. 3. *de cognat. Spirit. in 6.* Vbi plures admittuntur, vel ideo diuersitas sexus placuisse videtur, ut eo magis cognatio quædam fingi, & respectus filiationis & paternitatis supponi possit. Conf. Carpz. *P. 2. d. 268. Iurispr. consistor.* Qui plures adhibent, quam lege permissum est, arbitrarie puniuntur. Reusner. *L. 2. Decis. 20. n. 6.*

§. XII. Præterea (VI) peracto baptismo accedebat inunctio, chrismate facienda,

Con-

Concil. Laod. c. 48. Tertull. de baptis. c. VII. cum impositione manus. Inde nata est confirmatio, de qua Autor in §. ult. agit, quam hodie peculiare sacramentum esse volunt, contra quod prolixè disputat Io. Dalzèus de confirmat.

§. XIII. Per hanc *confirmationem* tradi baptizatis Spiritum S. adeoque non presbyterum sed Episcopum duntaxat verum eius ministrum esse statuunt. Vid. Innocentius I. in *epist. ad Decentium c. 3.* quamvis Græci etiam Presbyteros admiserint. Cum vero Presbyteri etiam baptizare possint, inde tandem factum, ut confirmatio a baptismo plane separata fuerit, cum Episcoporum copia non semper adesset.

§. XIV. Peragitur confirmatio *Chrismate & manuum impositione.* Chrisma tantum conficit Episcopus *c. 1. 2. C. 26. q. 6.* & quidem in *cæna Domini* seu die Viridium. Ab hoc Presbyteri illud petere debent *c. 4. D. 95.* cum etiam hi in baptismo chrismate utantur; præterea etiam accipiunt *oleum olivæ*, morti vicinis applicandum. A *Chrismate* in eo differt, quod *balsamum* admixtum non habeat, quod multis ex speciebus constat, & chrismati inest. *c. vn. X. d. Sac. unction.*

§. XIV. Sunt præterea *unctiones* quoque aliis in negotiis sacris usitate. Nam (1) in

in ordinationibus Presbyterorum adhibentur, quamuis olim id minime fieret, fatente Morino *de SS. ordin. exerc. 6. c. 1. & 2.* & imprimis (II) in consecratione Episcoporum, postquam creditum fuit, hos verum sacerdotium gerere. Sacerdotes enim olim inunctos fuisse constat, de quo fusius philosophatur Innocentius III. *in c. vn. de SS. vnction.* Denique (III) inunguntur quoque Reges, hac tamen seruata differentia, vt vult Innocentius III. *cit. l.* quod caput Pontificis Chrismate consecratur, brachium vero Principis oleo deliniatur, *vt ostendatur, quanta sit differentia inter auctoritatem Pontificis seu Episcopi, & Principis auctoritatem.* Hodie tamen Imperatores etiam in vertice inungi tralatitium est.

§. XV. Hanc tamen vnctionem nudam ceremoniam esse constat, cum olim Imperatores Græci eam haud acceperint. Fabulam sapit, quod tantum quatuor Reges ex priuilegio inungantur, vt Rex Hierosolymorum, Francorum, Anglorum, Sicilia, quæ fabula forsan ex quaternionibus nata est, cum ex *cit. c. vn.* constet, vniuersalem morem fuisse, vt reges vngantur. Hoc ergo admodum absurdum est, quod statuat Simeon Thessalon. *de sacr. ordinat.*, reges vngi ab ecclesia, vt per eam principes fiant, & quos Thomas Bozins *in comm. lib. III. Reg. c. 19.* credat, Reges Gal-

Galliæ, Angliæ, Scotiæ, Daniæ, Sueciæ, nisi vngerentur, ab Episcopis pro Regibus habitos non fuisse, quod hi per vñctionem reges crearent, quamvis forsan hoc sub prætextu Papa *iis reges appellandi* sibi competere crediderit. Henricus Auceps vñctionem recusauit, nec tamen ei quisquam Status quæstionem mouit. Sic enim Ditmarus *lib. I.* ait: *Episcopalis vñctionem benedictionis a Herigero Archiepiscopo exhibitam antecessorum more priorum non desiderauit, nec suscipere voluit, sed prorsus ad hoc indignum se affirmavit.* Addit tamen superstitiosus Ditmarus, in hoc eum peccasse, quia se legisse ait, sanctam Christi Martyrem Afram Othalrico Episcopo duos enses, vnum cum capulo, aliumque sine eo, ac per eum Henricum Regem, consecrationis expertem, demonstrasse, quæ fabula multum ad necessitatem vñctionis se contulisse forsan credidit.

TIT. III.

De

SS. EVCHARISTIA.

§. I.

DE origine & primæua praxi Eucharistiæ dixi *Dissert. IV. ad Plinium II.* vnde apparebit, Autoris nostri sententiam, quam tue-

tuetur §. II. veram esse, in sacris videlicet haud determinari, cui administratio huius cœnæ competat. Hoc expeditum est, eam presbyteris delegari ab ecclesia debuisse, postquam hi ab ecclesia allecti, & Eucharistia in coitionibus christianorum sacris celebrata fuit. Nam sicuti directio omnium reliquorum negotiorum in cœtibus peragendorum iis incubuit, ita quoque administratio huius cœnæ eis compete-
bat.

§. II. Vnde quod in casu necessitatis, ubi non adsunt Pastores, nec haberi possunt, laici quoque eucharistiam celebrare possint, a parte factus est Tertull. *lib. VII. de exhort. castit.* & probavit Grotius in *tr. de administr. S. cœnæ ubi pastores non sunt.* Negant id pontificii, qui sacrificium in hac administratione supponunt, quod tantum a sacerdote offerri potest, quorsum non pauci nostratum, quoque inclinant vid. Lyncker. *de eo quod iust. est circa S. cœnam c. II. §. 2.* Olim presbyteri administrationi huic præerant, non ut sacerdotes, sed ut *prepositi.* Iustin. Martyr. *Apol. II. in f.*

§. III. Neque hæc administratio *consecrationem* quandam habet, prout Autor §. III. innuit, sed *εὐλογία* per pias preces, & gratiarum actiones fiebat, quæ tamen *consecrationis* nullum respectum habebant. Hæc inuenta est, postquam sacrificium in eucharistia.

ristia offerri creditum fuit. Patres ipsas preces, eucharistiæ accedentes, *sacrificium* dixerunt, & ita non solus Presbyter, sed omnes fideles hoc *sacrificium precum* Deo offerebant, ut Iustin. Martyr. in *Dial. cum Iudeo Tryph.* passim ostendit.

§. IV. Interim ex hac hypothese, quod sacrificium in S. cœna Deo offeratur, plures fluunt conclusiones: 1) quod in altari offerri debeat, unde vocatur *Sacramentum Altaris*. 2) Quod panes azymi vocentur *hostie* item *oblata* c. 53. de *consecr. D. 2.* 3) quod præcise a sacerdote & non ab alio offerri possit: 4) quod oblatio hæc debeat fieri in vestibus sacerdotalibus seu missaticis: 5) accensis luminibus c. f. X. de *celebr. missæ* cum sacrificium absque igne non possit fieri. Imo totius missæ apparatus inde originem traxit.

§. V. Non hic substitit superstitio Pontificiorum, sed etiam *transubstantiationem*, quamdam fieri proprie dictam censuit, quamvis in sensu hodierno ea reprobata videatur in c. 48. & 58. de *consecr. D. 2.* Inde fluxit 1) hypothese de *consecratione*, facienda per verba institutionis c. 55. c. 72. de *consecr. D. 2.* & quod Sacerdos hoc sacramentum *consecrare* dicatur, 2) quod Sacerdos porrigens S. cœnam caput tegere non debeat *subpena*, *arbitraria* Carpz. p. 3. I. E. def. 97. 3) quod in vasis sacris consecratio fieri debeat c. 44. *sq. de*

de consec. D. I. super linteo panno c. 46. cod.
 4) quod Presbyter ipse per se panem & vinum laicis porrigere debeat, non hi accipere manibus possint *c. 29. de consec. D. 2. &c.*

§. VI. Imo, si dicendum quod res est, ab utraque hypothese videtur fluere communis sententia de iure excludendi indignos ab usu S. cœnæ, quod presbyteri sibi vindicant. Quia enim partim hoc sacramentum *conficere* & consecrationem peragere, partim panem eucharisticum DEO offerre dicuntur, inde quoque *ius dispensandi* sibi tribuerunt, ut inter eos solos dispensare eucharistiam debeant, quos dignos esse iudicauerunt. Multa tamen supponunt, ut quis iuste, a S. cœna excludi possit, quæ referuntur *in diff. cit. Dn. Lynckeri c. II. §. 8.* Pontificii hoc ius sub specie *excommunicationis minoris* in quoscunque Laicos, etiam principes & Reges exercent, imo & nostratum non pauci eandem hypothesein defendunt.

§. VII. Sane ex praxi primitivæ ecclesiæ constat 1] neminem ad eucharistiam admissum fuisse nisi post baptismum. *Iustin apol. II. p. 97.* 2] non alios vero ab ea exclusos, nisi qui vel *ieclli* erant vel *desertores* facti. Hæc tantum excommunicatio, eaque vnica, nota erat, adeoque exclusio a S. cœna erat consequens electionis, quæ tamen non

priuato episcopi arbitrio fiebat, sed plebis iudicio & decreto. Non-eiecti indistincte admittebantur, quia adhuc communionis, quæ potissimum in vsu S. cœnæ cernebatur, participes erat. Et inde quoque Christus Judam non excludebat, quamuis impium & proditorem, quia haud erat excommunicatus, vti prolixè probat Selden. *lib. 1. de Synedr. c. 8. circa fin.* Serius introducta est *excommunicatio minor*, quæ, salua communione ecclesiastica, in sola exclusionè a S. cœna consistit, & quidem eo tempore, quo Presbyteri credebant, se huius sacramenti dominos & dispensatores esse. Ipse Espenius *de iur. eccles. P. 3. tit. II. C. 3.* fatetur, hanc excommunicationem minorem demum circa seculum XIII. invaluisse, ea forsitan occasione, qua Innocentius III. confessionem auricularem introduxit; quod insigne indicium præbet, eam nullo modo dependere a iure prætenso clauium.

§. IIX. Quæ cum ita sint, *ius hoc excludendi a S. cœna* Pastoribus nec ex iure diuino, nec ex *praxi primitiua ecclesiæ* competit, sed demum *electionis* consequens censi debet. Inde I) nondum eiectum minister ecclesiæ; priuato ausu, excludere nequit, nec II) eum eiicere potest, quod res est *ecclesiæ*, vel hodie consistorii, imo III) cum *exclusio a S. cœna* hodie quoque in non-eiectos exerceatur, hanc

ta-

tamen absque *Consistorii Decreto* decernere nequit, postquam in foris Protestantium ius, quod olim ecclesiæ proprium erat, iusta de causa ad consistoria delatum est, adeoque IV] si Consistorium exclusionem hanc decernere recusat, admittere suspectum tenetur. vid. Brunnem. *lib. II. de iur. eccles. c. 1. m. 3. §. 12.* neque V] iniustæ & iniquæ sunt iudicandæ ordinationes ecclesiasticæ, quæ hoc decernunt. Lyncker. *Resp. X.* Multo minus VI] integrum erit Pastori aulico, ipsum Principem, a quo consistorium dependet, a S. cœna excludere, de quo peculiari script. III. Dn. Thomasius egit. Hoc itaque relictum est Pastori probo & fideli, ut omnibus modis dehortetur, ne, quem indignum iudicat, ad S. cœnam accedat, monitu Pauli *1 Cor. XI, 27. sqq.* & si ita animum eius flectere non possit, consistorio denunciât, ut in re tam ambigua, decernat, vtrum admitendus sit nec ne? Atque ex hoc fundamento Icti concedunt actionem excluso contra ministrum ecclesiæ, si, his non observatis, processerit. vid. Simon *dissert. de actione iniur. sacerdot. concern. m. 2. th. 5. in f. Carpz. lib. III. I. E. def. 99. n. 15. seq.* Imò si Pastor, in contumacia perseverauerit contra decretum Consistorii, aliis remediis contra eum procedi potest. Carpz. *cit. l. def. 114. n. 13. seq.* Brunnem. *lib. I. de iur. eccl. c. 6. m. 4. §. 10.*

§. IX. Denique finis huius venerandi Sacramenti non admittit, ut inuitus ad usum S. cœnæ cogi queat. Nec assentiendum Carpzovio lib. II. I. E. def. 294. existimanti, diutius a S. cœna abstinentes ad usum eius comminatione carceris alteriusve pœnæ, imo relegatione adigi debere, quæ sententiâ sane pugnat cum doctrinâ nostræ principiis, uti recte censuit Brunnem. de iur. eccl. lib. I. c. 6. m. 4. §. 2. Dubia Carpzoviana resolui in iur. Paroch. sect. IV. c. 1. §. 22. seq.

TIT. IV.

DE

POENITENTIA & S. ABSOLVTIONE.

§. I.

Agitur hoc titulo potissimum de confessione auriculari, quæ serius in ecclesia corrupta inualuit, ut docet Dallæus de confess. auricular. Vnice olim publica nota erat, eiectis subeunda, qui hoc medio rursus recipiebantur in ecclesiam: non-eiecti pœnitentiæ haud subiiciebantur. Ita satis faciebant eiecti vel desertores ecclesiæ læsæ, uti plenius docui in diss. III. ad Plinium II. & Tertull. Sed mox inualuit opinio, satisfactio.

Etionem quandam Deo faciendam propter quæuis, occulta etiam, delicta, inde confessionarii Sacerdotes sunt constituti, qui confessiones acciperent, & satisfactionem etiam non-eiectis imponerent. Ita tamen pœnitentia auricularis, vsui S. cœnæ præmittenda, haud invaluerat, sed illa demum ab Innocentio III. nouiter fabricata est in constitutione relata a Gratiano in c. 12. X. de pœnit. & remiss.

§. II. Ex quo concludo, I] *ex iure clauium* hunc morem deduci non posse, quemadmodum *ius clauium* hoc ipsum non denotat. *Soluere & ligare* Hebræis idem est, ac decernere, vtrum aliquid sit licitum an illicitum. Nec facultas remittendi vel retinendi peccata, Apostolis propria, huc pertinet, obseruante Tertulliano de pudicit. c. 3. II] Formulam consuetam: *absoluo te a tuis peccatis &c.* esse eliminandam. Solus Deus peccata absoluit, & inde pugnat cum Scriptura S. Iac. IV, 12. 1 Ioh. II, 12. Act. XIII, 38. Luc. XXIV, 47. Conf. Chemnitius in exam. concil. Trid. P. 2. loc. 10. Sect. I. §. 3. p. m. 548. Ioannes Episcopus Oxoniensis in notis ad Cyprian. tr. de laps. p. 136. Socrates lib. I. c. 10.

§. III. Quin III] quoque inde fluit, auricularem confessionem abrogari posse, quatenus ius reformandi principi concessum est, de quo supra, ad tit. I. actum est.

Sed forsan consultius erit, rem ita moderari, ut libertas singulis relinquatur, utrum hac confessione uti, an ea abstinere malint.

§. IV. Denique (IV) inde constat, pœnitentiam publicam, quæ hodie in ecclesiis nostris usurpatur, & *forma & sine* a primitiua ecclesiæ disciplina differre. Finis primitivæ erat, ut eiectioni & exclusi ita rursus reciperentur. Forma consistebat in, variis & laboriosis satisfactionum gradibus. Sed hodierna laborem magnum non desiderat, sed magis pœna, imo & ab illis subeunda est, qui non sunt ab ecclesia eiectioni. De abusibus circa pœnitentiam ecclesiasticam prolixè egit Dn. Bodin. *Diff. de abus. pœnit. eccles.*

§. V. Ex his suppositis plura Autoris nostri asserta illustranda sunt. In §. I. caute tradit, absolutionem annunciari, sed illud *vice Dei* fieri, omitti debuisset. Seorsim, singulos audiendos esse secundum §. II. fuit ex conceptu *confessionis auricularis Innocentianæ*. Enumeratio omnium delictorum, secundum §. III. fuit ex hypothesi Pontificiorum de *satisfactione pro singulis peccatis mortalibus*. Inde Canones & libri pœnitentiales. Imo sunt plures casus reservati, in quibus ius absoluendi vel Episcopis vel etiam Papæ tantum competit, quales reservatio-

tiones Papales *pœnitentiariam* Romæ extruxerunt, ad augendum fiscum papalem. Inde quoque originem traxit doctrina Canonica *de foro pœnitentiali*. Vnde (1) qui absoluit debet esse iudex competens, & (2) iudicare, in imponenda pœnitentia secundum leges ecclesiasticas, (3) ad præcedentem confessionem, & (4) promissionem de satisfaciendo. Hoc modo facile homo conuerti potest, quæ ratio quoque est, quod Carolina constitutio criminalis *art. 70.* disposuerit, *intra triduum* ultimo supplicio afficiendum, ad mortem præparandum esse, dñquit er/vt ibi dicitur, *zu rechter Zeit seine Sünde bedenden/ beklagen und beichten möge/ und so er das Heil. Sacrament zu empfangen begehret/ das soll man ihm ohne Weigerung zu reichen schuldig seyn.*

§. VI. Hanc confessionem sacerdoti factam sufficere ad remissionem peccatorum impetrandam vulgo creditum est, adeo vt necesse haud esse crediderint, illam in iudicio fieri, sed eam reuocari posse, quod reprobatur in *art. 103. Constit. Carol.* Reliqua ad hanc materiam facientia, fuse explicat Autor, quæ facile ex hæcenis dictis diiudicari possunt.

Tit. V.

De

EXCOMMUNICATIONE
SEV BANNO.

§. I.

EXcommunicationis originem & primam rationem, eiusque differentiam a Iudæorum excommunicatione plenius *Dissert. III. ad Plinium II.* ostendi, simulque e sacris illam probari non posse, censui. Olim electio decernebatur a tota ecclesia, Episcopo actum cognitionis dirigente. Vbi *clanium ius* seculo III. ab Episcopis assertum est, tandem seculo IV. ex eo hi ius excommunicandi sibi solitarie adscripserunt.

§. II. Hactenus tamen ad *ius ordinis* spectabat, seu *pœnitentiale forum*, ut loquuntur, neque enim *iurisdictio ecclesiastica* eo sensu, quo hodie exercetur, cognita erat. Sed paulatim, hac exstructa, & ab actibus ordinis separata, inualuit, neminem posse *excommunicationem maiorem* decernere, nisi *iurisdictione ecclesiastica* præditus sit Espén. *in iur. eccles. P. 3. tit. II. c. 2. §. 15. 16.* Cum vero hæc per Consistoria in foris Protestantium, exerceatur, inde his *ius excommunicandi* adscribitur.

§. III.

§. III. Imo & alia ratione hoc ius Consistoriis nostris vindicandum. Constat ex Cypriano, Tertulliano aliisque, seculo II. & III. adhuc ius eiiciendi a tota ecclesia exercitum fuisse per figuram alicuius iudicii, & quidem ex *confederata disciplina*. Hoc ius inique sibi priuatiue vindicarunt Episcopi, adeoque reformatione secuta, merito Consistoriis illud delegatum est, sicuti ex iusta ratione cetera iura ecclesiis competentia, huic iudicio reseruata sunt.

§. IV. Quæ cum ita sint, facile apparet, quæstionem in §. IV. ab Autore motam negandam omnino esse, neque enim Consistorium, quod a Principe dependet, pœnam in Principem statuere potest. Pontificiorum sententia est omnino damnanda, nec in statu reipubl. toleranda, quamuis Galli hic moderatiores sint, vti Natalis Alexander passim ostendit. Quod vero Autor addit de *excommunicatione minori*, ad tit. III. §. 7. & 8. iam reiectum est.

§. V. Rarior tamen huius excommunicationis apud nos vsus est, adeoque rarius de eius effectibus disputari animaduerti. Quodsi tamen vsu veniret, effectus *ecclesiasticos*, non *ciuiles*, vti olim, habere deberet.

In-

Inter illos refero, quod, vt cum Tertulliano loquar, *a communicatione orationis, & conuentus & omnis sancti commercii relegetur*, & consequenter admitti non possit ad officia ecclesiastica, munus patrinorum, solennia, funerum, imo quod ipse ecclesiastica sepultura priuandus sit. Sed ad forum ciuile & vitam forensem effectum suum, more Pontificiorum, extendere non debet, adeoque nec ab agendo repelli; Nec a muneribus ciuilibus excommunicatus excludi debet, sed salua in omnibus fama & illaesa existimatio conseruanda, si primæuos Christianorum mores imitari haud recusamus. Iudæorum excommunicatio ad nos non spectat, nec vnquam a Christianis recepta est.

§. VI. Sed ius Pontificium in alia omnia iuit. Excommunicatio quippe secundum huius doctrinam separat excommunicatum a corpore Christi, & Diabolo tradit, *c. 32. C. u. q. 3. c. 33. eod.* omni commercio, etiam ciuili, intercludit *c. 28. eod.* Inde fit infamis *c. 17. C. 6. q. 1.* & extorris, vt pro mortuo habeatur, feudis ecclesiæ, *c. 53. §. fin. de sent. excomm.* imo regno & omni honore & dignitate ciuili priuatur, repellitur ab agendo & omnibus actibus forensibus &c. Vt vero excommunicationis effectus quo-

quoque ad fora pertingeret, iudices per censuras ecclesiasticas adstringuntur, ne quid commercii cum excommunicato in vita ciuili habeant *c. 8. de sentent. excomm. in 6.*

TIT. VI.
DE
SS. ECCLESIIS ET BO-
NIS ECCLESIA-
STICIS.

§. I.

Agit hoc titulo Autor generatim de *bonis ecclesiasticis*. Quia vero hæc duplicis sunt generis, ita vt quædam simpliciter talia dicantur, quædam vero ad *dorem* pertineant, & in *beneficium* peculiare erecta sint, Autor vero magis de prioris generis bonis edisserat, materiam vero de *præbendis* & quæ huc spectant, intactam relinquat, quæ tamen scitu necessaria est, eam breuiter hic supplebo.

MEMBRVM I.

MEMBRUM I.

De,

BENEFICIIS ECCLESIASTICIS SEV PRAEBENDIS.

§. I.

BENEFICIUM ECCLESIASTICUM & praebenda communiter synonymice accipiuntur. Vid. I. P. art. V. §. 15. Denotat, autem BENEFICIUM ECCLESIASTICUM ius perpetuum percipiendi fructus ex bonis ecclesiasticis, propter officium sacrum, auctoritate ecclesiastica constitutum. Facile patet, ex vñibus feudorum denominationem hanc desumptam esse. Olim agri & praedia ita dicebantur, quibus a Regibus Duces militesque donabantur, ut suo deinceps sumtu stipendi facerent. Thomassinus de vet. & nov. eccles. discipl. P. 2. lib. 3. c. 13. §. 5. Imo ipsa praedia loco salarii erant, qui mos cum etiam ad ecclesias traheretur, idem nomen quoque retineri debuit, ut proinde beneficia haec sint reuera feuda ecclesiastica Espen. de iur. eccles. P. 2. tit. 18. c. 1. §. 1. seqq.

§. II. Cum dispensatio bonorum ecclesiasticorum esset olim penes Episcopum, plerumque quidem quarta inferioribus clericis assignabatur, sed iam circa finem seculi

culi V. clericis *nonnunquam* bona ecclesiae perfruenda concessa sunt *c. 61. C. 16. qu. 1.* Conf. Natal. Alexander. in *Diff. eccles. ad Secul. VI. c. 2. art. 1. p. 373. b.* Paulatim hoc in morem constantem abiit, vbi tamen optime notat Espen. *cit. l. §. 9.* quod *sicuti pradia quae beneficiario iure a Principe possidebantur, mortua persona, exstinguebantur, & ad Principem reuertebantur, ita quoque primitus comparatum fuerit, ut res ecclesiae iure beneficiario clericis concessae tantum ad eorum vitam censerentur datae, ipsasque possiderent non iure tituli, sed tantum iure personali, ut ita post mortem totaliter ad Episcopi dispositionem reuenterentur.*

§. III. Tandem vero cum continuata serie Episcopi bona vtenda clericis darent, redditus ex bonis & iuribus ecclesiasticis non amplius *personis*, sed *ipsis ecclesiis seu titulis* annecti coeperunt, ut cui officium ecclesiasticum conferretur, is ipso iure quoque redditus, officio ei destinatos, consequeretur: vnde factum, ut ipsum *officium sacrum*, quoque hoc nomine denotaretur, postquam clerici illud, quod accessorium officio erat, principaliter ambirent. Alioquin *officium sacrum a beneficio* distinguere apparet ex *c. f. de rescript. in 6.* ubi dicitur, *quod beneficium detur propter officium.* Eodem sensu etiam *praebendae* huiusmodi redditus dicuntur, quod illis praebentur, qui officium sacrum exercent,

cent, quamvis stricte tribui soleant capitularibus seu canonicis *I. P. art. V. §. 23.*

§. IV. Inde hodie ad essentiam beneficiorum requirunt (1) *ut ius fixum & perpetuum conferat, & certo officio affixum sit, quod non cessat post mortem beneficiati.* In hoc differunt *pensiones* a beneficiis, quando reditus alicui assignantur ad vitæ tempus, ut inde alatur, non pro officio sacro, sed ex gratia, quales etiam laicis quandoque tributæ sunt: Thomassin. *de vet. & nov. eccl. discipl. P. 3. lib. 2. c. 29, seqq.* Huc etiam illæ pertinent, quos emeriti pastores resignantes sibi reservare solent cum auctoritate superioris.

§. V. (II) *Ut personæ ecclesiasticæ propter officium sacrum conferatur, siue in psallendis horis canonicis, siue in alio officio consistat.* Vnde si quis ad canonicatum receptus est, ei mox quoque providendum de præbenda, *c. 9. X. de præb. & dignit.* ut tamen interim quotidianas distributiones percipere debeat *c. 9. & 19. eod.* Olim Canonici tantum vivebant ex *distributionibus manualibus*; quibus licet postea certa beneficia assignata sunt, non tamen cessarunt illæ distributiones, quæ tamen a præsentibus tantum percipiuntur. Thomassin. *cit. l. P. 3. l. 2. c. 36.*

§. VI.

§. VI. Et denique (III) *ut auctoritate ecclesiastica constitutum sit.* In hoc differt a donationibus aliis, ecclesiis factis, ex quibus quidem augetur ecclesiae patrimonium, sed beneficium quoddam haud constituitur. Quae autem bona in ecclesiam transferuntur, ut certum officium sacrum ob ea peragatur, ea demum in beneficium eriguntur, si auctoritas Episcopi vel Papae accedat secundum qualitatem beneficiorum.

§. VI. Sunt enim *beneficia vel maiora vel minora.* Illa sunt, quae annexam habent dignitatem vel personarum, ut Archiepiscopus, Episcopatus, Praelaturae, Abbatiae, Balliviae, Praepositurae &c. vid. *I. P. art. V. §. 14.* qualia eriguntur hodie auctoritate Pontificis *c. 8. de excess. prael.* olim etiam Caesarum. Petrus de Marca *de C. S. & I. lib. II. c. 8. 9.* Vbi certus numerus ex prima fundatione determinatus adest, potest Pontifex etiam supernumerarium canonicatum creare. *c. 25. X. b. 1.* Hoc tamen in Germania limitandum secundum *art. V. I. P. §. 23.* quoad *mixtos Episcopatus*, ubi cautum est, ut in posterum tantum ille numerus conseruetur, qui fuit *anno 1624. d. 1 Ian.* nec ergo in his Pontifex supernumerarium canonicatum creare potest; adeo ut si supernumerarii postea reperti fuerint, his defunctis,

Q

res

res reduci debeat ad statum temporis anni 1624. *Minora* vero beneficia etiam Episcopus in sua Diœcesi constituere potest.

§. VII. Porro alia beneficia sunt *mediata*, alia *immediata*. Hæc dicuntur, vel *ratione imperii*, quæ non sunt sub alterius status superioritate territoriali, vel *ratione Diœceseos*, quæ non sunt sub iurisdictione Episcopi. Illa quæ sint, facile ex his dictis apparet. Alia porro sunt *regularia*, alia *secularia*. Alia *curata*, alia *simplicia*. Alia *electiva*, alia *collativa* &c.

MEMBRUM II.

DE

COLLATIONE BENEFICIORUM ORDINARIA ET EXTRAORDINARIA.

§. I.

COLLATIO prædicatur de beneficiis minoribus, quatenus *electioni* opponitur, estque vel *libera* vel *non libera*. Hæc fit ad præcedentem præsentationem, de qua supra actum est: illa vero nulli præsentationi adstricta est, estque vel *ordinaria*, vel *extraordinaria*. Illa ad Episcopum vel Prelatum, Episcopalia exercentem, spectat, utpote qui ab an-

antiquo dispensationem bonorum habuit, & inde instar domini feudi censendus. Conferret vero vel *solitarie* vel cum capitulo. Hoc casu etiam solum capitulum conferre potest, si sedens vacans vel impedita est *c. 1. ne sed. vac. in 6.* Quandoque etiam per *turnum* collatio inter Episcopum & Capitulum diuiditur, & denique nonnunquam collatio quorundam beneficiorum ex more antiquo *solitarie* capitulo competit.

§. II. Multum hoc casu interest ratione *iuris deuolutionis*. Vbi vel *solitarie* Episcopo, vel capitulo collatio competit, & intra prescriptum tempus collatio haud facta est, Episcopus supplet negligentiam capituli, & vice versa: vbi vero collatio ad Episcopum & capitulum simul spectat, in casu negligentiae deuolutio fit ad superiorem, scilicet Archiepiscopum, siue *coniunctim* siue *diuisim*, per *turnum* conferant. Linkius *ad tit. X. de supplend. neglig. Pralat. §. 3.*

§. III. Conferenda sunt beneficia clericis aut canonicis. In Germania tamen vi *I. P. art. V. §. 15.* alii conferri nequit, quam ad quam religionem beneficium istud vigore transactionis illius pertinet, id quod ex anno 1624. d. 1. Ian. æstimandum est, si vel maxime iure deuolutionis conferantur per *I. P. art. V. §. 26.* Vtrum vero nobilibus an ignobilibus conferatur, nihil refert *c. 37. de prob.*

præb. vbi id foundationibus non aduersatur. *I. P. art. V. §. 17.* Sunt enim capitula quædam, ad hoc fundata, vt tantum beneficia conferantur nobili & antiquo stemmate natis, quod etiam Papa, saltim quoad Germaniam, obseruat, quando in mense Papali beneficium tale confert. Conf. Dn. Stryk *de iure Papal. Princ. euang. c. V. §. 6. seqq.*

§. IV. *Extraordinaria* collatio fit per Pontificem, qui se omnium beneficiorum per totum orbem Dominum iactat, & ita liberissime ea confert. *c. 2. de præb. in 6.* Sed hi conatus Papales sunt æui recentioris, vti fatetur Duarrenus *de SS. eccles. ministr. lib. V. c. 8.* & a seculi XII. moribus repetendi, quibus ipsis Papa iura Episcoporum turbauit. Confert vero vel *reseruando* suæ collationi beneficia, vel *expectatiuam* concedendo in non-vacantia, vel *mandatum de prouidendo* concedendo, vel *directo conferendo*, vel denique *extra ordinem prouidendo*.

§. V. *Reseruaciones* vel iure scripto factæ sunt, vel fiunt a Papa in ingressu Regiminis per *regulas Cancellaria*, qua de materia plenius agit Engel in *coll. iur. canon. ad tit. de præb. & dignit.* Iure scripto reseruata sunt Pontifici omnia beneficia, apud sedem Apostolicam quocunque modo vacantia h. e. quando clericus, qui in curia Romana propter

pter quodcunque negotium versatur, vel
ibi vel intra duas dixtas legales moritur c.
2. 3. 34. h. t. in d. clem. 1. ut lit. pendent., quod
confirmatum est Pontifici in concordatis nati-
onis Germanicæ. Idem ius Papale Principi-
bus quoque nostris adscribit B. Dn. Stryk
cit. l. c. III. §. 3.

§. VI. Quoad reliqua beneficia, apud se-
dem Romanam non-vacantia, reseruata,
quoque Pontifici sunt illa beneficia per
Germaniam, quæ mense Ianuario, Martio,
Maio, Iulio, Septembri, Nouembri vacare inci-
piunt: reliqui menses ordinario collatori
relictæ sunt. Similiter Archiepiscopi exem-
plo Pontificis sibi in quibusdam mensibus
collationem extraordinariam acquisierunt,
quorum collimat l. P. art. V. §. 26. ibi:
*Conferant etiam Archiepiscopi, & quibus aliis id
iuris competit, beneficia mensium extraordinariorum.*
Postquam vero omnis Papæ iurisdictio in
terris protestantium suspensa est, etiam
mensēs Papales ei denegari debuere per l. P.
art. V. §. 19. in quo ius ipsum non est subla-
tum, sed tantum iniusto ereptum possesso-
ri. Vnde Principes in terris Protestantium
hodie hos menses optimo iure exercent.
Vid. Rhetius in Iur. publ. lib. I. tit. 16. §. 8. in f.
In capitulis immediatis, ubi utriusque reli-
gionis capitulares adsunt, menses Papales
per l. P. art. V. §. 20. confirmati sunt (1) si

ex numero Catholicorum canonicus in eis decesserit (2) si menses Papales anni 1624. in usu fuerint. In his mensibus Papam intra tres menses a die notæ vacationis conferre debet beneficia, quibus elapsis, ordinarius de illo libere disponit per *concord. Nat. Germ.* quorsum collimat *I. P. art. V. §. 20. in f. modo Papalis prouisio capitulis immediate e curia Romana & tempore legitimo insinuetur.* Neque enim nuncii Apostolici in Germania id tentare possunt.

§. VII. Prouisio per *expectiuas* fit, quando Papa in non-vacantia, quæ tamen ad eius collationem spectant, ius alicui tribuit c. 2. *de preb. in 6.* quod solius Papæ reservatum est, ut nec a legatis eius exerceri possit. Atq; hoc iure etiam in terris Protestantium similiter vtuntur Principes, quoad beneficia, quæ ad eorum collationem spectant. Vid. B. Dn. Stryk. *cit. l. c. III. §. 6.*

§. VIII. Mandata *de prouidendo* dirigit Pontifex ad ordinarium collatorem, eique mandat, ut certæ personæ de certo beneficio vel iam vacante vel vacaturo prouideat. Originem trahunt ex *commendationibus & precibus* Papalibus, quæ postea in mandata degenerarunt. Natal. Alexander in *Dissert. eccles. ad Secul. XI. & XII. c. 7. art. 6. §. 4.* quæ tamen hodie attemperanda sunt ad terminos concordatorum nationis Germanicæ.

Hu

Huiusmodi mandata sunt strictæ interpretationis *c. 16. de præb. in 6.* quod variis exemplis illustrat Coruinus in *Aphor. Iur. Canon. lib. II. tit. 29. §. 24. seqq.* Lancellottum in plerisque secutus. Ipsa actualis collatio a Pontifice fit, sine ullo mandato, potissimum in beneficiis reseruatīs.

§. IX. Denique Pontifex quoque adhuc *extra ordinem* prouidet de beneficiis, quæ per depositionem, translationem, postulationis reprobationem, vacant, vel ubi ex iure deuolutionis ius conferendi acquisiuit. Linck *ad concord. c. 2. n. 28.* quod ius quoque B. Dn. Stryk *cit. l. c. III. §. 4.* Principibus in terris Protestantium tribuit.

MEMBRVM III.

De

IVRE PRECVM PRIMARIARVM.

§. I.

IVS PRECVM PRIMARIARVM fere eandem originem habet, quam mandata Papalia de prouidendo. Preces Principum nihil aliud ab initio erant quam *commendationes*, quarum tamen non semper rationem habebant Episcopi, uti ostendit Natal. Alexander *Diff. eccles. ad Sec. XI. & XII. c. VII.*

Q 4

art. 6.

art. 6. §. 6. & plenius probat Ludov. Thomassin. de vet. & noua eccles. discipl. P. II. lib. 1. c. 54. Rudolphus imperator seculo XIII. iam ad consuetudinem prouocat, & inde ius sibi tribuit super vnius collatione beneficii. Thomassin. cit. l. §. 7. Nam & modestia Pontificum ab initio non vltius progrediebatur, & vnum tantum mandatum ad singulas ecclesias dirigebant, obseruante Espenio in iur. eccles. P. II. tit. 23. c. 1. §. 17.

§. II. Non ergo ex gratia & priuilegio Pontificis Romani hoc ius exercuerunt imperatores, vti quidam somniant, sed ex *vet. consuetudine*, ad quam Carolus IV. prouocat in diplomate apud Anton. Matthæi *de nobil. lib. II. c. 48. p. 747. ibi: Cum itaque nobis tam de iure quam antiqua & approbata consuetudine a diuis Romanorum Imperatoribus & Regibus predecessoris nostris hætenus obseruata competat.*

§. III. Imperatori hoc ius confirmatum est in I. P. tam quoad bona ecclesiastica, *immediata, art. V. §. 19. quam mediata art. V. §. 26. modo* 1) quoad hæc *anno 1624. d. 1. Ian. ibi* primarias exercuerit preces, 2) *habilem ad beneficium vacans nominauerit, de quo in §. 19. cit. disponitur.* Hoc idem ius hodie principes protestantes exercent in capitulis sibi subiectis, eodem iure, quo Cæsar, neque amplius imperatori integrum videtur, in protestantium territoriis illud exercere, post-

postquam horum capitulorum status plane mutatus est, & eo modo hodie statibus Protestantibus, quo olim imperatori, subiecta sunt, adeoque idem ius quoque illis *solitarie* competere debet. Atque hoc ipsum eo minus in dubium vocandum, quo magis constat, olim principes quandoque hoc ius *solitarie* exercuisse in bonis ecclesiasticis mediatis. Patet hoc ex diplomate Bernhardi & Henrici Ducum Brunsvicensium & Lüneburgensium de anno 1392. apud Dn. Leibnitium tom. II. script. Brunsvit. p. 397. ubi ita: *Wanne ok en Vorste unse vorschreitene Herschop Lüneborch erst entfanget to vorstande, so gist deme vorsten en jewelk closter ene gheslike Prouende. Desghelik ghift me ok den Vörsten en Prouende, vvanne se echte Vrovvēn nemet, und nicht mer, und vvmme anders nener Zake vvillen; vor vvēne ze, nā der clostere Ghezette vvonheit vnd Rechte, denne biddet. Vnd vveme vve de Prouende vvēlk geuet, de vville vve benomen in vnserne breue.*

§. IV. Vindicant idem ius nonnulli vicariis Imperii. vid. D. Grubneri *dissert. de precibus primar. vicarior. Imperii* ob verba A.B. c. V. ibi: *cum potestate iudicia exercendi ad beneficia ecclesiastica presentandi, quæ sententia tamen multis inuoluta est dubiis, adeoque potius suspendere iudicium, quam certi*

Q

quid

quid in re tam controuersa determinare iuuat.

§. V. Major certitudo est iuris, Augustæ competentis circa primarias preces. Et quidem imperatricem id exercuisse patet, ex diplomate a Besoldo *tr. de censib. & magistr. in f.* adducto. Simili ratione in capitulis fœmininis ditionum protestantium serenissimas principes id exercere, patet ex actis, quæ Schilter *in tr. de libert. eccles. Germ. in fine* adduxit.

§. VI. Habent primariæ preces effectum, dummodo per illas habili prouisum fuerit. Huc potissimum pertinet, ut non alius præsentetur, quam ei religioni addictus, cui secundum terminum de anno 1624. d. 1. Ian. præbenda vacans conferenda est per *I. P. art. V. §. 18.* Et ita catholico per primarias preces prouideri nequit de beneficio vacante, quod A. C. addictus possedit, cui non alius, quam A. C. addictus succedere potest.

MEMBRVM IV.

DE
ANNATIS.

§. I.

ANnatarum originem satis absurde deducit Fagnanus *ad c. 1. X. ne præl. vices sum n. 15.* a temporibus Apostolorum, ubi annatas pluribus defendit. Solidioribus argumentis earum originem refert P. de Marca *de C. S. & imp. lib. VI. c. 10. seq.* quæ etiam confirmatæ sunt in *Concord. Nat. Germ. in f.* Olim reges sub titulo *iuris regaliarum*, quoque percipiebant vacantium beneficiorum fructus, quæ ad eorum collationem spectabant, quin etiam Episcopi *iure Deportus* illorum beneficiorum, quæ conferebant, fructus per annum percipiebant, unde hi fructus quoque *annatæ* dici possunt: sed non eædem sunt, de quibus hic agitur, uti dixi ad Petrum de Marca *Obs. V. ad cap. 10. cit.*

§. II. *ANNATÆ* propriæ dictæ sunt *reditus unius anni ab eo, qui recens in demortui Prælati locum succedit, solui summo Pontifici solitus.* Non quidem totius anni fructus soluuntur, sed loco eorum certa quædam taxa; interim

ta-

tamen ita communiter definiuntur. Sic itaque Annatæ exiguntur a notio Prælato. Primitus solutæ sunt ob *collationem* a Pontifice factam, quia olim pleraque beneficia conferebat; Ioannes XXII. postmodum de aliis quoque certo modo annatas exegit, quod tandem in ius perpetuum abiit. Ante concilium Constantiense Papa & *iur. regaliarum* & *annatarum* exercuit, illud vero in eodem concilio remisit, non hoc, ex quo patet, duo hæc iura haud esse confundenda. Equidem in concil. Basil. *sess. 12.* annatæ sunt abrogatæ, sed sub hac conditione, ut certa prouisio Pontifici indulgeretur a concilio, quæ cum non facta sit, annatarum usus saluus mansit. Quæ cum ita sint, facile apparet, errare eos, qui originem annatarum a iure *regaliarum* deducunt, quæ duo iura tamen omnino differunt, uti *cit. l.* plenius obseruauimus. Ceterum quam ingentes redditus inde Cameræ Pontificiæ obvenierint, docet Strauch *dissert. iur. publ. V. §. 21.*

§. III. Reduxit Bonifacius IX. taxam annatarum ad medietatem valoris annui fructus, quam prouisus soluere debet. Fagnanus *cit. l. n. 10.* Cum vero Papæ potestas in terris protestantium prorsus sublata, & speciatim iura annatarum in *I. P. art. V. §. 19.* Pontifici denegata sint, superest quæstio, an hæc

hæc iura principes protestantes sibi vindicare queant? quod vel inde affirmo, quia iura ipsa haud sunt sublata, sed tantum iniustis possessoribus erepta. Ipsa beneficia ecclesiastica nullibi hoc tributi genere sunt liberata, sed Pontifici tantum ius suum ademptum. Cum ergo per *art. V. §. 48. I. P.* omnis iurisdictio ecclesiastica cum omnibus suis speciebus intra limites territorii sese continere debeat, principi territorii utique integrum est, omnia iura exercere, quæ olim iniuste Pontifices & Episcopi in territoriis Protestantium exercuerunt.

TIT. VII.

DE

IVRE TEMPLORVM.

§. I.

Ius ædificandi templa primis Constantinæ temporibus singulis permissum fuit, ex qua libertate plura templa exstructa sunt. Ab his distinguebantur *oratoria*, quæ magnates in castris suis exstruebant, priuatorum sacrorum causa. Mox tamen prohibitum fuit, sine auctoritate Episcopi templa exstruere, & quamvis ita oratoriorum exstructio haud esset interdicta, non tamen in posterum permissum fuit, missas ibi facere, in

in quibus principalior cultus consistebat
c. 33. de consecr. D. 1.

§. II. Quare hoc ius ædificandi templa restrictum fuerit ad consensum & auctoritatem Episcoporum, prodit Iustinianus in *Nov. 67. c. 1.* his verbis ; *Multi simulantes fabricare quasi orationis domos, suis medentur languoribus, non orthodoxarum ecclesiarum fabricatores facti, sed speluncarum illicitarum.* Accessit quoque hæc ratio, quod superstitio in templis ædificandis hinc inde emergeret, quæ proinde refrenari debuit, unde nec hodie nobiles in suis prædiis templa erigere possunt sine auctoritate superioris, hoc scilicet effectu, ut cultus sacer ordinarius in iis exerceatur, & ministrum ecclesiæ iis præficere possint. Oratoria exstruere non prohibentur, modo exercitium religionis publicum ibi non habeatur.

§. III. In exstruendis templis I) requiritur *iusta causa*, qualis est incrementum populi, commoditas plebis *c. 3. X. de eccles. edific.* II) *causæ cognitio* instituenda a magistratu ecclesiastico, ubi quoque audiendi sunt, qui ius prohibendi habent, veluti si intra Parochiam ecclesia exstruatur, *c. 3. cit. c. 51. C. 16. q. 1.* quamvis si utilitas evidens adsit, hæc prohibitio, ex iure Parochiali deducta, haud adeo attendi debeat. *Espen. de iur. eccles. P. 2. tit. 16. c. 3. n. 17.* Porro de
loco

loco quoque & congrua dote cognitio insti-
tuenda, & tandem III) Decretum subse-
quitur.

§. IV. Nec hoc quoque omittendum
est, ipsam exstructionem debere, *iure per-
misso*, fieri. Quoad ciuitates mixtas, vbi
vtraque religio prædominatur, valde con-
trouertitur, an alteri partium licitum sit
noua exstruere templa? quod catholici af-
firmant *per art. V. §. 29. I. P.* sed protestantes
negant, vti obseruat Autor *meditat. ad I. P. cit.
l. p. 460.* Sane quia vtrique parti liber re-
ligionis vsus relictus est, ad quem etiam
templa spectant, exstructio hæc quoque
concessa videtur.

§. V. Quamuis vero in terris protestan-
tium templa ad ius summum principum
pertineant, temperandum tamen hoc est
secundum terminum anni 1624. ita vt si
Catholici eo tempore templa possederint,
hæc illis auferri, & sacris protestantium, &
vice versa quoque, applicari nequeant *per
I. P. art. V. §. 51. & §. VII. §. 1.* Imo si prin-
ceps mutaverit religionem, aulicum tem-
plum quidem sacris suæ religionis desti-
nare potest, sed reliqua templa pristino reli-
gionis exercitio relinquere debet *art. cit. VII.
§. 1.* Quod si vero templum vacuum sit ab o-
mni exercitio religionis, ita vt nec anno 1624.
religionis exercitium ibi fuerit, crederem,
hu-

huiusmodi templum dispositioni domin territorii relinquendum esse.

§. VI. Qua forma templa ædificentur, nihil interest, quamvis olim ad formam crucis ea ædificata fuerint; Hodie leges ecclesiasticæ nihil hic determinant, sed architectorum arbitrio totam rem relinquunt. Similiter & reparatio ad certam formam non est restricta, nequidem in ciuitatibus *mixta religionis*; quamvis etiam in reparatione quædam contra antiquam formam a Protestantibus fiant, dum v. c. imagines sanctorum delentur: Sufficit enim, quod ipsum templum in pristino statu maneat, quo factò nihil contra Instrumentum Pacis fit, nec Catholici ius contradicendi habent.

§. VII. Ipsa templa variam denominationem accipiunt. Datur ecclesia *matrix & filia*, de qua diuersitate supra in materia de *unione ecclesiarum* actum. Dantur porro I) *ecclesia cathedrales*, vbi est cathedra Episcopi, vulgo der Dom. Dom enim idem quod *ecclesia*, forsan a *dominico*, vt putat Anton. Matthæi de nobil. lib. 2. c. 30. in fi. vel a Domo Episcopi. vid. Id. cit. l. p. 538. Imo etiam *Münster monasterium*, quatenus canonici regulares ibi fuerunt. II) *Collegiata* das *Unterstift* in qua est collegium canonicorum, sed absque sede Episcopali. III) *Conuentualis*, quæ in vsus monachorum est extructa. IV) *Pa-*

rochialis quæ Paroecianos complectitur, & certam plebem adscriptam habet. In hac omnes actus Parochiales expediuntur, non item in conuentuali. Huic subiecta sunt quandoque capellæ & oratoria, quæ certa plebe destituuntur, quibus tamen præest *Capellanus*. Quandoque autem illa Parochiali haud sunt subiecta, vt quæ sunt in *aulis* & *academiis*. Dantur porro ecclesiæ *titulatæ* & *commendatæ*, quas *commendas* vocant. Illas *iure proprio* Parochus vel minister ecclesiæ possidet, has vero per modum *commendationis*.

§. VIII. Quæcunque demum ecclesiæ fuerint, solent quidem ritum quodam pio vsibus sacris destinari; at inde illæ ipsæ *sacræ* non sunt, nec ita dici possunt, neque in sensu *iuris antiqui ciuilibis*, neque *Mosaici*. Sunt potius inter publicas res referendæ, & ita ad dispositionem Principis pertinent, quatenus Instrumentum Pacis non refertur.

Tit. IIX.

De AEDIBVS ET REBVS ECCLESiarVM.

§. I.

DE decimis aliisque fructibus Parochialibus.

R

ple-

plenius egi in *iure Parochiali Sect. VI.* vbi simul quoque de *salariis* ministrorum ecclesie quædam attuli. Vtique ratio naturalis dicitur, quod & Paulus *epist. I. ad Corinth. IX.* vrget, vt his, qui ecclesie inserviunt, de sufficiente salario prouideatur, ita vt, magis de eo augendo, quam diminuendo cogitandum sit, vti præclare ostendit Dn. Thomasius *de aug. salar. ministr. eccles.* Id quod si fieret, cetera iura stolæ, quæ plus inuidiæ secum trahunt, facilius cessare possent.

§. II. Hoc certum est, per plura secula, contra hæc iura disputatum fuisse. In Concil. Remensi anno 1049. celebrato *c. 5.* cautum est, *ne quis pro sepultura, vel baptismo, sine pro eucharistia, aut infirmorum visitatione quidquam exigeret.* Pluribus aliis Conciliis idem statutum esse, late probauit Thomassin. *de vet. & nou. eccl. discipl. P. III. lib. I. c. 72.* Hoc expeditum est, huiusmodi honoraria, vel, vti vocantur, *accidentia* ab initio fuisse liberæ voluntatis, quæ tamen postmodum in, necessitatem transierunt, & titulo *laudabilium consuetudinum* confirmata sunt in *c. 42. X. de Simon.* Dicuntur ita, quod *iure scripto* non debeantur, sed *consuetudine* introducta sint, quæ proinde, si dubia est, probari debet. Hac probata, pro his iuribus exigendis dant *actiones confessionarias viles.*

§. III.

§. III. Dixi, hæc honoraria ab initio fuisse sponte oblata, dubium ergo est, quomodo in necessitatem abire potuerint? videlicet eodem modo, quo aliæ consuetudines introducuntur. Ex eis, quæ ab initio sponte fiunt, facile posteris ingenerari potest opinio necessitatis, & quia hi eadem honoraria non sponte, sed quasi ex debito iustitia offerunt, tandem in consuetudinem abeunt. Vnde non sufficit probasse, huiusmodi honoraria esse præstita, sed docendum quoque, ea hæcenus tanquam ex necessitate fuisse soluta.

§. IV. Ex quo patet, Parochum nummos missales & confessionarios iis in locis exigere non posse, in quibus consuetudo talis doceri nequit. Quamvis enim in plerisque aliis ecclesiis debeantur, consuetudines tamen quarundam ecclesiarum aliis ecclesiis legem haud faciunt, neque ius scriptum ecclesiasticum pro illis exigendis allegari potest.

§. V. Quamvis vero consultius foret, iura stolæ plane abolere, hoc tamen vel ideo commode fieri nequit, quod Parochis in partem salarii assignari soleant, adeoque cum plerumque hoc satis modicum sit, aut hoc augendum, aut laudabiles consuetudines, vti vocantur, iis sunt permittendæ. Illud quoque addo, optandum fore, vt æqualis diuisio omnium accidentalium inter Parochos

chos vnius ecclesiæ fieret, vt semina inuidiæ exstinguerentur *Mev. P. 3. D. 219. B. Dn. Stryk. ad ius eccl. Brunnem. lib. II. c. 5. §. 6.*

TIT. IX.

DE

ELEEMOSYNIS.

§. I.

REcte Autor monet, inter *res ecclesiasticas* eleemosynas esse referendas, cum omnia bona ecclesiastica *pauperum* esse censeantur, vt plenius probauit Io. Launoius *de cura ecclesiæ pro miseris & pauperibus*. Idem thema late prosequitur Ludouicus Thomassinus *de V. & N. eccl. Discipl. P. III. lib. 3. c. 26. seqq.* Obseruatio hæc hunc præstat, vsum, vt inde constet, quale esse debeat, officium eorum, qui dispensant bona ecclesiastica; qui tamen hodie magis cogitant, de corradendis, quam in vsum pauperum conuertendis pecuniis. Vnde Princeps recte præscribit ecclesiis singulis, quantum quotannis in vsum pauperum erogare debeant.

§. II. Cum vero præterea alia onera ex redditibus ecclesiasticis olim essent sustinenda,

da, *quarta* eorum vsibus pauperum est. destinata, inde *quarta pauperum* dicta, quæ per plura secula obtinuit, sed hodie fere ignota est. Vnde dubitari cœpit, annon Princeps in quibuscunque ecclesiis, etiam cathedra- libus, eam reducere possit? Quod vel inde affirmandum iudico, quia quamdiu *bona ecclesiastica* qualitatem suam retinent, nec ad secularem conuertuntur vsus, finem quoq; ecclesiasticum, qui est sustentatio paupe- rum, retinere debeant. Aut ergo ecclesia- stica non amplius dicenda, aut debirus fi- nis rursus introducendus. Præscriptio nul- la hic allegari potest, postquam qualitatem pristinam haud amiserunt.

§. III. Non tantum vero bona ecclesiæ dicta sunt bona pauperum, c. 1. D. 96. o. 6. C. 1. q. 2. c. 8. C. 1. q. 2. c. 9. C. 1. q. 2. c. 1. C. 10. q. 2. c. 59. & 68. C. 16. q. 3. c. 28. C. 12. q. 1. sed in eorum vsus quoque a primis ecclesiæ tem- poribus eleemosynæ collectæ, teste Iustino, Tertulliano aliisque. Atque huc hodie pertinent *oblationes, quæ fiunt per sacculum so- nantem*, de quibus Dn. Wilduogel *speciali Diff.* egit. Equidem collectio pecuniæ in vsus pauperum priuatim a singulis fieri potest; ast *publica collectio* in ecclesiis eius auctoritatē suscipienda, qui ordinem in ecclesia seruandum dirigit; non quod ad liturgica spectet, sed quod collectio *publice*

fiat, quæ non aliter, quam publica auctoritate imperari potest.

§. IV. Hoc itaque satis constat, neque Parochum, neque ecclesiæ Patronum, nec Magistratum inferiorem huiusmodi collectiones instituere posse. Diuersa causa est *ecclesiarum priuatarum*, quæ priuato diriguntur ipsius ecclesiæ arbitrio. An vero huiusmodi collectiones ad *actus iuris Parochialis* spectent, ita ut ecclesiæ Parochiali ius prohibendi competat, ne in ecclesia non-parochiali instituantur, de eo dixi *Sec. IV. Iur. Paroch. c. 1. §. 30.*

TIT. X.

DE

SPONSALIBVS.

§. I.

IVs canonicum eodem modo definit. *SPONSALIA*, quo ius civile, & quia sunt promissiones mutux de futuro matrimonio, c. 3. C. 30. q. 5. inde illa sponsalia de futuro vocant, quæ vera & proprie dicta sponsalia sunt, siue pura sint, siue conditionata c. 2. X. h. 1. Vnde patet minus recte Autorem afferere §. III. Sponsalia de futuro de iure canon. dici ea, quæ sub conditione contracta sunt. Respexere canones ad consensum

sum *sponsalitium*, qui sponsalia proprie dicta constituit, siue *pura*, siue *conditionata* sint. Atque hæc tantum in foris Protestantium, habemus, quamuis *pura* de præsentī, *conditionata* de futuro dicere soleamus, sed non sine insigni huius doctrinæ incommodo.

§. II. Quia vero consensus, de matrimonio præsentē declaratus, facit matrimonium, non concubitus, non sollemnis deductio in domum, aut benedictio sacerdotalis, inde inualuit, vt, ad sponsalia constituenda indissolubilia, desponsati nonnunquam consensum matrimonialem statim exprimerent, quæ sponsalia dicta sunt de præsentī, h. e. quod quoad indissolubilitatem pro præsentī matrimonio haberi debeant, quoad alios effectus iuris autem adhuc *nuda sponsalia* sint. c. 9. X. b. t. c. 14. de conuers. coniug. Atque hæc sponsalia in nostris ecclesiis plane incognita sunt.

§. III. Præstaret itaque, si tantum sponsalia de futuro h. e. vera & proprie dicta retinerentur, reiectis sponsalibus de præsentī, vtpote quæ non habemus in sensu iuris Canonici. Sed, infelici ausu, Icti Protestantes retinent eandem diuisionem, & tamen repudiant definitiones canonicas, & nouas efformant, in quibus tamen mirifice variant, quia, si a mente canonum rece-

dimus, ipsius diuisionis membra corruunt, nec amplius certum & distinctum rerum conceptum habent. Rerum moralium enim hæc est ratio, vt circumscriptam suam naturam a legibus accipiant, a quibus si recedimus, res ipsa quoque distinctum conceptum nullum amplius habet.

§. IV. Inde prima hæc & principalis confusio orta, quod fere omnes ad vnum sponsalia *de presenti* in foris protestantium illa dicere soleant, quæ Canones de *futuro* dicunt, h. e. veræ & proprie dictæ desponsationes, & tamen, quod mirandum, sponsalibus hisce omnia iura applicent, quæ in iure Canonico sponsalibus *de presenti* applicata sunt, quæ tamen omnia ex eo principio fluunt, quod illa per verba, matrimonium ipsum denotantia, contracta fuerint. Quæ autem sponsalia *de futuro* in nostris ecclesiis dici debeant, ibi quot capita, tot sensus reperiuntur. *Tractatus Sponsalios* huc refert Carpz. *lib. II. I. E. def. 13. n. 6.* Autor noster cum Lauterbachio *sponsalia conditionata*. Alii *sponsalia impuberum*, alii *pactum de futuris sponsalibus* supponunt, alii aliter rem determinant.

§. V. Ex his diuersis definitionibus inconcinne conclusiones fluxerunt. Sic (f) sponsalia, quæ pure atque absque omni conditione

tionem contrahuntur de futuro matrimonio, in iure canonico dicuntur *de futuro* c. 2. X. de Sponsalibus; sed in foris protestantium *de presenti*. Inde canonico iure hæc dicuntur dissolubilia, vel mutuo dissensu, c. 2. cit. c. 17. X. b. t. vel etiam vnius c. 17. X. b. t. c. 10. X. eod. Ast quia in foris Protestantium *de presenti* dicuntur, indissolubilia censentur, quia ius canonicum illa, quæ *de presenti* dicuntur, dissolui non posse censet c. 31. X. b. t. c. 3. X. de Spons. duor. Carpz. lib. II, def. 133. sqq. E contrario dispositiones iuris Canonici, quæ de Sponsalibus *de futuro* dicuntur, applicant vel tractatibus sponsalitiis vel sponsalibus conditionatis, prout quisque sibi hæc concipit, quam incongruam iurium applicationem iam dudum animaduertit, B. Dn. Stryk de diff. Sponsal. Sect. II, §. 5. seqq. & sect. III, §. 8. seqq.

§. VI. Porro Canonistæ asserunt, sponsalia *de presenti* esse matrimonium propter verba, *de presenti*, quibus consensus matrimonialis indicatur, id ipsum autem diserte negant de sponsalibus *de futuro*. Hanc doctrinam rursus Carpzovius passim applicat ad sponsalia, quæ in foris protestantium dicuntur *de presenti*, quod tamen contra intentionem desponsatorum est, utpote qui non matrimonium præsens, sed tantum desponsationem intendunt. Inde Sponsæ *de presenti* dant quidam privilegia dotis, non de futu-

ro Hahn, *ad Wesemb. tit. in quib. caus. pign.*
n. 12.

§. VII. Porro de iure Canonico sponsalia *de futuro* possunt fieri *de presenti*, si iis concubitus accedit *c. 30. X. b. t.* quod rationem habet, quia ita *ipso facto* desponsati declarant consensum coniugalem, licet quoad alios effectus tantum sponsalia adsint. Atque hoc sensu posset tolerari in foris nostris distinctio inter sponsalia *de futuro* & *de presenti*, ut illa dicerentur *mentio* & *repromissio futurarum nuptiarum*; hæc vero *sponsalia concubitu consummata*. Hæc enim indissolubilia sunt, non illa. Hæc matrimonium *suo modo* dici possunt, non illa. Ex quo rursus apparet, fallere Carpzovium, quando eundem effectum sponsalibus *clandestinis* adscribit, utpote quæ non possunt transire in matrimonium.

§. IIX. Præter hanc distinctionem quoque notabilis est altera Sponsaliorum divisio in *pura* & *conditionata*. Diuersitas in eo est, quod *pura* inducant *impedimentum honestatis publicæ*, non *conditionata* *c. vn. b. t. in 6.* quæ distinctio olim haud obtinuit, *c. 4. & 8. X. b. t. c. 12. de despons. impub.* Vnde, quia desponsatio impuberum reuera conditionata est, impedimentum nullum adfert, secus ac olim per *cit. c. 12.* quæ distinctio etiam usu fori agnita est. Carpz. *lib. II. l. E. def.*

def. 108. § 121. Schilter. in pr. iur. Rom. ex. 46. §. 37.

§. IX. De aliis effectibus conditionatorum Sponsaliorum autor §. IV. agit. Circa turpem & impossibile illud tantum monendum, illam minus recte pro non adiecta haberi, sed potius Sponsalia esse plane nulla. Neque hæc sententia fundata est in *c. f. X. de condit. oppos.* in quo euidenter non de Sponsalibus sed matrimonio iam consummato, cui turpis modus adiectus est, agitur, simulque disponitur, quod modus turpis pro non adiecto haberi nec matrimonium propterea rescindi debeat. Cypræus *de sponsal. c. IIX. §. 6. n. 3.* Brouvver *de iur. connub. lib. I. c. 21. n. 14.* Zoef. *ad cis. tit. I. de condit. oppos. n. 22.*

§. X. Ceterum ad naturam Sponsaliorum omnino pertinet, quod debeant esse libera, quod adeo extendunt, vt ne quidem pœnalis stipulatio iis adiici possit *c. 29. X. b. t.* Verum loquitur Pontifex aperte de Sponsalibus impuberum, quæ non debent hoc modo constringi, cum iis, pubertate accepta, integrum sit, impune a Sponsalibus recedere. Puberes autem quemadmodum iuramento, ita quoque pœnali promissione, Sponsalia confirmare possunt. Reliqua ad hanc materiam spectantia, quæ Autor.

fatis

satis prolixè explicavit, hic non repetam.

TIT. XI.

DE NUPTIIS.

§. I.

Conceptus *matrimonii* in iure canonico maxime deprauatus est per sententiam, quod sit *Sacramentum*, vnde tot errores propullularunt, qui tam altas redices egerunt, ut in foris protestantium insignis eorum, copia superfit, licet principium hoc vnanimiter reprobetur. Aiunt sub matrimonio adumbrari vñionem Christi cum ecclesia, *Eph. V.* & inde rem Spiritualem esse. At sub agro, semine aliisque pluribus rebus terrenis adumbratur regnum Christi, quibus nulla ratione qualitas quædam Spiritualis adscribi potest.

§. II. Accedit, quod secundum *gl. ad c. 101. & 125. C. I. q. 1.* matrimonium gratiam per se non conferat, & quod præsentia Spiritus S. denegetur coniugibus eo tempore, quo concumbunt in *c. 4. C. 32. q. 2. c. 3. C. 22. q. 2. c. 2. inf. D. 28.* & quod denique non necessarius credatur presbyter ad sacramenti huius constitutionem, cum ad reliqua tamen concurrat.

§. III.

§. III. Ceterum propter benedictionem sacerdotalem matrimonium nomen *sacramenti* accepisse Autor §. 2. notat, quod tamen Canonistæ constanter negant, cum etiam secundas nuptias verum sacramentum esse asserant, quibus benedictio nulla adhibetur. Andreas Valens. *ad tit. de Sponsal.* §. 6. Thom. Tamburinus *Theol. moral. lib. IIX. tr. 5. c. 2.* Gonzalez Tellez *ad c. I. X. de nupt. secund. n. 9. & ad c. 24. X. de Sponsal. n. 4.* Perspicue hoc testatur Innocentius III. in *c. 5. X. de digam. non ordin.* ubi ad Sacramenti huius rationem constitutivam refert *commixtionem corporum*, aiens: *Profecto coniugium illud, quod non est commixtione corporum consummatum, non pertinet ad illud coniugium designandum, quod inter Christum & ecclesiam per incarnationis mysterium est contractum.* Supponit Pontifex verum matrimonium, ergo copulam sacerdotalem quoque supponit, & tamen negat, hoc esse Sacramentum, si deest commixtio corporum. Similiter Leo Papa, in *c. 17. C. 27. q. 2.* idem docet: *cum societas nuptiarum ita a principio constituta, ut præter commixtionem sexuum non habeant in se coniunctionem Christi & ecclesie sacramentum, non dubium est, illam mulierem non pertinere ad matrimonium, cum qua non docetur fuisse nuptiale ministerium Conf. c. 36. ibid.*

§. IV. Conclusiones ex hoc principio de-

deducunt sequentes: I) matrimonium rescindi non posse, quia unio Christi cum ecclesia est indissolubilis *c. 10. C. 27. q. 2. c. 1. X. de Spons. duor.* Inde inuenta est *separatio quoad thorum & mensam*, ne matrimonium dissolui videatur, ubi separatio necessaria est. II) Inter infideles *vetum* esse matrimonium, non tamen *ratum*, quia deest sacramentum, & inde facile dissolui potest. *c. 7. X. de diuor.* III) Non valere transactionem contra matrimonium *c. ult. X. de transact. nec* IV) Iuramentum *c. 7. X. de sent. & re iudic.* quod tamen ex erronea hypothese etiam Sponsalibus applicant, quod his iam infit Sacramenti fides, id quod tamen nequidem pontificii statuunt.

§. V. Imprimis vero V) inde inferunt, matrimonium esse causam Spiritualem, & ita in iudicio ecclesiastico pertractandam, ipso Carpzovio teste *lib. II. I. E. def. 21. n. 7. 8. Conf. Ziegl. ad Lancell. lib. III. tit. 1. §. 3. ad verba: qualis est matrimonii.* Cur vero Sponsaliorum causas huc referunt? forsan ob connexitatem, quamvis in his ratio sacramenti desit. Inde quoque in quibusdam locis causas Iudæorum matrimoniales secularia iudicia sibi vindicant. VI) Inde quoque est, quod causas matrimoniales, tanquam Spirituales, non transeant in rem

rem iudicatam. c. 7. X. de sent. & re iud. c. 6. X. de frigid. & males.

§. VI. Præterea VII) inde deducunt, coniugium seruorum esse verum matrimonium, c. 1. X. de coniug. seruor. quodcunque enim matrimonium rationem sacramenti habet, verum & legitimum dicunt II X) Sponsalia etiam clandestina per *commixtionem corporum*, quæ sacramentum constituit, transire in matrimonium c. 30. X. de Sponsal. c. un. de despons. impub. in 6. Vnde adhuc hodie, matrimonii effectus habet, si forsan *ἱερολογία* sequi non possit. Addunt quidam IX) inde quoque dependere necessitatem benedictionis sacerdotalis, & quod in ecclesia hæc fieri debeat, id quod non puto, prout antea dixi.

§. VII. Potius huc X) pertinet, quod polygamia capitali afficienda sit pœna, ob profanationem Sacramenti; Imo rigor pœnarum adulterii huc quoque derivandus. Forſan conceptus Sacramenti in causa est, quod contra Polygamiam simultaneam, tam acriter pugnetur, adeo vt omnis dispensatio hic excludatur, cum tamen α) nulla prohibitio adſit, & β) primitiua eccleſiæ Apoſtolicæ praxis eam non reprobet. Et hoc eo magis mihi perſuadeo, quia etiam XI) Polygamia ſucceſſiua defectum ſacramenti habere creditur c. 5. X. de digam. non ordin.

ordin. & indetot odiis subiecta est *t. t. X. de secund. nupt.* XII] Ingerere quoque asserunt, matrimonium inter causas fauorabiles esse referendum, quod ex conceptu Sacramenti est.

§. II X. Denique XIII] *concupinatum* negant matrimonium esse, quia rationem Sacramenti non habet. Commixtio corporum quidem adest, sed animorum consensus in matrimonium simul requiritur *c. 5. X. de digam. non ordin.* qui exprimitur in benedictione sacerdotali, vel in precedentibus Sponsalibus. Conf. *tit. XIII.*

TIT. XII. DE DIVORTIIS.

§. I.

Diuortia regulariter esse prohibita, est potissimum ex ratione sacramenti, prout antea monui. Equidem nostrates excipiunt casum *adulterii* & *desertionis*, sed manent tamen adhuc in regula: *matrimonia esse indissolubilia*. Ut tamē exceptiones suas probent, prouocant ad Matt. XIX, 9. cum Autore in §. 5. ubi tamē maxime dubium est, an de solo *adulterio* Christus ibi loquatur. Norunt eruditi, Christum interrogatum fuisse de controversia inter Iudæos famosa de *licentia diuortii*,
eum.

eumque Schammai sententiam haud obscure approbasse. Præterea πορνεία quamvis denotat turpitudinem, quam potissimum Schammai urgebat, cum contra Hillel, indulgentior maritis, quamcunque aliam causam admitteret Selden, in vxor, *Hebræa lib. III. c. 30.* Christum autem ad mentem Schammai commode intelligi posse idem docet *lib. III. c. 23.* ut proinde *quavis turpitudine & κακία* intellecta videatur.

§. II. Non ergo dubium est, optimo iure, dissolui posse matrimonium ob infidias vitæ structas. Quæ enim grauior malitia aut turpitudine excogitari potest? B. Dn. Stryk. *Diff. de diuort. ob infid. vit. struct.* Quæ in contrarium obiciuntur, vel ex strictissima vocis πορνείας significatione, vel ex ratione, quod matrimonium sit sacramentum, fluunt. Imo cum σκληροκαρδία æque hodie, vti olim, in corrupto statu reipubl. vigeat, ob quam Moses induxerat diuortia, non videntur ea impedienda, si alia ratio ad concordiam reducendi coniuges desit.

§. III. Imo si dicendum, quod res est, maior hodie diuortiorum certo respectu videtur licentia ac quidem apud Iudæos. Vxores enim diuortium facere potuisse non constat, sed hoc ipsum iuris maritalis erat, & de hoc genere diserte loquitur Christus. At hodie etiam vxores diuortium faciunt.

a maritis, si hic adulterium commisit.

§. IV. Vnde olim quoque non erat prohibitum diuortium ob infirmitatem vxoris, si viro non posset reddere debitum coniugale, modo subsidii opem non subtraheret ab illa, *quam infirmitas prapedit, non detestabilis culpa excludit*, vt dicitur in c. 18. C. 32. qu. 7. Et hanc causam etiam probat & pluribus argumentis confirmat Bruckner *Detif. matrimon. c. 23.* Ex quo simul patet, olim superuenientem impotentiam admissam fuisse, ad rescindendum coniugium.

§. V. Similiter ex eodem principio de Sacramento matrimonii originem trahit *separatio quoad thorum & mensam*, quod ipse Autor succincte ostendit in *histor. iur. circa dogma ecclesie de dissolut. matrim. quoad vinculum.* Olim totale diuortium admissum fuisse constat ex c. 19. C. 32. qu. 7. & c. 23. *ibid.* Primus fuit Augustinus, qui ob sacramenti rationem de dissolutione totali dubitare cœpit, adeoque vt Christi doctrinam de diuortio ob *ωογεῖαν* illasam seruaret, excogitauit distinctionem inter diuortium, *quoad vinculum, & quoad thorum & mensam*, & de hac, non illa Christum intelligendum esse censuit. Hæc tandem & scriptis defensa & statutis conciliorum stabilita & subinde certa ratione in praxin nostram est ducta.

TIT. XIII.
DE
CONCVBINATV.

§. I.

CONCVBINATVS olim erat matrimonium minus solenne, Romanis legibus admissus, nec iure canonico simpliciter reprobatus. Apparet hoc ex c. 4. D. 34. vbi ita: *Is qui non habet uxorem, & pro uxore concubinam habet, a communione non repellatur, tamen ut vnius mulieris, aut uxoris aut concubinae sit coniunctione contentus.* Item porro constat ex c. 5. ibid. Quin etiam Augustinus in c. 6. C. 32. q. 2. censet, talem concubinatum posse dici *connubium*.

§. II. Satis probabile autem est, concubinatum illam *consuetudinem* eo tempore dictam fuisse, quæ quidem coniugii causa erat inita, sed apud ecclesiam non professæ, qualis professio iam Tertulliani temporibus erat introducta. Pseudo-Evaristus in c. 1. C. 30. q. 5. etiam huc collimat, coniugium, haud aliter censi legitimum seu solenne, nisi *quod precibus a Sacerdote benedicatur*. Licet vero tempore Augustini solennis benedictio legibus ciuilibus haud esset præcepta, vsitata tamen fuit hæctenus, vt reliqua

coniugia, apud ecclesiam non professa, ad concubinatum, saltim a patribus, relata fuisse videantur.

§. III. Plures tamen ex patribus talem concubinatum reprobarunt, nec Augustino alia mens fuisse videtur *c. 6. D. 34.* Probat hoc pluribus Ferdinandus Mendoza *lib. II. de confirmat. concil. Eliber. c. 8.* unde constat, patres potissimum id egisse, ut benedictionem sacerdotalem tanquam ex lege necessitatis omnibus matrimoniis præscriberent. Aliter enim hi, ac quidem leges Romanæ, distinxisse videntur inter *legitimas uxores*, quippe quæ in facie ecclesiæ essent traditæ, & *concubinas*, quæ non ita traditæ erant.

§. IV. Leo Imperator primus fuit, qui benedictionem sacerdotalem in *Nov. 89.* introduxit sub absoluta necessitate. Hoc facto, non potuit non concubinatum plane prohibere & inter illicita reputare in *Nov. 91.* Neque enim concubinitus aliud dici poterat, quam *consuetudo maris & femina sine benedictione contracta*: hac enim accedente, statim erat legitimum matrimonium, ut sic sola benedictio distinguat concubinam a legitima uxore. Inde quoque est, ut quoties hodie personæ quædam longo tempore in tali consortio vixerunt, iis iniungi præcepto magistratus soleat, ut benedictione sacerdotali copulentur.

TIT.

Tit. XIV.

De
SEPULTVRIS.

§. I.

Materia de *SEPULTVRA* ad ius ecclesiasticum quoque tractata est, quia, ab omni tempore inter christianos moris fuit, piis ritibus mortuos sepelire, eorumque memoriam certo tempore sancte recollere. Accessere postea missæ *pro anima* defuncti habendæ, quo ipso tandem ritus sepulturæ iuribus liturgicis adscripti sunt, ut proinde cognitio de iis ad ecclesiastica iudicia spectet.

§. II. Sicuti vero hi ritus arbitrarii sunt, ita non dubitandum, Principem circa solennia sepulturæ dispensare posse, quæ dispensatio plerumque Consistorio etiam competit. Quæ dubia a quibusdam hic mota sunt, resoluit Ill. Dn. Thomafius *Diff. de iure Princip. circa solenn. sepult.*

§. III. Locus ubi quis sepelitur, non amplius, ut olim, arbitrarius est. Iam seculo VI. superstitio inualuerat, eligendi sepulturam in ecclesiis vid. c. 18. *Concil. Bracar. II.* Id quod cum indistincte concedi haud posset, permissum plerisque, ut extra ecclesiam in atrio eius sepelirentur, ex illa opinione, quod hic locus a sanctitate ecclesiæ quid participaret c. 15. C. 13. q. 2. Tandem Con-

cilium Triburiense sepulturam eorum in ecclesiis admisit, qui pietate claruerunt. Vid. Cabassutius ad c. 18. *Concil. Bracar. p. 268.* Quo ipso in perpetuum morem abiit, ut cadauera vel in templis, vel in atriis eorum, quæ *cœmeteria* dicta, terræ mandarentur.

§. IV. Hæc cœmeteria hodie eriguntur ab Episcopo per adspersionem *aquæ benedictæ*. Atque inde Carpz. *lib. 2. I. E. Def. 385.* concludit, erectionem cœmeterii esse *iuris episcopalis*, adeoque auctoritate Consistorii faciendam. Verum cum fundamentum huius iuris episcopalis in totum in ecclesiis protestantium cesset, & reuera cœmeteria non sint loca *religiosa*, sed *publica*, magistratui politico harum constitutionem non esse dene-gandam, censet B. Dn. Stryk in *Vs. mod. ad tit. de relig. §. II.*

§. V. Porro sicuti circa singula templa atrium quoddam separatum, & sepeliendis cadaueribus destinatum est, ita mox sepultura *actibus Parochialibus* adscripta est, præsertim cum liturgiam desideraret. Vnde adhuc hodie quilibet sepeliendus in propria Parochia c. 5. *X. de sepult.*, adeo ut si cadauer in aliena Parochia sepultum sit, Parocho remedium spoliū indulgeant. Ziegler *ad can. redintegranda C. 3. q. 1. c. 6. §. 5.* Et quidem quoad sepulturam iudicatur, Parochia ex sola habitatione, Murga *de benef.*

benef. eccles. qu. 2. §. 1. sect. 2. concl. 2. n. 679. quæ etiam attenditur, si peregrini & viatores moriuntur, nec ad propriam Parochiam commode deportari possunt.

§. VI. Hoc adeo Parochi extenderunt, ut etiam funeralia exigere soleant, si vel maxime peregrinus in illa Parochia, in qua mortuus, haud sepeliatur, sed ad propriam deferatur. Quin quod hi quoque, per quorum Parochias ducitur funus, exigere funeralia soleant, nullo licet iure fundata, quod proinde grauitè improbant Peckius *de iur. sistend. c. 5. n. 23.* B. Dn. Stryk in *Vf. mod. ad tit. de relig. c. 1. §. f.*

§. VII. Qui tamen sepulcra maiorum habent, non sunt necessario in ecclesia Parochiali sepeliendi Murga *cit. l. n. 704.* Talia dicuntur, quæ sepulturæ totius familiæ in perpetuum destinata sunt, vnde etiam *familiaria* vocantur, quæ imprimis intuitu *iuris patronatus* acquiruntur. Espen *de Iur. eccles. P. II. tit. 38. c. 2. m. 49.* Cum his confundi non debent sepulcra *hereditaria*, quæ quis sibi *heredibusq.* acquirit, & in quosuis heredes transfert, vid. *Lus Paroch. Sect. IV. c. 2. §. 15.*

§. VIII. Præterea, quod Autor §. III. quoque docet, etiam permissum est, alibi eligere sepulturam. Hoc priuilegium ab initio monasteriis datum videtur, postquam apparuit, homines ea duci superstitione, ut

crederent, maiorem loco inesse sanctitatem, sibi ad consequendam salutem profuturam. Accessit insignis hæc ratio, quod extra Parochiam sepultura eligi non possit, nisi simul insigne legatum monasterio vel ecclesiæ illi relinqueretur, vbi defunctus sepulturam elegit, vnde ecclesia Parochialis quartam canonicam capit, *c. 1. §. 9. X. h. t.* Inde in *c. 4. eod.* notantur excessus Monachorum, qui sollicitant ægrotantes ad eligendam in monasterio sepulturam, lucri causa.

§. IX. Denique sepultura quoque multum *in dubio* dependet ab *administratione sacrorum*. Nam (I) qui duplicem habet Parochiam, in ea est sepeliendus, cuius sacris interfuit vid. *iur. Paroch. cit. l. §. 6.* (II) qui nulli Parochiæ addicti sunt, h. e. habitantes in ædibus liberis, in *denen Frey-Gäusern* ibi sepeliuntur, vbi sacra peragere soliti sunt.



ORIGINES

PRAECIPVARVM MATERIARVM

IVRIS ECCLE-
SIASTICI

ex

ultima antiquitate evolutæ

&

ad studium iuris canonici
accommodatæ

a

IVSTO HENNINGO BÖHMERO

D. & Prof. Iur. ordin. in
Regia Fridericiana.

DECLARATION

OF THE

AMERICAN PEOPLE

1776

WE the People

of the United States

do hereby declare

our independence

from Great Britain

and we do hereby

assert our rights

as free and

independent



CAPVT I.

DE

ORIGINE ET CONSTITVTIONE ECCLESIARVM.

§. I.

ET si in *dissert. IIX, iur. eccles. antiqui ad Plin. II. & Tertull. fusius de veteri ecclesiarum statu* edisseruerim, & simul originem earum euoluerim, vt non necesse videatur; denuo eandem materiam hic repetere, non inutile tamen aut intempestiuum visum fuit, quædam adhuc de hac materia adducere, quæ meditationem *cit. l.* adductam viterius illustrare possent, vt tamen illa, quæ ibi fusius dicta sunt, vel plane præterirem, vel binis verbis tangerem.

§. II. Habet ecclesiæ denominatio ambiguum significationem, ergo quando de origine earum quæritur, ante omnia videntum, de quo significato quæstio sit. Videlicet quæritur, *quando aut qua occasione pecu-*
lia

liares Christianorum congregationes, a Iudaicis plane distinctæ, sacrorum causa, facta fuerint, ut hæc omnino distinctam a Iudaicis Synagogis constituerint ecclesiam, propriisque & separatis suis legibus uti ceperint.

§. III. Non ergo hic quaestio est 1) de origine ecclesie, quatenus fideles in genere, denotat, prout sumitur *Matth. XVI, 18. Rom. XVI, 16. 1 Cor. XI, 16. XII, 28. XV, 9. Gal. I, 3. Ephes. I, 22. III, 10. V, 23. seqq. 32. Col. I, 18. 2 Thessal. I, 4. 1 Tim. III, 25. &c.* Nam origo ecclesie in hoc sensu acceptæ est a creatione primæva repetenda, quamvis non semper ecclesiam quandam externam constituerit.

§. IV. Nec II) quaestio est de ecclesiis, quatenus fideles in certo loco commorantes & constitutos denotant, ut tamen a Iudæorum sacris haud recesserint, & sacra peculiariter sibi constituerint. Hoc enim satis constat, statim post Christi ascensionem fieri mentionem ecclesie Hierosolymitanæ, quæ nihil aliud denotat, quam universitatem fidelium ex Iudæis in Christum credentium, qui tamen a patriis moribus haud recesserunt, nec ecclesiam plane distinctam a Iudæorum sacris constituerunt, sed communioni sacrorum Iudæicorum tenaciter adhererunt *Act. XXI, 20.* & licet sæpius convenirent, non tamen semper sacrorum peculiarium causa conveniebant.

§. V.

§. V. Proinde quando *Act. II, 47. IV, 32. V, 11. 14. VI, 2. 5. 7. IIX, 1. 3. IX, 31. XI, 22. 28. XII, 1. XIV, 4. 23. 27. XV, 3. 4. XVI, 5. XX, 17. 28.* fit mentio *ecclesie*, haud existimandum est, Hierosolymis fideles ex Iudæis se plane a Iudæis *quoad sacra* in totum separasse, & communioni sacrorum Iudaicorum renunciasse, quin potius, quod plerique non animadvertunt, *ecclesia* nomine veniunt, ut distinguantur a Iudæis infidelibus, qui Salvatorem nostrum Messiam fuisse negabant, salva de cetero sacrorum communione. Cœtus quidem peculiare agebant, ut agapas, & his finitis, post cœnium sacrum peragerent, & communes preces funderent: sed hoc a moribus Iudaicis haud abhorrebat, & ita nihilominus in communione sacrorum Iudaicorum permanere poterant. Et, quamvis *Act. VI.* fideles ex Iudæis hortati Apostolorum presbyteros constituerint, hi tamen non primario sacrorum, sed pauperum gratia constituti fuisse leguntur: cum enim inter se sincero pietatis amore conspirarent, & bona quævis communia haberent, subinde etiam pauperum insignis multitudo adesset, omnino necessum fuit, illis percuratores idoneos prospicere, qui dispensandis bonis incumberent. Sic etiam alibi quoque fideles, quatenus certo loco comprehenduntur, voce *ecclesie* denominantur.

vt *Rom. XVI, 1. 4. 5. 16. 23. 1 Cor. VI, 4. 1 Cor. XI, 22. XVI, 1. 19. 2 Cor. I, 1. IX, 1. 19. 23. 24. XI, 8. 28. Gal. I, 2. 22. Phil. IV, 15. Col. IV, 15. 16. 1 Thessal. I, 1. II, 14. 2 Thess. I, 1. 1 Tim. III, 5. Apoc. I, 11. seqq.* in quibus locis itidem *vniversitas fidelium*, certo loco comprehensa, designatur, non vero *congregata multitudo sacrorum peculiarium causa* precise intelligitur.

§. VI. Fit præterea hinc inde *domesticarum ecclesiarum* mentio, *Rom. XVI, 5. 1 Cor. XVI, 19. Phil. IV, 22. Col. IV, 15.* unde tamen minime colligi potest, prout plurimi contendunt, quod in ædibus designatis peculiæres coitiones sacrorum causa factæ fuerint. Qui ita rem exponunt, ea persuasione ducuntur, quod Apostoli eodem significato vocem *ecclesia* vsurpauerint, uti quidem hodie vsurpari solet, & ita rem non ex ævi Apostolici sed sui temporis moribus æstiment.

§. VII. Quæ cum ita sint, sedulo cauendum est, ne statim, ubi *ecclesiarum* fit mentio, nobis aliisque persuadamus, ibi coitiones christianorum, peculiarium sacrorum causa institutas, referri, sed potius ex *predicatio* æstitemus, quo sensu hæc vox ambigua ibidem veniat. Quæ *ecclesia* in plurimis locis. antequam communioni iudaicæ repudium mittere coactæ sunt, quæ tamen tales haud constituerunt *ecclesie*, quarum seculis sequen-

quentibus. frequenter mentio iniicitur. Hoc eum in finem tantum pramonendum est, ne existimemus, Apostolos intendisse, sacra quædam peculiaria & plane nova fidelibus præscribere, & cœtus quosdam per modum reipublicæ nouæ erigere voluisse, id quod cum Christus haud tentauit, facile iudicari potest, etiam hoc ipsum ab eorum mente alienum fuisse.

§. II. X. Verum dux potissimum causa fuisse, quæ fideles coegerunt, ut separatos plane cœtus a ludæis, quibuscum antea adhuc vniti erant, instituerent: I) quia ethnici quoque Antiochiæ alibique fidem in Christum amplectebantur. II) quia ludæorum insignis malitia tandem obstabat, quo minus vltius communioni sacrorum Iudaicorum insistere possent, prout fufius ostendi in *in cit. diff. II. X.* inde fere vbiq. Christiani separatos a cœtibus Iudaicis instituerunt cœtus sacrorum causa, ad modum *Synagogarum Iudaicarum* formatos. Quia enim a ludæis originem traxerunt, diu ritibus Iudaicis institerunt, & Synagogis eorum per aliquot annos interfuerunt, cœtus quoque suos, sacrorum causa institutos, ad imaginem Synagogarum eos instituisse credere par est, quemadmodum etiam cœtus suos post illam separationem *Synagogas* dixere. *Iac. II, 2, Hebr. X, 25.*

§. IX. Hæc ipsa origo ostendit, quod etiam Campegius Vitringa *de Synagoga veteri* fusius contendit, ecclesias Christianorum, pro cœtu sacrorum causa inito, summas haud fuisse efformatas ad imaginem *templi Iudaici*, in quo sacra sacerdotes cum Levitis dirigebant, adeoque sacerdotium proprie dictum in illis nullum adfuisse, quæ opinio demum Seculo III. nata est, & insignem mutationem ecclesiis attulit, vti *fusius cit. diff. II.* declaratum est. Hac separatione a Iudaicis sacris facta, vox *ecclesiæ* denotare cœpit *congregationem fidelium, sacrorum causa institutam*, vti apparet ex *Act. XIV. 23. 27. XX. 7. 1 Cor. IV. 17. V. 4. XI. 18. 22. 23. XIV. 5. 12. 19. 28. 34. 35. Col. IV. 16. &c.*

§. X. Ex his adductis concludo *ecclesiam* & ante & post separationem a Iudaicis sacris factam, denotasse cœtum fidelium in Christum credentium, minime gentium vero ex his constitutam fuisse peculiarem quandam rempublicam seu ordinem imperantium & parentium. Proinde summa omnium & libertas & aequalitas fuit, donec tandem, variis ingruentibus occasionibus, *cit. diff.*

II. relatis & explicatis, status ecclesiarum mirifice mutatus fuerit.

CAPVT II.

DE

ORIGINE DIOECESIVM.

§. I.

DIOECESIS sumitur vel pro *prouincia*, in qua multæ vrbes vni præfidi parent: vel pro tractu plurium prouinciarum confociato, vnius imperio subiectarum, vti vicario vrbis parebant *prouincia suburbicaria*. Posterius apud Romanos stricte *Diæcesis*, prius *prouincia* dicebatur. Petrus Ioseph Cantelius *Histor. Metropol. vrb. p. 3. in f.*

§. II. Quemadmodum vero orbis Romanus in vrbes, prouincias & Diæceses distributus erat, ita quoque politia ecclesiastica eodem modo diuidi tandem cepit in *Parochias, Prouincias & Diæceses*, cuius diuisionis origo non vno eodemque modo ab indagatoribus antiquitatum traditur.

§. III. Petrus de Marca de *conc. Sacerd. & Imper. lib. VI. c. 1.* hanc prouinciarum diuisionem Apostolis vindicat, eamque ad ecclesiarum gubernationem admodum necessariam fuisse contendit. Et quia in Imperio Romano religio christiana in primo suo flore mox adeo se diffudit, vt oppida, vicos

T

&

& integras regiones occuparet, referentibus Plinio II. *lib. X. epist. 97.* Tertull. *in Apol. c. I.* sapienter quoque Apostolos in ecclesiis distribuendis ciuilem imperii dispositionem retinuisse censer.

§. IV. Hoc ipsum colligi posse putat ex variis Apostolorum epistolis. Petrus enim scripsit ad Christianos per prouincias Ponti, Galatiz, Cappadociæ, Bithyniæ & Asiæ dispersos, quorum mentionem secundum dispositionem prouinciarum facit. Paulus Christianorum in Macedonia & Achaia. *Rom. XV, 26. 2 Cor. VIII, 1.* item in Galatia. *1 Cor. XVI, 1.* & Asia *ibid. 19.* meminit. Idem Apostolus Titum se in insula Creta reliquisse ait, vt ordinaret prouinciam. *Tit. I, 5.* In Apocalypsi memorantur septem ecclesiæ Asiæ proconsularis, quæ prouincia Imperii Romani erat. Et quia eius Metropolis Ephesus erat, inde ad Ephesios scribens ad vniuersam prouinciam Paulus scripsisse videtur. Sic *Act. XIX, 10.* Paulus Ephesi per biennium substitisse, atque illic omnes in Asia docuisse legitur, quorsum etiam collimare videtur Alexandri accusatio contra Paulum *Act. XIX, 26.* & ipsius Pauli seria adhortatio ad Presbyteros Ephesinos *Act. XX, 18.* Porro Achaia metropolis Corinthus erat, & eo consilio Paulus *2 Cor. I.* literas dirigit ad Corinthios, & simul

simul ad omnes Christianos in Achaia degentes. In epist. 1. ad *Theffal.* IV, 10. totius Macedoniæ mentionem iniicit, quia Theffalonica metropolis huius provinciæ erat. Atque hæc omnia ab Apostolis facta fuisse contendit eo consilio, quod ecclesiæ secundum dispositionem civilem in distinctas provincias iam fuerint diuise, quas hac de causa a provinciis nominare par fuit.

§. V. Verum ab hoc consilio Apostolos alienissimos fuisse, res ipsa docet, utpote quos Christus haud miserat, ut rem publicam ecclesiasticam formarent, eamque in certas & distinctas provincias distribuerent, sed potius, ut euangelium omnibus gentibus annuntiarent, id quod secundum Christi intentionem omnino fieri debuit sine tali politica dispositione. Origene ecclesiarum passim exstructarum plane contrarium docet, & Clemens in *epist. 1. ad Corinth.* non hoc sed illud tantum tradit, Apostolos per vicos & vrbes transeuntes verbum Dei prædicasse, & ecclesiis Præpositos & Diaconos dedisse. Postquam itaque fideles in oppidis & provinciis degebant, non potuerunt non ab illis designari, quemadmodum scholæ & alia collegia a locis, ubi reperiuntur, denominantur, ut tamen ea denominatione minime distributio quædam in pro-

& integras regiones occuparet, referentibus Plinio II. *lib. X. epist. 97.* Tertull. *in Apol. c. I.* sapienter quoque Apostolos in ecclesiis distribuendis ciuilem imperii dispositionem retinuisse censet.

§. IV. Hoc ipsum colligi posse putat ex variis Apostolorum epistolis, Petrus enim scripsit ad Christianos per prouincias Ponti, Galatiz, Cappadociæ, Bithyniæ & Asiæ dispersos, quorum mentionem secundum dispositionem prouinciarum facit. Paulus Christianorum in Macedonia & Achaia *Rom. XV, 26. 2 Cor. VIII, 1.* item in Galatia *1 Cor. XVI, 1.* & Asia *ibid. 19.* meminit. Idem Apostolus Titum se in insula Creta reliquisse ait, vt ordinaret prouinciam *Tit. I, 5.* In Apocalypsi memorantur septem ecclesiæ Asiæ proconsularis, quæ prouincia Imperii Romani erat. Et quia eius Metropolis Ephesus erat, inde ad Ephesios scribens ad vniuersam prouinciam Paulus scripsisse videtur. Sic *Act. XIX, 10.* Paulus Ephesi per biennium substitisse, atque illic omnes in Asia docuisse legitur, quorsum etiam collimare videtur Alexandri accusatio contra Paulum *Act. XIX, 26.* & ipsius Pauli seria adhortatio ad Presbyteros Ephesinos *Act. XX, 18.* Porro Achaia metropolis Corinthus erat, & eo consilio Paulus *2 Cor. I.* literas dirigit ad Corinthios, & simul

simul ad omnes Christianos in Achaia, degentes. In epist. 1. ad *Theffal. IV*, 10. totius Macedoniæ mentionem iniicit, quia Theffalonica metropolis huius provinciæ erat. Atque hæc omnia ab Apostolis facta fuisse contendit eo consilio, quod ecclesiæ secundum dispositionem civilem in distinctas provincias iam fuerint diuise, quas hac de causa a provinciis nominare par fuit.

§. V. Verum ab hoc consilio Apostolos alienissimos fuisse, res ipsa docet, utpote, quos Christus haud miserat, ut rempublicam ecclesiasticam formarent, eamque in certas & distinctas provincias distribuerent, sed potius, ut euangelium omnibus gentibus annuntiarent, id quod secundum Christi intentionem omnino fieri debuit sine tali politica dispositione. Origo ecclesiarum, passim exstructarum plane contrarium docet, & Clemens in *epist. I. ad Corinth.* non hoc sed illud tantum tradit, Apostolus per vicos & vrbes transeuntes verbum Dei prædicasse, & ecclesiis Præpositos & Diaconos dedisse. Postquam itaque fideles in oppidis & provinciis degebant, non potuerunt non ab illis designari, quemadmodum scholæ & alia collegia a locis, ubi reperiuntur, denominantur, ut tamen ea denominatione minime distributio quædam in pro-

vincias & Diœceses intendatur, quo ipso omnia Archiepiscopi Parisiensis argumenta corruunt.

§. V. Quin quod vbi post seculum III. de prouinciarum ecclesiasticarum limitibus disputari cepit, contendentes nunquam ad institutum Apostolicum, quod vtique causæ eorum conduxisset, sed ad mores & consuetudines prouocauerint, vti constat ex *c. 6. 7. Concil. Nicæni; c. 8. Concil. Antioch., & c. 8. Concil. Constantinop. I. c. 2. in f.*

§. VII. Atque hæc ipsa consuetudo, quæ pro ratione decidendi in controuersis adducta fuit, satis fundata est. Erant ab initio omnes ecclesiæ inter se æquali fœdere coniunctæ, vt neutra alteri subiecta esset, pro qua æqualitate adhuc suo tempore grauitèr pugnavit Cyprianus *de unit. eccles.* & passim *in epistolis*. Vnionis nexu ita inter se cohærebant, vt communi consilio illa peragerent, quæ rem ecclesiarum communem respiciebant, quod tum per literas & nuncios, tum etiam per Synodos expediebant.

§. VIII. Arctior tamen vnio & communio inter eas ecclesias colebatur, quas vicinitas coniunxerat, quæque in eadem prouincia collectæ erant, quippe quæ in tot acerbissimis persecutionibus facilius inter se de salute ecclesiæ communicare, sibi que inuicem suc-

succurrere & assistere poterant. Hæc vnio mox peperit Synodos prouinciales, cum naturale sit, vt vnus prouinciæ homines, etiam in rebus indifferentibus, facile conspirent, & coalescant.

§. IX. In illa vnione & communione primario ratio habebatur *ecclesiarum apostolicarum*, i. e. ab Apostolis vel fundatarum vel apostolica doctrina instructarum, qualis erat Romana, Ephesina, Corinthiaca, Thessalonicensis, Antiochena &c. quibus auctoritas singularis tribuebatur, maxime, si cum hæreticis certamen esset ineundum. Tertull. *de præscript. hæret. c. 20.* Irenæus *lib. III. adv. hæres. c. 3. 4.* Minime tamen his imperium in reliquis ecclesiis tribuebatur, aut aliquæ iurisdictionum species, sed, sola excepta auctoritate, illæsa mansit æqualitas & singularum libertas. Euseb. *lib. V. histor. eccles. c. 24.* Eos tantum redarguebant, qui vnitatem ecclesiarum turbare tentarent & pacem rumperent. Irenæus *lib. IV. adv. hæres. c. 43. in f. & lib. V. c. 20.*

§. X. Ex hac vnione intimiori ecclesiarum vnus prouinciæ paulatim inualuit, vt de causis maioribus communi consensu ecclesiarum illius prouinciæ deliberationes instituerentur, electiones episcoporum præsentibus omnibus comprouincialibus adornarentur, causæ lapsorum vel aliter de-

linquentium non alibi, quam ea in provincia; ubi delictum commissum esset, diiudicarentur, & quæ decisa vel conclusa communi consilio essent, aliis ecclesiis communicarentur. Euseb. *lib. V. H. E. c. 16. & 24.*

§. XI. Quamuis vero hæc omnia ab initio libero consensu recepta essent, in necessitatem tamen & consuetudinem perpetuam abierant seculo III. ut quæ ad ecclesias in vna prouincia collectas pertinerent, ab iis vnice peragerentur, & passim hunc in finem ad *prouincias ecclesiasticas* prouocaretur. Cyprianus latius paterè prouinciam ecclesiarum Africanarum ait *epist. 68. p. m. 91.* quod *habeat Numidiam & Mauritanias duas coherentes.* Dirigendas esse literas in prouinciam vrget, si ibi delictum erat commissum. Id. *epist. 68. &c. conf. id. epist. 55. & 59.*

§. XII. Proinde eadem vt plurimum fuit ratio prouinciarum ecclesiasticarum, quæ ciuiliū, maxime cum seculo IV. in *Concil. Nic. c. 5.* prouinciarum ecclesiasticarum regimen confirmaretur, qua praxi etiam ecclesia Romana vsa est. Vid. Innocent. I. *epist. ad Victoricum c. 3.* Atque hæc ratio quoque est, quod antiquitates ecclesiasticæ sine notitia dispositionis ciuilis commode intelligi non possint, sed hic quoque *Notitia Imperii*

perit sedulis indagatoribus multum profic.

§. XIII. Dixi *ut plurimum*. Quandoque enim ecclesiasticas provincias a dispositione civili recessisse apparet, ita ut plures provinciarum civiles unam constituerent ecclesiasticam. Sic in Africa duæ provinciarum civiles erant Numidia & Mauritania, quæ unam constituerunt provinciam ecclesiasticam, uti Cyprianus *epist. 68.* testatur. Porro tres diversæ erant provinciarum Ægyptus, Lybia, Pentapolis, quæ unam constituebant provinciam sub directione Alexandrini, ea forsitan occasione, quod hæc tres provinciarum Præfecto Augustali, qui Alexandriæ sedem habebat, subessent *l. 2. C. de offic. Præfecti Aug.* Inde ad Synodum ab Alexandrino harum provinciarum Episcopi cogebantur. Socrates *lib. I. c. 6.* Et Synodus Nicæna literas ad harum provinciarum Episcopos direxit. Id. *lib. I. c. 9.* In Italia gemina fuit Diœcesis, una Romæ, Italici altera. *Vicario urbis Romæ* suberant decem provinciarum, quæ *suburbicarie* dicebantur, quæ hac occasione in unam coaluerunt provinciam sub directione Episcopi Romani. *Vicarius Italici* Diœcesin Italici administrabat, & hæc quoque sub nomine provinciarum ecclesiasticarum Mediolanensi metropolitano parebat. Atque hi duo metropolitani tantum in Italia erant;

vti non diffitetur Cantelius in *hiflor. metro-
pol. urb. P. 2. diff. VI. c. 4.* quod indicium
præbet, duas tantum prouincias ecclesiasti-
cas ibidem & Episcopum Romanum nu-
dum Metropolitam fuisse.

§. XIV. Sed paulo post prouinciæ hæ,
quæ ex pluribus constabant, coaluerunt in
Dioeceses ecclesiasticas, & inde metropoli-
tanorum horum potestas mirum in modum
creuit. Cautum nimirum in conciliis *arte
horum Episcoporum* fuit, vt in singulis provin-
ciis *civilibus* metropolitani constituerentur,
quo ipso factum, vt in iis prouinciis, quibus
antea vnus præerat, plures metropolitani
constituerentur, interim tamen Dioeceseos
iure vnitæ manerent, & sic hi metropolitani
noniter constituti illi subessent, qui antea
directorium per totam diuecesin habebat,
solus, qui deinceps Patriarcha dictus est
vid. *concil. Constantinop. I. c. 2. Socrates lib. V.
H. E. c. 8. conf. I. 3. C. Theod. de fide ca-
thol.*

§. XV. Vnde & dioeceses ecclesiasticæ ortæ,
quæ etiam ex dispositione ciuili distingue-
bantur. Erant quinque Dioeceses per Præfectu-
ram Prætorianam Orientis, scilicet Ægypti,
Orientis, Asiæ, Ponticæ, Thraciarum. Juxta
hanc dispositionem ciuilem in *concil. CPol.
I. c. 2.* quinque dioeceses ecclesiasticæ enu-
merantur, his verbis: *qui sunt super dioeceses*
Epi-

Episcopi, ad ecclesias extra suos terminos sitas, ne accedant; neque confundant ecclesias. Sed secundum canones Alexandria quidem Episcopus, quae sunt in Aegypto, tantum administret: Orientis autem Episcopi Orientem solum gubernent (seruatis priuilegiis, quae Antiochena ecclesia & Nicanis Canonibus tributa sunt.) Et Asiana Dioeceseos Episcopi, Asianam Dioeceseos tantum gubernent; nec non & Pontica dioeceseos, ea tantum quae ad Ponticam dioeceseos pertinent, & Thraciae ea tantum, quae Thracia, administrent. Conf. Petrus de Marca de Primatibus §. 10. Jacobus Gothofredus ad cit. l. 3.

§. XVI. Licet vero Occidentis imperium quoque in varias Dioeceses esset diuisum, h. e. *urbicariam, Italicam, Gallicanam, Hispanicam, Britannicam, Africanam & Illyricianam*; tot tamen Dioeceses ecclesiasticae, quae sub vnius Patriarchae directione essent, vti in Oriente, haud sunt constitutae, sed singulae illarum Dioecesium prouinciae metropolitani suberant, nisi quod Romanus in urbicariis prouinciis exarchatum exerceret, & quia in reliquis Dioeceseos exarchi deessent, omni conatu ad primatum vniuersalem adspiraret, sed serius obtineret.

CAP. III.

DE

ORIGINE PAROCHIARVM.

§. I.

PAROCHIAE sunt agrorum urbiumque ecclesiam minores, certo districtu distinctae, Presbyteris Diaconisque subiectae. Olim etiam Paroecia Dioecesin vel prouinciam denotabat Euseb. lib. II. c. 24. lib. III. c. 4. lib. IV. c. 23. lib. V. c. 24. lib. VII. c. 3. Socrates lib. I. c. 6. Quin & particularem ecclesiam denotabat, cui Episcopus praerant.

§. II. Ab initio quidem ecclesiarum particulares omnes erant vnius eiusdemque generis, & ambitu loci ipsius continebantur, adeoque districtum suum ex ciuitatis vel vici ambitu accipiebant, imo ex ipso loco quoque nomen sortiebantur, vt ecclesiae Romana Carthagenensis &c.

§. III. Singulis ecclesiis per tria priora secula praerant Episcopus, Presbyteri, & Diaconi, & ita Episcopi dioecesis (vt hodierno more loquar) hodiernae Parochiae limitibus includebatur, vti plenius probatur in tr. de regim. eccles. trium primor. secul. a Ienckino Thomasio in latinum sermonem verso cap. II. seqq. Imo adhuc seculo IV. in singu-

gulis vrbibus episcopi erant, quamuis iam plura in vrbibus templa essent exstructa. Socrates *lib. I. c. 6.* Neque ratio locorum habebatur, cum etiam in agris passim ecclesie essent, prout Euseb. *lib. II. H. E. c. 3.* inter alia testatur his verbis: *per omnes igitur ciuitates & vicos ecclesia infinita hominum multitudine abundantes veluti area quadam frugibus referta breui congregatae sunt.* Atque his quoque ruralibus ecclesiis sui erant Episcopi & presbyteri, vti ostendi *dissert. V. iur. eccl. ant. ad Plinium II.* nec dispar ciuitatensium & ruralium ecclesiarum erat ratio. Conf. Euseb. *lib. VII. c. 30.* vbi fit mentio *Episcoporum pagorum & ciuitatum.*

§. IV. Neque ergo in vna ciuitate plures coetus distincti instituebantur, sed omnes in vnum conueniebant locum, Iustino Martyre *Apol. II. inf.* teste, & hoc intuitu singulae ecclesiae, quae ambitu loci circumscribebantur, dictae sunt *Paroeciae*, cum *παροικία* denotet inhabitationem vicinorum in eodem loco. Inde quoque Cyprianus multoties infert, ibi demum esse ecclesiam, vbi est Episcopus: hoc deficiente, ecclesiam quoque haud adesse concludens, quod potissimum haereticis & schismaticis opponerat.

§. V. Et hoc intuitu negotia ecclesiastica a plebe & clero decidebantur in quolibet

libet ciuitate, prout Cyprianus passim testatur, quod indicium præbet, adhuc seculo III. in singulis ciuitatibus tantum vnā fuisse ecclesiam.

§. VI. Imo postquam indulgentia Constantini seculo IV. templa vbique ædificata sunt, ab initio tamen vnum tantum templum in singulis ciuitatibus ædificatum est Euseb. lib. X. H. E. c. 3. 4. Verum hoc eodem seculo mox origo Parochiarum, prout hodie sunt, hinc inde emergere cepit.

§. VII. Libertas enim promiscue ædificandi templa, a Constantino M. indulta, adeo omnium occupauit mentes, ut in vna ciuitate sæpe plura templa exstruerentur. Socrates lib. I. H. E. c. 9. & 10. Cum vero a primis Christianismi temporibus vnus tantum Episcopus in singulis ciuitatibus esset, templa post exstructa ab Episcopo demandata sunt quibusdam Presbyteris & Diaconis sub directione Episcopi. Atque hæ ipsæ ecclesiæ minores tituli vocabantur, uti constat ex Innocent. I. epist. I. c. V. ubi ita: De fermento vero, quod die dominica per titulos mittimus, superflue nos consulere voluisti, cum omnes ecclesiæ nostræ intra ciuitatem sint constitutæ, quarum presbyteri, quia die ipsa propter plebem sibi creditam nobiscum conuenire non possunt, ideo fermentum a nobis confectum per Acolythas accipiunt,

unt, ut se a nostra communione maxime illa die non iudicent separatos. Addit tamen ibidem: quod per Parochias fieri debere non puto, cum non longe portanda sint sacramenta. Totus contextus ostendit Parochias agrorum intelligi, quæ eo tempore κατ' ἐξοχήν Parochia dicebantur. Postquam enim canonibus conciliorum fuit prohibitum, Episcopos in agris, more antiquo, constituere, ecclesiæ rurales in Parochias mutatz sunt, quibus tantum præessent presbyteri, imo sicubi adhuc Chorepiscopi essent, illorum tamen conditio adeo deterior facta erat, ut vix a Presbyteris distinguerentur, sed quoque Episcopo ciuitatensi subessent. Atque inde orta distinctio inter Parochos ciuitatenses & rurales. Vid. concil. Agath. c. 22.

§. II. IX. Inde differentia mox nata inter ecclesiam principalem, cui præerat Episcopus cum reliquo clero, quæ & cathedralis dicta, & Parochialem, quæ & titulus dicebatur, cui quosdam ex Presbyterio suo Episcopus præficiebat, ex quo simul dependentia parochialium a Principali apparet.

§. IX. Maxime vero in ciuitatibus amplioribus hæ sunt erectæ, ut Romæ, Antiochiæ, Alexandriæ, Epiphan. hæres. 69. l. 1. & 68. n. 4. & ut Presbyteri eo rectius curam suam exercere possent, certa pars populi iis concredita & assignata est, quam pascerent,

rent, ex quo *limites parochiales* orti sunt, cum *Jure bannario*.

§. X. Et cum antea Presbyteri nec baptizare nec Eucharistiam dare, nec alia sacra peragere possent, nisi absente vel iubente Episcopo, introductis parochiis hæc munia eis in parochiis facta sunt ordinaria, ita tamen, ut quia ab Episcopo ecclesiis parochialibus præponerentur, 1) eius visitationi subiecti, & 2) regulariter ab eo constituendi essent, quia Episcopi potestatem habebant eligendi eos, qui in clerum allegi meruerant, Socrates *lib. I. H. E. c. 9.* Denique 3) nulla ecclesia parochialis exstrui posset sine ejus autoritate. Inde *lus Episcopi in Ecclesias parochiales*.

§. XI. Inde quoque ortum traxit, ut Episcopus cum Parochis Synodos ageret; ante enim quævis negotia ecclesiæ Episcopus expediebat cum Presbyterio, quod ipsi adhuc coniunctum erat: sed postquam ab eo quoad locum separati singulis ecclesiis præficerentur, colligi in Synodos cœperunt *v. Epiph. cir. I.*

§. XII. Quia vero ineunte Seculo IV. Episcoporum in agris constitutorum conditio in deteriorem statum proiecta erat, adeo ut Episcopis civitatensibus in totum subiicerentur, & simul vetaretur, ne in posterum in pagis Episcopi crearentur, ceperunt

runt ab hoc tempore parochiæ rurales extrui. Nam similiter his temporibus in agris nova templa erigebantur, quæ Presbyteris committebantur vid. Athan. in *apol. II.*

§. XIII. Ceterum plures fabulæ hic adferri solent, dum quidam volunt Euaristum sub Traiano fecisse ecclesiarum diuisionem; alii Anacleto hoc adscribere non dubitant, quidam Dionysio, quæ omnia in *I. Paroch. f. 2. c. 2. §. 52.* satis reiecta sunt.

§. XIV. Parochiis ita constitutis, varia orta sunt iura parochialia, tum circa limites, tum circa onera & commoda parochialia; sed & Episcopi ex redditibus & commodis parochialibus partem sibi vindicarunt, quod illi essent supremi pastores in quauis Ecclesia, & Presbyteri siue parochi ab iis dependerent, quæ omnia in *iure Parochiali* sigillatim exposita sunt.

CAP. IV.

DE ORIGINE SYNODORVM.

§. I.

CONCILIA sunt cætus cleri auctoritate publicæ ex variis locis collecti, ut de iis quæ circa fidem

& disciplinam ecclesiasticam oborta sunt controuersia, iudicent & discernant.

§. II. Horum originem communiter deducere solent ex *Act. XV.* in quo loco primum concilium, Hierosolymitanum scilicet, fundatum esse volunt, & ita ab instituto Apostolico originem repetendam esse contendunt, ex qua hypothesis Augustin. *ep. 19.* conuentum hunc vocat *concilium Hierosolymitanum.*

§. III. Quod si tamen circumstantias penitius intuemur, concilium hic nullum, sed ordinarius fidelium cœtus, seu eorum coitio, omnibus vniuersitatibus communis, deprehenditur. Compromiserant hi, qui in Antiochena ecclesia contenderant, de obseruantia legis Moisaicæ in sententiam ecclesiæ Hierosolymitanæ, & ita ex *compromisso* in illa ecclesia de hac questione agebatur, & decisum quoque aliis ecclesiis communicabatur, non per modum *imperii* sed *doctrina.*

§. IV. Post hæc tempora non raro Episcopi conuocarunt plebem suam, & cum illa de negotiis quibusdam deliberationes instituerunt, quas coitiones tamen *concilia* dicere non possumus, sicuti *concilium* dici nequit illa coitio, quam Apostoli *Act. I. & VI.* coegerunt, quamuis plures huc colliment vid. Hildebrand. *hystor. Concil. ad sec. I.*

Ita

Ita vero omnes coitiones ecclesiarum singularum, quæ sæpiissime fiebant, dicenda forent concilia, quæ tamen ex vniuersa plebe constabant, & cum conciliis seculi nullam convenientiam habent.

§. V. Aliunde ergo origo synodorum petenda est. Erat singulis ecclesiis sua disciplina, *mutua confederatione* constituta, uti Tertull. *Apol. c. 2.* loquitur, per quam facinorosos a se expellebant, & scandala præcauebant; sed id aliter fieri non potuit, quam præuia causæ cognitione, & figura quadam iudicii, ex quo paulatim introductum, ut singulæ ecclesiæ *figuram* quandam iudicii exercerent, illique Episcopi præficerent.

§. VI. Fiebant hæc iudicia ecclesiastica conventionalia in ipsa ecclesia, præsentē simulque cognoscente plebe, quod ex natura ipsius societatis ecclesiasticæ dependebat, quæ *collegii* rationem habebat, & ita quod totam ecclesiam respiciebat, ab omnibus approbari debebat, quod ipsum latius probavi *Diff. III. ad Plin. II.*

§. VII. Sicuti ergo a singulis ecclesiis ius hoc *mutua ex confederatione* exercebatur, ita si grauitas causæ id postulabat, ecclesiæ vicinæ & maxime in eadem prouincia collectæ idem ius quandoque *coniunctim* exercebant, congregatis in hunc finem ex vicinis

ecclesiis Episcopis aliisque ex clero & plebe, ad id ab ecclesiis singulis deputatis. Quod enim *singulis* ecclesiis permissum erat, id quoque *coniunctim* exercere non poterat, non iis integrum esse.

§. II. X. Atque inde seculo II. natæ sunt *Synodi provinciales*, quæ nihil aliud erant, quam *iudicia ecclesiastica*, & *pluribus ecclesiis coniunctim exercita*, & per delegatos a singulis ecclesiis explicata. Alia concilia adhuc incognita erant, quia ecclesiæ in una provincia collectæ arctiori vinculo conglutinatæ erant, & facilius convenire poterant.

§. IX. Sicuti vero in iudiciis singularum ecclesiarum Episcopi præsidebant, votumque primarium habebant, ita quoque hi potissimum Synodis intererant, de rebus controuersis votum dabant, nomine suæ ecclesiæ, & ut strictim dicam, quæ alias a *singulis* ecclesiis decerni poterant, illa etiam a *Synodis* decernebatur, & in illa provincia effectum suum habebant, ex *communi* illarum ecclesiarum *placito*.

§. X. Erant præterea omnes ecclesiæ inter se unitæ, & ita ratio unionis ecclesiasticæ postulabat, ut decreta conciliorum, aliis ecclesiis communicarentur, ut, quæ essent decreta, intelligerent, nec in eorum præiudicium quædam agerent, veluti, ne exclusum admitterent. Cyprian. ep. 59.

Hoc

Hoc rursus postulabant leges vnionis ecclesiasticæ, vt *decreta* vnius concilii prouincialis ab aliis ecclesiis haud turbarentur, maxime, quæ electionem reproborum respicerent.

§. XI. Sed ita factum est, ut quæ alias in singulis ecclesiis, præsentē & iudicante plebe, peragebantur & decidebantur, seculo III. vt plurimum ad synodos prouinciales tracta sint, quo ipso Episcopi omnem fere iudicandi facultatem ad se traxerunt, quia tandem ab illis Synodis exclusi sunt deputati ex plebe, vel saltem vix vmbra libertatis iis relicta est.

§. XII. Accessit maior his synodis auctoritas, postquam seculo IV. metropolitanī in prouinciis confirmati & constituti, eisq̃ celebrandorum conciliorum lus datum est. Inde postmodum ab his conciliis prouincialibus, quæ *iudicia prouincialia* erant, varii canones conditi, & scriptura mandati sunt, quod tribus prioribus seculis factum non erat.

§. XIII. Nam c. 5. *Concil. Nic.* constitutum, vt singulis annis bis per vnāquamque prouinciam synodi haberentur, ex quæstionibus dubias examinarent & deciderent. Idem confirmatum c. 20. *concil. Antioch.* vbi simul dispositum est, *pro dirimendis controuersis concilia hæc habenda esse,*

quo iudicia ecclesiastica hæc magis confirmata & in controuersis emergentibus adhibita sunt.

§. XIV. Iudicatorum in his conciliis summa erat autoritas, ut ab illis non daretur appellatio. In *Sardicensi Synodo* primum Episcopus Rom. prouocationem ad se fieri certo modo constitui curauit c. 3. quod decretum tamen non ubique admissum est. Quandoque etiam a concilio appellatum, est ad Cæsares, qui tamen rursus ut plurimum de nouo concilium conuocarunt, & ita facultatem iudicandi clero confirmarunt.

§. XV. Hac ratione per Synodos iudicia ecclesiastica exercendi semel introducta, & per Secul. II. & III. continuata, facilis aditus factus fuit, Seculo IV. ad *concilium generale* proueniendi, ibique *iudicium generale omnium Ecclesiarum* peragendi, postquam Imperatores Christo nomen dederant. Huius auctoritas, ipso suffragante Constantino, mirifice stabilita est, postquam edixit, *illud quod placuit Episcopis, nihil aliud existimandum esse, quam Dei sententiam, præsertim cum in tantorum virorum mentibus insidens Spiritus S. diuinam voluntatem aperuerit.* Socrates lib. I. c. 9. Idem in alia epistola apud Socratem cit. l. eandem sententiam repetiit, scribens: *quicquid in sanctis Episcoporum conciliis geritur, id omne*

omne ad diuinam referendum est voluntatem.
Sed euentus sæpe contrarium docuit.

§. XVI. Imo hæc *Synodalia iudicia* eo maiorem obtinuerunt autoritatem, postquam etiam per leges ciuiles confirmarentur, & pro iudiciis sanctis haberentur, vti vocantur in *L. 6. C. de SS. eccl.* Sic enim in *L. 23. C. Theod. de Episc.* pro auctoritate Synodorum hoc statutum est : *Qui mos est causarum ciuilium, iidem in negotiis ecclesiasticis obtinendi sunt, ut si qua sunt ex quibusdam dissensionibus leuibusque delictis ad religionis obseruantiam pertinentia, locis suis & a suæ diœceseos synodis audiantur.* Sed si Cæsares iurisdictionem suam illibatam conseruare voluissent, hæc iudicia ecclesiastica vel intra limites coercere, vel plane abrogare debuissent, cum clero, quatali, iurisdictione nulla competat. Quia vero hic mos per duo secula iam confirmatus erat, facile animaduertebant Cæsares, hæc iudicia ecclesiastica vno impetu aboleri non posse. Inde directionem tantum eorum sibi reseruarunt, donec etiam Papa hanc ad se traxerit.

CAP. V.

De

ORIGINE PRESBYTERO-
RVM ET DIACO-
NORVM.

§. I.

PRESBYTERI sunt ministri ecclesie, ad id con-
stituti, ut ecclesiastica negotia dirigant, & toti
ecclesie presint, quo omnia ordine & decenter fi-
ant.

§. II. Tales quoque fuisse in Iudæorum
terra docet Selden. de Synedr. & Vitringa
de Synag. vet. qui creabantur per manus im-
positionem, simulque Synedrio intererant, &
de causis maioribus iudicabant, secuti etiam in
Synagogis magna eorum autoritas fuit.

§. III. Neque tamen sacerdotes & Levitæ
erant, sed ab his distinguebantur, seniores ple-
bis vocati, quia diuersum ab his officium ha-
bebant v. Luc. XXII. 66. Act. V. 21. IV. 8. Bre-
viter : erant de plebe homines ac laici, ut ait
Burmannus disp. VI. de Synag. §. 6. sed erimen-
tiores & sapientiores in plebe.

§. IV. Quemadmodum vero pleraque
instituta a synagogis Iudaicis in ecclesiam
translata sunt, vñ Vitringa de Synag. vet. &
Sel-

Seldenus *de Synedr.* ostendunt, & ipsa origo ecclesiarum christianarum docet, ita quoque quin Presbyterorum officium ex Iudaicis institutis profluxerit, dubitari nequit. Inde Lucas, cum *Act. XI, 30.* eorum primam vice *disertis verbis* meminit, non adeo officium eorum designat, quod nemini non nomen illud, & ipsum officium, notissimum esset.

§. V. Occasio constituendi presbyteros narratur *Act. VI.*, vbi quidem communiter *Diaconorum* electionem referri censent, sed absque omni fundamento, quia omnis antiquitas ecclesiastica plane negat, Diaconos tali ministerio quod *Act. XVII.* refertur, praeuisse, quamvis iussu Episcoporum, & non aliter, postea quoque distribuendis in pauperes pecuniis quandoque vacarent.

§. VI. Presbyteros vero ab Ecclesia Hierosolymitana *loc. cit.* electos fuisse, constat (I) *ex qualitatibus ab Apostolis recensitis*, quas Iudæi potissimum in presbyteris suis requisierunt. *Num. XI, 16. 17.* Cum enim Presbyteri eminentiores in plebe, & sapientiores esse debebant, singulares quoque qualitates in iis requirebantur. Constituebat ecclesia adhuc eo tempore, cum eligebantur Presbyteri, vniuersitatem quandam *civilem*, quia a Iudaicis sacris haud recesserat, in-

terim insigni multitudine constabat, cui omnino Presbyteri præficiendi erant, uti in omni alia vniuersitate moris esse solet.

§. VII. Deinde (II) etiam eodem modo ab Apostolis per *manus impositionem* sunt ordinati, quemadmodum Presbyteri apud Iudæos manuum impositione ordinabantur, unde satis probabile est, hos septem viros Presbyteros fuisse, quemadmodum etiam post hæc tempora eorum demum fit mentio. *Act. XI. 30.*

§. II. Præterea (III) Presbyterorum proprium munus constituisse in *cura pauperum, viduarum & orphanorum*, & in dispensandis in eos pecuniis ab ecclesia collatis, patet ex *Act. XI, 29, 30. XII, 25.* quod & Polycarpus in *ep. ad Philipp.* Iustinus Martyr. *Apol. II. in f.* & Chrysostomus *Homil. in Matth. 86. in fine*, aliique plures attestantur.

§. IX. Denique (IV) inter Iudæos Presbyteris cura pauperum demandata erat, uti docet Vitringa *de Synag. Vet. lib. III. P. I. c. 13.* ad quorum imaginem Presbyteri ecclesiarum Christianarum constituti sunt. Nam sicuti apud Iudæos Presbyterorum munus proprie non erat *sacerdotale* seu mere ecclesiasticum, ita nec ab initio apud fideles Hierosolymitanos, quippe qui sacris Iudæis

eis nondum renunciauerant, mere sacrum munus obrinuisse videntur.

§. X. Post hæc tempora in aliis quoque ecclesiis ab Apostolis Presbyteri sunt constituti *Act. XIV, 23.* maxime tunc, vbi a synagogis iudaicis se separare christiani & separatos formare cœtus coacti sunt, qui idem officium sustinuerunt, quod hi, qui in ecclesia Hierosolymitana ordinati erant.

§. XI. Ante horum constitutionem non deerant doctores in ecclesiis *Act. II, 4. XI, 19. 26. XIII, 1.* Ipsi Apostoli munus docendi sibi reseruabant Hierosolymis *Act. VI, 3.* nec Presbyteros ad *docendum* constituebant, quamuis libertas docendi iis interdicta haud esset. Nam constitutis iam Presbyteris facultas docendi adhuc libera erat, *1 Cor. XIV, 31. seqq.* adeoque nec in aliis ecclesiis Presbyteri ad docendum primario constituebantur, sed passim a Doctoribus distinguebantur. *1 Cor. XII, 28.*

§. XII. Hoc ipsum eleganter confirmatur testimonio Hilarii in *comment. ad Eph. IV.* & Eusebii *lib. IV. H. E. c. 19.* vnde constat etiam laicos in ecclesiis docuisse, quamuis pro *libertate communi* etiam Presbyteri docere potuerint, quod fusius explicauimus *Diss. VI. ad Plin. II. §. 30.*

§. XIII. Paulus quoque *1 Tim. V, 17.* hoc satis declarat & ostendit, munus presbyterorum

rorum non primario in *docendo*, sed in eo constituisse, ut bene ecclesiis præessent, h. e. ut 1) curam pauperum fidelium haberent, pro quorum sustentatione tantopere laborabant Apostoli, 2) dirigerent negotia ecclesiæ, 3) in vitam & mores singulorum inspicerent; & hoc *Act. XX, 28.* dicitur: *pascere ecclesiam Dei & intendere toti gregi.*

§. XIV. Inde factum est, ut quidam presbyteri docerent, quidam non docerent, sed præessent ecclesiæ, & officio iam indigitato vacarent. Proinde quoque *Senatus* vel *ordo ecclesiasticus* dici cæpit, quod per eum res ecclesiasticæ expedirentur.

§. XV. Neque tamen eo ipso sibi arrogarunt *sacerdotalem auctoritatem*, quemadmodum apud Iudæos quoque sacerdotes a presbyteris distinguebantur. Illi templo & sacrificiis præerant, hi vero synagogis, & *Primarii* seu *Principes in plebe* dicebantur. Illis suprema potestas in sacra competeat, non his.

§. XVI. Sed post excessum sæculi II. Episcopi & Presbyteri *Sacerdotium* quoddam affectarunt, & sibi inde eandem potestatem, quæ olim Sacerdotibus Iudaicis data erat, arrogarunt, ex quo tandem *regiam* illam *sacerdotii potestatem* propriam sibi fecerunt, quod infra *Cap. XIII.* plenius excutendum est.

§. XVII.

§. XVII. Et ab hoc tempore quoque audita est demum distinctio inter clericos & laicos, cum prædicatum cleri proprie sacerdotibus & Leuitis debeatur, utpote de quibus Deus in V. T. dixerat, se eorum *clerum* seu *hereditatem* fore, & sicuti sacerdotes plebi opponerentur, ita quoque ceteri fideles in ecclesia plebs & laici dicti sunt.

§. XIX. Interim non diffitetur Tertull. de exhort. ad castit. c. 7. discrimen hoc auctoritate ecclesie seu ex eius decreto constitutum esse, quod proinde non iuris diuini, sed humani est, & satis accurate cum iis quadrat, quæ hæcenus de origine presbyterorum dicta sunt, nec inde ministerii sacri necessitas infringitur, uti Diff. VI. ad Plinium II. & Tertull. §. 28. seqq. ostensum est.

CAP. VI.

De

ORIGINE EPISCOPORVM, ARCHI-EPISCOPORVM ET PRIMATVM.

§. I.

AVo apostolico tantum duo ecclesiastica munera ordinaria cognita erant.

Presby-

Presbyterorum, qui & *Episcopi* dicebantur, & *Diaconorum Phil. I. 1.* & ita separatus *Episcoporum* gradus defuit.

§. II. Et quidem *Presbyteros* cum *Episcopis* vnum idemque munus obiiſſe, nullamque inter eos differentiam fuiſſe, patet ex *Act. XX. 17. 28. Act. XI. 30. XII. 25. XV. 2. 4. 6. 22. 23. Tit. I. 5. 7. Phil. I. 1.* ſic etiam *Petrus* hoc ignorat diſcrimen, qui vnum idemque omnibus *Presbyteris* mandat officium, *1 Petr. V. 1. 2.* ſimiliter & *Paulus 1 Tim. III. 1. 2. ſeqq.* tantum *Episcoporum* mentionem facit, quia *Presbyterorum* primarium munus in inſpectione conſiſtebat.

§. III. Liquidiffime id ipſum quoque docet *Clemens in epiſt. ad Corinth.* & *Hieronymus*, pro cuius ſententia apologiam conſcripſit *Blondellus*, quorſum etiam collimat *Walo Meſſalinus* ſiue *Salmaſius de Episcopis & Presbyteris*. Grauius a via aberrat *Theodoretus*, qui in *1 Tim. III.* ita philoſophatur: *Eodem olim vocabant Presbyteros & Episcopos; eds autem qui nunc vocantur Episcopi Apostolos nominabant. Procedente autem tempore Apostolatus nomen reliquerunt iis, qui vere erant Apostoli, Episcopatus autem appellationem imposuerunt iis, qui olim appellabantur Apostoli.* Nullibi ſane legitur, *Apostolos* certæ ſedi fuiſſe afſixos, quod *Episcopis* tamen impoſitum eſt, & *Theodoretus* hæret in erroneo illo principi-

cipio, quod Episcopi successores Apostolorum fuerint.

§. IV. Interim ex more Iudæorum omnes Presbyteri in quavis ecclesia *Synedrium* seu *confessum* quendam faciebant, vti Tertull. c. 7. *de exhort. ad castit.* notat, quo in confessorio ordinis postulabat, ut unus ex confidentibus sedem primam teneret, quæ per se ordinarie aliquam honoris prærogatiuam adferre solet.

§. V. Interim non constat ante Apostolorum excessum aliquam singularem primæ sedis fuisse in ecclesia auctoritatem, quinimo eundem ordinem sedendi Presbyteros ab initio tenuisse, probari nequit. Cum in ecclesia Corinth. contra Presbyteros essent seditiones ortæ, Clemens eo nomine ad eos scripsit, vni *Presbyterii* totius auctoritatem, non vero *primæ sedis* vindicans, quod tamen necesse fuisset, si prima sedes eam habuisset auctoritatem, quam postea adeptæ est.

§. VI. Prorupit tamen iam sub excessum Apostolorum studium *primæ sedis*. Johannes in *epist. III.* hoc docet de Diotrefhe, quod *primæ sedis* desiderio flagret, & quia apostoli tale desiderium reprobabant, a communione eorum sese separauerat, & primum schisma fecerat.

§. VII. Apostolis iam extinctis, variis occasionibus *primæ sedis* auctoritas maior conciliata est. Nam quia in confesso ordinis ecclesiastici *prima sedes* per se honoris prærogatiuam inuoluit, inde etiam eam sedem tenentes maiorem curam pro communi salute ecclesiæ susceperunt, negotia grauiora præ reliquis direxerunt, & inde auctoritas huius sedis mirifice creuit.

§. IIX. Deinde proruperunt etiam eo tempore hæreses variæ, ad quas refutandas provocarunt ad doctrinas ecclesiarum apostolicarum, quas illæ per *successiones Presbyterorum* ab Apostolis illibatas conseruassent. Inde necessium fuit, successiones ab Apostolis adornare, quas non rectius se formare posse credebant, quam si primæ sedis Presbyteros tantum ab Apostolis referrent, uti Irenæus *lib. III. adv. hæres. c. 3.* & post eum alii fecerunt. Ab hoc tempore primæ sedis Presbyteris insignis eo ipso adscripta est auctoritas, utpote qui tantum in *censu ecclesiastico* numerabantur.

§. IX. Sicuti vero hi primæ sedis Presbyteri post excessum Apostolorum communem curam pro omnibus ecclesiis sibi vindicabant, & hoc intuitu forsan *Apostolorum successores* dicti & habiti fuerunt; ita quoque conueniens erat, ut principaliter quoque suæ ecclesiæ inuigilarent, quo ipso factum est,

est, ut ipsi in confesso ordinis ecclesiastici omnia dirigerent, & plura negotia primario iis attribuerentur, quæ tamen ab vniuerso confesso erant expedita. Euseb. lib. V. c. 24.

§. X. Denique accesserunt etiam in confesso Presbyterorum schismata & æmulationes, ad quæ mala sedanda auctoritate quadam opus fuit. Hanc autem primario sibi vindicabat primæ sedis Presbyter, & quidem suo iure, postquam ex variis causis iam hæc ipsi tributa erat. Hieronym. in epist. ad Tit. & ep. 85. ad Euagrium.

§. XI. Erat ergo, qui primam sedem tenebat, a reliquis in eodem confesso constitutis in eo distinctus, quod primus presbyter esset, uti Hilarius in 1-Tim. III. ait, nomen autem tunc demum a reliquis diuersum accepisse videtur, quo electio primi Presbyteri inualuit, de qua ante annum 130. non constat. Ante enim primam sedem occupabat, quem ordo in confesso tangebatur, uti Hilar. cit. l. ait, & ita ab hoc tempore Episcopi κατ' ἐξοχήν dicti sunt, utut reliqui Presbyteri etiam hoc nomine, sed parcius, gauderent, & ipsi quoque Episcopi *compresbyteri* dicerentur. Euseb. lib. VII. H. E. c. 5.

§. XII. Ceterum omnes Episcopi inter se adhuc æquales erant, & nemo alteri suberat.

erat. Pugnat adhuc pro æqualitate Episcoporum omnimoda Cyprianus *de vnione ecclesie* & passim. Eandem defendit Irenæus *lib. V. apud Euseb. c. 24.*

§. XIII. Sed iam seculo II. quibusdam ecclesiis singularis auctoritas tribui cepit, & quidem imprimis *apostolicis*, occasione disputationum contra hæreticos, Irenæus *lib. III. c. 3.* & quamuis inde Episcopi harum ecclesiarum nullam in reliquas potestatem consequerentur, auctoritatem tamen suam pedetentim in tantum auxerunt, vt Episcopi illarum prærogatiuam potestatis præ reliquis sibi vindicarent.

§. XIV. Victor, Episcopus vrbis Romæ, primus imperium quoddam sibi arrogauit circa finem seculi II. Afferuerat iam Irenæus *lib. III. c. 4.* illam esse *principaliorem ecclesiam*, adeoque omnes reliquas ecclesias cum ea conuenire debere. Inde Victor, tam audax factus, vt ecclesias Asiæ minoris a sua communione separaret, quod a pristino more celebrandi pascha recedere nollent, quod tamen alii Episcopi reprobarunt Euseb. *lib. V. c. 24.*

§. XV. Accessit quoque prærogatiuæ Episcoporum quorundam splendor & celebritas vrbis; qui enim in quadam Metropoli ecclesie præsidebant, fama quoque & celebritate ceteris præstabant, & inde paulatim
factum

factum est, ut eius loci Episcopus aliis præferretur, postquam enim ecclesiasticæ provinciæ secundum schema politicum, sunt constitutæ, etiam ecclesiis in metropoli exstructis maior accessit auctoritas.

§. XVI. Inde plerumque in metropoli Synodi provinciales habebantur sub directione Episcopi illius loci, ille dirigebat, ordinationes Episcoporum electorum, & curam totius provinciæ ecclesiasticæ suscipiebat. Imo & Episcopos suæ provinciæ deponebat, uti constat de Melitio Ægypti Episcopo, a Petro Alexandria Episcopo deposito. Socrates *lib. I. c. 6.*

§. XVII. Hoc intuitu Episcopus Carthagenensis in Africa, in Ægypto Alexandrinus, in Oriente Antiochenus, & in Italia & suburbicariis provinciis Romanus præminabant, cum iam seculo III. singulari auctoritate inter omnes eminent. Euseb. *lib. VI. c. 44.* His etiam iura sua sunt confirmata, *cap. VI. Concil. Nicen.* qui inde metropolitani, Archi-Episcopi & Primates, imo tandem Patriarchæ dicti.

§. XIX. Sed præterea etiam in reliquis provinciis Metropolitano Episcopo data, est potestas *c. IV. Concil. Nicen.* confirmandi omnia quæ in provincia gesta sunt, a quo tempore in singulis provinciis Metropolitani maiorem auctoritatem exercere & potesta-

potestatem quandam in ceteros Episcopos acceperunt.

§. XIX. Quia vero Antiocheno, Alexandrino & Romano latior consuetudine ecclesiastica obtigerat prouincia, in qua iura sua Metropolitana exercerent, hi quoque, inter ceteros Metropolitanos prærogatiuam acceperunt, non *potestatis* sed *dignitatis*.

§. XX. Et cum prouinciis pluribus præessent, quæ tamen unam ab initio constituerunt prouinciam ecclesiasticam, ex post facto contigit, vt Metropolitanis illis subessent. Ita enim in conciliis cautum erat, vt Episcopi metropoleon metropolitani essent, & ita, quia hi plures prouincias sub se haberent, tandem quoque in singulis Metropolitanis constituti sunt, qui tribus illis primariis subessent.

§. XXI. Hoc modo hi res a ceteris Metropolitanis distincti sunt, utpote cum reliqui tantum *Episcopus* sub se haberent, hi vero *Metropolitanos*, & inde *Exarchi*, *Primates*, & *Patriarcha* dicti sunt.

§. XXII. Accessit his tribus *Constantinopolitanus* ex celebritate vrbs, quæ *noua Roma* dicebatur, & ita eundem honorem & potestatem sibi Episcopus illius vrbs vindicabat, quam Romanus habebat, suffragantibus etiam Constantinopolitano & Chalcedonensi conciliis, & Imperatorum constitu-

tutionibus v. l. 6. C. de SS. ecclef. l. vn. C. Theod. de Iure Ital. Specialiora de singulis tradit fufius Petrus de Marca de primatibus.

CAP. VII.

De

PONTIFICE ROMANO.

§. I.

Quemadmodum singulis ecclesijs præerat Episcopus cum reliquo clero, ita quoque Romana ecclesia suum habuit Episcopum, cuius potestas tamen ab initio non egrediebatur limites illius ecclesiæ. Inde etiam est quod a scriptoribus ecclesiasticis vocetur *urbis Roma Episcopus*, non *Pontifex maximus* vel *Papa*. Euseb. lib. V. c. 24. VII. 7. Socrates lib. V. c. 22.

§. II. Imo cum circa initia seculi III. Episcopus Romanus contra Montanistas decerneret, mœchis pœnitentibus veniam esse dandam, quod negabant Montanistæ, Tertullianus, horum adsecla, in *tr. de pudicit.* c. 1. inuehitur in eum, & ironice vocat *Pontificem Maximum* seu *Episcopum Episcoporum*, quasi talem eo ipso potestatem sibi arrogaret, quæ minime ipsi compere-

X 2

ret,

ret, in effectu ergo negauit, eum talem esse.

§. III. Quia vero ecclesia Romana tam ex loci celebritate, quam ex apostolica institutione singularem celebritatem habebat, adeo ut iam seculo II. Irenæus *lib. III. c. 3.* non veritus sit adserere, propter *potentiorē principatē*, ad hanc omnem conuenire debere ecclesiam, inde Episcopi Romani auctoritas mirum in modum creuit, & cum reliquæ ecclesiæ illam agnoscerent, hoc ipsum in suos vsus trahere non dubitauit.

§. IV. Victor circa finem seculi II. ex hac auctoritate ius quoddam in alias ecclesias sibi vindicauit, mota controuersia de tempore celebrandi Pascha. Postquam enim in plerisque synodis prouincialibus a Iudæorum moribus, quos Asia minoris ecclesiæ conseruauerant, discessum est, *dictatoriā* quadam *poteestate* illis iniunxit, ut se componerent ad aliarum ecclesiarum mores, id quod cum iure suo recusarent, non dubitauit, communioni earum renunciare.

§. V. Similem audaciam adhibuit Stephanus seculo III. in excommunicando Cypriano Episcopo Carthaginensi, qui tamen eiusdem cum Romano auctoritatis erat, cum de rebaptizandis hereticis quaestio mota esset, de cuius factu Papali grauiter in suis

fuīs epistolis conqueritur Cyprianus.

§. VI. Seculo IV. iam Principatus incesserat animos Episcoporum teste Euseb. *lib. 8. c. 1. & 2.* inde non mirandum, quod in Concilio Nicæno de *proedria & maiestate* concertauerint. Atque in hoc Concil. *c. 6.* quoque Romano Episcopo singularis quædam prærogatiua cum Antiocheno & Alexandrino tributa est.

§. VII. Et sicuti iam antea seculo III. illa opinio peruulgata erat, Episcopos Romanos Petri & Pauli successores esse, ita postea Pontifices hoc etiam in usus suos traxerunt, & sibi applicarunt, indeque pederentim Principatum quendam singularem affectarunt.

§. VIII. Iulius circa medium seculi IV. nouum ius sibi arrogauit. Cum enim Orientales Episcopi quosdam deposuissent, grauitèr admodum hoc tulit, ideo quod se inconsulto hoc esset factum, prætendens nullum Episcopum eminentiorem deponi posse, sine suo consensu, quod ius tamen plane nouum erat.

§. IX. Dixi *nouum ius* esse introductum. Equidem Socrates *lib. 2. c. 8.* ait, *canonem ecclesiasticum* iubere, ne absque sententia Episcopi Romani decreta ecclesiis fanciantur. Verum ipse tantum explicat Iulii epistolam, in qua ipse prouocat ad con-

fuetudines ecclesiasticas, quas Socrates *canonem* vocat, vti docet Stephanus Baluzius *ad Petrum de Marca lib. V. c. 12.* Talis consuetudo vero ficta erat, vti docui in *obseruat. ad Marc. cit. l. p. 127.*

§. X. Accesserant relationes frequentes, quæ de causis dubiis ab aliis ecclesiis ad Episcopum Romanum factæ sunt. Quia enim callentissimus consuetudinum ecclesiasticarum censebatur, & auctoritate pollebat eximia, potissimum ab eo consilia petebantur. Non potuerunt non hoc ipsum Episcopi Romani in vsus suos trahere, & inde supremam potestatem sibi attribuire, contendentes omnes ecclesias occidentales a Romana tanquam *matre* esse constitutas, & *filialium* loco censerî, vti philosophatur Innocentius I. *epist. I. c. 1.* Conf. eundem in *Epistola ad Nucerianum Episc.* Et quia in Diœcesibus occidentalibus, prout *cap. II. §. 16.* dixi, tantum essent *Metropolitani* prouinciarum Episcopi, non *primates* Diœceseon, omnem lapidem mouit, vt primatum per omnes Diœceses occidentis sibi assereret, quemadmodum in Oriente *exarchi* Diœcesani erant.

§. XI. Hoc fine vt potiretur ante omnia auctoritatem Synodorum prouincialium, quæ hætenus summam auctoritatem in singulis prouinciis habuerant, conuellen-

dam

dam & euertendam censuit, contra Concilii Nicæni statuta. Id potissimum ausus est in Concilio Sardicensi, occasione Athanasii depositi congregato. P. de Marca *de C. S. & I. p. 998.* quod eo facilius efficere potuit, postquam Orientales, diuortio in ea Synodo ab occidentalibus facto, discessissent. Constitutum ibidem est, ut condemnatus in aliquo concilio prouinciali, posset confugere ad Episcopum Romanum, ut hic iudicaret, an concilium esset renouandum.

§. XII. Licet vero inde nulla *proprie dicta appellatio* ad sedem apostolicam euinci possit, nec Sardicensis Concilii auctoritas mox recepta sit, uti docet Marca *lib. VI. c. 4. seqq.* inde tamen postea ansam arripuerunt Episcopi Romani, appellationes ad se factas recipiendi, & se tanquam *supremos Iudices* in causis ecclesiasticis constituendi.

§. XIII. Quin etiam cum plerumque, quæ in conciliis prouincialibus essent acta, *honoris causa* ad Episcopum Romanum referrentur, inde rursus ansam cepit, hoc suo iure exigendi, uti constat ex *ep. 2. Innoc. I. ad Vitric. Epist. Rhotomag. Mornæus in myster. iniquit. p. 51.*

§. XIV. Promouit hosce conatus Papales promiscuus recursus ad Episcopum Roma-

num, eorum maxime, qui condemnati erant. Non poterant non hi fauentem sibi promittere Iudicem, postquam tali recurſu plurimum ad Pontificis poteſtatem confe- rebant. Refero huc exemplum Flauiani Episcopi Conſtantinopolitani, qui poſtquam deſiſtus eſſet in Concilio Ephefino II. a Dioſcoro, quem reſuſauerat, dedit legatis Episcopi Romani Leonis *libellum ap- pellationis*, vti docet epiſtola Valentiniani ad Theodoſium apud Marcam *d. C. S. & I. lib. VII. c. 7. p. 1022.* Leo, vt appellandi ius tueretur, prouocauit ad canones concilii Sardicenſis, eosque *Nicanos* falſo vocauit creduloſque decepit. Tali tamen appellatione nihil aliud adhuc intendebatur, quam vt in concilio nouo reſ retractaretur, prouidente & rem dirigente Episcopo Romano, cuius ambitio eo tempore adhuc intra hos limites ſuſſiſtere debuit. Conf. Dupin *in tr. de diſciplina eccleſ. p. 223.*

§. XV. Similis appellationis exemplum eſt in cauſa Theodreti Episcopi Cyri, damna- ti in Concilio I. Ephefino. Cum vero in Concilio II. Ephefino ruruſ ſine cauſæ cognitione eiiceretur, appellauit Papam Leonem, qui ſine vlla hæſitatione eum in ſuam communionem recepit, imo in ſedem ſuam reſtituit, quamuis hæc cauſa de nouo iudicari debuit in Concilio Chalcedonenſi, non

non in curia Romana. Dupin *cit. l. p. 225. sequ.*

§. XVI. Plures præterea alii orientales, Episcopi appellarunt Episcopum Romanum, quorum exempla postea alii sunt secuti, sed non semper sine contradictione, quod indicium præbet, Episcopum Romanum se supremum Iudicem constituisse, cæterorum Episcoporum, non iure quodam Ecclesiastico, sed magis vi, clam vel precario.

§. XVII. Apparuit hoc maxime circa annum 418. Damnați quidam erant Episcopi in Conciliis Africanis, qui appellauebant Episcopum Romanum. Africani appellationem hanc canonibus esse aduersam aiebant. Misit ergo Zosimus Faustinum, legatum ad Concilia Africana, pro legitima appellatione. Prouocarunt hi ad *Canones Nicenos*, & pro his substituerunt *Sardicenses*. De hoc cum Africani dubitarent, ad Episcopos Alexandrinum & Constantinopolitanum pro authenticis exemplaribus inspiciendis mittendos esse legatos decreverunt. His redeuntibus, apparuit Sardicenses pro Nicenis substitutos fuisse. Inde Africani appellationes constanter post aliquot tempora adhuc respuebant, Episcopo Romano in contrarium hoc ius strenue vindicante & asserente.

X 5

§. XIX.

Presbyterorum, qui & *Episcopi* dicebantur, & *Diaconorum Phil. I. 1.* & ita separatus *Episcoporum* gradus defuit.

§. II. Et quidem *Presbyteros* cum *Episcopis* vnum idemque munus obiiſſe, nullamque inter eos differentiam fuiſſe, patet ex *Act. XX. 17. 28. Act. XI. 30. XII. 25. XV. 2. 4. 6. 22. 23. Tit. I. 5. 7. Phil. I. 1.* ſic etiam *Petrus* hoc ignorat diſcrimen, qui vnum idemque omnibus *Presbyteris* mandat officium, *1 Petr. V. 1. 2.* ſimiliter & *Paulus 1 Tim. III. 1. 2. ſeqq.* tantum *Episcoporum* mentionem facit, quia *Presbyterorum* primarium munus in inſpectione conſiſtebat.

§. III. Liquidiffime idipſum quoque docet *Clemens in epiſt. ad Corinth. b.* & *Hieronymus*, pro cuius ſententia apologiam conſcripſit *Blondellus*, quorſum etiam collimat *Walo Meſſalinus* ſive *Salmaſius de Episcopis & Presbyteris*. Grauius a via aberrat *Theodoretus*, qui in *1 Tim. III.* ita philoſophatur: *Eodem olim vocabant Presbyteros & Episcopos; eds autem qui nunc vocantur Episcopi Apostolos nominabant. Procedente autem tempore Apostolatus nomen reliquerunt iis, qui vere erant Apostoli, Episcopatus autem appellationem impoſuerunt iis, qui olim appellabantur Apostoli.* Nullibi ſane legitur, *Apoſtolos* certæ ſedi fuiſſe afſixos, quod *Episcopis* tamen impoſitum eſt, & *Theodoretus* hæret in erroneo illo principi-

cipio, quod Episcopi successores Apostolorum fuerint.

§. IV. Interim ex more Iudzorum omnes Presbyteri in quavis ecclesia *Synedrium* seu *confessum* quendam faciebant, vti Tertull. c. 7. *de exhort. ad castit.* notat, quo in confessu ratio ordinis postulabat, vt vnus ex confidentibus sedem primam teneret, quæ per se ordinarie aliquam honoris prærogatiuam adferre solet.

§. V. Interim non constat ante Apostolorum excessum aliquam singularem primæ sedis fuisse in ecclesia auctoritatem, quinimo eundem ordinem sedendi Presbyteros ab initio tenuisse, probari nequit. Cum in ecclesia Corinth. contra Presbyteros essent seditiones ortæ, Clemens eo nomine ad eos scripsit, vnice *Presbyterii* totius auctoritatem, non vero *prima sedis* vindicans, quod tamen necesse fuisset, si prima sedes eam habuisset auctoritatem, quam postea adepta est.

§. VI. Prorupit tamen iam sub excessum Apostolorum studium *prima sedis*. Johannes in *epist. III.* hoc docet de Diotrefhe, quod *prima sedis* desiderio flagret, & quia apostoli tale desiderium reprobabant, a communione eorum sese separauerat, & primum schisma fecerat.

§. VII.

§. VII. Apostolis iam extinctis, variis occasionibus *primæ sedis* auctoritas maior conciliata est. Nam quia in confessu ordinis ecclesiastici *prima sedes* per se honoris prerogatiuam inuoluit, inde etiam eam sedem tenentes maiorem curam pro communi salute ecclesiæ susceperunt, negotia grauiora præ reliquis direxerunt, & inde auctoritas huius sedis mirifice creuit.

§. IIX. Deinde proruperunt etiam eo tempore hæreses varix, ad quas refutandas provocarunt ad doctrinas ecclesiarum apostolicarum, quas illæ per *successiones Presbyterorum* ab Apostolis illibatas conseruassent. Inde necessum fuit, successiones ab Apostolis adornare, quas non rectius se formare posse credebant, quam si primæ sedis Presbyteros tantum ab Apostolis referrent, uti Irenæus *lib. III. adv. hæres. c. 3.* & post eum alii fecerunt. Ab hoc tempore primæ sedis Presbyteris insignis eo ipso adscripta est auctoritas, utpote qui tantum in *censu ecclesiastico* numerabantur.

§. IX. Sicuti vero hi primæ sedis Presbyteri post excessum Apostolorum communem curam pro omnibus ecclesiis sibi vindicabant, & hoc intuitu forsan *Apostolorum successores* dicti & habiti fuerunt; ita quoque conueniens erat, ut principaliter quoque suæ ecclesiæ inuigilarent, quo ipso factum est,

est, ut ipsi in confesso ordinis ecclesiastici omnia dirigerent, & plura negotia primario iis attribuerentur, quæ tamen ab vniuerso confesso erant expedita. Euseb. *lib. V. c. 24.*

§. X. Denique accesserunt etiam in confesso Presbyterorum schismata & æmulationes, ad quæ mala sedanda auctoritate quadam opus fuit. Hanc autem primario sibi vindicabat primæ sedis Presbyter, & quidem suo iure, postquam ex variis causis iam hæc ipsi tributa erat. Hieronym. *in epist. ad Tit. & ep. 85. ad Euagrium.*

§. XI. Erat ergo, qui primam sedem tenebat, a reliquis in eodem confesso constitutis in eo distinctus, quod primus presbyter esset, uti Hilarius in *1 Tim. III.* ait, nomen autem tunc demum a reliquis diuersum accepisse videtur, quo *electio primi Presbyteri* inualuit, de qua ante annum 130. non constat. Ante enim primam sedem occupabat, quem ordo in confesso tangebatur, uti Hilar. *cit. l.* ait, & ita ab hoc tempore *Episcopi κατ' ἐξοχήν* dicti sunt, utut reliqui Presbyteri etiam hoc nomine, sed parcius, gauderent, & ipsi quoque Episcopi *com-presbyteri* dicerentur. Euseb. *lib. VII. H. E. c. 5.*

§. XII. Ceterum omnes Episcopi inter se adhuc æquales erant, & nemo alteri suberat.

erat. Pugnat adhuc pro æqualitate Episcoporum omnimoda Cyprianus *de vnione ecclesie* & passim. Eandem defendit Irenæus *lib. V. apud Euseb. c. 24.*

§. XIII. Sed iam seculo II. quibusdam ecclesiis singularis auctoritas tribui cepit, & quidem imprimis *apostolicis*, occasione disputationum contra hæreticos, Irenæus *lib. III. c. 3.* & quamuis inde Episcopi harum ecclesiarum nullam in reliquas potestatem consequerentur, auctoritatem tamen suam pedetentim in tantum auxerunt, vt Episcopi illarum prærogatiuam potestatis præ reliquis sibi vindicarent.

§. XIV. Victor, Episcopus vrbis Romæ, primus imperium quoddam sibi arrogauit circa finem seculi II. Afferuerat iam Irenæus *lib. III. c. 4.* illam esse *principaliorem ecclesiam*, adeoque omnes reliquas ecclesias cum ea conuenire debere. Inde Victor, tam audax factus, vt ecclesias Asiæ minoris a sua communione separaret, quod a pristino more celebrandi pascha recedere nollent, quod tamen alii Episcopi reprobarunt *Euseb. lib. V. c. 24.*

§. XV. Accessit quoque prærogatiuæ Episcoporum quorundam splendor & celebritas vrbis; qui enim in quadam Metropoli ecclesie præsidebant, fama quoque & celebritate ceteris præstabant, & inde paulatim
factum

factum est, vt eius loci Episcopus aliis præferretur, postquam enim ecclesiasticæ prouinciæ secundum schema politicum, sunt constitutæ, etiam ecclesiis in metropoli exstructis maior accessit auctoritas.

§. XVI. Inde plerumque in metropoli Synodi prouinciales habebantur sub directione Episcopi illius loci, ille dirigebat, ordinationes Episcoporum electorum, & curam totius prouinciæ ecclesiasticæ suscipiebat. Imo & Episcopos suæ prouinciæ deponebat, vti constat de Melitio Ægypti Episcopo, a Petro Alexandria Episcopo deposito. Socrates *lib. I. c. 6.*

§. XVII. Hoc intuitu Episcopus Carthagenensis in Africa, in Ægypto Alexandrinus, in Oriente Antiochenus, & in Italia & suburbicariis prouinciis Romanus præeminabant, cum iam seculo III. singulari auctoritate inter omnes emerent. Euseb. *lib. VI. c. 44.* His etiam iura sua sunt confirmata, *cap. VI. Concil. Nicen.* qui inde metropolitani, Archi-Episcopi & Primates, imo tandem Patriarchæ dicti.

§. XIX. Sed præterea etiam in reliquis prouinciis Metropolitano Episcopo data, est potestas *c. IV. Concil. Nicen.* confirmandi omnia quæ in prouincia gesta sunt, a quo tempore in singulis prouinciis Metropolitanus maiorem auctoritatem exercere & potesta-

potestatem quandam in ceteros Episcopos acceperunt.

§. XIX. Quia vero Antiocheno, Alexandrino & Romano latior consuetudine ecclesiastica obrigerat prouincia, in qua iura sua Metropolitana exercerent, hi quoque inter ceteros Metropolitanos prerogatiuam acceperunt, non *potestatis* sed *dignitatis*.

§. XX. Et cum prouinciis pluribus praessent, quae tamen unam ab initio constituerunt prouinciam ecclesiasticam, ex post facto contigit, ut Metropolitanis illis subessent. Ita enim in conciliis cautum erat, ut Episcopi metropoleon metropolitani essent, & ita, quia hi plures prouincias sub se haberent, tandem quoque in singulis Metropolitanis constituti sunt, qui tribus illis primariis subessent.

§. XXI. Hoc modo hi tres a ceteris Metropolitanis distincti sunt, utpote cum reliqui tantum *Episcopos* sub se haberent, hi vero *Metropolitanos*, & inde *Exarchi*, *Primates*, & *Patriarcha* dicti sunt.

§. XXII. Accessit his tribus *Constantinopolitanus* ex celeberrime urbis, quae *noua Roma* dicebatur, & ita eundem honorem & potestatem sibi Episcopus illius urbis vindicabat, quam Romanus habebat, suffragantibus etiam Constantinopolitano & Chalcedonensi conciliis, & Imperatorum consti-

tu-

tutionibus v. l. 6. C. de SS. eccles. l. vn. C. Theod. de Iure Ital. Specialiora de singulis tradit fusius Petrus de Marca de *primariis*.

CAP. VII.

De

PONTIFICE ROMANO.

§. I.

Quemadmodum singulis ecclesijs præerat Episcopus cum reliquo clero, ita quoque Romana ecclesia suum habuit Episcopum, cuius potestas tamen ab initio non egrediebatur limites illius ecclesiæ. Inde etiam est quod a scriptoribus ecclesiasticis vocetur *urbis Roma Episcopus*, non *Pontifex maximus* vel *Papa*. Euseb. lib. V. c. 24. VII. 7. Socrates lib. V. c. 22.

§. II. Imo cum circa initia seculi III. Episcopus Romanus contra Montanistas decerneret, mœchis pœnitentibus veniam esse dandam, quod negabant Montanistæ, Tertullianus, horum ad seclæ, in *tr. de pudicit.* c. 1. inuehitur in eum, & ironice vocat *Pontificem Maximum* seu *Episcopum Episcoporum*, quasi talem eo ipso potestatem sibi arrogaret, quæ minime ipsi compete-

ret, in effectu ergo negauit, eum talem esse.

§. III. Quia vero ecclesia Romana tam ex loci celebritate, quam ex apostolica institutione singularem celebritatem habebat, adeo ut iam seculo II. Irenæus lib. III. c. 3. non veritus sit adserere, propter potentiores principatum, ad hanc omnem conuenire debere ecclesiam, inde Episcopi Romani auctoritas mirum in modum creuit, & cum reliquæ ecclesiæ illam agnoscerent, hoc ipsum in suos usus trahere non dubitauit.

§. IV. Victor circa finem seculi II. ex hac auctoritate ius quoddam in alias ecclesias sibi vindicauit, mota controuersia de tempore celebrandi Pascha. Postquam enim in plerisque synodis provincialibus a ludæorum moribus, quos Asia minoris ecclesiæ conseruauerant, discessum est, *dictatoria* quadam *potestate* illis iniunxit, ut se compo-nerent ad aliarum ecclesiarum mores, id quod cum iure suo recusarent, non dubitauit, communioni earum renunciare.

§. V. Similem audaciam adhibuit Stephanus seculo III. in excommunicando Cypriano Episcopo Carthaginensi, qui tamen eiusdem cum Romano auctoritatis erat, cum de rebaptizandis hæreticis quaestio mota esset, de cuius factu Papali grauitè in suis

ſuis epistolis conqueritur Cyprianus.

§. VI. Seculo IV. iam Principatus inceſſerat animos Episcoporum teſte Euseb. *lib. 8. c. 1. & 2.* inde non mirandum, quod in Concilio Nicæno de *prædria & maioritate* concertauerint. Atque in hoc Concil. *c. 6.* quoque Romano Episcopo ſingularis quædam prærogatiua cum Antiocheno & Alexandrino tributa eſt.

§. VII. Et ſicuti iam antea ſeculo III. illa opinio peruulgata erat, Episcopos Romanos Petri & Pauli ſucceſſores eſſe, ita poſtea Pontifices hoc etiam in uſus ſuos traxerunt, & ſibi applicarunt, indeque pedetentim Principatum quendam ſingularem affectarunt.

§. VIII. Iulius circa medium ſeculi IV. nouum ius ſibi arrogauit. Cum enim Orientales Episcopi quosdam depoſuiſſent, grauiter admodum hoc tulit, ideo quod ſe inconſulto hoc eſſet factum, prætendens nullum Episcopum eminentiorem deponi poſſe, ſine ſuo conſenſu, quod ius tamen plane nouum erat.

§. IX. Dixi *nouum ius* eſſe introductum. Equidem Socrates *lib. 2. c. 8.* ait, *canonem eccleſiaſticum* iubere, ne abſque ſententia Episcopi Romani decreta eccleſiis ſanciantur. Verum ipſe tantum explicat Iulii epistolam, in qua ipſe prouocat ad con-

suetudines ecclesiasticas, quas Socrates *canonem* vocat, vti docet Stephanus Baluzius *ad Petrum de Marca lib. V. c. 12.* Talis consuetudo vero ficta erat, vti docui in *observat. ad Marc. cit. l. p. 127.*

§. X. Accesserant relationes frequentes, quæ de causis dubiis ab aliis ecclesiis ad Episcopum Romanum factæ sunt. Quia enim callentissimus consuetudinum ecclesiasticarum censebatur, & auctoritate pollebat eximia, potissimum ab eo consilia petebantur. Non potuere non hoc ipsum, Episcopi Romani in usus suos trahere, & inde supremam potestatem sibi attribuire, contendentes omnes ecclesias occidentales a Romana tanquam *matre* esse constitutas, & *filialium* loco censi; vti philosophatur Innocentius I. *epist. I. c. 1.* Conf. eundem, in *Epistola ad Nucerianum Episc.* Et quia in Diocesisibus occidentalibus, prout *cap. II. §. 16.* dixi, tantum essent *Metropolitani* prouinciarum Episcopi, non *primates* Dioceseon, omnem lapidem mouit, vt primatum per omnes Dioceses occidentis sibi assereret, quemadmodum in Oriente *exarchi* Diocessani erant.

§. XI. Hoc fine vt potiretur ante omnia auctoritatem Synodorum prouincialium, quæ hætenus summam auctoritatem in singulis prouinciis habuerant, conuellendam

dam & euertendam censuit, contra Concilii Nicæni statuta. Id potissimum ausus est in Concilio Sardicensi, occasione Athanasii depositi congregato. P. de Marca *de C. S. & I. p. 998.* quod eo facilius efficere potuit, postquam Orientales, diuortio in ea Synodo ab occidentalibus facto, discessissent. Constitutum ibidem est, ut condemnatus in aliquo concilio prouinciali, posset confugere ad Episcopum Romanum, ut hic iudicaret, an concilium esset renouandum.

§. XII. Licet vero inde nulla *proprie dicta appellatio* ad sedem apostolicam euinci possit, nec Sardicensis Concilii auctoritas mox recepta sit, uti docet Marca *lib. VI. c. 4. seqq.* inde tamen postea ansam arripuerunt Episcopi Romani, appellationes ad se factas recipiendi, & se tanquam *supremos Iudices* in causis ecclesiasticis constituendi.

§. XIII. Quin etiam cum plerumque, quæ in conciliis prouincialibus essent acta, *honoris causa* ad Episcopum Romanum referrentur, inde rursus ansam cepit, hoc suo iure exigendi, uti constat ex *ep. 2. Innoc. I. ad Vitric. Epist. Rhotomag. Mornæus in myster. iniquit. p. 51.*

§. XIV. Promouit hosce conatus Papales promiscuus recursus ad Episcopum Romanum

num, eorum maxime, qui condemnati erant. Non poterant non hi fauentem sibi promittere Iudicem, postquam tali recurſu plurimum ad Pontificis poteſtatem confe- rebant. Refero huc exemplum Flauiani Episcopi Conſtantinopolitani, qui poſtquam deſiſtus eſſet in Concilio Ephesine II. a Dioſcoro, quem reſuſauerat, dedit legatis Episcopi Romani Leonis *libellum ap- pellationis*, vti docet epiſtola Valentiniani ad Theodoſium apud Marcum *d. C. S. & I. lib. VII. c. 7. p. 1022.* Leo, vt appellandi ius tueretur, prouocauit ad canones concilii Sardiceniſis, eosque *Nicanos* falſo vocauit credulosque decepit. Tali tamen appellatione nihil aliud adhuc intendebatur, quam vt in concilio nouo res retractaretur, prouidente & rem dirigente Episcopo Romano, cuius ambitio eo tempore adhuc intra hos limites ſuſſiſtere debuit. Conf. Dupin *in tr. de diſciplina eccleſ. p. 223.*

§. XV. Similis appellationis exemplum eſt in cauſa Theodreti Episcopi Cyri, damna- ti in Concilio I. Ephesine. Cum vero in Concilio II. Ephesine ruruſus ſine cauſæ cognitione eiiceretur, appellauit Papam Leonem, qui ſine vlla hæſitatione eum in ſuam communionem recepit, imo in ſedem ſuam reſtituit, quamuis hæc cauſa de nouo iudicari debuit in Concilio Chalcedonenſi,
non

non in curia Romana. Dupin *cis. l. p. 225. sequ.*

§. XVI. Plures præterea alii orientales, Episcopi appellarunt Episcopum Romanum, quorum exempla postea alii sunt secuti, sed non semper sine contradictione, quod indicium præbet, Episcopum Romanum se supremum Iudicem constituisse, cæterorum Episcoporum, non iure quodam Ecclesiastico, sed magis vi, clam vel precario.

§. XVII. Apparuit hoc maxime circa annum 418. Damnatî quidam erant Episcopi in Conciliis Africanis, qui appellaue-
rant Episcopum Romanum. Africani appellationem hanc canonibus esse aduersam aiebant. Misit ergo Zosimus Faustinum, legatum ad Concilia Africana, pro legitima appellatione. Prouocarunt hi ad *Canones Nicenos*, & pro his substituerunt *Sardicenses*. De hoc cum Africani dubitarent, ad Episcopos Alexandrinum & Constantinopolitanum pro authenticis exemplaribus inspiciendis mittendos esse legatos decreverunt. His redeuntibus, apparuit Sardicenses pro Nicenis substitutos fuisse. Inde Africani appellationes constanter post aliquot tempora adhuc respuebant, Episcopo Romano in contrarium hoc ius strenue vindicante & asserente.

X 5

§. XIX.

§. XII. Vt vero principatum suum eo magis perficeret, eo rem deduxit, ut in conciliis Oecumenicis præsidatus sibi concederetur. Primus fuit Leo, qui concilio Chalcedonensi anno 451. indicto, præseduit. Reliquis conciliis anterioribus vniuersalibus interfuit quidem per legatos, sed non præfuit. Ab hoc tempore præsidatum hunc seruo retinendum esse studuit, simulque insignem prærogatiuam in conciliis affectauit.

§. XIX. Grauius obstabat Constantinopolitanus Episcopus, qui æqualem cum Romano sibi assererebat potestatem, hinc nihil magis ei curæ fuit, quam ut illius conatus supprimeret. Illi enim contingebat, ut aula Imperatoris adesset, & Cæsaris mentem in se deflectere posset. Inde Leo & eius successores *Aprocrisarios* seu *Responsales* perpetuos Constantinopoli habuerunt, qui causam Episcopi Romani apud Cæsarem agerent, & prouiderent, ne ecclesia Romana aliquid detrimenti caperet, quod Leo eo magis metuebat, postquam animaduertebat, Constantinopolitani sortem cum potestate Romani Episcopi in Concilio Chalcedonensi, 28. se inuito, æquatam esse.

§. XX. Ipse interim Leo hanc thesin, quod Episcopus Romanus esset vniuersalis & supremus Episcopus, & reliqui omnes ei pror-

prorsus subiecti, maximopere defendit, & in scriptis suis toties repetiit ad nauseam vsq; vt ostendi in *observat. ad P. de Marca* p. 121.

§. XXI. Interim inter reliquos episcopos, maxime occidentales, exarchi seu primates, singulari itidem præfulgebant dignitate, & licet Romano cederent, potestatem tamen ejus in se haud agnoscebant. Hi ergo domandi & sub potestatem Romanam penitus reducendi erant; sed arte opus erat, cum iure subiectionem ab eis prætere-re non posset. Animaduerterat, primates seu Archiepiscopos insignem æmulationem, inter se fouere, & de proedria contendere. Quibusdam ex his *vicariatum* offerebat, vt iure perpetuo vices suas gererent, quo ipso sibi maiorem auctoritatem accessuram credebant, quod Episcopi Romani auctoritas esset longe maxima per occidentem. Ast ita reuera subiecti sunt fedi Papali tanquam eius *ministri*, & quicquid olim iure suo agere poterant, hoc postea ab ipsis factum esse ex vicaria Apostolicæ sedis potestate, Pontifices Romani dicebant. Hac ratione Thessalonicensem & Arelatensem aliosque sibi subiecit, & primates aliorum quoque regnorum induxit, vt sponte hunc vicariatum ambirent, quo magis suum primatum stabilirent, de quo in Occidente non leues con-

controuerſiæ paſſim fuerunt. Vid. Petrus de Marca *de Primat.*

§. XXII. Et cum Pontifex videret Archiepiſcopos hac eſca facile capi poſſe, pallium poſtea omnibus Archiepiſcopis conceſſit, quo ſolus haſtenus in Occidente uſus fuerat Epicoſcopus Romanus, adeoque nulli alii concedi poterat, quam vicem eius gerentibus, quo illo yterentur in actibus illuſterioribus. Quicquid ergo agebant, hoc induti pallio, non proprio iure, ſed potel. te vicaria egiffe videbantur. M. Anton. de Dominis *lib. 3. c. II. §. 25.* plenius hoc illuſtrari in *Obſerv. ad Petr. de Marca. p. 148.*

§. XXIII. Interceſſerant interim variz lites inter Romanum & Conſtantinopolitanum, hunc ſuperiorem non agnoſcentem, nec illum æqualem ferre valentem. Re- cruduerunt hæ ipſæ imprimis ſub Mauritio, cuius ſub alis Johannes Conſtantinopolitani ſe tutum videns, *uniuerſalem* ſe dixit *epiſcopum.* Inde ira Gregorii M. & querelæ ad Cæſarem, qui tamen Gregorium admo- nuit, ne turbas moueret propter inanes titulos. Sed manſit Gregorio alta mente repo- ſtum hoc iudicium, quod maxime apparuit, ubi Mauritius a Phoca eſſet occiſus. Erga hunc enim, licet regicidam, adeo turpi adulatione uſus eſt, ut omnem fere pietatis ſpe-

Speciem apud posteros amiserit. Hacturpissima adulatione obtinuit, ut pro successore eius Phoca, pronunciaret, & Constantinopolitanum postponeret. Unde tandem infelix Schisma inter ecclesias Orientales & Occidentales natum est, quod Photius Constantinopolitanus Episcopus promovit.

§. XXIV. Denique Nicolaus I. quoque ingentem accessionem fecit ad potestatem supremam sedis Romanæ, per novam illam, sed spuriam, collectionem Isidori, quæ eius tempore ex Hispania allata est. Cum enim videret, in hac nova eaque gravissima argumenta pro sedis Romanæ potentatu contineri, & ab intima antiquitate repeti, supposititias has epistolas acriter defendit, & pro sua potestate allegavit, quibus rudes episcoporum mentes, pro seculi barbarie, facile in suas partes trahere potuit, ut novi illius iuris exercitium in se admitterent. His aliisque artibus subdolis Episcopus Romanus principatum in omnes ecclesias adeptus est, quanquam, prout fieri solet, in re iniuste occupata, varia fata habuerit.

CAPVT IIX.

DE

ORIGINE CARDINALIVM.

§. I.

Quoniam prædicatum *Cardinalium* nullam dignitatem inuoluebat, nec clero Romano proprium, sed commune ministrorum, certis ecclesiis præpositorum, erat. Etenim hi, qui ecclesiis inferuiebant, in duplici differentia erant, alii *vacantes* alii *Cardinales*. Illi dicebantur sedibus suis eiekti, quibus quandoque ad tempus commendari solebat ecclesia vacans, donec restituerentur. Atque hi quia non *perpetui* & *ordinarii* eius ecclesiæ ministri erant, *Cardinales* non dicebantur.

§. II. *Cardinales* e contrario vocabantur qui ecclesiæ ex lege ordinationis ita erant præpositi, vt constanter & perpetuo ei adherere deberent, ordinarii illarum ministri, iisque *incardinati*, & in perpetuum affixi, quia sicut cardo fixus & immobilis, ac circa ipsum valvæ voluuntur, ita circa ipsos tanquam fixos cardines voluebantur istius curæ fideles in regimine ecclesiastico, vt rem
ex-

explicat M. Anton de Dominis *lib. 4. c. 5. §. 5. de republ. eccl.*

§. III. Hoc intuitu erant Episcopi Cardinales, Presbyteri Card. item diaconi Cardinales. Imo & subdiaconis hoc prædicatum quoq; tribuebatur, vti multis exemplis docet de Dominis *cit. l. §. 6. seqq.* & Lud. Thomassinus *P. I. lib. 2. c. 115. §. 3. seqq.* Inde hoc prædicatum ad omnes ecclesias pertinebat, non ad Romanam tantum. Sicuti enim in cathedralibus ecclesiis Episcopus cum Presbyteris & Diaconis ordinarii ministri erant, ita hi quoque omnes Cardinales dicebantur.

§. IV. Sic in ecclesia Romana Episcopus, Presbyteri & Diaconi erant illius ecclesie Cardinales, alii vero Episcopi ibi præter ipsum Papam adhuc deerant. Interim presbyterium Romanum in magna apud omnes erat celebritate, quia ipsa ecclesia tandem super omnes ceteras euecta erat. Iam *seculo 9.* quidam Episcopi Presbyterorum & Diaconorum Romane ecclesie gradum ambierunt, quod prohibitum est in Synodo Romana sub Stephano IV. Interim minime cum Odorico Raynaldo, Baronii continuatore, credendum est, Cardinalium horum institutum referendum esse ad primitivæ ecclesie tempora, quod recte reprobatur Baluzius *ad Lupum p. 433.*

§. V. Interim nonnulli Episcopi, Romanæ ecclesiæ proximiores, Romæ sæpe commorabantur, qui quoque more maiorum interesse solebant consultationibus cleri Romani. Quamvis ergo ecclesiæ Romanæ Cardinales non essent, paulatim tamen cum reliquo clero in vnum coaiverunt corpus, & simul senatum ecclesiæ Romanæ constituerunt.

§. VI. Stephanus IV. qui anno 816. sedit, primus constituisse videtur, ut septem propinquiore Episcopi, qui ejus suffraganei erant, dominicis diebus ad altare B. Petri Missas celebrarent, ut ex Anastasio docet Thomassinus *cir. l. cap. 16. §. 2.* quo ipso ecclesiæ Romanæ quodammodo incardinati sunt, quamvis non statim cardinales dicti sint. Hoc modo ecclesia Romana senatum amplissimum habuit VII. Episcoporum, plurimorum Presbyterorum & Diaconorum. Ipse Pontifex in tam excelso loco erat positus, ut ab hoc collegio plane distingueretur, quod secus erat in aliis ecclesiis.

§. VII. Ceterum adhuc seculo X. sub Ottone I. nulla dignitas singularis ex hoc prædicato petebatur. Adhuc in Concilio Romano sub Ottone I. Episcopi omnes, qui ei intererant, proædriam habuerunt præ clero Cardinali Romanæ ecclesiæ, prioresque sub-

subscripserunt, ceu acta Concilii docent. Thomassin. *de V. & noua eccl. discipl. p. 607. §. 6. p. 591. §. 1.*

§. II. X. Quamuis vero initio seculi XI. adhuc idem rerum status fuerit, paulo post tamen eodem seculo Episcopi Cardinales ecclesie Romanæ in altum euecti locum sunt, & ipsis Archi-Episcopis proedriam concedere recusarunt. Imo anno 1059. his Episcopis Cardinalibus summa directio in electione Papæ data est in Concilio Romano, cum antea constitutio Paparum dependeret a iure Imperatorum.

§. IX. Præterea variaz legationes illis, qui erant de clero Romano, decretæ sunt, in quibus Pontificem repræsentabant, & vicariatum gerebant. Inde factum est, ut pedetentim etiam Presbyteri & Diaconi Cardinales maiorem acciperent dignitatis gradum & ipsis Episcopis anteponerentur, cum passim dicerentur *Spirituales ecclesie uniuersales.*

§. X. Post hæc tempora semper Pontifices eorum potestatem augere curarunt. Nam seculo XIII. purpuram & alia insignia dignitatis Apostolicæ eis concesserunt, & quamuis postea sæpe iis controuersia mota fuerit, sub aliis tamen Patroni sui & Vice-Dei tuti erant, ut nihil ipsis amplius metuendum esset. Sic itaque hodie **CARDINA-**

LES sunt *clerus ordinarius ecclesia Romana* *constans ex Episcopis, Presbyteris & Diaconis.* Et postquam Cardinales talem prærogatiuam sibi arrogarunt, reliquis clericis hic titulus denegatus est.

CAP. IX.

DE

ORIGINE LEGATORVM SEDIS ROMANAE.

§. I.

Quemadmodum Episcopus Romanus præerat Romanæ ecclesiæ, ita non dubitauit, postmodum accedente potentia, in plerisque instituta ciuilia sequi, & eandem formam regiminis in ecclesiasticis obseruare, quæ in republica Romana ab antiquo obseruata fuerat.

§. II. Apparet hoc ipsum ex materia de *legatis sedis Romanae*. Apud Romanos erant duplicis generis legati: (1) *Simplices* qui negotia cum exteris gentibus expediebant, sine exercitio alicuius iurisdictionis. *l. f. ff. de Legat.* (2) *cum iurisdictione missi, a republica*, qui Proconsulibus dabantur, ut eos partem curarum leuarent. Iurisdictionem suam non a Proconsulibus accipiebant, sed a re-
pu-

publica. Quia & Cæsares non raro in prouinciis sibi assignatis tales solebant submittere legatos *L. 1. de offic. pref. Marca lib. V. de Concord. Sacerd. & imp. c. 1.*

§. III. Simili ratione legationes varii generis in ecclesia Romana inualuerunt. Olim quælibet fere ecclesia habuit suos apostolos *2 Corinth. IX. 19. 23. Phil. II. 25.* Clemens *ad Corinth. epist. in f.* qui legati non Episcoporum, sed ecclesiarum erant, per quos communionem ut unionem inter se conseruabant, quæ in singulis ecclesiis obuenerant, alijs referebant aliisque laborantibus opere ferebant. Hæc exemplo quoque vsu est ecclesia Romana tempore elementis, quæ pro sedandis turbis legatos infit ad ecclesiam Corinthiacam, ubi rursus nequidem Episcopi Romani fit mentio.

§. IV. Neque tantum singulæ ecclesiæ huiusmodi legatos miserunt, sed etiam Synodi prouinciarum, quæ illa, quæ gesta erant, in conciliis, alijs per legatos communicabant. Denique etiam nonnunquam aliorum legati Synodis intererant. Si nomine ecclesiis, a qua missi erant, in illis quædam essent expedienda. Huc pertinet legatio Faustini, ad concilium Carthaginense missi ab Episcopo Romano Zosimo, pro appellationibus ad sedem Romanam stabilendis, item a Iulio ad Orientales in causa.

thanatii. Postquam enim Episcopi omnia iura ecclesiæ ad se traxerunt, legatos non amplius nomine *ecclesiæ*, sed *suo* miserunt, quod maxime seculo IV. apparuit.

§. V. Nulla adhuc eo tempore singularis legatorum sedis Romanæ erat auctoritas. Iurisdictionem nullam exercebant, nec *sententiam decisivam* in conciliis dicebant, sed causas sibi commissas in iis simpliciter expediebant, vti series actorum in concilio Africano a Zosimi legatis gestorum indicat. Neque enim iurisdictionem in alias ecclesias eo tempore ipse Romanus Præsul exercere potuit, multo minus ergo eius legatis tale quid audere integrum fuit.

§. VI. Imo quamvis concilia Oecumenica ab Imperatoribus conuocata sint, quibus Episcopus Romanus vt plurimum per legatos interfuit, non maior tamen in iis potestas eorum fuit, quam ceterorum Episcoporum, adeo vt directionem sibi arrogare haud potuerint, nisi ea ab Imperatoribus Romano Episcopo esset concessa. Sic in Concilio Nicæno Antiochus episcopus primam sedem occupauit, & Constantinum allocutus est. Alexandria Episcopo idem honor datus est vt rebus decisivis præset. Euseb. lib. 3. de vitæ Constantini c. 13. Legatis vero sedis Romanæ nulla prærogatiua.

fin.

singularis indulta est, cum hætenus probari haud potuit, Osium Cordubensem Episcopum vices Episcopi Romani gessisse.

§. VII. De sequentibus conciliis idem obseruavi in *obs. ad Petrum de Marca p. 118. seqq.* Nec enim ipse Romanus intererat Conciliis & ita legatis ejus tanta auctoritas pro more illius temporis non tribuebatur, ut ipsi præsentī forsan habita fuisset. In Concilio demum Chalcedonensi Episcopi Leonis Legati ad præfecturam admissi sunt ex Marciani Imperatoris decreto *cum prerogatiua suffragii*, non cum *iurisdictione*, quem morem etiam quoad reliqua Concilia sunt secuti. *Prærogatiua* enim *suffragii* in conciliis auctoritatem tantum maiorem tribuebat in confesso, in rogandis sententiis, sed non iurisdictionem, ut pro imperio aliquid decidere & censere possent.

§. IIX. Negari tamen nequit, in hoc Concilio Chalcedonensi legatos Leonis nihil non egisse, quo principatum sui Principalis amplificarent, ad quem firmandum ipse satis pronus & vigilans fuit. Interim suam adhuc reliqui Episcopi libertatem quodammodo eo ipso tuiti sunt, quo contra legatorum & Leonis voluntatem cano. 28. condiderunt, quamuis Leo toti concilio statim contradixerit, sine dubio auctoritatem

concilia a nutu suo dependere, vano conatu ostensurus.

§. IX. Miserunt præterea Pontifices legatos pro negotiis ecclesiarum procurandis ad Imperatores, uti in causa Athanasii factum est: Ast nulla eorum apud Imperatores apparet auctoritas insignis, sed humilissimis precibus omnia egerunt.

§. X. Nouum genus legatorum Leo introduxit, *responsales* scilicet seu *Apocrisarios*, qui in perpetuo comitatu essent Cæsaris, & pro commodis sui patroni vigilarent. Talem perpetuam legationem apud Cæsarem postulabat metus, ne Constantinopolitanus nimium sibi arrogaret. Hi tamen nulla iurisdictione maxime in aliena diœcesi adhuc præditi erant.

§. XI. Sed quia nihil magis Episcopis Romanis curæ cordique erat, quam ut iurisdictionem in omnes ecclesias, maxime, *occidentis*, sibi vindicarent, ad hoc apprime utile esse censuerunt, legationis vices eis committere, & quidem *iure hereditario*, qui maxima in ecclesiis pollebant auctoritate, & tamen inter se æmulationes insignes fouebant, adeoque legationis hoc munus eo lubentius suscipiebant. Hac ratione multarum ecclesiarum Archiepiscopi insignes Pontificis *legati* & *vicarii* imo *ministri* facti, ab eius nutu dependebant, ut per hos facile po-

potestatem omnem in reliquas ecclesias explicare posset. Episcopi quidem quibus hæc legatio hereditaria committebatur, facile inducebantur, vt hoc munus ambirent, quia ita sibi aliquid autoritatis accessurum credebant, dum hoc modo tanquam *legati Pontificis* maiorem affectabant potestatem in ceteras ecclesias. Ita deinceps dicti sunt *legati nati*.

§. XII. Hanc legationem detulit Pontifex Damasus Thessalonicensi, Zosimus Arelatenſi, Gregorius M. Augustino in Anglia, Simplicius Hispalensi per Hispaniam. Gregorius imprimis pluribus tales legationes detulit, vtpote qui nihil magis curauit, quam vt potestatem suam per omnes ecclesias Occidentales firmaret. Hi *virtute huius legationis* concilia nationalia habuerant, quo ipso summa potestas in his conciliis reuera ad Pontificem delata est.

§. XIII. Cum itaque Episcopus Romanus animaduerneret, hos legatos *natos* potestatem amplissimam hætenus vice sua exercuisse, & ita in morem iam abiisset; vt legati eius amplissimam potestatem in prouinciis exercerent, nunciis quoque a se missis similem potestatem delegare cœpit. Imprimis vero hic memoranda est legatio Bonifacii, anno 719. in Germaniam missi, cuius

ope imprimis Episcopi per Galliam & Germaniam sedi Papali penitus subiecti, sed simul Metropolitanorum reliquorumque Episcoporum iura conuulsa sunt. Inde porro factum est, vt quia Germani & Galli id ægre ferrent, fere per 90. annos post mortem Bonifacii nullus in Germaniam missus fuerit, legatus. *Marca lib. V. c. 44. §. 6. p. 686.*

§. XIV. Sed Nicocalius I. acerrimus Maieſtatis Pontificiæ assertor nouis, adulterinis Isidori decretis insistens, post annum 860. legatos plurimos hinc inde maxima cum potestate, quam ex quisiuitibus Isidori sibi vindicabat, misit, qui ius conciliorum nationalium habendorum penitus sibi vindicerunt. Post hæc tempora Pontifices in his Conciliis omnia per legatos suos disposuerunt, cum hæc omnia antea regii iuris essent. *Vid. Marca D. C. S. & I. lib. V. c. 54.*

§. XV. Sic itaque ab hoc tempore legati Pontificis omnem in ecclesiasticis potestatem exercuerunt in prouincia, quæ eorum legationi decreta erat. Causas singulorum iudicare, leges condere, electionibus se immiscere & beneficia conferre, iuris sui esse credebant, & quidem tanta cum temeritate, vt legatorum in prouinciam aduentus magis terrori esset, quam lætitiæ.

§. XVI.

§. XVI. Scilicet hoc erat arcanum dominationis conseruandæ sacræ, per omnes prouincias legatos cum summa potestate, mittere, cum animaduernerent per hoc medium prouincias in subiectione & fide erga sedem Romanam conseruari posse. Vnde etiam *Marca de C. S. & I. lib. V. c. 47. §. 1.* docet eam fuisse primam curam legatorum, vt *imbuerent populos reuerentia Pontificum Romanorum*, quamuis Pontifex haud raro simulauerit, legatos vnice missos fuisse, *pietatis fideique tuendæ grãtia*, vt contendit *Cantelius histor. metropol. urbium P. 1. Diff. 4. c. 4. n. 2.* Ceterum qua rapacitate ab hoc tempore vsi fuerint in *procuracionibus* exigendis, & exspoliandis regnis & prouinciis, plenissime refert *Stephanus Baluzius in Supplementis ad Petrum de Marca cit. l. & seqq. capitibus.* Inde quidam a Pontifice obtinuerunt, vt *Rogerus Siciliæ Rex*, ne ullus in Siciliam legatus mitteretur. Alii, vt *Rex Galliæ*, mirifice eorum potestatem restringere & circumscribere, imo ab aliis ne quidem recepti sunt.

CAP. X.

DE

ORIGINE ELECTIONVM
ET POSTVLATIO-
NVM.

§. I.

ELECTIONES cum ipso Presbyterio sunt natæ, & de his non adeo agendum est, sed de *electionum modo*, prout hodie sese habet, quo ad capitulum vniuersum ius eligendi deuolutum est, concurrente simul Papa Romano per confirmationem, contra morem primæum.

§. II. Scilicet vbi nulla adhuc erat distinctio Presbyterorum in consensu ecclesiastico, Presbyteri eligebantur ab ecclesia. Electionis primæ historia refertur *Act. VI.*, quod ius toti ecclesiæ competens etiam confirmat Clemens in *epist. ad Corinth.* his verbis: *Apostoli hanc ob causam cum perfectam prauotionem accepissent, prædictos (Episcopos seu Presbyteros) constituerunt. Ab ipsis igitur vel intermedio tempore ab aliis viris celebribus, approbante scilicet vniuersa ecclesia, constitutos non iuste ministerio deturbari putamus.*

§. III.

§. III. Et licet legamus, Paulum per ciuitates Presbyteros constituisse, hoc tamen *suffragio* precedente *plebis* factum est. A Paulo tantum manus impositas esse, ostendit vox græca *χειροτονειν*, quæ denotat, *suffragiis* precedentibus aliquem ordinare. Neque enim probabile est, Paulum in constituendis Presbyteris a more ceterorum Apostolorum recessisse, qui electionem ecclesiæ, sibi vero tantum manus impositionem vindicabant.

§. IV. Post ubi ex collegio Presbyterorum Episcopi singulariter electi sunt, Presbyteri quidem in electione primas partes tulisse videntur, plebe tamen omnino electioni consentiente. Scilicet olim primus in confesso erat, quem ordo demonstrabat, non quem electio; sed postquam sequentes in ordine non semper digni inuenti fuerunt, ad primatum digne administrandum, electio ubique placuit. Hilarius in *Comm. ad Ephes. IV.* Inde constat hoc negotium, primario ad collegium Presbyterorum pertinuisse.

§. V. Praxin huius electionis a tota ecclesia peragenda exempla sequentium seculorum clarissima ostendunt, & perspicue eam demonstrat Blandellus in *Apologia pro sentent. Hieronymi p. 379. seqq.* Et quamuis in seculo II. perspicua testimonia haud occurrant, seculo III. tamen apud Cyprianum

Ori-

Origenemq; plura argumenta suggeruntur, quæ ostendunt praxin anteriorem. Conf. Euseb. *lib. VI. H. E. c. 29.* ubi electionem Fabiani refert.

§. VI. Consensum plebis in electionibus Episcoporum necessario requirit Origenes, cuius verba retulit Gratianus in *cap. 15. C. 8. q. 1.* Similiter passim Cyprianus in suis epistolis idem vrget, quæ loca adducit, Blandellus *cir. l. p. 381.* ex quibus colligitur, 1) populo olim ius eligendi competuisse, 2) hoc per omnes prouincias obseruatum fuisse, 3) hunc morem ab apostolico exemplo, quod *Act. VI.* occurrit, petatum esse, 4) plebem ius recusandi indignos habuisse, 5) ordinationem ipsam per manuum impositionem demum a comprouincialibus peractam fuisse.

§. VII. Hæc omnia ostendunt, falsam esse sententiam Grotii de *Imper. summar. potest. circa sacra c. 10. §. 8.* populo tantum votum negatiuum competuisse, seu ius allegandi causas, quare electus ab iis non esset recipiendus, quamuis hoc ipsum quoque probare videatur Petrus de Marca *lib. 8. c. 2. §. 4.* cum tamen adhuc in Concilio Nicæno electio plebi confirmata sit. Socrates *lib. I. c. 9.*

§. VIII. Intererant electionibus comprouinciales Episcopi, quibus ius ordinandi electum competeat, quod ipsi electioni primis

primis temporibus immediate cohærebat. Moshic postmodum *Can. IV. Concilii Nicani* firmatus est, vbi rursus existimat *Marca cit. l. c. 3.* sub illa ordinatione etiam electionem latitasse, quod tamen satis testimonio *Socratis cit. l.* refutatur. Hoc quidem negari nequit, Episcopos comprouinciales habuisse ius *nominandi & commendandi ecclesiæ* Episcopum, de quo in Synodo deliberabant, sed illud electionem ipsam non inferabat seu perficiebat, sed populi suffragium accedere debebat, vt sic Episcopi comprouinciales quandoque *censerent*, populus vero *iuberet*.

§. IX. In Orientis ecclesiis non diu plebs hac libertate vsa est. Nam in ecclesiis minoribus solebant Metropolitani Synodum, non in ecclesia vacante, sed in ipsa vrbe Metropoli congregare, quo ipso per necessariam consequentiam plebs excludebatur, vel ad minimum ei tantum ius recusandi relinquebatur. Ab hoc tempore fere populus tantum ius nominandi & a Concilio Episcopum petendi habuit, vti ex *canone 16. Concil. Antioch.* constat.

§. X. Ipse Iustinianus vilem plebem ab electionibus remouit, etiam in maioribus ciuitatibus, & ius electionum Synodo addixit, adhibito consensu cleri & ciuibus honoratis. *l. 42. C. de Episc. N. 137. 137.* Pretextus sine dubio fuit, quod plebs turbas dare

dare soleret in electionibus, quorsum collimat c. 13. *Concil. Laodic.* Neque enim ignotæ sunt turbæ, quæ sæpe in electionibus datæ sunt, de quibus egi in *Dissert. de iniust. vocat. fact. ad clamor. populi.*

§. XI. Non diuturnas vires habuit hæc constitutio. Mox ab ea recessum, cum Episcopalis Synodus in Oriente sibi ius eligendi vindicaret & Synodus Nicæna II. confirmaret. *Marca de conc. sacerdot. & imp. lib. II. c. 7.* quod eo prætextu sine dubio factum est, quia ipsa ordinatio a Synodo comprouincialium facienda, electioni olim cohærebat, quæ postea electionem ipsam Episcopis derulit.

§. XII. Maior libertas plebi relicta est in ecclesia Occidentali, quæ etiam absque huiusmodi Synodo Episcopali electiones cum clero peragere potuit, solo metropolitano electionem confirmante, id quod ex Pontificum decretis probat *Marca cit. l. c. 8.* Neque enim, cum comprouinciales haud semper concurrerent ad electionis actum, ius sibi eligendi asserere poterant.

§. XIII. Quemadmodum vero in sedibus principalibus confirmatio Cæsarum paulatim desiderata est, adeo ut ne quidem Romanus Episcopus sine confirmatione Cæsaris constitui potuerit, ita postea Reges in aliis regnis passim se Episcoporum electioni-

Elionibus immiscuerunt. De iure antiquo Cæsarum & Regum agit Conring. *de Constit. Episcoporum per Germaniam.*

§. XIV. Quin etiam rebus id suadentibus nonnunquam Imperatores ipsimet constituerunt Episcopos Conring. *cit. l. §. 19.* quod tamen *extraordinaria via* factum est. Similiter postquam Reges in Germania fidem christianam amplexi sunt, ad exemplum ceterorum Regum confirmationes Episcoporum sui iuris esse censuere, quin Francorum Reges maiori libertate hic usi sunt, vt fere ab eorum nutu Episcopatus pependerit. Conring. *cit. l. §. 21.*

§. XV. Equidem anno 549. in Concilio Aurelianensi IV. iuxta antiquos canones electionem fieri debere, cum voluntate tamen Regis, cautum est, quo ipso cleri & populi electio conseruata est, sed voluntas Regis semper præualuit. Hoc ipsum rursus præcauere voluisse videntur anno 557. in Concilio Parisiensi III. *can. VIII.* cuius summam refert Gerardus Dubois *Histor. eccles. Paris. l. II. c. 5. p. 81.* & sequentia addit: *Mors ille inualefcebat, vt cum sedes Episcopalis vacaret, non is sape eligeretur, qui meritis ceteros anteiret, sed qui plus haberet gratia vel auctoritatis apud Regem, iaceretque antiqua electionum forma. Consultum est quoque huic incommodo per reuocationem antiquorum canonum, qui electionem*

Episcoporum populo & clero, cum consensu metropolitani & comprouincialium Episcoporum, assertam esse volebant.

§. XVI. A tempore Caroli M. maior Regibus Germaniæ potestas in constituendis Episcopis adscribitur; quippe ab hoc tempore ipsimet pro lubitu Episcopos constituerunt, mediante *inuestitura per annulum & baculum* docente Conringio de *Constit. Episc. per German.* §. 34. *seqq.* ut fere populo & clero præter nominationem nihil relictum esset, *Id.* §. 36. metropolitanis autem ordinatio tantum conseruaretur Baluzius *ad Litp. epist. 81. p. 416.*

§. XVII. Primus omnium Hildebrandus ius inuestituræ Regibus adimere tentauit, prætextu Simonix commissæ, inde anno 1078. decreuit, ut nullus clericorum de manu Regis inuestituras acciperet. Imperator Heinricus IV. mascule eidem restitit, vnde non potuit non incurrere odium Papæ. Paschalis promouit hoc Papalé institutum, & tandem cum Henrico V. conuenit, ut Episcopi, dimissis regalibus, inuestituram a Pontifice acciperent; Episcopis tamen reclamantibus nihil actum est. Demum Calisti II. artibus victus Imperator iure suo cedere debuit.

§. XVIII. Ab hoc tempore rursus iuxta, pacta inter Calistum II. & Imperatorem libera

bera electio penes clerum & populum fuit, quamuis tempore admodum exiguo. Mox enim Papalis ambitus vltius progressus electiones liberas fere sustulit per *mandata de prouidendo & reservationes* sub Friderico II.

§. XIX. Hac ipsa ætate Friderici II. tamen noua forma electionum audita est, quatenus Pontifex eas haud turbaret. Populus enim exclusus cum reliquo clero ecclesiarum cathedralium, & ad solum capitulum deuoluta electio, vti constat ex huius Imperatoris *A. B. de libertate ecclesiar.* Conring. cit. l. §. 64. quod ex imitatione aulae Romanæ profluxit, in qua electio Papæ iam ad Cardinales deuoluta erat, a temporibus Cœlestini II. qui capitulum illius ecclesiæ constituiebant. Accessit præterea hæc ratio, quod clerus proprius ecclesiæ cathedralis se iam separasset a reliquo ciuitatis illius clero, cum quo antea vnum corpus constituerat. Hac facta separatione, iura Senatus ecclesiastici vnice ad se traxit.

§. XX. Sic itaque ad Canonicos tandem deuoluta electio est, exclusa plebe reliquoque clero post seculum XII. vt probat Espen. *de Iur. Eccles. P. I. tit. 13. c. 2. §. 3.* quo iurè tamen non diu gauisi sunt. Nam seculo XIV. raræ admodum electiones a Capitulo peractæ, sed Romam tractæ per

provisiones & expectativas. Inde tandem graves lites inter aulam Romanam & clerum Germanum ortæ sunt. Concilium Basileense & Constantiense parū nostris profuit. Tandem Fridericus III. anno 1447. cum Nicolao V. *concordata Nationis German.* iniit, quibus liberæ electiones Capitulis rursus restitutæ sunt, prout hodie frequentantur. *Espen. tit. l. §. 9. seqq.*

§. XXI. Ceterum haud erat differentia inter *electionem & postulationem*, tanquam species sibi oppositas, sed postulatio tunc adhibebatur, si populus nominabat Episcopum, eumque constitui a clero postulabat. *C. 16. D. 61. c. 1. D. 62. c. 9. D. 65. l. 49. C. Theod. de decur.* Scilicet ab antiquo in electionibus præualebat quodammodo cleri suffragium, unde populo sæpe tantum assensus adscribitur. Quando ergo populus ante cleri decretum aliquem eligi postulabat, hic actus *postulatio* dicebatur.

§. XXII. Sic etiam ubi adhuc penes reges essent inuestituræ cum annulo & baculo, populo erat ius postulandi a Rege, ut ille confirmaretur, quem elegisset, & ita postulare reuera nihil aliud erat, quam petere, ut electus confirmaretur.

§. XXIII. Sed tandem applicari cœpit hæc vox electionibus eorum, quibus obstabat impedimentum Canonicum, dispensabile.

ta-

tamen, & postquam electio ad Capitulum est deuoluta, postulare quoque illud debuit a superiori, ut permitteret electionem eius, qui directo eligi non poterat. Et cum huiusmodi casus postulationis hoc rerum statu fere vnice frequentarentur, huic rei *postulationis* nomen priuatue inditum est.

CAP. XI.

De

ORIGINE ORDINATIONIS.

§. I.

ORDINATIO consistit in solenni impositione manuum in caput ejus, qui in ordinem ecclesiasticum seu ministerium sacrum cooptandus est. Quamuis enim vnctio quoque adhiberi soleat a Pontificiis, hæc tamen paulo serius accessit, eo scilicet tempore, quo Episcopi sacerdotium proprie dictum affectarunt, & ita ad morem Sacerdotum V. T. vnctionis ritum introduxerunt, vt veri Sacerdotes hoc modo fierent.

§. II. Hæc impositio manuum est antiquissimum institutum, a tempore Mosis iam inter Iudæos vsitatum, & eo casu imprimis

adhiberi solitum, vbi quis ad arduum quoddam officium esset promouendus, exemplo Iosue, qui hoc ritu Israelitis præpositus est, *Num. XXVII. 23. Deut. cap. ult. v. 9. seqq.*

§. III. Et quidem in Mose hæc impositio erat *donum aliquod extraordinarium*, benedictione diuina munitum: in cuius signum, ab omni æuo hæc impositio adhibita est, *Gen. XLIX. 13. 14.* Multo magis ergo hac benedictione & appreciatione gratiæ diuinæ opus fuit in suscipiendo officio arduo.

§. IV. Inde Iudæi hunc ritum postmodum adhibuerunt, quoties quis inter Presbyteros esset cooptandus, quod fiebat auctoritate Synedrii. Erat enim horum munus satis arduum, consistens in docendo & iudicando, ad quod munus per hanc impositionem ordinabantur, etiam adhuc tempore Saluatoris nostri, vti docet Vitringa *de Synag. vetere lib. 3. P. I. c. 15.* Breuiter: erat *solennis quedam promotio*, unde habiles fiebant, vt deinde assumi possent in Synedrium magnum.

§. V. Neque enim tempore Saluatoris iis tantum manus imponebantur, qui certo officio præponebantur, quod quidem antiquitus vsitatum fuit, sed vt plurimum impositione manuum eruditi promouebantur ad quendam gradum honoris, vt deinceps in Syne-

Synedrium cooptari legitime possent. *Vitringa de Synag. Vet. p. 840.*

§. VI. Apostoli eundem morem & ritum benedictionis retinuerunt, sed maiori cum virtute & efficacia, ac quidem Iudæi. Neque enim manus impositio eorum tantum erat *benedictoria*, sed *miraculosa & virtutis plena*, prout Saluator promiserat *Marci XVI. 18.* Neque tantum in constitutione Presbyterorum adhibebatur, sed aliis variis in casibus, ubi gratiam hanc fidelibus dandam esse censebant.

§. VII. Sic manus imponebant ad fidem conuersis, hac singulari virtute, ut Spiritum S. acciperent *Act. VIII. 17. 20.* similiter quoque ægrotantibus *Act. IX. 17. seqq. Act. XXVIII. 8.* denique quoque Presbyteris, & qui ad prædicandum Christum in genere delegabantur, hæc manuum impositio dabatur, utpote qui virtute Spiritus S. omnium maxime indigebant. *Act. VI. 6. XIII. 3.*

§. VIII. Sic itaque manuum impositio, quæ fiebat ab Apostolis, non nuda ceremonia erat, uti apud Iudæos, nec fiebat hac intentione, ut ad instar *legis ecclesiasticæ* illa in posterum obseruari deberet in constituendis Presbyteris, sed *extraordinaria potestas* erat, Apostolis a Christo tributa, uti in *Mose Deut. XXXIV. 9.* qui itidem singulari virtute a Deo instructus erat *ibid. 10. seqq.* Apud

Iudæos impositio manuum in hunc finem fiebat, vt Doctores promoti siue Magistri fierent. Apostolorum diuersa fuit intentio, qui non honoris gradus, sed Spiritus S. dona conferre intendebant.

§. IX. Proinde non alii imponebant manus, quam qui hoc singulari dono erant instructi, quales erant imprimis Apostoli, & præterea etiam alii. Talem virtutem Timotheus acceperat, per impositionem manuum a Paulo factam 2. Tim. I, 6, & inde quoque Presbyteris manum imponebat, 1. Tim. IV, 14. Erat enim Timotheus Pauli socius & collega, imo vicarius, & ita apostolico iure agebat. Vid. Diss. iur. eccles. antiqui ad Plin. & Tertull. Diss. VII. §. 9. p. 400. seqq.

§. X. Vnde minus recte asseritur, fuisse illam *iuris diuini*, & necessario in constituendis Presbyteris obseruandam. Post Apostolorum discessum quidem Episcopi & Presbyteri illam continuarunt, sed non eodem iure & modo, quippe quæ erat tantum *benedictoria non miraculosa*, vt apostolica. Immo illa, quæ post ab ecclesiis usitata est, magis a more Iudaico desumta videtur, quo hi constanter utebantur in constituendis Presbyteris.

§. XI. Sed iam seculo III. illa hinc inde audita est opinio, manuum impositionem,
tunc

tunc vſitatam, eſſe apoſtolicam, eademque virtute præditam. Crediderunt enim (1) hanc poteſtatem fuiſſe ordinariam, (2) Epiſcòpos eſſe ſucceſſores Apoſtolorum, & ita quoque Epiſcopi præcipue ius illud ſibi vindicarunt, imo eandem efficaciam eidem attribuerunt; quæ olim apoſtolica habuit.

§. XII. Sed utrumque fundamentum erroneum fuit. Petrus Molinæus *de penitent. & clauibus lib. IV. c. 6.* Licet enim Epiſcopi ius imponendi manus poſtea exercuerint, id tamen minime ab initio ſibi vindicarunt, quatenus eſſent *ſucceſſores Apoſtolorum*. Scilicet poſtquam inualuiſſet diſcrimen inter Presbyteros & Epiſcopum, huic in conſeſſu eccleſiæ prima non tantum ſedes competiit, ſed etiam omnium negotiorum eccleſiaſticorum ſuprema directio. Ergo ubi Presbyter erat creandus, huic quoque poſſimum manus impoſitio adſcribitur, quippe qui ordinationem dirigebat.

§. XIII. Interim non ipſe ſolus illam perfecit, ſed reliqui in conſeſſu Presbyteri ſimul manus ſuas ordinando impoſuerunt, & ita ad eum actum concurrerunt, uti oſtendi in *diſſert. ad Plinium II. p. 420.* Imò & Presbyteri ordinare poterant ex conſenſu & mandato Epiſcopi, cum eius auctoritate omnia eſſent peragenda. In nonnullis

quoque locis etiam Presbyteri ordinabant, sede vacante, vel Episcopo absente, teste Hilario in *Comment. ad Ephes. IV.* quia Episcopi nihil aliud erant, quam *primi Presbyteri*, ipso fatente Hilario, nec ipso ordine & statu a reliquis Presbyteris differebant.

§. XIV. Neque in impositione manus tantum *auctoritas Episcopi* desiderabatur, sed etiam in quibusque aliis actibus sacris, a Presbyteris peragendis, nam nec actum baptizandi, & eucharistiam celebrandi, illi expedire poterant sine auctoritate Episcopi, teste Tertull. de *Baptismo. c. 17.* ergo multo minus ordinationem. Eo autem consentiente, omnes sacros actus, quos ipse Episcopus expediebat, peragere poterant, cum in casu absentiae Episcopi Presbyteri eius vires supplerent Socrates lib. I. H. E. c. 8. Unde patet Episcopo magis ex *consuetudine ecclesiae*, quam ex *iure diuino* hanc competere, ordinandi facultatem.

§. XV. Dicebatur hic actus *ordinatio*, quia electus recipiendus erat in *ordinem ecclesiasticum*, seu in *confessum ordinis ecclesiastici* per manus impositionem, de quo confesso plenius egi *diff. 7. iur. antiq. eccles. ad Plinium II.*

§. XVI. Verum postquam seculo III. constanter hæc sententia defensa est, Episcopos tantum esse Apostolorum successores,

res, quod imprimis sedulo inculcat Cyprianus, & præterea opinio de sacerdotio Episcopis conferendo inualuit, paulisper Presbyteros ab ordinatione excluderunt, constituentes, ut in collegio Episcoporum comprouincialium electus Episcopus ordinaretur, Presbyteri vero electi a solo Episcopo manus impositionem acciperent.

§. XVII. Præterea etiam crediderunt, potestatem illam, quam Apostoli per manus impositionem exercuerunt, fuisse *ordinariam*, in omnes successores deriuandam, & inde paulatim creditum fuit, per illam ordinato conferri singularem diuinam *virtutem & diuinam gratiam*, vi cuius demum posset actus sacros perficere, & omnem potestatem sacram explicare. Inde necessitas absoluta ordinationis statui debuit.

§. XIX. Hinc factum, (1) ut ordinatio inter *sacramenta* proprie dicta referretur (2) ut *character* quidam *indelebilis* fingeretur, quasi animæ ordinati imprimeretur, & efficeret, ne posset ordinatio reiterari, quæ opinio tamen omni fundamento caret. Petrus Molinaus de *pœnit. & clauibus* lib. IV. c. 14. Atque hæc omnia ostendunt, ordinationem hodiernam non esse Apostolicam, sed magis superstitiosam.

CAP. XII.

DE

ORIGINE PALLII.

§. I.

PALLIUM hodie omnes Archiepiscopi, & quidam Episcopi exempti, qui Archiepiscopis æquiparantur, a Pontifice post confirmationem petere debent, quo ipso iis conferri dicitur *plenitudo potestatis pontificalis*, ut consecratio sola iis non sufficiat, ad actus sacros maximi momenti expediendos.

§. II. Olim pallium erat indumentum quoddam imperiale, quo soli imperatores utebantur, ut hoc præclaro habitu ab aliis distinguerentur.

§. III. Quia vero Imperatores insignem erga *Patriarchas* semper venerationem habuerunt, usum pallii iis speciali ex gratia communicarunt, Romano scilicet, Antiocheno, Alexandrino & Constantinopolitano, qui etiam, sede sua pulsi vel depositi, illud Imperatori reddere debebant, exemplo Antimi Patriarchæ Constantinopolitani, sede sua deiecti, qui Iustiniano pallium reddidit, teste Liberato in *Brevi-*

47. c. 21.

§. IV.

§. IV. Erat itaque *beneficium Imperatorium*, ex quo maiorem potestatem Patriarchæ non consequebantur, cum tantum in dignitatis singularis ecclesiasticæ documentū illis ex gratia datum esset. Proinde illud aliis communicare, integrum Patriarchis haud erat, utpote quod suo iure non habebant, sed ex mera Cæsarum indulgentia.

§. V. Postquam autem quinto seculo Pontifices hinc inde vicariatum suum iis, quos sibi subiicere conabantur, sub specie *maioris dignitatis* conferrent, impetrarunt ab Imperatoribus, ut usum pallii iis quoque, tanquam personam suam repræsentantibus, conferre possent. Ita Vigilius Auxanio Arelatenſi Episcopo Vicariatum & usum pallii concessit, consentiente Iustiniano, desuper implorato. Vid. *Vigil. epist. I. ad Auxan.* Idem successori eius Aureliano pallium concessit, sed rursus ex Iustiniani noua concessione.

§. VI. Quamuis itaque tantum ex gratia Imperatoris Vicarius hisce pallii usus conferri debuerit, hac tamen mox seposita, Pontifices quasi *suo iure* vicariis eius usum concesserunt, maxime Arelatenſibus, id quod primus tentauit Gregorius M. qui anno 595. Virgilio sine præuio consensu Imperatoris pallium contulit, ex hac forsan ratione, quod vicariatus perpetuo iure A-

relatensibus iam antea esset concessus, nec adeo in singulis noua consensus impetratione opus videretur, quamuis in Aureliano pristinum morem retinuerit, vt modo dictum est. Sic etiam vbi de nouo Siagrio Augustodunensi Episcopo illud concedere vellet, assensum Imperatoris, more recepto, antea expetiit.

§. VII. Sicuti itaque pallium circa hæc tempora insignie *dignitatis Patriarchalis* erat, ita non aliis per Occidentem communicabatur, quam qui *Vicariatum* Pontificis Romani per has ecclesias gerebant, adeo vt vel sola communicatio huius pallii *vicariatum* in se contineret, quod patet ex *epist. Gregorii M. ad Augustinum Lib. XII. ind. 7. epist. 15.* In Galliarum Episcopos nullam tibi auctoritatem tribuimus, quia ab antiquis meorum Prædecessorum temporibus pallium Arelatensis Episcopus accepit, quem nos priuare auctoritate præcepta minime debemus. Aliquoties Gregorius M. communicasse quibusdam vsum pallii legitur, non facta mentione vicariatus, quod non necesse erat, quippe qui pallio cohererebat, & quidem vel ideo, quod pallium propter *vicariatum* daretur, vt probant in *observ. ad Petrum de Marca p. 180.*

§. IIX. Indenata est formula vulgaris, per pallium conferti plenitudinem officii pontificalis h. e. vicariam Pontificis Romani potestatem.

testatem, vt pallio indutus sciret, se pontificalem & Patriarchalem potestatem accepisse, cum antea duntaxat archiepiscopalem habuisset, quæ tamen hac noua assumpta dignitate absorpta vel suppressa est. *obseru. cit. l. §. 3.*

§. IX. Cum vero metropolitani Occidentales ingentes inter se æmulationes foverent, & de proedria contenderent, maximopere ambierunt vsum pallii, vt, hoc induti, vices Patriarchæ Romani gerere viderentur, & ita hoc sub clypeo reliquis metropolitanis pallio destitutis præponerentur vid. c. 2. D. 100.

§. X. Hactenus tamen nemini obtrudatur, sed petentibus & sollicitantibus demum concedebatur : sed quia Pontifex animaduenerat, hoc modo præcipuos metropolitanos subiugatos esse, vtpote qui hoc pallio induti ei fidelitatem promittere, & ab eo dependere debebant, eo rem tandem deduxit, vt omnes Archiepiscopi illud petere debuerint.

§. XI. Hoc ipsum vel ideo proficuum Pontifici Romano videbatur, quia Archiepiscopi summa in ecclesiasticis per Occidentem pollebant potestate, vt Pontifex illam potestatem in eos non haberet, qualem ex post facto consecutus est. Hoc medio autem omnes subiugari posse facile præ-

prævidebat, quia per pallii adeptionem ex post facto agnoscere cogebantur, se potestatem suam Pontifici Romano acceptam ferre debere, quam antea proprio iure habebant.

§. XII. Voti sui compos factus est ope Bonifacii, quem vulgo *Apostolum Germanorum* vocant. Hic enim seculo IIX. in Galliam Germaniamq; missus synodum coegit anno 742. & in ea blandis persuasionibus metropolitanos omnes induxit, ut promitterent, se in posterum pallium a Pontifice Romano petituros esse.

§. XIII. Suboluerant ab initio metropolitani, hac concessione pallii auctoritatem suam, quam ex canonibus habebant, magnopere periclitari, seque ita adduci ad insolitam reuerentiam erga sedem Romanam, præterea rumor increbuerat, non sine aliquo præmio vel tributo pallium redimi posse, inde plures illud petere recusarunt. Certior hac de re factus a Bonifacio Zacharias, rescripsit, nihil inde verendum esse. Archiepiscopis, pallium nihil aliud esse, quam *discretionem inter Archiepiscopos & eorum suffraganeos* illudque gratis conferendum &c. Hoc modo demum obtinuit, ut Archiepiscopi promissis incaute starent.

§. XIV.

§. XIV. Ita omnibus Archiepiscopis necessitas est imposita petendi pallium, quo facto sub ipsa impetratione petentibus variaz conditiones obtrusæ sunt. Nam (1) promittere subiectionem, & iuramentum fidelitatis præstare debuerunt, (2) vsus eius ad primarios actus sacros restringi cœpit, vt sine eo actus ordinis episcopalis peragere, non possent, et inde ipso facto confiterentur, se hanc potestatem quasi *per pallium* accepisse idque ex antiqua formula, quod pallium designaret *plenitudinem officii pontificalis*, quam hoc pallio induti demum exercerent, & per pallium consequerentur, quam tamen iam ante pallii impetrationem olim *suo iure* habebant.

§. XV. Tandem quoque ipsa pallii forma immutata & loco eius fascia exigui pretii missa est, quam ingenti pretio hodie redimere coguntur, cum olim præclarum indumentum esset; quod ad talos vsque dimittebatur. Auguror fasciam hanc indumenti ipsius supremam partem fuisse, quæ postea ideo tantum missa est, vt Archiepiscopi indumentum ipsum ei annecterent, quod forsan parsimoniz aulæ Romanæ adscribendum Vid. Petrus Josephus Cancellius *hister. metrop. urb. p. 33.*

CAP. XIII.

De

SACERDOTIO ECCLESIA-
STICO EIVSQUE
ORIGINE.

§. I.

DE Origine Presbyterorum & Episcoporum pro instituti ratione supra actum simulque ostensum est, eos ecclesiz præfuisse, non ut *sacerdotes*, qui in V. T. sacris templi vacabant, & independentem quandam in sacris auctoritatem habebant, sed ut *ministri* ab ecclesia electi & constituti, ut dirigerent negotia societatis ecclesiasticæ, curam pauperum & viduarum gererent, & inspectores morum essent. Quia vero hi ipsi postmodum *Sacerdotium* vindicarunt, & quidem illud ipsum quod olim in Republ. Iudaica rebus sacris & civilibus etiam præerat, inde omnino necesse erit, huius fontes in N. T. eruere.

§. II. Respublica Iudæorum erat *Theocratica*, in qua summum Numen peculiari prorsus ratione rempublicam administrabat, & dirigebat, quod fusius alii, imprimis Joannes Spencer de LL. *Hebræor. ritual. lib. I. p. 300.* & Hermannus Witsius in oratione

de

de Theocratia Israelitarum, præmissa tractatu Goodwini *de antiquis ritibus Hebraeorum*, explicuerunt. Cum vero Deus in republica Iudaica haud visibili specie adesset, constituit ordinarios regni illius præfides Sacerdotes, et imprimis summum Pontificem, qui vice sua iudicia legis exercerent. Summus Pontifex *perfonale iudicii* gestabat, quod ille esset primus summi regis minister ordinarius, & præcipuus inter sacerdotes litium & iudiciorum arbiter, ut loquitur Spencer *cit. l. p. 311.* Huius deciso præcise standum erat sub pœna mortis *Deut. XVII. 8. seqq.* quorsum iam antea collimasse videtur Deus *Exod. XIX. 6.* constituens, populum Israeliticum *sacerdotale regnum* esse debere, quod Sacerdotibus primarium munus in republica demandasset. Et, ut in summa dicam, sacerdotium non tantum sacris sed etiam ciuilibus præerat negotiis, & quidem *independenter*, respectu habito ad populum Iudaicum, cum hanc potestatem non a populo Iudaico, sed immediate a Deo accepisset.

§. III. Hoc sacerdotium intime reipublicæ erat innexum, ut stante ea vigorem suum haberet, ea collapsa, iuris quoque sui vsum & potestatis exercitium amitteret. Et quia ad solam Aaronis prosapiam restrictum erat, ius quoque illud *regium* &

independens ab aliis vindicari non potuit. Quæ cum ita sint, facile apparet, Presbyteros & Episcopos primitivos sacerdotium nullum affectare potuisse, ad imaginem sacerdotii Aaronici, quippe de quo nullum mandatum a Christo Apostoli acceperant, nec ipsimet vnquam eo dilabebantur, vt *regum Sacerdotium* in clero instituere vel-
lent. Accedit, quod, prout antea eu-
ctum est, presbyteros constituerint iuxta
morem Hebræorum, qui principes & sapi-
entiores in populo, sacerdotibus & Leuitis
contradistincto, erant, & nullum munus
sacerdotale gerebant. Imo ipsum presby-
terorum munus dependebat ab ecclesia,
quemadmodum etiam auctoritate seu de-
creto ecclesiæ constituti erant *Act. VI.* vt
ei quoque integrum esset, rursus eos ab of-
ficio iniuncto remouere, vti Clemens in
epist. ad Corinth. non obscure indicat. Plu-
res præterea ex sacerdotibus fidem in Chri-
stum amplectebantur *Act. VI. 7.* qui tamen
in ecclesia Christiana nullum munus sacer-
dotale gerebant, quod primario iis com-
petiisset, si *sacerdotii regii* in cœtibus fidelium
ratio haberi debuisset.

§. IV. Hinc est, quod Apostoli passim in
scriptis suis *sacerdotium regium* omnibus fide-
libus, mystica quadam ratione, vindicent,
extra quod nullum aliud *proprie dictum* & ex-

ternum sacerdotium agnoscunt, nec vnquam, vbi Presbyterorum mentio iniicitur, sacerdotium Iudaicum eis tribuitur, multo minus attuleritur, eos fuisse ad sacerdotium quoddam euectos. Fabulam reuera narrat Dodvrellus in *Paranese de schismate*, contendens, collegium Apostolorum respondisse, collegio sacerdotum, quemadmodum relatio Epiphanii *hæres. 29. n. 4.* Jacobum *Laminam Pontificalem* gessisse, quod fuisset primus ecclesiæ Hierosolymitanæ Episcopus, omni fundamento & probabilitate caret. Denique nec Apostoli nec presbyteri vllum munus sacerdotale gesserunt, quod nec cultus Christianorum requirebat, qui simplex, sine pompa, sacrificiis, aut alio omni apparatu erat, qui pontifices vel sacerdotes requirit.

§. V. Atque in hac simplicitate per duo secula priora stetit ecclesia, vbi nullum genuinum sacerdotii vestigium occurrit. Nam quamuis Tertullianus passim eius mentionem faciat, magis tamen ad tertium referri debet seculum, quo scriptis suis inclaruit. Iustinus Martyr huius sacerdotii nullam facit mentionem, & quamuis hinc inde de sacrificiis Christianorum loquatur, diserte tamen fatetur, illa proprie dicta non esse, sed in ardentissimis precibus quærenda, apud Christianos esse, quo posito singuli

Christiani dicendi essent sacerdotes, quod hi quotidie preces suas Deo offerrent. Novi quidem, quod obiicere soleant, nomen, quidem sacerdotii non referri, bene tamen rem ipsam, sacrificium scilicet eucharistiae: sed hoc æque negandum est, cum nullibi eucharistia sacrificium in N. T. dicatur, nec ut per modum sacrificii exhibeatur, a Christo institutum sit.

§. VI. Magnis animi motibus hæc materia per aliquot annos in Anglia agitata est. Prodiit anno 1706. Londini liber *de iure ecclesiæ Christianæ defenso contra sacerdotes Romanos & omnes alios, qui potestatem independentem sibi in illam vindicant*, anglice scriptus sub titulo: *The Rights of the Christian Church asserted against the Romish and all other priests, vbo claim an independent power ouerit*. Scigraphiam huius libri dedit Clericus tom. X. *selecta bibliotheca art. 7.* Opposuerunt se huic libro plures, ut Georgius Hickes, Wilhelmus Wotton, Ioannes Turner, Samuel Hill aliique, quorum tractatus coniunctim recenset Clericus tom. XXI. *bibliotheca selecta art. 1.* Horum omnium conatus huc vergunt, ut ostendant, sacerdotium proprie dictum in N. T. Episcopis & presbyteris asserendum, & sacrificium proprie dictum in eucharistia quærendum esse, quod imprimis Georgius Hickes magnopere vrget. Atque inde

inde omnem *independentiam* potestatis Episcopalis a statu civili deducunt, & Hierarchiæ fundamenta petunt.

§. VII. Sed hæc doctrina, prout antea dictum est, prioribus duobus seculis incognita fuit, & demum seculo III. inculcata est, uti scripta Tertulliani, Cypriani Origenis aliorumque docent. Equidem in epistolis Ignatianis huius sacerdotii mentionem fieri animaduerti, cum in *epist. ad Smyrn.* hæc habeantur: *Et honora Deum ut omnium auctorem & dominum; Episcopum vero ut principem, sacerdotum.* Similiter in *epist. ad Heronem*: *Nihil sine episcopo agas: Sacerdotes enim sunt; tu vero minister sacerdotum.* In *epist. ad Philadelph.* itidem mentio sacerdotii iniicitur his verbis: *Principes subditi estote Cesari, milites principibus, Diaconi presbyteris & sacerdotibus.* Sed hæc ipsa satis indicant, Ignatianas epistolas esse spurias & confictas, cum nec Apostoli, nec alii Apostolici viri Episcopis & presbyteris ullibi sacerdotium tribuant, adeoque hi a seculo Ignatiano sint plane alieni, ut illo. Daltz-us de script. qua sub Dion. & Ignat. nomin. circumfer. lib. II. c. 25. p. 384. ubi addit, euentum docuisse, quam sapienter Apostolici hoc sermone abstinuerint; ex quo semel inducto accidit, ut presbyteri cum nomine rem, eo proprie significatam, tamen si a suo munere alienam, sibi tandem vindicarent. **Quamdiu** itaque de sinceritate do-

cumentia ad probandum inducti haud constat, fidem operari nullam potest.

§. II. X. Tertullianum in scriptis suis *sacerdotii* passim mentionem facere, eo minus mirandum est, quia *vir legum Romanarum peritissimus* fuit, ut ait Euseb. lib. 11. c. 2. *hist. eccl.* & præterea mysticæ Theologiæ magnopere assuetus, adeoque non raro terminis iuris utitur, & his res & instituta Christianorum, sensu tamen æquiuoco, exprimit, quin etiam plura mystice exponit, quæ a propria significatione aliena sunt. Episcopum, vocat *summum sacerdotem* in tr. de baptism. c. 17. Imo in c. 7. de exhortat. ad castit. sacerdotium ordini ecclesiastico propter oblationem disertis verbis adscribit, & suo modo etiam laicis. In tr. de virgin. veland. c. 9. p. 178. animi sui sententiam his prodit verbis: *non permittitur mulieri loqui in ecclesia, sed nec docere, nec tingere, nec offerre, nea ullius virilis muneris, nedum sacerdotalis, officii sortem sibi vindicare.* Cum enim Tertullianus supposuisset, eucharistiam esse sacrificium, non potuit non quoque sacerdotium episcopis & presbyteris adscribere.

§. IX. Promouit hanc doctrinam magnopere Cyprianus, præsertim cum Tertulliani doctrinas nimium vbique secutus fuerit, uti eruditi observant. Imprimis vero id strenue agit, ut independentiam & reuerentiam

tiam sacerdotibus præstandam ex iure Mo-
saico ubique inculcet., argumētis petitis
ex veteri Testamento; quæ adeo incaute
applicat ad statum N. Test., vt eandem
Episcopis (nam de horum sacerdotio potis-
simum sollicitus est) tribuat potestatem
regiam, quam olim in republica Theocra-
tica Iudæorum sacerdotes habuerunt, vti
ex *epist. III. IV. & LIX.* constat. Necdubi-
um est, quin eandem doctrinam Principi-
bus opposuisset, si in tempora Constantini
& successorum eius incidisset, prout post-
modum Episcopi sub hoc clypeo contra
Principes pugnarunt.

§. X. Postquam itaque seculo III. hæc do-
ctrina de *Sacerdotio Episcoporum* ubique scri-
ptis esset confirmata, Episcopi seculo IV.
eandem strenue ipsa praxi vltius propa-
garunt, & sibi summum arbitrium circa
sacra, quod sacerdotibus in V. T. datum
erat, vindicarunt. Inde Constantinus quo-
que deceptus est, vt sese arbitrio Episcopo-
rum committeret, & quamuis quædam in
sacris disponere videretur, magis tamen
eorum impulsu & arbitrio quam suo iure
ageret, & decisioni Episcoporum pleraque
relinqueret. Nihil magis ab hoc tempore
actum est, quam vt sacerdotii dignitas, ex-
cellentia, & independentia publicis scriptis
inculcaretur. Sic enim Hilarius in *Eph. IV.*

In Episcopo omnes ordines sunt, quia primus sacerdos est, i. e. Princeps sacerdotum, & Prophetas & Euangelista, & cetera adimplenda officia ecclesie in ministerio fidelium.

§. XI. Si per exempla & testimonia eundem esset, ingentem farraginem coaceruare possem, quod tamen ab instituto meo alienum est. Vnicum liceat tantum adducere exemplum de Ambrosio, qui a Valentiniano iussus erat Basilicam Auxentio Arriano & eius affectis tradere, quod præfracte recusauit, & inde tandem vi extractus est. Totam rei seriem refert *epist. 33. ad Marcellinum sororem anno 387.* ubi inter alia ita scribit: *Allegatur, Imperatori licere omnia, ipsius esse vniuersa. Respondeo. Noli te gravare imperator, ut putes, te in ea, quæ diuina sunt, imperiale aliquod ius habere, noli te extollere, sed si vis diutius imperare, esto Deo subditus. Scriptum est: quæ Dei, Deo: quæ Cesaris, Cesari. Ad Imperatorem Palatia pertinent, ad Sacerdotem ecclesia. Publicorum tibi mœnium ius commissum est, non sacrorum &c. Adeo ius sacerdotii Ambrosius euehit, ut ne quidem templorum ius Imperatori concedere velit, quasi templum esset ecclesia vel hereditas Christi, uti satis imper-*

pertinenter ait. Gelafius anno 494. ad Constantinopolitanum Imperatorem impudentius scripsit: *Duo sunt quippe Imperator Auguste, quibus principaliter hic mundus regitur, auctoritas sacra Pontificum, & regalis potestas. In quibus tanto gravius pondus est Sacerdotum, quanto etiam pro ipsis regibus hominum in diuino sunt reddituri examine rationem.*

§. XII. Hac independentia Sacerdotii stabilita, transactum quodammodo cum imperantibus de potestate suprema ciuili & sacra, & hunc in finem cogitatum est de concordia sacerdotii & imperii, & de finibus utriusque regundis. Cum Constantinus ecclesiasticis negotiis se immisceret, Hosius Cordubensis Episcopus eum ita admonuit: *Tibi Deus imperium commisit, nobis, quae sunt ecclesiae, concredidit. Et quemadmodum qui tuum imperium malignis oculis carpit, contradicit ordinationi diuina; ita & tu caue, ne quae sunt ecclesiae, ad te trabens, magni crimini obnoxius fias. Date, scriptum est, quae sunt Caesaris, Caesari, & quae Dei, Deo. Neque igitur fas est nobis, interris imperium tenere, neque tu thymiamatum & sacrorum potestatem habes Imperator. Athanas. in epist. ad vitam solitar. agentes. Sic*

itaque Imperatores ex hac doctrina de sacerdotio variis occasionibus circumuerti sunt, ut iure suo cederent, cum ad Sacerdotium omne ius circa sacra tandem relatum fuerit.

§. XIII. Imo ut eo maius pondus Sacerdotium affectatum haberet, non dubitarunt, illius potestatem civili præferre, quod aperte prodit Chrysostomus *Homil. 15. in ep. 2. ad Corinth.* his verbis: *Iste autem principatus (Sacerdotii) civili tanto melior est, quanto terra cælum, imo & multo magis.* Symmachus Papa in *Apolog. ad Anastasium Imperatorem* huc quoque collimat his verbis: *Conferamus autem honorem Imperatoris cum honore Pontificis: inter quos tantum distat, quantum ille rerum humanarum curam gerit, iste diuinarum. Tu, Imperator, a Pontifice baptismum accipis, sacramenta sumis, orationem poscis, benedictionem speras, pœnitentiam rogas. Postremo tu humana administras, ille tibi diuina dispensat. Itaque ut non dicam superior, certe equalis honor est.*

§. XIV. Quamuis vero Imperatores, occasione ferente, nonnunquam adhuc disposuerint de negotiis ecclesiasticis, pro iure
supre-

supremo reipubl. pleraq; tamen, ad murmurantibus Episcopis, egerunt, & grauissimas ut plurimum reprehensiones Episcoporum incurrerunt. Vnde paucissima iura sibi tandem reseruarunt, pleraque prætextu Sacerdotii iis vel erepta, vel ita restricta fuere, ne imperantes iure suo libere agere possent. Imo & hæc reseruata iis tandem erepta sunt, uti series temporum sequentium ostendit.

§. XV. Sic itaque dici nequit, quæ & quot mala ex prætenso hoc *sacerdotio* in respubl. ubique inducta sint, quæ nec hodie satis eradicari potuerunt. Quamdiu ecclesia, per duo priora secula in sua innocentia & integritate substitit, res ecclesiæ optimo steterunt loco. Ast ubi seculo III. *Sacerdotale regnum* excogitatum est, non potuerunt non res ecclesiæ inclinare, & in schema quoddam politicum reduci, contra intentionem & Apostolorum & Christi, prout egregie illustrat Campegius Vitringa

de Synag. vetere in proleg.

c. 6. p. 68.

CAP. XIV.

DE

ORIGINE COADIUTORVM
ALIORVMQVE VICARIO-
RVM.

§. I.

COadiutores Episcopis dantur & substituantur, si quidem prima rerum initia spectamus, tum ut eos sublevent, tum ut eis succedant. Olim Episcopi per se quævis munia obibant, & tantum in casu iustissimi impedimenti vicaria aliorum opera utebantur, quem in finem vel Presbyteris vices suas committebant, vel aliquando *coadiutores* designabant.

§. II. Equidem exempla non desunt, in primitiva ecclesia *successores* a morientibus Episcopis designatos fuisse, qualis designatio tamen coadiutores non constituebat, sed nudam potius *commendationem* continebat, quæ negligi poterat. Sic moriens Alexander, Alexandria Episcopus, designavit, Athanasium successorem, cura Meletii, cui tamen Theonas substitutus est. Epiphani. *heres. 68. n. 6.* Hoc mortuo demum Athanasius successit.

§. III.

§.III. Quandoque etiam plures commendarunt, officio vacanti præficiendos, quale exemplum refert Socrates *l. 2. c. 5.* de Alexandro Constantinopolitano Episcopo, qui Paulum & Macedonium commendauit. Plura alia similia exempla eorum adsunt, qui sibi successores constituerunt, qui *coadiutores* haud fuerunt, quod tamen tandem prohibitum est *Concil. Antioch. c. 13.*

§.IV. Tales designati demum per electionem episcopatum suscipiebant, quia in designatione nuda tantum *commendatio* erat. Constat hoc ipsum ex Athanasii designatione successoris, de qua ita Theodoretus *lib. IV. c. 18.* *Athanasius Petrum suo suffragio designat, eiusque electioni ab omnibus tam sacerdotibus, quam Magistratibus assensum est. Populus quoque vniuersus acclamationibus, quantum letitia percepisset, demonstrauit.* Inde recte concludit Thomassinus *de nov. & vet. eccl. discipl. P. II. lib. 2. c. 55. n. 5.* ea designatione nihil quicquam detractum fuisse libertati suffragiorum, populi, cleri, & Episcoporum prouinciz, a quibus successoris adhuc celebrabatur electio. Ast Coadiutores sibi constuebant Episcopi adhuc *uidentes*, qui erant *Coëpiscopi*, hoc modo tamen ab ordinariis distincti, vt coadiuuandus primatum gereret, quo ipso eueniebat, vt duo essent vnius ecclesiz Episcopi, quod contra antiquum morem,

morem, & *canonem* 8. *Nic. Concilii* esse videbatur.

§. V. Quocirca non aliter olim id ipsum quam ex urgentissimis grauisissimisque causis tolerabatur, si forsan Episcopus, qui hactenus ecclesiæ præerat, senectute vel morbo ingrauescente officio suo superesse amplius non posset, quo ipso contra canones ecclesiasticos reuera haud peccabatur. Ita Narcissus ecclesiæ Hierosolymitanæ Episcopus, senio centum annorum confectus, Alexandrum Cappadociæ Episcopum coadiutorem sibi adsumsit. Euseb. *lib. VI. cap. II.*

§. VI. Similiter Macarius Episcopus Hierosolymitanus induxit plebem, ut Maximum a se ordinatum retineret, nec dimitteret, sed consentiret, ut sibi esset coadiutor & successor. Sozomenus *lib. 2. c. 18.* De ecclesia Cæsariensi simile quid factum esse, refert Eusebius *Lib. VII. c. 32.*

§. VII. Quamuis vero hæc coadiutorum constitutio tantum toleraretur in casibus necessitatis, si Episcopus non posset officio suo superesse, & ita finis principalis in subleuatione eius consisteret, qui senio vel morbo confectus erat, nonnulli tamen seculo IV. etiam hoc medio usi sunt, ut magis sibi *successorem* certum, quam *adiutorem* constituerent. Sozomenus *lib. II. c. 18.* narrat, Maca-

Macarium sibi ideo Maximum adiunxisse, ne Eusebianorum machinationibus Arianus surrogaretur, & quia non raro sede vacante in electionibus turbæ concitabantur, propter competitorum æmulationem, nonnulli quoque hunc in finem sibi coadiutores petebant, quo omnis eiusmodi contentio euitaretur, & hæc *extremordinaria prouiso* fiebat.

§. VIII. Neutiquam tamen hæc coëpiscopi cooptatio priuato ausu, sed consensu cleri & plebis accedente fiebat, vti docet August. *epist. 110.* successorem sibi Euodium constituens. Neque enim canones permittebant, vt episcopatum teneret, qui cleri & populi suffragiis non esset constitutus.

§. IX. Quia vero in Oriente constitutio Episcoporum a Synodo Comprovincialium dependebat, & ita surrogatio successoris in huius fraudem fieri videbatur, *canone 23. Antioch. Concil.* tales constitutiones irritæ declaratæ sunt. Neque, vt contextus docet, tantum hic canon de *nuda designatione*, loquitur, sed de actuali constitutione, quæ non aliter fiebat, quam per cooptationem in Coëpiscopum. Ita iam hoc tempore, coadiutoris ad successionem stabiliendam, quamuis bona fide, adhibitæ sunt.

§. X.

§. X. Videbatur talis coadiutoris constitutio canonibus aduersari, inde dispensatione præuia posthæc tempora fieri debebat, quæ tamen non a Pontifice Romano, sed a Primate petebatur, cui suberat coadiuuandus. Docet hoc exemplum Valerii, qui literis apud primatem Carthaginensem Aurelium egit, vt Augustinum successorem & coadiutorem sibi constituere integrum esset. Venia impetrata, demum electio sequebatur. Possidius *in vita August. c. 8.*

§. XI. Ipse Augustinus postea Eradium successorem constitui fecit, sed vt in coëpiscopum ordinaretur, admittere noluit, quia putauit, hoc nec contra canones, nec se hac in re peccaturum esse. Vid. *Epist. 110. August.*

§. XII. Hactenus tamen eo haud processerat infractio iuris antiqui, vt inuitis & non indigentibus daretur coadiutor, quæ tamen etiam pederentim sese exseruit. Tentauit id Hilarius Arelatensis Episcopus, quod grauer reprobauit Leo. *Ep. 89.* & in hunc finem ad Episcopum Viennensis prouinciæ scripsit. Thomass, *Part. II. de discipl. eccl. p. 502. §. 10.*

§. XIII. Quandoque etiam consultus fuit Episcopus Romanus, vt is quoque in hanc constitutionem coadiutoris consentiret, ceu factum est seculo V. quo in Hispania
Me-

Metropolitanus cum Episcopis prouinciæ desuper consuluit Episcopum Rom. Hilarium, qui tamen decretum concilii prouincialis rescidit, ex hac ratione, *ne duo in vna ecclesia essent sacerdotes.*

§. XIV. Sed vtut Hispani dispensationem Papæ sollicitauerint, alia tamen consuetudo seruata est in Gallia, quippe quæ adhuc seculo IX. libertatem hanc constanter, conseruauit, vt in Archiepiscoporum arbitrio totum hoc negotium positum esset, vt testatur Petrus de Marca *de C. S. & l. lib. 6. c. 8. in fine.*

§. XV. Quin & regum consensus eo tempore sufficebat, & sic Pontificis dispensatio non præcise necessaria erat, vti ex Adamo Bremensi probat *Ziegl. de Episc. lib. I. c. 25. in f. præsertim cum electiones Episcoporum quoad maximam partem dependerent a regum arbitrio.*

§. XVI. Occurrunt adhuc alia exempla quandoque Pontificum Romanorum consensum imploratum fuisse, sed non ab aliis, quam eius vicariis, quippe qui ab eo dependebant. Sic Augustinus in Anglia Pontificem eo nomine implorauit.

§. XVII. Ex his omnibus patet in coadiutoribus constituendis (1) non necessarium fuisse consensum præfulis Romani; (2) sed tantum Metropolitanæ (3) & Regis, (4) nec

inuitis datos eos fuisse, sed (§) poscente utilitate ecclesie & postulante coadiuvando.

§. XVIII. Sed postquam præsul Romanus omne ius dispensandi, maxime circa beneficia maiora, sibi asseruit, non tantum eius auctoritate postmodum coadiutores dati, sed inuitis quoque & non indigentibus obtrusi, ut præcaveretur sedis vacantia, prout res hodie sese habere solet. Atque hoc ipsum tempore Innocentii III. iam in more positum fuit, quippe qui plura iura sedi Papali reservavit, quæ alias a Metropolitanis dependebant.

§. XIX. Præter coadiutores alii vicarii olim incogniti erant. Clerici per se munia sacra obibant, præsertim postquam singuli vni officio tantum præessent, nec alii adhiberentur, quam qui tali officio sufficerent. Qui peregrinatione vel aliter impediti erant, vices suas quidem aliis demandabant, sed tantum ad tempus, non in perpetuum.

§. XX. Et quidem quod ad Episcopos attinet, illi prioribus tribus seculis vicariis non indigebant, circumscripti scilicet legitimo presbyterio, cui partem muneris sui imponebant, & quod absente Episcopo vices eius gerebat. Socrates *lib. I. H. E. c. 8.* Erat enim in singulis ecclesiis *confessus ordinis*

dinis ecclesiastici ex Presbyteris & Diaconis, qui subleuabant Episcopum in sacris, & eius auctoritate agebant, teste Tertull. c. 7. *de exhortat. ad castit.*

§. XXI. Et sicuti, crescente quotidie potestate Episcoporum, negotia crescebant, seque Episcopi post seculum III. variis causis secularibus, administrationi bonorum ecclesiasticorum, iurgiis & contentionibus totos dabant, ita seigniores paulatim facti sunt in *officio proprio*, illudque per Presbyteros & Diaconos expedierunt. Inde exempla testantur Episcopos vices suas saepe vni alteriue ex Presbyteris commisisse.

§. XXII. Nam postquam omnem iurisdictionem ecclesiasticam occuparunt, nec tamen causis decidendis superesse possent, post seculum VI. *Archidiaconis* plura commiserunt, quod ex conciliis probatum dedit Thomassinus *P. I. de discipl. p. 277.* Quem admodum enim Diaconi inseruiebant Episcopo & imprimis Archidiaconus a latere eius perpetuus esset, ita eueniebat, vt huic potissimum vices suas in plurimis delegaret.

§. XXIII. Inde hic *officialis* & *vicarius* Episcopi dictus fuit, qui iam sub imperio Caroli M. Synodis nomine Episcopi interfuit, visitationes ecclesiarum obiit, & iurisdictionem in reliquum Clerum nomine

Episcopi exercuit. Et cum hæc perpetuo plerumque eis delegaretur, tandem in morem abiit, vt Archidiaconi *iurisdictionem* exercerent, quæ postea *ordinaria* more & consuetudine facta, vt tamen Episcopus in causis maioribus sibi reseruaret cognitionem. Inde ortum traxerunt *iudicia archidiaconalia*, quæ magnam olim habuere auctoritatem, vt omnis clerus eis esset subiectus. In Concilio Toletano c. 3. cautum est, *debere Archidiaconum omnem querimoniam seu causam vel in iustitiam presbytericam vel Diaconorum vel Subdiaconorum deliberate ordinare*. Conf. Stephani Baluz. *ad Lupum epist.* 80. p. 413.

§. XXIV. Similiter cum inter Presbyteros is, qui ordine primus in confessu erat, reliquos antecederet, inde *Archipresbyter* dictus, huic postmodum Episcopus vices suas communiter demandabat in *sacris*, si abesse cogeretur. Liberatus in *Breuiar.* c. 14. Thomasinus *P. I. de discipl. eccl.* p. 222. Potissimum in agro Clericis præerant, & inspectionem in eos gerebant. Illa porro, quæ ordinis sunt, in absentia Episcopi agebant, missas legebant in ecclesia cathedrali, & prædicationibus, quæ olim Episcopis incumbabant, vacabant, & inde quoque *Vicarii Episcoporum ordinarii* vel *nati* facti sunt, præsertim postquam Episcopi officium

um *proprium* derelinquerent, & *alieno* vacarent, vel desidiose agerent.

§. XXV. Atque hi *Archidiaconi* & *Archipresbyteri* per secula fere decem tantum *generales officiales* & *vicarii* Episcoporum fuerunt. Sed seculis sequentibus maxime XIII. alii *vicarii generales* siue *officiales* instituti sunt, qui omnem omnino potestatem Episcopi reliquam exercerent in iurisdictionalibus & lege diocesana, qui quidem ab initio mere ex arbitrio Episcoporum dependebant, sed postmodum hoc quoque in morem perpetuum transiit, postquam Archiepiscopi præsertim abesse solerent, ut inde munus eorum *ordinarium* & *perpetuum* factum sit, salvo tamen iure Archidiaconorum.

§. XXVI. Inde *Consistoria Episcoporum* sunt orta, quibus præsunt hi *officiales* & iurisdictionem exercent, ad quæ datur appellatio a iudiciis Archidiaconorum. Nam ut olim ab horum iudiciis ad ipsum Episcopum appellabatur, quamdiu adhuc ipsimet causis decidendis & audiendis vacarent, ita postmodum ad *Consistoria Episcopalia*, quibus præsunt *officiales*, appellatum est.

§. XXVII. Hactenus de *vicariis* & *officialibus* Episcoporum, qui vicaria opera Episcopum sublevarunt in munere proprio. Super-

sunt adhuc alii vicarii, qui Parochiis & ecclesiis nomine alterius præsunt. Hi post annum millesimum hac occasione orti sunt. Prohibitum erat antiquis canonibus, ne quis plura beneficia haberet, in quorum fraudem tamen variaz rationes inuentæ sunt. Nam (1) per modum *commendæ*, ut loquuntur plurimi parochias obtinuerunt, ut tantum vnam propriam habere viderentur ecclesiam, quasdam vero iure *commendationis*, quod permissum erat, quamdiu quædam ecclesiæ forsitan vacarent. (2) per modum *unionis*, quo plures parochiæ in vnum conflatae sunt, ita ut cui hæc beneficia conferrentur, non plura sed vnum obtinere videretur.

§. XXVIII. Hac fraude in praxin deducta, necesse fuit, vicarios admittere, qui iis præsenserent ecclesiis, quas Rector principalis per se regere non posset. Inde factum, ut vicariis partem de tunica darent, reliquum redditum sibi reseruarent, & in morem stabilem iret, per vicarios præsens ecclesiis unitis vel commendatis, quales vicarii reuera, *mercenarii non pastores* erant.

§. XXIX. Inde vicarii perpetui illarum ecclesiarum introducti sunt, quibus sua perpetua beneficia assignata, ut reliquum redditum is obtineret, qui vicarium instituit. Vnde etiam vicarius illas qualitates possidere debet, quæ in tali ministro requiruntur

tur, nec potest reuocari a proponente, cum instar *ordinarii pastoris* sit.

§. XXX. Similiter Canonicis per hæc tempora vicaria opera vti, in horis canonicis psallendis, concessum est. Canonici olim in cathedralibus ecclesiis docebant & in Theologia & iure Canonico instruebant discipulos. Thomasinus *de nov. & vet. eccles. discipl. P. 2. lib. I. c. 101.* Cum ergo non possent simul horis Canonicis psallendis interesse, paulatim residentia illis relaxata est. Hoc facto per alios officium suum expedire coacti sunt.

§. XXXI. Sed & aliis variis occasionibus immunitatem a necessitate residendi impetrauerunt, ita vt tandem in morem abierit, abesse ab ecclesia, & per *vicarios perpetuos* officium implere, & quamuis residendi necessitas hinc inde reducta sit, non tamen vicariorum opera sublata est, sed constanter durauit, adeo vt ne quidem presentibus canonicis cesset, præsertim cum resi-

dentia ad breue tempus restricta

& reuera inanis facta

sit.

CAP. XV.

DE

ORIGINE CAPITVLO-
RVM.

§. I.

SÆpe iam dictum est, per tria priora se-
cula quamuis ecclesiam habuisse suum
Episcopum & Clerum. Hic constabat ex
Presbyteris & Diaconis, & collegium quoddam
constituebat, siue confessum & synedrium,
cui Episcopus præerat, vti plenius ostendi
in *dissert. VII. ad Tertull, & Plin. II.*

§. II. Hic confessus erat instar *senatus ec-
clesiastici*, Episcopo asidentis, qui eius ca-
put siue præses erat, vt eius consilio eccle-
siaz gubernarentur, & difficultates ingruen-
tes explicarentur. Atque id ipsum *contra-
here presbyterium* vocat Cyprianus in *epist.*
49. p. 92. Inde idem variis locis testatur,
se causas grauiores non priuato iudicio, sed
suffragio cleri, imo etiam plebis solere ex-
plicare. Hoc tamen cum discrimine, vt
sæpe cum clero primum res communi con-
silio deliberationi subiicerentur, deinde et-
iam plebis iudicium desuper requireretur.
Inde in *Concil. Antioch. c. I.* præesse ecclesiaz
Episcopi, Presbyteri & Diaconi, & apud So-
cratem

Socratem *lib. I. H. E. c. 11.* coniunctim *constituere sacrum ordinem* dicuntur.

§. III. Mansit etiam hic confessus presbyterorum in Cathedralibus ecclesiis eo tempore, quo parochiales ecclesie erectae sunt. His praeficiebantur Parochi ex confessorum ecclesiastico: ast in illa ecclesia, cui praerat Episcopus, nihilominus confessus ecclesiasticus supererat, episcopo tanquam senatus ecclesiasticus assistens, cui reliqui presbyteri & Diaconi ecclesiarum parochialium, Episcopo subiectarum, adiungebantur, quoties presbyterium contrahendum esset. Sic Siricius *epist. 2.* testatur in causa haeresium factum fuisse *presbyterium*, siue collectum clerum & in consilium vocatum. Felix Papa hoc intuitu *epist. 4.* dicit, quod hi clerici vna secum *Apostolicum thronum* regerent.

§. IV. Sicuti vero Facultas iudiciaria, apud Iudaeos expediebatur per Synedrium h. e. confessum vid. *l. 6. de decret. ab ordin. faciend.* ita quoque similis quaedam iudiciaria potestas exercita fuit, maxime a quo Tertulliani, ab Episcopo & clero, quo intuitu satis notanter Tertullianus *c. 7. de exhort. castit.* collegium hoc *confessum ordinis ecclesiastici* vocat, qui reuera tunc constitutebat capitula ecclesiarum singularum.

§. V. Inde sede vacante in hoc collegium & confessum omnis gubernandi potestas recidebat, quæ potissimum in administratione sacrorum seu actibus ordinis, vti hodie loquuntur, consistebat. Constat id eleganti exemplo ex seculo II. petito. Post mortem Hygini sedis vacantia ad quadriennium fuit circa annum 126. per quod tempus collegium presbyterorum præfuit ecclesiæ Romanæ, vti, quæ acta sunt cum Marcione, testantur apud Epiphan. *heres.* 42. Idem testatur Clerus Romanus *in epistola 30. ad Cyprianum.* Similiter seculo III. in absentia Episcopi Cypriani clerus rexit ecclesiam, ceu *epistola 5. Cypriani docet, & Socrates lib. I. c. 3. confirmat.*

§. VI. Videntur tamen, mox quidam, episcopi descivisse a pristino more, & neglecto consilio cleri, pro auctoritate omnia disposuisse. Inde in Conciliis hoc correctum est, vti apparet ex Concilio Carthagin. IV. *c. 22. 23.* vbi cautum, vt Episcopus nihil *sine consensu Cleri* sui ageret, de quo non necesse fuisset disponere, nisi mos contrarius irrepfisset.

§. VII. Ita Clerus in singulis ecclesiis eo tempore *capitulum* constituebat, sine quo nihil disponebat in ecclesia episcopus. Quo intuitu Pseudo-Ignatius presbyteros vocat *Consiliarios episcopi, qui locum Synedrii*

Apo-

Apostolorum tenerent. & Hieronym. in c.2. Esai. ait: & nos habemus senatum nostrum, cœtum presbyterorum. Basilius *epist. 319.* vocat hunc cœtum *Synedrium presbyterii ciuitatensis*: nam ruri in parochiis tale deficiebat.

§. VII. Neque enim tantum, vti antea dixi, huic Synedrio assidebant Presbyteri ecclesiæ Cathedralis, sed etiam Parochi aliarum illius ciuitatis ecclesiarum, quia hi ex confessu ecclesiæ cathedralis illis ecclesiis minoribus præpositi erant, saluo tamen vinculo priori, quo in senatum admitti debuere: & hoc innuit Basilius verbis allegatis, vbi *Presbyteros ciuitatenses* vocat *Synedrium Presbyterii ciuitatensis.* Hanc ipsam rationem etiam retinuit Ecclesia Romana, prout indicat Innocentius I. *in epist. I. c.5.* cuius verba *cap. III. §. 7.* adduxi, vnde tandem formatum est *corpus cardinalium.*

§. IIX. Hactenus tamen clerus ecclesiæ Cathedralis non vna viuebat, nec communi mensa utebatur, sed separatim agebat, & ex redditibus ecclesiæ alebatur, sicut nec nomen *canonici* cognitum erat. Augustinus primus congregauit Clerum ecclesiæ cathedralis in communem vitam. Presbyter enim factus monasterium ex laicis in horto ecclesiæ erexit. Possidius *in vita August. c.5.* Episcopus factus clerus ecclesiæ eodem modo collegit, vt in vna domo vitam cum ipso

ipso communem ageret, quod nouum genus monasterii esse videbatur. Vnde adhuc non raro ecclesiarum cathedrales vocantur Münster. Hoc modo primitiuarum ecclesiarum mores reducere tentauit, & enixe studuit, ne ex clero quisquam proprii quid haberet.

§. IX. Erant in hoc consortio clericorum Presbyteri, Diaconi & Subdiaconi seu *clerus principalis ecclesie cathedralis*, & ita eo tempore inde in ecclesia Hipponensi formatum est capitulum. vid. August. *serm. 50. apud Thomassin. de noua & vet. eccles. discipl. P. I. lib. III. c. 3. §. 7. 8.* vnde Clerici regulares orti sunt.

§. X. Exemplum Augustini secuti sunt certatim alii Episcopi, & clerus cathedralis ecclesiarum similiter congregarunt, inde in ipsa ordinatione paupertatem & vitam hanc communem profiteri coacti sunt. Plura hinc inde in conciliis de his consortiis cauta sunt. *Toletan. IV. c. 21. seqq. Turon. II. c. 12. &c.*

§. XI. Vocabantur hi clerici eo tempore *Canonici*, & vita communis, *mensa canonica*. Nam *canon* vocabatur catalogus clericorum, quo inserti erant, qui communem vitam agebant, & subinde ipsa portio, quæ unicuique tradebatur ex ecclesiarum redditibus, eodem modo quoque ita dicebatur. Et hætenus ca-

capitula in plurimis locis hoc modo erant ordinata, contra antiquum morem, quo vniuersus ciuitatis clerus in consortium senatus ecclesiastici admissus erat.

§. XII. Sed Caroli M. temporibus Canonorum appellatio immutata fuit. Eo tempore tales dicebantur, qui secundum canones vivebant, clericis præscriptos, quia clericis omnibus hæc vita communis iniuncta fuit: vid. *Concil. Mogunt. de anno 813. c. 9.* Thomass. *cit. l. p. 644. §. 3.* vnde *Monasteria* tam *canonicorum* quam *monachorum* eo tempore occurrunt. Et quia Canonici nulla certa regula vivebant, Ludouicus Pius illam iis præscripsit, secundum quam ad exemplum Monachorum viuerent Stephan. Baluz. *ad Lupum. p. 373.* Hoc monasterium Canonicoꝝ, imo capitulum ecclesiæ cathedralis, in domo Episcopi erat: vid. *Concil. Turon. III. c. 23.* & huius cum Consilio tanquam senatu ecclesiastico omnia episcopus peragebat, docente Thomassino *cit. l. p. 646. §. 12.*

§. XIII. Laxata post hæc tempora est disciplina vitæ communis clericorum, adeo vt post annum millesimum de eius restauratione cogitatum fuerit. vid. *Concil. Roman. de anno 1059. c. 4.* sed non statim in praxin deduci vbique potuit, vt ostendit
luo

Iuo Carnot. *ep.* 218. propter, dissolutam clericorum vitam.

§. XIV. Inde inualuit distinctio inter, Canonicos *regulares*, qui Augustini morem retinebant, & *seculares*, qui seorsim habitabant, proprietati non renuntiabant, sed laxiori vitæ indulgebant. Quia tamen clerus ordinarius ecclesiæ cathedralis essent, in atrio ecclesiæ cathedralis ædes illis assignatæ sunt, unde adhuc hodie supersunt, die Domherrn-Höfse. Interim ex illo instituto Augustini factum est, ut capitula, tantum ex clero proprio ecclesiæ cathedralis constare inciperent, exclusis reliquis presbyteris ciuitatensibus. Cum enim illi communem vitam in domo Episcopi agerent, ad ipsos quoque pederentim ius capituli solitarie deuolutum est, & inde quoque ius eligendi priuatiue sibi vindicarunt, prout hodierna praxis testatur.

CAPVT XVI.

DE ORIGINE MILITIAE SACRAE.

§. I.

Spes recuperandæ terræ sanctæ, & hostes Christiani nominis profligandi deside-

rium, simulque innata opinio de bellis Domini gerendis multas societates conciliavit, quas vulgo *ordines militia sacra* vocant, quæ specialibus distinguuntur nominibus. Insigne incrementum inde acceperunt, quod pontifex videret, suæ potentia ingens incrementum ex his societatibus sacris vel quasi accedere.

§. II. Hoc præmittendum est, peregrinationes in terram sanctam fuisse admodum frequentes, maxime ad sepulcrum Christi institutas, a Saracenis tamen admodum impeditas, quippe qui Palæstinam occupauerant, quam sui iuris esse ex inepta opinione Christiani crediderunt. Pontifices promovebant hoc institutum, quod sibi maxime commodum fore arbitrabantur, ut, potentioribus in exteris terras missis, domi eo magis potestatem suam stabilire possent,

§. III. Itaque Urbanus circa finem seculi XI. indicto concilio Clarimontano expeditionem in terram sanctam indixit, & omnibus commendavit pro recuperanda terra sancta; illisque crucem pro signo dedit. Verum Urbanus II. cui Romæ consistere negatum, quippe quam Clemens III. Antipapa tenebat, hanc ipsam expeditionem eo consilio vrsit, ut eo facilius citromontanos in sui reuerentiam conuerteret & Romæ auctoritatem consequeretur. Inde hi, qui hanc

hanc expeditionem susceperunt, *equites cruciati Creutz Herren* dicti, qui sese in certas leges obstrinxere, vt eo firmitus vinculum inter eos esset. vid. Becmann in *Syntagma dign. p. 1440.* Mornæus in *myster. iniquit. p. 263. seqq.* Ipsæ expeditiones describuntur plenius in *tract. de gestis Dei per Francos seu Oriental. expedit. & Regni Francorum Hierosolym. historia.*

§. IV. Hæ expeditiones & peregrinationes in terram sanctam tres pepererunt ordines. Iam antea, qui negotiationis vel deuotionis gratia in terram sanctam peregrinabantur, a principe Ægypti impetrauerant facultatem prope sepulchrum Christi templum in honorem B. Mariæ Virginis extruendi, cui additum est cœnecium S. Mariæ de Latina, ab Abbate & Monachis inhabitatum. Crescente peregrinorum numero Abbas cum Monachis Hospitale condidit, adiuncta capella in honorem S. Iohannis, pro excipiendis & curandis infirmis & egenis peregrinantibus, qui ex eleemosynis peregrinantium vivebant. Capta Hierosolyma, Gerardus quidam nobilis, qui hactenus in hospitali pauperibus & infirmis ministrauerat, adiunxit sibi nonnullos alios, & cum iis religiosam vitam suscepit, hac intentione, vt hac in religiosa societate infirmis & pauperibus peregrinantibus succur-

re-

reret, & ita ordo hic ab initio *monasticus*, non *militaris* fuit, sub Abbatis *S. Mariae de Latina* directione constitutus. Cum vero postea in suam fraternitatem admitterent milites expeditionem in terram sanctam facientes, ordo totus *militaris* factus, & defensionem terræ sanctæ contra Saracenos pro scopo habere incepit. Ipsi milites inde dicti sunt *hospitalarii* vel *Ioannitici*. Vid. Jacob de Vitriaco lib. I. de *hisor. Hierosolym.* Auberti *Mixi* *origines equestr. siue militarium ordin.*

§. V. Simili occasione eodem fere tempore inualuit ordo *Teutonicus*, cuius fratres eodem modo ab initio peregrinos infirmos & expeditionem facientes Germanos suscipiebant, & erga eos quævis charitatis opera exercebant. Cum enim Germani potissimum superstitione ingenti multitudine in terram sanctam contenderent, & acerrime cum Saracenis configerent, præsertim in oppugnatione Ptolemaidis, plures se coniungere, qui sauciis & ægrismilitibus succurrerent, quorum pietas vel misericordia mox adeo approbata fuit, ut noui ordinis initium inde sumeretur, Friderico Duce Sueviæ & Henrico Brabantix institutum sedulo promouentibus. In *Chron. S. Egidii* apud Illustr. Leibnit. *inscript. Brunsvic. P. II. p. 586.* dicitur; *sub hoc Papa Innocentio III. & tempore Henrici Imperatoris capit in Acan ordo*

fratrum Teutonice domus. Possidebant Hierosolymis domum hospitalem, *Mariæ* dicatam, unde quoque nonnunquam nominantur. Ad petitionem Henrici VI. Cœlestinus III. hunc ordinem confirmavit, alba veste cum nigra cruce iis concessa, & S. Augustini regula iis præscripta. Non substitit hic ordo in votis Monasticis, sed rei militari mox operam strenuam dare cœpit. Jacob de Vitriaco *hisor. Hierosolym.* c. 66.

§. VI. Denique *Templarii* quoque circa annum 1118. exstiterunt, qui in militiæ religioſæ professione aliis præiuere, & inde sine dubio Hospitalarii quoque eorum exemplo militiæ sacræ, vt vocant, incubuerunt. Rem succincte refert Gerardus Dubois *in hislor. eccles. Paris. P. II. lib. XIII. p. 104.* his verbis: *Ea ferme tempestate quidam nobiles, quos equites seu milites vocitabant, nouis quibusdam institutis se vitamque suam, approbante patriarcho Guaremundo, qui Arnulpho successerat, deuouerunt. li castos se & continentis fore Deo sponſponderunt, sui & propriæ voluntatis spontaneam abnegationem, professi; sed & instar Monachorum abiecta propria bonorum possessione acturos se vitam in communi solemni voto adstrinxerunt. Hoc vero sibi peculiare ac proprium sumserunt, quod vias & itinera maxime ad salutem peregrinorum contra latronum & insidiantium insidias pro viribus conseruarent: & quoniam prope templum Dei ades primum habuerunt,*

runt, fratres militia templi dicti sunt. Hanc novam institutionem novem exorsi sunt, sed postmodum tam equitum, quam servientium numerus in immensum excrevit, opum vero & facultatum eacopia fuit, ut pares Regibus possessiones habere dicerentur. Novus hic ordo in Concilio Trecentiensi, anno 1228. celebrato, confirmatus est sub regula Bernardi, cuius rationem plenius referunt Centuriatores *Centur. XII, c. 6, p. 393. edit. Basil.*

§. VII. Similiter anno 1205, ordo equestris *Enfiferorum* coivit, auctoritate Innocentii III. quibus causam ecclesiae Liuonicae commendavit, de quo ordine speciali dissertatione agit Schurzleischius. Sed hi gentiles, Liunioniam finitimasque terras incolentes, non repellere, sed plane subigere, imo penitus extirpare studuerunt, ut ita terras eorum sui iuris facerent, sibi que appropriarent, quo ipso potentia eorum admodum aucta est.

§. IIX. Quod priores ordines concernit, constat, eos primum ex Monachatu quodam natos, & inde factum esse ut milites quoque se ad tria illa vota adstringerent, & a Pontifice post confirmationem acciperent, ut sub regula certa viverent. Varia iis fortuna cum Saracenis fuit, quos tamen, ut propositum erat, expellere & penitus delere non potuerunt, imo tandem ipsi me-

expulsi & nouas quærere sedes coacti sunt. Nam Joannitici ordinis equites a Saracenis fugati anno 1309. Cyprum incoluerunt, paulo post insulam Rhodis occuparunt, & ultra seculum eam tenuerunt, donec tandem inde quoque pulsi & alibi migrare coacti fuerint, quo factum, vt gratia Caroli V. anno 1530. insula Maltha eis obueniret.

§. IX. Similiter templarii quoque a Turcis fugati in Galliam secesserunt, ibique ingentes diuitias acquisuerunt, quamuis in Hispania alibique etiam sedes suas habuerint. Sed infelicissimum exitum ordo habuit, postquam insidiis Philippi pulchri & Clementis V. funditus deletus est. vid. Dubois *hist. eccles. Paris. Lib. XVII. c. 5.* qui tamen strenue Gallorum causam agit.

§. X. Vt fraternitates certo ordine regerentur, elegerunt ordinis præfectum, quem *magistrum ordinis* dixerunt, quemadmodum adhuc hodie *der hoch und teutsch Meister* in Germania notus est. Primus magister fuit Henricus de Waldpott. Huic ordini addicti, postquam a Saracenis fugati sunt, in Germaniam secesserunt anno 1229. sub Magistro suo Hermanno de Salza.

§. XI. Ab hoc tempore varias expeditiones susceperunt, præsertim in Prussiam & Liuoniam. Cum his postmodum coalue-
runt

runt ensiferi in vnum corpus, vt magister ordinis huius sub magistro ordinis Teutonici esset. Inde potentia eorum adeo aucta est, vt varia bella cum Polonis gesserint, donec tandem magister ordinis sedem perpetuam Mergentheimi designauerit, & status Imperii factus sit.

§. XII. Sicuti itaque hi ordines potissimum militiae gratia coaluerunt, ita variis officialibus instructi sunt, prout res bellica postulauit. Sic in ordine Teutonico proceres fuerunt *der Groß-Commenthur / der Oberste Marschal / der Oberste Spittler / der Drappierer / der Tresorirer /* quorum officia varia fuerunt. vid. *Europ. Geerhold P. I. p. 334. seqq.*

§. XIII. Erant praeterea ordini huic amplissima bona in prouinciis variis dispersa, inde quoque iuxta prouincias, quas *Balluias* vocant, ea distinxerunt. Hisce praesunt commendatores prouinciales, *die Land-Comther /* quasi vices magistri ibi gerentes, sub quibus sunt *Commendatores die schlechten Comther.* Caetera quae ad ordinem ipsum pertinent, succincte tradidi ad Schilterum. *lib. I.*

Cap. XII.

CAP. XVII.

De

ORIGINE IVRIS PATRONATVS.

§. I.

IVS PATRONATVS, quo laici in ecclesiis, quas fundarunt, dotarunt vel extruxere, pastores constituunt, antiquissimum est institutum. Sed per tria priora secula incognitum, quippe quo nec templa cognita erant. Ast Seculo IV. ex Constantini gratia templis exstructis, huius iuris vestigia mox apparuerunt.

§. II. Interim cum hoc ius occasione, extructionis templorum ortum sit, facile iudicari potest, non demum inter Christianos illud natum esse, sed etiam inter Gentiles obtinuisse, utpote qui sua etiam templa habebant. Constat enim Gentiles quoque suo arbitratu constituere potuisse templa, eisque præposuisse sacerdotes. Unde non negat Franciscus du Roi *de iure Patron. in proleg. c. 2. p. 5.* ius patronatus inde innotuisse.

§. III. Quemadmodum itaque hoc ius iam satis decantatum notumque erat, ita
post.

postquam vsus templorum inter Christianos inualescere cepit, iura quoque circa templa vsitata a Christianis retenta & vsu fori approbata sunt. Et inde fundatoribus templorum denegari non potuit ius præficiendi ecclesiæ clericos.

§. IV. Equidem in vrbibus exstruebantur templa, sumtu publico vel Imperatorum, & ita iuris patronatus exempla in vrbibus non adeo occurrunt. Sed in agris & villis priuati solebant Oratoria exstruere, imo maxime ad hoc admonebantur, vti constat ex Chrysostomi *Homil. 18. in Acta*, vbi ita: *Fori quidem & balnea faciunt multi, ecclesias autem non item, & omnia magis, quam has. Ideo oro & supplico & gratiam peto, imo & legem pono, ut nullus qui habeat villam, appareat carere ecclesia.*

§. V. Hoc modo instigati laici ad exstructionem templorum in agris, facile ius illud sibi vindicarunt, quod iam olim templorum ædificatoribus indultum erat. Et hoc Chrysostomus *cit. l.* iam supponit, nec aliquod dubium ea de re suggerit. Ita enim: *Educa magistrum, educa Diaconum & sacerdotalem ordinem; quasi uxore ducta dotem adscribe. Quid non erit illic bonorum &c. -- Parumne est in sanctis oblationibus nomen tuum semper offerri?*

§. VI. Ex his verbis patet, patroni nomen precibus fuisse Deo commendatum, quod & adhuc hodie fieri solet. Præterea etiam sub initium Seculi V. nomina fundatorum ecclesiæ dyptichis fuere inscripta, uti refert Paulinus *ep.* 10. & 12.

§. VII. Circa idem tempus quoque ius præsentandi iam fundatori concessum fuit, uti apparet ex Concil. Arausicano I. anno 441. celebrato, ubi *c. 10.* episcopo ædificatori hæc gratia permittitur, ut possit in ecclesia constituere clericos, ordinandos ab episcopo dioceseos. Quamvis vero Canon de *Episcopo ædificatore* loquatur, ad hunc tamen solum haud debet restringi, id quod totus contextus ostendit. Ideo enim de episcopo formatus est canon, quia dubitatum fuit, annon in alieno ædificans possit ordinare clericos? quod negatur.

§. IIX. Qui ex *Can. 10. Concil. Tolet. I.* quod anno 400. celebratum est, probationem deducunt, errant, quia *cit. can.* non de *patrono ecclesiastico*, sed de tali, qui aliquem manumisit, loquitur.

§. IX. Sane Seculo VI. ævo Iustiniani iam satis notum erat hoc ius patronatus, quod proinde ipse Imperator variis locis repetit & confirmat. *L. 46. C. de SS. eccles. Nov. 57. c. 2.* Imo *Nov. 123. c. 18.* diserte etiam heredum mentionem facit.

§. X.

§. X. Patet ex his textibus, constitutos fuisse pastores ecclesiis a Patronis, ab Episcopo tamen prius examinandos, & excutendos, ut appareret, an digni essent. Inde *presentatio* originem traxit. Post approbationem autem ordinabatur ab Episcopo, uti constat ex *Concil. Tolet. IX.* quem canonem refert Gratianus *c. 32. c. 16. q. 7.* ut ita Episcopo examen cum ordinatione tantum reservatum esset.

§. XI. Reuera ergo habebant olim *collationem ecclesiarum* Patroni, quia ordinatione non conferebatur ecclesia, sed tantum Presbyterii ordo, seu dignitas ecclesiastica. Verum ne viderentur laici aliquid spirituale conferri, postea *institutio* inuenta est, qua mediante Episcopus dicitur *conferre ecclesiam* *presentato*, ut Patronus tantum *designet* personam, quam Episcopus *instituire & ordinare* debeat. Inde natales accepit suos *institutio*. Pertinet huc canon 30. *Concil. Auenionensis* anno 1326. celebrati apud Cabassutium in *notit. eccles. p. 512.*

§. XII. Quin in tantum collatio ecclesiarum patronis circa seculum VIII. propria erat, ut etiam parochos deponere possent, modo rursus id fieret cum consensu Episcopi, uti docet *c. 4. Concilii Arelatensis VI.* anno 813. celebrati Thomass. *P. II. p. 78.* Sed hoc

ius postea rursus iis plane denegatum est.

§. XIII. Præterea quoque Patronis cura in res ecclesiasticas competere debuit, utpote quæ ab ipsis processerant, quæ etiam iis variis in conciliis confirmata est, ut imprimis Concilio Toletano IX. apud Gratianum c. 31. 16. q. 7.

CAP. XVIII.

De

ORIGINE MONACHATVS ET MONASTERIORVM.

§. I.

MONACHATVS ratione suæ originis consistit in *vita solitaria*, id quod ipsa vox indicat, adeoque non eo modo olim sese habuit, vti quidem hodie constitutus est. Præterea vota monastica olim erant incognita, neque Monachi ad hanc vitam in perpetuum colendam adstringebantur, sed pro lubitu illa deferri poterat.

§. II. Neque tantum apud Christianos *vita solitaria* obtinuisse videtur, sed etiam apud gentiles, qui *solitariam vitam* singularem excolebant, ut eo magis ab illecebris mundi intacti seruarentur, quo intuitu hæc vita dicta fuit *philosophica*. Sic de Narcisso se-

seculo III. testatur Eusebius *lib. 6. Hist. Eccl. c. 9.* quod philosophica vitæ iam dudum amore captus, relicta ecclesiæ plebe, in solitudine ac desertis agris plurimos annos delituerit. Sed postea tamen rursus rediit ad ecclesiam, ubi *c. 10.* addit: Quippe vniuersi multo magis eum mirabantur, tum ob secessum, tum ob philosophicam viuendi rationem.

§. III. Furor persecutionum grauissimarum multos quoque Christianos ad egit, vt secederent in loca deserta & vitam agerent solitariam. Sic de persecutione Decii Eusebius *lib. 6. c. 42.* hæc refert: quid opus est commemorare multitudinem eorum, qui in montes & per solitudinem oberrantes fame, frigore, morbis & latronum aut bestiarum incursum oppressi interiere? Similia de Gregorio Thaumaturgo refert Gregorius Nyssenus, quem locum integrum refert, Korthold in *obtrecl. pagan. p. 347.* Nec negat Sozomenus *lib. 1. c. 12. in f.* persecutiones huic vitæ philosophicæ occasionem præbuisse.

§. IV. Inter eos, qui hoc philosophicæ vitæ genus excoluerunt, potissimum laudantur Antonius & Paulus, quorum mores & vitam plenius describunt Sozomenus *lib. 1. c. 13.* & Hieronymus in *vita Pauli* apud Korthold in *pagan. obtrecl. p. 334.* qui duo viri ex persecutione Decii hanc vitam amplexi sunt. Per idem tempus etiam Ammon cele-

lebratur apud Sozomenum *lib. I. c. 14.* & Socratem *lib. II. c. 23.* Atque hi quidem in Ægypto. Sed in Palæstina prædicatur ab Hieronymo Hilarion *in vita Pauli.* vid. Thomass. *P. I. de discipl. eccles. p. 664.*

§. V. Interim hoc seculo III. adhuc incognita erant *monasteria*, quæ demum exstructa sunt seculo IV. pace ecclesiæ reddita; & quidem plerumque in agris & suburbiis. Athanasius primum in Italia hoc vitæ genus induxisse legitur, quod tantum in Oriente hætenus viguerat, quamvis id ipsum *ignominiosum* in Italia putaretur. vid. Hieronym. *in Epitaph. Marcell.*

§. VI. Ab initio tamen monasteria tantum in usum viduarum & virginum exstructa videntur, quippe quibus adeo integrum non fuit in solitudine vagari, vti quidem masculis. Vnde in locis præadductis tantum referuntur *monasteria virginum & viduarum*, nec tamen legimus, eas voto aliquo obstrictas fuisse, sed tantum propositum Deo serviendi per totam vitam suscepisse. Verum paulo post in historiis etiam occurrunt *monasteria virorum*, qui remoti a consortio hominum, quamvis coniunctim, vivebant; interim in urbibus hæc non ædificabantur, quia id ipsum a primo instituto alienum esse videbatur.

§. VII.

§. VII. Patet quoque exinde, Monachos meros *laicos* fuisse, clericorum ordini haud addictos. Propositum eorum haud fuit, vt ecclesiae seruirent, sed vt mundo quasi renunciarent, & vitam innocentem & puram degerent. Imprimis mores primorum Christianorum imitari studebant, quibus omnia erant communia, adeo vt quidam asseruerint, inde vitam monasticam originem traxisse, quod tamen falsum est, vid. *Cassianus in Collat. 18. c. 5. apud Nat. Alex. Tom. IV. p. 87.* Inde post monasteria dicta sunt *cenobia*, quasi *vita communis*. Quin, etiam *conuersi* dicti sunt, qui monasterium ingrediuntur, quod puriorem vitam agere viderentur vel crederentur.

§. VIII. Et haecenus vnum idemque genus erat Monachorum. Vt vero primi illi Antonius, Paulus & Hilarion rursus in eodem vitae genere discipulos instituerunt, & quasi scholas quasdam aperuerunt, ita quoque successores in monasteriis rursus discipulos quosdam in sanctimonia instruxerunt, vt monasteria paulatim redirent in genus quoddam scholarum, & inde forsan factum est, vt paulatim in urbibus quoque conderentur. Vid. *Natal. Alexand. Tom. IV. p. 89. §. 4.*

§. IX. Plerumque autem hi, qui aliquo in loco monasticam vitam instituebant, di-

sti-

scipulis suis certas formulas præscribebant, ad quas vitam componerent suam, quæ secundum cuiusque fundatoris temperamentum vel *restringtiores* vel *laxiores* erant. Tales sunt, quas Macarius Pachomius præscripsit, Similiter Basilii, in Cappadocia Monachorum parens, leges & regulas iis præscripsit, cuius institutum per totum orientem propagatum est. Idem de Eustatio, Sebastii in Armenia Episcopo, tradit, Sozomenus *lib. III. c. 14.* ubi non negat, *præ nimia severitate eum aliquando ad absurdas prolapsum esse observationes.*

§. X. Interim non omnes ubique Monachi monasteriis inclusi erant sub suo Abbate vel præposito, sed quidam adhuc in solitudine commorabantur, qui *Anachoreta* dicti sunt. Tam cœnobitarum, quam horum mores & disciplinam describit Hieronymus in *Epist. ad Eustachium de custodia virginis.*, ex quibus quidem apparet, quod sine proprietate, continenter & sub obedientia præpositorum vixerint, sed quod ad hæc per vota adstricti fuerint, non constat., Regulas vivendi adstrictissimas fuisse inde cognoscimus, quod crederent, per regulas posse pietatem conservari & propagari. Conf. Sozom. *lib. III. c. 14.*

§. XI. Interim non otiaabantur Monachi, tantum orantes, sed manibus suis operaban-

bantur, vti Hieronym, *ad Rustic.* de Monachis Ægypti refert, quo ipso sibi victum, parabant necessarium, cum eo tempore, monasteria tot redditibus non essent instructa, vt quidem hodie. Socrates *lib. IV. c. 23.* Sozomenus *lib. VI. c. 28.* Neque vti hodie, inter se in minori sed satis magna copia viuebant, vt sæpe vltra millia numerus eorum se extenderet.

§. XII. Cum itaque Monachi tam rigidam colerent vitam, reliquisque omnibus exemplo suo prælucere, mox inualuit, vt ex monasteriis eligerentur, qui ecclesiis præessent, vti testatur Siricius *Epist. I.* Inde Presbyteri & Episcopi ex iis electi sunt, quemadmodum etiam Augustinus postmodum vitam monasticam ad clerum retulit, quo ipso tandem Monachi in classem clericorum vel quasi relati, & Episcopis subesse cœperunt. Conf. *Nov. 6. c. 1.*

§. XIII. Sed hoc modo res, quæ ad bonum finem inuenta videbatur, in ecclesiæ damnum variis modis cesfit. Nam (1) quia ingens eorum numerus erat, facile Episcopi dominatum ambientes eorum ope quævis audere poterant. Sane Cyrillus ope 500. Monachorum contra Præfectum Alexandrinum vsus est, teste Socrate *lib. 7. c. 13. 14.* sicuti etiam Synodis nonnunquam vim

vim fecerunt. (2) Accessit seculo VI. ex Benedicti instituto nouum vinculum trium votorum, quo postea obstringebantur, Monachi, vti refert Polydorus Virgil. lib. 7. c. 2. quo ipso vita monastica magis magisque in seruitutem quandam & cæcam obedientiam degenerauit, ex qua non potuit non corruptio totius christianismi sequi.

§. XIV. Nihilominus tamen vita eorum, colorem singularis sanctitatis habebat, id quod seculis sequentibus plures excitauit, vt monasteria extruerent, eaque bonis amplissimis instruerent. Et quia vita monastica sæpe degenerabat, quidam ex zelo quodam noua ratione vitam monasticam, adornarunt, ex quo tandem tot ortæ monachorum species, quæ suis regulis diuersis viuunt, & quarum singularum ortus & progressus prolixam requirunt enarrationem, quæ hic subiici nequit, vtpote cum tantum summa capita rerum præcipuarum referre constituerim,

CAP. XIX.

De

ORIGINE LEGVM ECCLE-
SIASTICARVM.

§. I.

LEGES ecclesiasticæ primario originem suam trahunt a *canonibus*, qui demum in Conciliis conditi fuere; cum vero rara, admodum concilia primis temporibus & fere nulli canones scripti ibi fuerint circa disciplinam ecclesiasticam, rara admodum exempla legum ecclesiasticarum scriptarum per duo priora secula occurrunt.

§. II. Equidem Apostoli plurima in ecclesiis, quas plantarunt, ordinis gratia, constituerunt, non quod legislatores essent, sed quod tanquam Doctores diuinitus missi, omnium saluti prospicerent, simulque scirent, fideles monita eorum Apostolica, amplexuros esse. Plura etiam in epistolis adhuc supersunt, ut imprimis ad Timotheum, Titum, ad Corinthios, in quibus Paulus passim præscripsit ordinem seruandum circa agapas, docendum, collectas, ordinationem &c. Imò credibile est, hos, qui ecclesias plantarunt, illis quædam ordinis gratia præscripsisse.

Dd

§. III.

§. III. Quia tamen Apostolorum scopus primarius non fuit, leges condere, & regiam exercere potestatem, sed quæ ad pietatem faciebant, instillare, etiam de his primario in suis epistolis egerunt, & singulis cœtibus hanc libertatem reliquerunt, ut, quæ ad ordinem & decorum facerent, ipsi possent adornare, *1 Cor. XIV. v. 40.* præsertim cum etiam in aliis negotiis ecclesiarum, consensum requirerent. Erant ecclesiæ collegia æqualia, & ita conueniens videbatur, ut omnium consensu vel *expresso* vel *tacito* reciperetur, quicquid ad ordinem ecclesiæ conducere.

§. IV. Sicuti vero *cap. IV. de Origine Synodorum* dictum est, Synodum ab initio nihil aliud fuisse, quam *plurium ecclesiarum concilium*, ita conueniens utique erat, ut, quicquid in his conciliis esset communi consensu constitutum, eos ligaret, iisque in ecclesiis obseruaretur, quæ Synodo intererant. Delegati enim ad Synodum nomine totius ecclesiæ mittebantur, & ita nomine eius decernebant.

§. V. Sed circa finem seculi II. decreta conciliorum etiam aliis obtrusa fuisse videntur, iure licet omni refragante. Apparuit hoc ipsum in controuersia de festo paschatos, qua mota, plures Synodi hinc inde collectæ sunt, de quibus Euseb. *lib. V.*

c. 23. hæc tradit: *Atque omnes vñc consensu ecclesiasticam regulam vniuersis fidelibus per epistolas tradiderunt, ne videlicet vñlo alio quam dominico die mysterium resurrectionis Domini vnquam celebretur &c.* Imo in tantum processit Victor, Romanus Episcopus, vt cum Asiæ minoris ecclesiæ hanc *ecclesiæ regulam* recipere nollent, sed in more pristino subsisterent, eas a communione abscinderet, quod hætenus inauditum erat.

§. V. Non tamen statim hæc insolita praxis vbique introduci potuit, præsertim cum reliqui Episcopi contradicerent, nec ab Episcopo Romano Leges accipere velent. Seculo III. tamen ipsimet Episcopi, vtpote etiam magna præditi potestate & sacerdotium affectantes, pleraque pro suo arbitrio in ecclesia disponere ceperunt, vti non diffitetur Cyprianus *epist. 55.* Vestigia tamen quædam pristinæ libertatis plebi relicta sunt, vtpote quæ in causis maioribus decernendis etiam admissa fuit, veluti si circa disciplinam ecclesiasticam dubia mouerentur. vid. *Dissert. ad Plin. II. p. 149. & p. 157.* ipsa tamen directione penes Episcopum remanente.

§. VII. Hæc directio, quæ Episcopis in huiusmodi negotiis competebar, paulatim in quandam *iurisdictionem* degenerauit, inde etiam Episcopi *legislatoriam potestatem* affe-

Etauerunt, quamuis non vno impetu, sed per varios temporum gradus ad hanc peruenirent *αὐτονομίαν*. Seculo enim III. & IV. quoties de causis ecclesiæ dubium exurgeret, relationes ad alios Episcopos instituerunt, eorumque consilia expetierunt.

§. VIII. Imprimis vero hæ relationes dirigebantur ad Episcopum Romanum, cuius auctoritas maxima erat, interim tamen non ad eum solum, sed ad alios quoque magnæ auctoritatis Episcopos. Et quidem responsa eorum, quæ *decreta* vocabantur, non habebant auctoritatem canonis, sed tantum probabilitatem ad instar responsorum iuris, quamuis ex postfacto, potestate Pontificis Romani aucta, in codicem canonum relata fuerint, ex quo tempore per modum LL. ecclesiasticarum valere ceperunt.

§. IX. Consulebantur autem imprimis Episcopi Romani aliique de *consuetudinibus ecclesiæ* dubiis; paucae per tria priora secula *leges scriptæ* erant, sed ecclesiæ iure non scripto regebantur, maxime quoad negotia ecclesias ipsas inter se concernentia; inde hæ sæpiissime vel in dubium vocatæ, vel in alium sensum detortæ sunt. Hoc intuitu pro *traditionum* vigore certare ceperunt, cum quilibet suos mores per illam probare conaretur &c.

§. X. Ortæ sunt hæ *consuetudines ecclesiasticæ* variis ex occasionibus; multæ ex *iudaicis institutis* retentæ, plura ex *auctoritate Episcoporum* inualuerunt, plura etiam ex *ciuili reipubl. dispositione* in ecclesiam transferunt, quorsum refero constitutionem prouinciarum ecclesiasticarum, Episcoporum quorundam singularem auctoritatem &c.

§. XI. Prouocat Basilius in *c. 5. D. II.* ad has consuetudines ecclesiasticas, easque *vim legis* habere ostendit, quia in tantum valebant, vt etiam *canonis* nomen obtinerent. Vid. Euseb. *lib. VI. c. 34.*

§. XII. Vbi æmulatio, studium rixandi & ambitio inuaserunt Episcopos; ceperunt de consuetudinibus ecclesiæ disputare, quæ disputationes ansam dederunt, variis conciliis, quibus *scripti canones* conditi sunt, vnde in conciliis non tam noui canones conditi, quam consuetudo ecclesiæ in dubium vocata determinata est.

§. XIII. Inde Seculo IV. studium canonum scriptorum potissimum apparuit, vtpote quod seculum contentionibus refertissimum fuit. Et cum status ecclesiæ paulisper in *ciuilem* declinaret, noua circa statum ecclesiæ plura sunt condita, quæ nec impediabantur ab Imperatoribus, vtpote quibus Episcopi persuadebant, negotia eccle-

fiastica ab Episcopis in conciliis esse determinanda. Adeo enim Constantinus Episcopis indulgit, ut nequidem eos iudicare vellet, Ruffinus *lib. I. Histor. Eccles. c. 2.* & contentiones inter Athanasium & Eusebium reiiceret ad concilia vel iudices ecclesiasticos. Imo quando Imperatores leges condiderunt, magis canones ecclesiasticos confirmarunt, vel suasu cleri eos fecerunt.

§. XIV. Sed maiorem obtinuerunt auctoritatem canones scripti per *collectiones* varias, quibus factum, ut ad codices hos tanquam ius quoddam ecclesiae proprium provocarent in conciliis. Vid. *Acta Concilii Chalcedonensis*. Collectionum harum historiam plenius tradunt Mastricht, Ziegler alique.

CAP. XX.

DE

ORIGINE IURISDICTIONIS
ECCLESIASTICAE.

§. I.

Sicuti ecclesia non constituebat in sua primæva simplicitate rempublicam aut statum civilem, sed in republica erat eiusque pace fruebatur; ita nullum Imperium,

um, nullam iurisdictionem sibi vindicare potuit, sed ipsi Apostoli profitebantur, se tantum *Ministros & Doctores* esse, quod eleganter exponit Isidorus Pelusiota *lib. III. epist. 216.*

§. II. Docet totus euangeliorum contextus & harmonia, Salvatore Apostolos ab omni imperio voluisse esse alienos. *Matth. XII, 1. XX, 21. seqq. Marc. IX, 34. Luc. IX, 46.* Imo ipsi Apostoli id quoque reapse demonstrarunt, uti acta docent. Petrus ipse *Epist. V.* dominatum disuadet & *Iob. ep. III. 9.* *πρωτοκαθεδρίαν* Diotrophes improbat. Cessante autem imperio, cessat omnis iurisdictionis proprie dicta, quia hæc per modum imperii exercetur.

§. III. Æqualitatem summam semper ubique obseruarunt Apostoli, nec christianos *subditos*, sed *fratres* dixere, eosque ad rerum ecclesiasticarum determinationem admiserunt, prout ratio huius societatis postulabat. Et quamuis Apostolis clauæ cæli essent, concrediti, nouerant tamen, eis non per modum imperii vtendum esse, sed tantum *disciplina & doctrina*, imo & hoc nouerant, *clauæ cæli* nullum imperium, nullam iurisdictionem inuoluere.

§. IV. Quemadmodum vero cuilibet collegio integrum est, directionem negotiorum cuidam committere, & de rebus ad collegium spectantibus cognoscere, ita quoque

§. VI. Zegerus Bernhardus ab Espen. *in iur. eccles. p. III. tit. I. c. 1. §. 1. seqq.* & Samuel Basnage *diff. de tribunal. eccles.* aliique inde recte deducunt morem antiquum ecclesiasticum, secundum quem Episcopi *audientiam episcopalem* exercebant, tanquam arbitri quidam *iuris* in causis civilibus, quæ licet iis per Cæsares confirmata fuerit, paulatim tamen in usu esse desiit, nisi quod in clericos reservata fuerit. Sed inde *iurisdictionis ecclesiasticae* natales, quæ in negotiis, ecclesiam concernentibus, exercetur, non repetendi, quippe quæ ab initio episcopis haud propria, sed toti ecclesiæ communis fuit. Denotat enim hæc ipsa *potestatem iudicandi decernendi & determinandi omnia illa, quæ salutem ecclesiæ, & negotia eidem propria concernunt*, ut non ex sensu iuris Romani hæc vox sit æstimanda, sed ex significato ecclesiæ proprio.

§. VII. Non repetam hic, quæ prolixè *dissert. II. ad Plinium II. de disciplin. confederata* asserui, ex qua iurisdictionis huius vel quasi initia deduxi, eamque non Episcopis & presbyteris propriam, sed ecclesiæ fuisse, ostendi. Iudicabatur per tria priora secula in ipsa ecclesia h. e. coitione Christianorum, conuocata plebe, simulque suffragium ferente, quod leges *confederationis* postulabant. Erant hæc iudicia

D d s mere

mere *conventionalia*, & sic non per modum imperii, sed *pacti* exercebantur, eosque ex principiis iuris naturæ obligabant, qui in *confederatam disciplinam* recepti erant. Neque collegium Presbyterorum sibi facultatem iudicandi vindicabat, quod eleganter illustrat Seldenus *de Synedr. lib. II. c. 7.* simulque adductam sententiam confirmat, his verbis: *Ceterum Presbyterorum nullis, qua tales erant, iurisdictionis aliqua siue intra siue extra Iudeam competiit, non magis atque in Synagogis, Proseuchis, scholis Iudaorum, qua confessus non erant omnino ex sua natura forenses aut iurisdictionis.* Et si qua forte in eis iurisdictionis subinde exerceretur, aut exerceri videretur, ea ex disciplina confederata eorum, qui ad ecclesias eiusmodi spectarent, & permissione principum, sub quibus vivebatur, pendeat, non ex presbyteratus eiusmodi officio. Idem lib. I. c. 9. in *f. de natura huius iurisdictionis* ita loquitur: *Nec disciplinam, quam sic exercebant, reuera in se iurisdictionem aut imperium habuisse dicendum (utpote que auctoritate carebat publica) sed tantum ex patris illis ac reuerentia, iurisdictionis ac imperii imitationem priuatam.*

§. II. X. Exferebat hoc tempore sese iurisdictionis hæc ecclesiastica priuata fere vnice in puniendis delinquentibus per receptam eiectionem, depositionem, pœnitentiam, & absolutionem. Alia adhuc incognita erat,

erat, nisi quod in causis priuatis solerent litigantes ad arbitrium Episcoporum recurrere, prout antea monui. Directio in hisce iudiciis exercebatur per Episcopos, vt tamen inuita plebe nihil decernere posset, prout Cyprianus passim fatetur. Si grauitas causæ id postulabat, iudicia hæc exercebantur per Synodos prouinciales, quæ constituiebant *iudicia communia prouinciae collecta ex deputatis ecclesiarum comprouincialium*, prout supra cap. IV. dixi. Nihilominus quidam Episcopi iam seculo tertio *iudiciariam potestatem* priuatiue affectabant, exemplo Pauli Samosatani, quod tamen plerique improbabant. Eusebius lib. VII. H. E. c. 30.

§. IX. Seculo IV. postquam pax ecclesiis reddita, & principes Christo nomen dederant, Episcopi maiorem ambierunt potestatem, postquam iudicia Synodalia publicam auctoritatem acceperant. Ab hoc tempore enim iudicia hæc, antea ecclesiis propria, sibi vindicarunt, & quæuis *pro imperio* agere ceperunt, Socrates lib. VII. H. E. c. 9. Adco enim opinio de *Sacerdotio* omnium Episcoporum mentes occupauerat, vt omne ius circa sacra & disciplinam exercerent, prout c. XIII. explicui, & non tantum plebem ab omni cognitione excluderent, sed, quod magis est, ipsos imperantes,

tes, cuius rei testimonia plura seculo IV. obuia sunt. Hæc sacerdotalis potestas affectata est principale fundamentum iurisdictionis huius, quam Episcopi sibi asseruerunt, quæ adeo lubrico admodum fundamento innixa est. Ea tamen adhuc modestia utebantur Episcopi, vt in cognoscendis litibus ecclesiasticis & criminibus non solenni vterentur processu, sed *per modum discipline* procederent, vt omnia ad forum internum referre viderentur. Paulatim multa, quæ ad processum pertinent, adhibita, & tandem, quod seculo XII. imprimis apparuit, plenissime *forum*, vt loquuntur, *externum* exstructum est. Morinus *de administr. Sacram. pœnit. lib. I. c. 9. & 10.*

§. X. Quæ cum ita sint, ante seculum XII. vix dilucida documenta distinctionis inter iura *ordinis, iurisdictionis & Legis Diocesanae* adduci possunt. Quamuis enim Episcopi iudicii figuram instar *magistratus ecclesiastici* exercerent, omnia tamen dirigebantur ad *pœnitentiam ecclesiasticam*, & ita sacramentum pœnitentiæ tanquam *Pastores, & Sacerdotes* virtute *potestatis ordinis*, in delictis puniendis sese administrare asserbant. Saltem non apparet, sollicite inquisitum fuisse, vtum hic vel ille actus ad iurisdictionem, an vero ad potestatem ordinis, an denique ad

Le-

Legem Diœcesanam spectaret. Equidem in Concilio Lerdensi, anno 524. celebrato, c. 3. relato a Gratiano in c. 1. C. 10. q. 1. & c. 34. C. 16. q. 1. fit mentio *legis Diœcesanæ*, sed integer contextus canonis, qui a *Centur. Magdeb. cens. VI. c. 9. p. 240.* refertur, ostendit, *ius ipsum episcopale* in genere hac voce designari, non vero distinguî a *iurisdictione* striçte dicta. Ast postquam seculo XII. forum externum plenissime instructum est, distinctas iuris episcopalis partes constituerunt, quam distinctionem Honorius anno 1120. sententia sua confirmavit in c. 18. X. de offic. iudic. ordin. & a Canonistis hodie diuersimode explicari solet.

CAP. XXI.

HISTORIA CONFESSIONIS
AVRICVLARIS.

§. I.

Confessionem auricularem a praxi primorum seculorum plane alienam, & demum ex erroneis hypothesibus subsequentium seculorum in ecclesia latina introductam, & ab Innocentio III. in eam formam

mam deductam esse, sub qua hodie vsum, ubique habet, alii iam prolixè demonstrarunt, inter quos potissimum nominandi sunt Jo. Dallæus *de confess. latin. auric.* & Petrus Molinæus *de pœnit. & clauibus.* Quia vero seriem huius disciplinæ ecclesiasticæ iusta connexionè haud tradiderunt, paucis id ipsum hoc capite præstare animus est.

§. II. Id ante omnia præmitto, mirandum esse, quod plerique fundamentum eius in *iure clauium* quærant, sacerdotibus, vel, ut alii volunt, toti ecclesiæ commisso, cum tamen huius iuris vestigia certa in primitiua ecclesia non occurrant, quod ius sane Christiani primitiui haud neglexissent, si illud ecclesiæ datum fuisse credidissent. Pœnitentiam quandam publicam agnouerunt, quam tamen ex *iure clauium* minime deduxerunt, nec eo modo exercuerunt, quo hodie confessiones auriculares exercentur, quod satis ostendit, confessionem hanc in sacris non esse fundatam. Atque hæc fuit constans primitiuæ ecclesiæ opinio, peccata quidem in ecclesiam commissa ab ipsa ecclesia remitti posse, reliquorum vero remissionem soli Deo reservatam esse, nec ulli homini ius esse, *vice Dei* peccata remittendi. Collimat huc Irenæus *lib. V. adv. hæres. c. 7.* aiens: *si nemo potest remittere pecca-*

ta, nisi solus Deus, remittebat autem hac Dominus & curabat homines, manifestum est &c. Seuerioris disciplinæ affectu, qui pœnitentiam lapsis negabant, sedulo distinguebant inter remissionem, quæ ab ecclesia laxa fiebat, & inter illam, quæ soli Deo reservanda erat. Licet enim illam negabant, ad hanc tamen eos inuitabant, a Deo expetendam, *qui solus ius potestatemque haberet peccata dimittendi, ut distinguit Acesius apud Socratem lib. I. H. E. c. 10.* Similiter etiam Tertullianus illam remissionem peccatorum esse in potestate ecclesiæ contendit, quæ iniuriam sibi illatam concernit, non vero illam, quæ soli Deo reservata est. vid. *lib. de pudicit. c. 3. & 21.* Cyprianus *epist. 55.* Optatus Milev. *lib. V. Clemens Alexandr. paedag. c. 8.*

§. III. Atque hæc distinctio satis conueniens est cum praxi primitivæ ecclesiæ, quæ tantum *publicam pœnitentiam* nouit. Ortam eam esse ex *disciplina confederata*, fusius ostendi *diff. III. ad Plinium II. & Tertull.* quod pro vberiori eorum, quæ dicturus sum, declaratione in compendio referam & repetam. Ius ecclesiæ consistebat principaliter in *communione & iure fraternitatis*. Hoc consequuebantur fideles per baptismum, sed amittebant rursus tum per *excommunicationem*, tum per *desertionem voluntariam*, nec facilis ad amissæ communionis recuperationem aditus

tus dabatur. Vnicum medium restitutionis in integrum erat, *pœnitentia publica*, qua reconciliabatur eiectus vel desertor ecclesiæ læsæ, & post satisfactionem impositam in amissam communionem recipiebatur. Vnde quibus denegabant communionis redintegrationem, eis quoque pœnitentiam hanc denegabant, quo rigore seculo II. quædam Africanæ ecclesiæ, & postmodum Montanistæ & Nouatiani utebantur. Hæc fuit sententia Acesii Nouatianorum Episcopi in Concilio Nicæno, relata a Socrate *lib. I. H. E. c. 10. eos scilicet, qui post baptismum eiusmodi crimen admiserint, quod peccatum ad mortem diuinæ scripturæ pronuntiant, ad diuinorum mysteriorum communionem admitti non oportere, sed ad pœnitentiam quidem (intuitu Dei) inuitandum esse, remissionis vero spem (intuitu ecclesiæ læsæ) non a Sacerdotibus eos expectare debere, verum a Deo, qui solus ius potestatemque haberet, peccata dimittendi.*

§. IV. Nondum ergo baptizati, sed adhuc catechumeni pœnitentiæ huic haud subiiciebantur, utpote qui nondum recepti erant, & ius fraternitatis, cuius nondum participes facti, amittere non poterant. Unde facile patet, quid de traditione Eusebii statuendum sit, quam de Philippo Imperatore *lib. VI. H. E. c. 34. habet, Philippum,*
ait

ait, utpote Christianum, fama est in postrema Pasche vigilia precationum in ecclesia participem simul cum reliquo populo fieri voluisse, sed episcopum, qui tunc ecclesie praeerat, non prius illi aditum permisisse, quam confessionem scelerum fecisset, iisque qui humanitus lapsi fuerant & in paenitentium ordine stabant, sese adiunxisset. Quippe ob multa, quae commiserat crimina, nunquam omnino ab Episcopo fuisset admissus, nisi id prius fecisset. Non indicat Eusebius, utrum adhuc catechumenus an vero iam baptizatus fuerit. Si prius, quod probabile est, aperte falsa est traditio, quia catechumeni nunquam solenni & publicae paenitentiae subiiciebantur. Loqui vero Eusebium de Philippo adhuc catechumeno, vel inde probabile est, quia ei tribuit multa crimina, quae ante conuersionem commisit: minus enim probabile est, eum post conuersionem tot criminibus infectum fuisse. Si posterius supponi debet, firmatur sententia haecenus adducta, exclusos demum per paenitentiam in integrum restitutos fuisse. Verum cum alii iam demonstrauerint, parum huic traditioni fidendum esse, ei diutius non immorabor.

§. V. Extra hunc casum, quo quis ius fraternitatis amiserat, paenitentia ecclesiastica locum non habebat, cum semper scriptores ecclesiastici de paenitentia loquentes

eorum mentionem faciant, qui a communione exclusi erant, vel ius eius suo delicto amiserant. Conueniens enim utique erat, vt, qui cum ecclesia læsa in gratiam redire quærebant, deprecatione solenni præuia remissionem non peccatorum intuitu Dei, sed iniuriæ in ecclesiam commissæ expeterent, & ita ei satisfacerent. Constat hoc ex scriptis Tertulliani, qui mœchis pacem non esse dandam contra Episcopum Romanum censebat, qui eos sub spe pacis consequendæ ad pœnitentiam hanc admittebat. Ipse tantum duplicis pœnitentiæ mentionem facit, ita vt altera fieri debeat *intuitu Dei*, quæ nemini deneganda, altera *intuitu ecclesiæ*, pro pace recuperanda, quam mœchis denegandam censuit. Illa non desiderabat confessionarium sacerdotem, sed priuatim Deo facienda erat: hæc in facie ecclesiæ facienda, & ecclesiæ decreto remissio pœnitenti per Episcopum annuntianda erat, quod Cypriani scripta manifeste produnt.

§. VI. Atque ita necesse erat, vt de ipso delicto commisso constaret. Ob occulta delicta vel ideo pœnitentia publica imponi haud poterat, quia talis communionis ius retinebat, vt Augustinus adhuc suo tempore *Homil. 38.* confessus est, *nos, in-*
quiens, a communione prohibere quenquam.

non

nō possumus, nisi aut sponte confessum, aut aliquo
sive seculari sive ecclesiastico iudicio nominatum
atque conuictum. Salua autem communio-
ne, non erat locus pœnitentiæ publicæ.
Confer Sirmondus in *hisor. pœnit. pub-
lic. c. 4.*

§. VII. Hoc more, delicta confitendi,
per duo secula propagato, noua quadam
opinio quorundam mentes occupauit, et-
iam occulta delicta propalanda esse eccle-
siæ. Suadet hoc serio Origenes *homil. III.
in Leuit. circa med.* nec abhorret Cyprianus;
secuti sunt horum doctrinam plures, & vl-
tro de occultis pœnitentiam subierunt,
talibus scilicet, quæ ius communionis adi-
merent. Pœnitentiam ergo subierunt ad
redintegrandam communionem, quod a-
perte & ingenue fatetur Augustinus *epist.
108. ad Selenicianam* scribens: *agunt homines pœ-
nitentiam, si post baptismum ita peccauerint, ut
excommunicari & postea reconciliari mereantur,
sicut agunt in omnibus ecclesiis illi, qui proprie pœ-
nitentes appellantur.* Ecquid clarius dici
potuit?

§. IIX. Ita tamen temperata fuit post
hæc tempora pœnitentia publica, ut de
occultis criminibus pœnitentiam agentes
non necessum haberent, ea publice in fa-
cie ecclesiæ publicare & propalare, sed epi-
scopo illa indicare & confiteri possent, quo

ipso *privata* quædam *confessio* orta, ita tamen, ut publica pœnitentia nihilominus eis subeunda esset ad ius communionis amissæ consequendum. Collimat huc Basilius in *epist. Canonica ad Amphilochoium can. 34.* his verbis: *adulterio pollutas mulieres & confitentes ob pietatem vel quomodocunque conuictas, publicare quidem patres nostri prohibuerunt, ne conuictis mortis causam præbeamus. Eas autem stare sine communione iusserunt, donec impleretur tempus pœnitentiæ.* Constat ex hoc Canone (1) occulta delicta secreto esse reuelata (2) Episcopum illa publicare haud potuisse, inde *sigillum confessionis* ortum, cuius ratio est, ne ad pœnam secularem publice confitentes raperentur (3) confitentibus communionem esse denegatam, & denique (4) finem pœnitentiæ a ihuc fuisse redintegrationem communionis amissæ. Qui ergo, transactio pœnitentiæ tempore, recipiebantur, non a peccatis intuitu Dei, sed tantum ecclesiæ, absoluebantur, utpote cuius communionem delictis suis amiserant.

§. IX. Confessio quoque publice in facie ecclesiæ facienda paulatim in quibusdam ecclesiis quoad delicta publica remissa & indulgentior disciplina admissa est, ut sufficeret, si Episcopo vel presbytero confessio hæc fieret. Morem hunc ortum fuisse occasione Decianæ persecutionis re-

referunt Socrates *lib. V. c. 19.* Sozomenus *lib. 7. c. 16.* & Nicephorus *lib. 12. c. 28.* quā lapforum ingens ubique numerus erat, qui, pœnitentia acta, recipi desiderabantur. Quia vero plurimis *grauē & moleſtum videbatur, tanquam in theatro, circumſtante totius eccleſiæ multitudine, crimina ſua euulgare, ex præſbyteris aliquem, qui vitæ integritate ſpectatiſſimus eſſet & taciturnitate ac prudentia polleret, huic officio præſecerunt, ad quem accedentes ii, qui deliquerant, actus ſuos conſitebantur.* Sozomenus *cit. l.* Manſit itaque pœnitentia publica, vti ex integro Sozomeni *cap. 16.* apparet, etiam poſtquam præſbyter conſeſſionibus audiendis eſſet propoſitus, nec remittebantur labores pœnitentiales, ſed publica tantum delictorum conſeſſio. Verum a Neſtario hunc præſbyterum, conſeſſionibus præpoſitum, in oriente ſublato eſſe, Auctores laudati docent, ſalua nihilominus pœnitentia publica.

§. X. Inde quoque circa initia ſeculi VII. orta quædam eſt diſtinctio inter *privatam & publicam pœnitentiam*, quæ antea haud cognita erat. Publica, olim duntaxat uſitata, tantum applicata eſt publicis criminibus; ſed quoad *occulta delicta*, pœni-

rentia priuata tantum imposita est, quæ determinata hunc in finem fuit in antiquis pœnitentialibus, vid. Natal. Alexandr. *in dissert. eccles. ad secul. III. dissert. III. qu. a. art. I. propos. I.* Sed rursus illa priuata pœnitentia non fiebat ante vsum S. cœnæ, nec statis quibusdam temporibus, sed tunc demum, si quis occultum commisisset delictum, & quidem mortale. Ita paulisper recessum est a pristino pœnitentium more, quia deinceps creditum fuit, (I) hanc priuatam confessionem faciendam esse, ad remissionem peccatorum a Deo consequendam, (II) hunc in finem necessario subeundam esse quandam satisfactionem intuitu Dei, quæ olim intuitu ecclesiæ fiebat; (III) Sacerdotes habere ius remittendi peccata, cum olim Episcopi tantum absoluerent pœnitentes ad effectum recuperandæ communionis amissæ: (IV) communionem iis non esse denegandam, quæ tamen deneganda olim erat pœnitentibus, cum pœnitentiæ vnicus finis, illius restauratio, esset.

§. XI. Hisce velut gradibus tandem itum est ad solennem illam auricularem confessionem, quam Innocentius III. stabilivit quæque ab omnibus, qui vsum S. cœnæ participes fieri volunt, fieri debet, & a priuata illa pœnitentia, de qua §. *antec.* actum

actum, originem traxit, sed in multis mutata est, docente Dallæo *cit. tr.* Nullam in sacris eam habere auctoritatem, nec antiqua ecclesiæ praxi eam roborari, sed crassissimo sub papatu natales suos habuisse, inde constat.

CAP. XXII.

De

ORIGINE COEMETRIORVM.

§. I.

Coemeteria, quæ hodiernis vfitata sunt temporibus, olim per plura secula incognita fuisse, manifestum est, nec alibi Christianis permissum fuit, mortuos sepelire, quam ubi de iure communi id concessum esset. Sepulchra eorum dicebantur quidem κοιμητήρια ob *spem resurrectionis*, quo distinguebantur a gentilibus, observante Rigaltio *ad Cyprianum epist. 67. p. 173* interim haud deprehendimus in loco sepulturæ eligendo eos diuerso a gentilibus iure vsos fuisse. In eo tantum a gentilibus recedebant, quod mortuos igne haud cremarent, sed hunc morem aperte reprobarent. Tertull. *De anima. c. 51. & de resur-*

rect. carn. c. 1. Minutius Felix in *Ottav.* & quod dissuaderent, ne sepulchris gentilium christianorum corpora conderentur. Cyprianus *epist. 67. p. 173.*

§. II. De iure antiquo cadauera sepelienda erant extra urbem, idque ex LL. XII. tabb. sententia : *hominem in vrbe ne sepelito*, Paulus *lib. I. sent. tit. 21.* quod etiam rescriptis principum confirmatum erat. *l. 3. §. 1. de sepulc. viol.* vid. Gutherius. *de iur. man. lib. II. c. 33.* Plerumque sepeliabant cadauera prope vias publicas vel in propriis fundis, quod rursus ex iure Romano constat. Nec Christiani alio iure utebantur, tantum enim abest, ut intra vrbes sepelire tum voluerint, potuerint tunc, ut ne Christianis quidem esse aut videri licuerit, ut ait Jac. Gothofredus *ad l. 5. C. Theod. de sepulc. viol.* Loca tamen sepulturæ martyrum ea elegebant, quæ illis locum tutum, quo conuenire possent, præberent. Hoc ipsum exponunt fideles ecclesiæ Smyrnenfis apud Euseb. *lib. IV. H. E. c. 15.* ubi passionem Polycarpi referunt, & hæc subiungunt : *Atque ita nos demum ossa illius, geminis pretiosissimis cariora & quouis auro puriora, colligentes, ubi decebat, condidimus.* Quo etiam in loco nobis, si fieri poterit,

rit, conuenientibus concedet Deus natalem eius martyrii diem cum hilaritate & gaudio celebrare, tum in memoriam eorum, qui glorioso certamine perfuncti sunt, tum ad posteros huiusmodi exemplo erudiendos & confirmandos. Cryptæ spatiosæ huic fini valde inferuiebant, quibus Martyrum ossa condi solebant, quorsum adhuc suo tempore collimat Hieronymus in Ezech. c. 4. Solebam diebus Dominicis sepulcra Apostolorum & Martyrum circumire, crebroque cryptas ingredi, quæ in terrarum profunda defossæ, ex utraque parte ingredientium per parietes habent corpora sepulcorum.

§. III. Hic mos, ad tumulos martyrum coitiones faciendi, pace ecclesiis reddita occasionem præbuit, Martyrum sepulcra intra urbem permittendi, eorumque corpora, extra urbem tempore persecutionis terræ mandata, intra mœnia ciuitatum transferendi, ipsisque templis inferendi. Dicta inde templa *martyria*, *memoria* & *Apostolorum vel martyrum sedes*. l. 6. C. Theod. de sepulch. viol. Sicuti enim antea Christiani in sepulcris martyrum conuenerant, & rem ibi diuinam fecerant, ita quoque nec ab eo recedendum esse existimarunt, æstu persecutionum finito, adeoque in hunc finem eorum

corpora ipsis templis inferenda, & tumulos in iis exstruendos esse iudicarunt.

§. IV. Præterea ipsi Imperatores & Episcopi iam seculo IV. postquam tumuli martyrum in basilicis exstructi sunt, a dispositione antiquæ legis, sepulturam intra mœnia ciuitatis prohibentis, recesserunt. Constantinus in vestibulo ecclesiæ Apostolorum sepultus est, id quod desiderauerat, & quamvis Eusebius *lib. IV. de vita Constant. c. 7.* referat, designasse Constantinum locum, quo sepeliretur, in ipsa ecclesia, constat tamen ex Chrysostomo aliorumque testimoniis relatis a Iacobo Gothofredo *in comm. ad cit. l. 6.* eum in vestibulo ecclesiæ sepultum fuisse. Refert hoc ipsum quoque Sozomenus *lib. II. H. E. c. ult.* ubi hanc notabilem addit obseruationem: *ab eo tanquam rei cuius auctore consuetudine ducta Imperatores Constantinopoli obcuntes sepeliuntur, atque Episcopi etiam: quippe cum sacerdotalis imperii dignitati par sit, imo vero in locis sacris primas partes obtinent.*

§. V. Forſan Episcoporum exempla alii secuti sunt, & intra urbem sepulchra elegerunt eodem seculo, quem morem tamen abolendum, & antiquum reuocandum esse censuit Theodosius M. circa annum 383. legem hanc promulgans: *Omnia que super terram vrbis clausa, vel sarcosagis corpora desinentur, extra urbem delata ponantur, ut & humani-*

mitia

tatis inflar exhibeant, & relinquunt incolarum domicilio sanctitatem. L. 6. C. Theod. de sepulchr. viol. Videntur priuati exemplo Episcoporum & Imperatorum ambiisse, vt intra ciuitatem conderentur, præiudicio a martyribus petito, cui accessit superstitio, quod iuxta tumulos martyrum sepeliri desiderarent. Hunc prætextum haud admittendum esse censet Theodosius in cit. l. hinc addit: *Ac ne alicuius fallax & arguta sollertia ab huius se præcepti intentione subducat, atque Apostolorum vel martyrum sedem humandis corporibus asstimee esse concessam, ab his quoque, ita vt a reliquo ciuitatis, nouerint se atque intelligant esse submotos.*

§. VI. Hoc modo quidem priuati prohibiti sunt sepulcra ad martyrum sedem eligere, sed desiderium & superstitio haud extincta, quin potius exemplo ipsorum Episcoporum propagata est. Quippe quod ab Episcopis ceptum, ad clericos, denique etiam ad laicos translatum est. Vid. Thomassinus *de disciplin. eccles. P. III. lib. I. c. 65. §. 7. in f.* Monachorum quippe corpora, qui laici erant, post hæc tempora, quandoque in ecclesiis terræ condita sunt, imo & alii laici fideles, singulari sanctitate, conspicui, ad hunc honorem admissi, quamuis non vbique eadem libertas condendi corpora fuerit. Seculo VI. imprimis

mos hic vbiq̃ue fere inualuerat, vt sepul-
 turæ ab honoratioribus & ditioribus in ec-
 clesiis eligerentur. Huic consuetudini qui-
 dem obuiam itum est in Concilio Bracaren-
 si I. anno 563. celebrato, vbi c. 6. ita cautum:
item placuit, vt corpora defunctorum nullo modo
intra Basilicam sanctorum sepeliantur, sed si ne-
cesse est de foris circa murum Basilica det. Hoc
 canone itaque permissum, ex iusta causa cir-
 ca murum Basilicæ sepelire cadauera. Ius
 vero antiquum haud fuisse abolitum, patet
 ex verbis sequentibus, canoni subiectis:
Nam si firmissimum priuilegium usque nunc ma-
net ciuitates, vt nullo modo intra ambitus mu-
rorum cuiuslibet defuncti corpus humetur, quanto
magis hoc venerabilium martyrum debet reuerentia
obtinere. Nulla itaque hoc tempore fuisse
 cæmeteria communia, exinde patet, sed ius an-
 tiquum obseruatum, secundum quod ex-
 tra urbem in propriis fundis vel prope viam
 quilibet sepeliendus erat, quamuis locus
 ille, quo plura corpora conderentur, ex
 electione scilicet priuata, cæmeterium dictum
 fuerit. Tertullianus *de anima* c. 51. p. 302.
 Imo nequidem sacerdotes omnes in eccle-
 siis sepeliebantur, vti testatur Gregorius
 Turonensis lib. I. c. 44. *Ipse quoque sacerdos*
cum coniuge & filia in crypta Contabennensi iuxta
aggerem publicum est sepultus. Alia erat ratio
 regum, qui communiter in ecclesiis sepe-
 lie-

liebantur, vt de Chlodouxo aliisque regibus docet Dubois in *hiflor. eccles. Paris. lib. II. c. 2. §. 3. 4.*

§. VII. In Italia aliisque locis circa finem seculi VI. maior libertas irrepserat, sepeliendi mortuos in ecclesiis, præsertim cum ditiores Episcopis offerrent sat lautum pretium pro redimendo loco sepulturæ. Grauitèr hunc morem improbat, Gregorius M. *Lib. VII. Epist. 4. & 56.* vbi tandem hæc subiungit: *Si quando aliquem in ecclesia vestra sepeliri conceditis, siquidem parentes ipsius, proximi vel heredes, pro luminaribus sponse quid offerre voluerint, accipere non vetamus.* Imo ipse Gregorius existimauit, conducibile esse sepelire mortuos in templis, quod proximi eorum ipso tumulorum adspectu admoneantur, vt ardentius pro defunctis orarent. Interim hoc priuilegium impetrandum erat ab Episcopo, quo ipso tot optimæ leges obseruantiam suam amiserunt.

§. VIII. Ceterum vbi cadauerum sepultura in templis fieri non poterat, ea tamen circa murum Basilica facilius permittebatur iuxta concilium Bracarense, quo factum, vt pasim in vrbibus sepulcra circa ecclesias exstruerentur & atria ecclesiarum *cemiteria fierent.* Seculo VII. & VIII. hinc inde in conciliis renouata est prohibitio de non sepe-

sepeliendis in templo mortuis, quamuis vt in atrijs ecclesiarum sepultura fierent haud interdictum sit, quo ipso tamen necessitas nemini imposita videtur, sepeliendi mortuos in cœmiterio circa basilicas, cum lex de non sepeliendis cadaueribus in vrbibus in totum haud esset sublata.

§. IX. Leo demum Philosophus seculo IX. *Non.* 23. ius antiquum prorsus sustulit, & libertatem singulis dedit, siue intra siue extra urbem sepulcrum eligendi. *Quicumque autem, ait, siue extra muros siue intra ciuitatem sepelire mortuos volet, perficienda voluntatis facultatem habeto.* Et hætenus haud sublatum fuisse videtur ius sepeliendi mortuos in propriis fundis, cum extra ciuitatem sepulcra eligere iis integrum esset.

§. X. In concilio Nannetensi c. 3. seculo decimo renouatum est ius antiquum de non sepeliendis cadaueribus in templis, his verbis: *Probibendum etiam secundum maiorum instituta, vt in ecclesia nullatenus sepeliantur, sed in atrio, aut in porticu, aut extra ecclesiam: infra ecclesiam vero aut prope altare, ubi corpus Domini & sanguis conficitur, nullatenus habeat licentiam sepeliendi.* Hæc verba indicant, iam vsitatum prorsus fuisse, vt atria templorum essent cœmiteria communia, ubi ordinariæ essent

essent sepelienda cadauera. Vnde iam in Concilio Triburiensi anno 895. celebrato c. 15. dispositum est in qua ecclesia quis sepeliendus sit, quem canonem, satis celebrem, hic apponam: *Restat propter instantem, quæ tunc maxima occurrit necessitatem, ubicunque facultas rerum, & opportunitas temporum suppetiat, sepulturam morientium apud ecclesiam, ubi sedes est Episcopi, celebrari. Si autem hoc propter itineris longinquitatem, aut adiacentem alicuius inopportunitatis difficultatem impossibile videatur: expectet cum terra sepultura sua, quo canonicorum aut Monachorum, siue sanctimonialium congregatio sancta communiter degat: ut eorum orationibus iudici suo commendatus occurrat, & remissionem delictorum, quam meritis non obtinet, illorum intercessionibus percipiat. Quod si & hoc ineptum & difficile aestimetur, ubi decimas persoluebat viuus, sepeliatur mortuus. Erant adhuc eo tempore sepultura gratuita, quod etiam in sequentibus iniungitur, inde in parochiali ecclesia non necessario sepeliendus erat defunctus cum Parochi plane haud interesset. Patet tamen inde, cœmeteria ordinaria eo tempore iam fuisse circa basilicas, monasteria aliasque ecclesias.*

§. XI. Ast vbi sepulturæ Parochis lucrum
 afferre inceperunt, & laudabiles consuetu-
 dines, vti vocantur, circa sepulturam con-
 firmatæ sunt, ab hoc tempore Parochi o-
 mnem lapidem mouerunt, vt quilibet in
 Parochiali ecclesia h.e. in cœmeteria circa
 eam sepeliretur, quod variis postmodum
 canonibus cautum, & nemini in posterum
 integrum fuit, alibi quam in illo
 cœmeterio cadauera
 sepelire.

Errata obiter obseruata.

p. 29. l. 7. leg. *executione.* p. 44. l. 14. pro
impedit leg. *non vero impedit.* p. 46. l. 7. ante
 fin. pro *reconuentionem* leg. *conuentionem.* p.
 49. leg. *earum.* p. 55. l. 9. ante f. pro *illa* leg.
hac. p. 94. l. 16. leg. *amitti.* p. 108. l. 7. leg. *c. 10.*
X. b. t. p. 110. l. 18. leg. *interroget.* p. 112. l. 12.
 pro *qui non possidet* lege: *qui possidet.* p. 128.
 lin. 19. leg. *quin.* p. 153. l. 14. lege *Parisiensis.* p. 157.
 l. 9. leg. *exercitium.* p. 171. l. 9. ante fin. lege
eam. p. 193. l. 7. pro *non illa* leg. *non hac.* p.
 201. lin. 13. leg. *blasphemat.* p. 220. l. 7. leg. *ba-*
ptismalis. p. 221. l. 5. leg. *paruulorum.* p. 223. l. 2.
 ante fin. leg. *quod.* p. 243. l. 5. leg. *sedes.*
 lin. 7. ante f. leg. *nequeunt.*





INDEX TITVLORVM

INSTITVTIONVM SCHILTERI
AVCTARVM ET EMENDA-
TARVM.

Lib. I.

TIT. I. De natural <i>i</i> iurisprudenti <i>a</i> sacr <i>a</i> p <i>i</i> .	
II. De legibus sacris & origine iuris cano- nici	4
III. De ecclesiis & ecclesiastica potestate	8
IV. De Synodis	18
V. De iudiciis ecclesiasticis & foro compe- tente.	20

MEMBRVM I. de ratione consistoriorum nostrorum

II. de iurisdictione delegata seu com- missariis	20
III. de arbitris	24
IV. de postulando	29
V. de Procuratoribus & Syndicis	32
VI. de transactionibus	35
VII. de citatione	38
IIIX. de libelli oblatione	40
IX. de mutuis petitionibus	44

INDEX.

X. de litis contestatione	48
XI. de iuramento calumniæ	50
XII. de dilatione & feriis	52
XIII. de ordine cognitionum	55
XIV. de contumacia	58
XV. vt lite pendente nihil innouetur	60
XVI. de probationibus	62
XVII. de testibus	67
XIII. de examine testium extraordinario	73
XIX. de fide instrumentorum	75
XX. de præsumtionibus	78
XXI. de iureiurando	80
XXII. de exceptionibus	89
XXIII. de præscriptionibus	92
XXIV. de sententia & re iudicata	96
XXV. de appellationibus	100
XXVI. de processu summario	108
XXVII. de causis possessoriiis	111
VI. De visitatione ecclesiastica	115
VII. De episcopis & clericis	118
MEMBR. I. de potestate episcoporum	118
II. de electione Episcoporum hodierna	122
III. de postulatione	130
IV. de confirmatione prælatorum hodierna	133
V. de consecratione	137
IX. de presbyteris	138
IX.	

INDEX.

IX. de Diaconis	141
X. de clericis minorum ordinum	143
XI. de abbatibus & monachis	145
XII. de Sacris ordinibus equestribus	150
XIII. de scholis & vniuersitatibus	153
XIV. de iure patronatus	158
XV. de ordinatione	162
XVI. de confirmatione & inuestitura	168
XVII. de personarum ecclesiasticarum officio & qualitatibus	173
XVIII. de priuilegiis & immunitatibus clericorum	177
MEMBR. I. de resignatione	178
II. de translatione	182
III. de permutatione aliisque modis amittendi beneficia	185
IV. de statu ecclesiæ vacantis	188
XIX. de excessibus & pœnis clericorum	192
XX. de iure laicorum siue parœcianorum	205

LIBER. II.

TIT. I. De iure rerum & S. Liturgia	209
II. de SS. baptismo	216
III. de SS. Eucharistia	224
IV. de pœnitentia & S. absolutione	230
V. de excommunicatione seu banno	234
VI. de SS. ecclesiis & bonis ecclesiasticis	237

INDEX.

MEMBR. I. de præbendis seu beneficiis ecclesiasticis	238
II. de collatione beneficiorum ordinaria & extraordinaria	242
III. de iure primariorum precum	247
IV. de annatis	251
VII. de iure templorum	253
IIIX. de ædibus & rebus ecclesiarum	257
IX. de Eleemosynis	260
X. de Sponsalibus	262
XI. de nuptiis	268
XII. de diuortiis	272
XIII. de concubinato	275
XIV. de sepulturis	277

INDEX CAPITVM

ORIGINVM IVRIS ECCLESIASTICI.

CAP. I.

DE origine & constitutione ecclesiarum	283
II. de origine diœcesium	289
III. de origine parochiarum	298
IV. de origine Synodorum	303
V. de origine presbyterorum & Diaconorum	310
VI. de origine Episcoporum, archi-episcoporum & primarum	315
VII.	

INDEX.

<i>VII.</i> de pontifice Romano	32
<i>IIIX.</i> de origine Cardinalium	334
<i>IX.</i> de origine legatorum sedis Romanæ	338
<i>X.</i> de origine electionum & postulationum	346
<i>XI.</i> de origine ordinationis	355
<i>XII.</i> de origine pallii	362
<i>XIII.</i> de sacerdotio ecclesiastico eiusque origine	368
<i>XIV.</i> de origine coadiutorum aliorumque vicariorum	380
<i>XV.</i> de origine capitulorum	392
<i>XVI.</i> de origine militiæ sacræ	398
<i>XVII.</i> de origine iuris patronatus	406
<i>XIIX.</i> de origine monachatus & monasteriorum	410
<i>XIX.</i> de origine legum ecclesiasticarum	417
<i>XX.</i> de origine iurisdictionis ecclesiasticæ	422
<i>XXI.</i> Historia confessionis auricularis	429
<i>XXII.</i> de origine cœmeteriorum	439

INDEX RERVM.

A.

Abbates vel mediati vel immediati 145.
 immediatorum prerogatiua. 145

Ff 3

di-

INDEX.

- dignitas 146. etiam inter protestantes
 146 mediatorum iura 146. seq. eorum
 vicarii 147
Absolutionis formula vsitata reprobatur 231.
 soli Deo propria 431. an ecclesiæ 431. sq.
Academia an corpora ecclesiastica 153. iure
 prælatorum frauntur 154. a quibus eri-
 gantur 153
Aduocati ecclesiarum antiqui 33. clerici an
 esse possint 34
Aeditui an clerici in terris protestantium
 143. sq. confirmantur a Consistorio. 144.
 non gaudent anno gratiæ 144. sq.
Anabaptiste & eorum pœna 217. sq.
Annata quid & vnde ortæ 251. fata ea-
 rum 251. sq.
Appellatio quid. 100. extraiudicialis. 101
 differentia, vtrum ab interlocutoria an
 definitiua fiat 102. qui ad eam admittan-
 tur & non 103. requirit grauamen 103. in
 quibus causis locum habeat. 104. quo-
 modo facienda 104. sq. formalia eius. 105
 seq. iustificatio. 107. effectus 107. seq.
 quando deserta fiat 108. Papa eam fraude
 ad se traxit 327. Exempla appellationum
 ad Papam 328. sq.
Apostasia quid. 200. eius pœna *ibid.*
Apostoli appellationum quid 106
Apostoli non fuerunt legislatoris. 418. non
 affectarunt imperium 423
 Ar.

INDEX.

- Arbitri* quotuplices 29. qui habiles 30. quomodo recipiantur 31. eorum potestas 31
Archidiaconi vicarii nati episcoporum 388
Archiepiscopi vicarii perpetui pontificis facti 331. pallium ab eodem accipiunt 332. 367. legati nati 343.
Archipresbyteri vicarii episcoporum in Sacris 388.
Attestationes testium quem effectum habent 73

B.

- Balnearia* ordinum equestrium. 151. earum præfides 405
Baptismus apud Iudæos vsitatus 216. quis ius baptizandi habeat. 216. ad eum nemo cogendus 217. an invito patre liberi baptizari queant 217. seq. si lucri causa fiat 218. intentionem baptizantis non requirit 219. ubi & quomodo fieri debeat 220
Beneficium ecclesiasticum quid 238. feudi naturam habet *ibid.* origo 239. eius requisita 240. maiora beneficia & minora. 241. mediata & immediata 242. quomodo conferantur *vid. collatio.* quænam vacent in curia Romana 244. 247
Bona mensalia quo tempora præscribantur 95
ecclesiastica sunt bona pauperum 260. fq.

INDEX.

C.

- Canones* scripti quando apparuerint 421
vnde auctoritatem acceperint 422
- Canones Apostolici* quando collecti 6. quando
codici adiecti sint. 7
- Canonici* vnde dicti 396. sq. distinctio in re-
gulares & seculares vnde orta 398
- Capitulum* sede vacante iura Episcopi exer-
cet 190. constabat olim ex presbyteris &
diaconis 392. etiam parochiis constitutis
393. dirigebat cum Episcopo negotia ec-
clesiæ 393. sq. & sede vacante omnia di-
rigebat 394. ad illud referebatur clerus
omnis ciuitatis 395. nouam formam ac-
cepit ab Augustini instituto & vita com-
muni 395. inde clerus ecclesiæ cathedra-
lis illud constituit 398
- Cardinales* olim omnes ministri ecclesiarum
ordinarii dicti 334. seq. clerus Romanus
peculiariter hunc titulum sibi asseruit
336. sqq.
- Catechumeni* non agebant pœnitentiam pu-
blicam 433
- Ceremonia* vniuersales a particularibus ec-
clesiis mutari & tolli possunt 215
- Citatio* necessaria 41. etiam in notoriis 41
eius diuisio 42. quomodo decernenda 43
quid operetur 44. ad productionem te-
stium in quem finem fiat 71
- Clau-

INDEX.

Clausula variz commissionum 26. sqq. procuratorum 36

Clerici non possunt esse aduocati aut Tabelliones 34. numerus eorum ingens 143. minorem ordinum 143. qualitates & officia clericorum 173. sqq. eorum delicta quomodo vindicentur 193. differentia eorum a laicis quando orta 315

Character indelebilis quales effectus habeat 164. sq.

Christi præcepta an proprie dictæ leges dicendæ 5

Coadiutoria cur inuentæ 188. olim incognitæ 380. ex iusta causa inuentæ 382. fiebant consensu ecclesiæ 383. ad successionem stabilendam 383. præuia dispensatione 384. & quidem volentibus episcopis 384. quandoque etiam cum consensu Episcopi Romani 384. seq. & Regum 385. Papa postmodum dispensationem ad se traxit 386

Codex canonum vniuersæ eccl. quando collectus 6. sq.

Cameteria a quibus exstruantur 278. olim non obtinuerunt 439. quid olim denotauerint 439. 444. extra vrbes olim 440. seqq. orta ex sepulturis circa templa 446. sqq.

Cessatio beneficiorum 242. cui competat 243

F f 5 qui

- quibus fiat 243. extraordinaria fit a Papa 244. sqq.
- Collectio* per sacculū sonantem quo iure fieri possit 261. sq.
- Commenda* vnde orta 191
- Commendatores* prouinciales & simplices 152
- Commissio* vid. delegatio
- Compromissum* de quibus suscipiatur 30. quomodo expiret 32. in electione 129
- Concilium* vid. *Synodus*
- Concubinatus* olim licitus 275. cur prohibitus 276
- Confessio auricularis* non est ex iure clauium 231. 430. abrogari potest 231. sq. ad pœnitentiale forum refertur 233. abusus eius 233 a praxi primitiua ecclesiæ est aliena 429 vnde orta 438
- publica* in delictis publicis olim vsitata 435. tandem priuata ob occulta delicta introducta 436. sq. inde sigillum eius & quæ eius ratio 436
- Confirmatio baptizatorum* vnde & quomodo fiat 222
- Confirmatio Episcoporum* a quo fiat 134. quomodo facienda 135
- Consecratio* hodie sæpe diu differtur 137 fiebat a metropolitano *ibid.* quo ritu 138
- Consistoriorum* ratio ex iure pontificio petenda 21. quæ sit eorum facies apud pontificios 22. & protestantes 23. ea non exercent iu.

INDEX.

iurisdictionem criminalem 194. eorum consensus requiritur in excludendis in- dignis a S. cœna 229. & excommunica- tione	235
<i>Consuetudo ecclesiæ vid. observantia</i>	
<i>Contumacia</i> quomodo contrahatur 58. quo- modo puniatur	59
<i>Conventus monachorum</i>	148
<i>Custodes vid. aditus</i>	

D.

<i>Delegatio iudicis</i> 24. qui possint delegare 24. quomodo illa fiat 25. per varias clausulas 26. sq. quomodo expiret	28. seq.
<i>Delicta</i> omnia olim ad forum pœnitentiale referebantur 192. vnde distinctio orta inter secularia & ecclesiastica 193. cleri- corum quomodo vindicantur 193. lai- corum ecclesiastica & mixta in foro ec- cles. vindicantur 194. quæ ecclesiastica dicantur 194. quæ huc referantur	195
<i>Denunciatio evangelica</i> contra præsumptio- nem iuris & de iure 79. contra rem iu- dicatam	99
<i>Devolutionis</i> ius quomodo se habeat	243
<i>Diaconorum</i> origo non repetenda Act. VI. 141 sq. ex Synagogis iudaicis originem tra- iunt	142
<i>Dignitatis episcopalis</i> iura	120
<i>Di-</i>	<i>Di-</i>

INDEX.

<i>Dilationes</i> quotyplices §2. quomodo concedendæ	53
<i>Dimissionales</i> literæ quid	166
<i>Diœceses</i> quid denotent 289. ex pluribus provinciis ecclesiasticis ortæ 296. ad imitationem status ciuilibus 296 sq. an etiam in occidente fuerint	297
<i>Dismembratio</i> ecclesiarum quomodo fiat 17. qua ratione obtineat	18
<i>Distributiones</i> quotidianæ quid	240
<i>Diuortii</i> prohibitio vnde 272. an ob infidias vitæ structas locum habeat 273. an vxor illud facere queat 273. sq. an ob infirmitatem	274
<i>Docendi</i> libertas olim magna fuit	313

E.

Ecclesia non est republ. 2. sqq. 422. licet sit in republ. 3. an ex tribus ordinibus recte constituatur 8 sq. eius diuifio simpliciffima in docentes & auditores 9. romanæ prærogatiua vnde 9. earum vnio vid. vnio. matrix & filia 16. eius dismembratio vid. *dismembratio*. vacantis status 188 sqq. vid. etiam *templum*. Denotat in genere fideles vbicunque degentes 284 vel certo loco comprehensos 284. seq. domesticæ quid 286. cur ecclesiæ particulares sint institutæ seorsim a iudaicis

Sy-

INDEX

Synagogis 287. earum prouinciæ quando introductæ vi l. *prouincia*. a loco denominandæ 291. Apostolicæ magnam habuere auctoritatem 293. quinam olim his præfuere 298. omnes olim vnus generis

299

Electio Episcoporum quid 123. cui competat 123. sq. libera est 125. qui ad illam citandi 125. qui eligendi 126. quando fieri debeat 126. quomodo facienda 127. sqq. olim ecclesiæ propria 346. sq. cum consensu plebis 348. quæ in oriente mox exclusa 349 in occidente diu permanfit 350. sq. ad imperatores deuoluta 351. & Reges 352 quibus a pontifice erepta 352. a papa vindicata 353. tandem ad canonicos deuoluta 353. sq.

Eleemofyna ex bonis ecclesiæ debentur 260

Enfiferorum ordo 403. coaluit cum Teutonico 405

Episcoporum iura varia 118. sqq. eorum electio vid. *electio*. Eorum postulatio vid. *postulatio*. Eorum confirmatio vid. *confirmatio*. an inuitus eligendus 134. protestantes quoque differunt a Catholicis 136. ambitio antiquorum seculo IV. 427 affectarunt imperium & sacerdotium 428. in singulis olim ecclesiis erant 299 inter hos & presbyteros non erat olim differentia 316. sq. differentia eorum a pres-

INDEX.

presbyteris orta ex auctoritate primæ
sedis in presbyterio 318. sqq. omnes inter
se æquales erant 319. sq. quidam paula-
tim auctoritatem maiorem acceperunt,
320. sq. maxime ex opinione Sacerdotii
375. sqq.

Eucharistia an in casu necessitatis possit a
laicis administrari 225. an consecrari de-
beat 226. an sacrificium 226. an transub-
stantiationem operetur 226. ius excluden-
di ab illa pastoribus non competit 227. sqq.
nemo ad illam cogendus 230

Exceptiones quid & quotuplices 90. peremto-
riæ quando opponendæ 90. an successive
opponi possint 90. sq. peremtoriæ quo-
tuplices 91

Excommunicatio minor seculo XIII. demum
invaluit 228. maior fiebat a tota ecclesia
235. postea dependere cepit a iurisdic-
tione eccles. 235. in foris protestantium re-
fertur ad consistoria 236. non exercetur
in principes 236. eius effectus 237

Executio sententiæ quomodo facienda
100

Expectativas pontifex exercet 246

F.

Ferje quid 53. differentia humanarum &
diuinarum 53. seq. quomodo diuinæ pera-
gen-

INDEX.

gendæ 54. quomodo computentur	54. seq.
<i>Fides bona</i> in præscriptionibus quid	93
<i>Forum</i> competens in punctis incidentibus	
57. ecclesiasticum in delictis laicorum	194

H.

<i>Hæresis</i> quid sit in sensu civili 195. quid sit	
in imperio nostro 195. pœnæ eius 196.	
seq. an in foris protestantium puniri	
possit	197
<i>Hæretici</i> an tolerari possint in imperio Roma-	
no-Germanico	198

I.

<i>Immunitas</i> clericorum est iuris humani	177
<i>Imperium</i> a ministris ecclesiæ alienum esse	
debet 3. sicut ab Apostolis alienum fuit	423
<i>Incidentes</i> causæ in quo foro tractandæ	57
<i>Iniuriarum actiones</i> clericis illicitæ	175
<i>Inquisitorius</i> processus qua occasione reper-	
tus 203. quomodo in eo procedatur	204
<i>Inspiratio</i> in electione	12
<i>Insinuatio</i> citationis quomodo facienda	49
<i>Institutio</i> vid. investitura	

INDEX.

Instrumenta publica quænam 75. quæ probent 76. priuata quando probent 76. quando produci debeant. 76. sq. quando testibus præualeant 77. quomodo vim suam amittant 77

Inuestitura quatenus necessaria in ecclesiis 168. a feudis tracta 169. seq. Episcopo adscribitur 170. an a magistratu & patronis fieri possit 171 seq.

Inunctio varia 222. seqq. in regum coronatione 223. sq.

Irregularitas clericorum quæ proprie dicitur 176

Iudæi iuribus parochialibus ligantur 207

Iudicia archidiaconalia 21

ecclesiastica antiqua erant conuentionalia 305. quibus præsidebant Episcopi 306

Iurisdictio Episcoporum quomodo comparata 21. quo sensu consistorio competat 23 eius iura 119. suspensa in territoriis protestantium 120. competit principibus protestantibus qua talibus 120. sq. communicari potest nobilibus 121. sq. criminalis quando ab Episcopis exerceri cepta 192. sq. vnde 419. olim nuda notio fuit 424. vel arbitrium 425. ex pacto orta 426 olim tantum in delictis puniendis constitit 427

INDEX.

<i>Iuramentum calumnia generale & speciale</i>	
hodie simul admittitur	50.
remitti potest	51.
quando & a quibus præstandum	51.
in quibus causis	51
<i>Iuramentum in genere</i>	quid 80. sq. an & qua-
tenus permissum	81. quomodo iurandum
82. de eius formulis	82. de eius efficacia
de iure cañon	86. sq. absolutio & relaxa-
tio eius	88 sq.
litis decisorium	83. quis deferre
possit	83. in qua causa 83. seq.
quando	84. præstandum neces-
sario	84
suppletorium	85
purgatorium	85. compurgatores
quandoque requirit	86
<i>Inra stole</i>	an probanda 258. unde orta 259. an
exigi possint iure perfecto	259. quid circa
hæc observandum.	259 sq.
<i>Iuris canonici auctoritas in Germania</i>	7 sq.
<i>Ius ecclesiasticum</i>	unde æstimandum 1. unde
hauriendum	5
<i>Ius Mosaicum ceremoniale</i>	confert ad notitiam
iuris ecclesiastici	5
<i>Ius nature</i>	confert ad notitiam iuris eccle-
fastici	5

L.

<i>Laici</i>	an ius in ecclesiasticis superfit	206
<i>Laudis effectus</i>		31

INDEX.

- Leges* diœcesanæ quid 119. quando ortæ 417
 seq. ecclesiasticæ vnde ortæ 417. an ab A-
 postolis 417. a Synodis prouincialibus
 418. & fastu Papæ 419. vt & Episcoporum
 420
- Legati* imperatorum duplicis generis erant
 338
- Sedis* Romanæ & ecclesiarum nullam
 habebant potestatem 339. nec in
 conciliis 340. in concilio Chalce-
 donensi legati Leonis magnam ha-
 bebant auctoritatem 341. vnde de-
 inceptus eorum auctoritas aucta 342
 sq. legati nati quinam 343
- Legatio* Bonifacii in Germaniam 343 sq.
- Libellus* quid 44. quomodo concipiendus 45
 articulatus non admittitur *ibid.* recon-
 uentionalis 46
- Litis contestatio* necessaria 48. quomodo fa-
 cienda 49. quando 49
- Litis pendentia* quid 60. eius effectus 60. seq.
 innouationem impedit 61
- Liturgiam* dirigit Princeps 209. sqq. an etiam
 ecclesia ordinare possit 210. quo iure
 princeps liturgica ordinare queat 210 sq.
 patronis & ministris ecclesiæ hoc ius non
 competit 215

INDEX.

M.

- Manuum impositio* vnde 355. apud Iudæos vfi-
tata 356. ab Apostolis cum insigni virtute
adhibita 357. quibus eas imponebant 358
- Mandata de prouidendo* Papa quomodo dare
possit 246
- Matrimonium* non est sacramentum 268. in
quo Sacramentum pontificii quærant
269. conclusiones ex hoc principio plu-
rès profluunt 270 sqq.
- Menses papales* quem vsum habeant 245
- Metropolitani* vnde orti 323. eorum auctoritas
confirmata concilio Nic. 321 seq.
- Militia sacra* vnde orta 398 sqq.
- Ministri ecclesie* neminem possunt excludere
a S. cœna 227 sqq.
- Ministerium* quid 140. eius honor conseruan-
dus 141. eius efficacia 141
- Monachatus* olim erat vita solitaria 410. quæ
dicebatur philosophica 410. sq. ex perse-
cutionibus orta 411. exempla illustriora
411. sq. exinde clerici electi 415. in de-
trimentum ecclesie cesit 415. sq. ordines
vnde 416
- Monachi* olim meri laici 413. scholas aperue-
runt 413. certis formulis adstricti 413. sed
sine voto 414. laborabant 414
- Monasteria secularia* quid 149. quando
G g a ex.

INDEX.

exstructa 412. extra vrbes 412. cur cœno-
bia dicta 413

N.

Notoria etiam requirunt citationem 41. &
probationem 63

Novitii in monasteriis 149. quomodo valide
de bonis suis disponant 149

O.

Obedientia quid sint 148

Observantia ecclesiastica obtinuit fere vnice
tribus prioribus sæculis 6. 420. vnde ortz
421. vim legis habent 421

Occulta a clericis non propalanda 174

Officiales Episcoporum sunt iudices ordi-
narii 21. de eorum potestate 22. quæ pera-
gere non possint 23. quando instituti 389
præfunt consistorio Episcoporum 389

Oratoria a templis differunt 253

Ordines equeſtres quomodo sese habeant 150
eorum iura & instituta 151. vnde orti 400

S. Iohannis origo 400. Teutonici origo
401. & templariorum 402. seq. Ensisfero-
rum 403. ex Monachatu nati 403. in
militarem mutati 405. fata & instituta
404. sq.

Ordo cognitionum 55. sq.

Ordinis iura quid 119. eius desertio an lici-
ta 178

Or-

INDEX.

<i>Ordinatio</i> an iuris diuini 163. 358. caracte- rem indelebilem producit 164. qui huius effectus 165. a quo fiat 166. quomodo 167 quid sit 355. vnde originem trahat 355 sqq. fiebat olim a presbyteris 359. sqq. postea ab Episcopis asserta 361	
<i>Organici</i> an clerici 143	
<i>Orthodoxia</i> in sensu ciuili 125	

P.

<i>Pactum remissorium</i> differt a transactione 40	
Datur inde actio de iure canonico 40	
<i>Pallium</i> olim erat imperatorium indumen- tum 362. Patriarchis communicatum 362. vicariis ab his datum ex consensu impe- ratorum 363. signum vicariatus erat 364. hoc Patriarchas Papa sibi subiecit 365. per Bonifacium 366. forma eius tandem im- mutata 367	
<i>Papa</i> Romanus olim episcopus vrbis Romæ erat 10. 323. Auctoritatem insignem ac- cepit per concil. Nicænum 10. 325. ap- pellationes ad se traxit 11. 325. sqq. Con- stantinopolitanum suppressit 11. 330. Vi- carios perpetuos constituit 11. 331. sq. per legatos auctoritatem suam vbique sta- biliuit 12. Reges sibi subiecit 12. præ- tendit etiam ius in temporalia 12. insignia iura sibi vindicat 13. restricta eius pote- stas per concordata 13. imo. in territoriis	

- protestantium sublata 13. sq. ius in beneficiis conferendis 244. sqq. relationes ad eum 420. potestatem suam variis artibus auxit 324 sqq.
- Parochia* quid 206. unde acquiratur 206. seq. an reges & principes complectatur 207 sq. an ludæos 207. effectus eius 208. Sepultura ibi facienda 278. origo eius 298 sqq. ex templorum exstructione 301. Iura episcopi in illam 302
- Patrinorum* origo 221. eorum numerus 221
- Patronatus* ius antiquissimum 158. cur ad presentationem restringatur 159. an licitum 159. in f. laicum vel ecclesiasticum 160 quomodo acquiratur 160. vel personale vel reale 161. eius iura reuerentialia 161 sq. ortum ex templorum exstructione 406. apud gentiles vsitatum fuit 406 inde ius presentandi 408. quod olim collationem officii sacri denotabat 409. depositionem Parochorum continebat 409 cum cura rerum coniuncta
- Patriarcharum* origo 322
- Pensiones* non sunt proprie dicta beneficia 240
- Peregrinationes* in terram sanctam a papa promotæ 399
- Permutatio beneficiorum* quid 185. quomodo facienda 185 sq.
- Pe-*

INDEX.

Penitentia publica hodierna ab antiqua penitus differt 232. quomodo antiqua comparata fuerit 431. tantum eiectis imposita 432. non catechumenis 432. an Philippus Imperator pœnitentiam egerit 433. eius ratio primaria 434. tantum ab initio locum habebat ob delicta manifesta 434. tandem etiam ob occulta 435. ad privatam confessionem 435 sq.

Privata quando inualuit 437. inde ortum traxit auricularis hodierna 438 sq.

Possessorium cum petitorio cumulari potest 112. eundem iudicem requirit 111. quis in possessorio præferendus 112

Postulatio quid 130. quotuplex 131. quomodo facienda 131. quomodo differat ab electione 132. usus inter protestantes 133

Prescriptio quotuplex 92. contra ecclesiam 93. bonam fidem per totum tempus requirit 93. an in laicis locum habeat quoad res spirituales 94. ad quæ non pertineat 94 sq. immemorialis 95

Presumptio quid 78. quotuplex 78. iuris & de iure 79. an contra eam admittatur. denunciatio evangelica 79. collisio 80

Presbyteri olim duplicis generis 139. quale eorum officium 139 sq. an hodie tales habeamus 140. quid sint 310. apud ludæos

INDEX.

visitati 310. origo eorum 311. sqq. non,	
primario olim docebant 314. Sacerdo-	
tium tandem affectarunt 314. Episcopi	
olim dicti 316. confessum faciebant,	
	317
<i>Primariarum precum</i> origo 247 sq. exercitium	
248. etiam principes protestantes exer-	
cent 249. & augusta	250
<i>Princeps</i> inspectionem in ecclesiam habet 4	
non est proprie Episcopus 121. habet ius	
liturgiam reformandi & ordinandi 210	
sqq. exercet menses Papales & expecta-	
tivas	245sq.
<i>Priores</i> quinam 147. obedientiarii 148. con-	
ventuales	148
<i>Procurator</i> quotuplex 35. qui constituent 35	
eorum qualitates 36. in quibus causis 37	
quomodo constituentur 37. quomodo	
potestas eorum desinat.	38
<i>Probatio</i> quid & quotuplex 62. negativa	
quomodo fiat 63 sq. cui incumbat 65. quo-	
modo fiat 65. eius terminus 65 seq. &	
collisio	66
<i>Processus summarius</i> quid 108. seq. in quibus	
causis obtineat 109. quomodo in eo pro-	
cedatur	110
<i>Processus</i> in criminibus antiquus 202. post	
triplex in iis receptus 202. inquisito-	
rius quomodo introductus 203. quomodo	
peragendus	204
	<i>Pro-</i>

INDEX.

<i>Provincia ecclesiastica</i> non sunt ex instituto apostolico 290 sqq. sed a consuetudine 292. & vnione ecclesiarum in vna provincia sitarum 292 sq. Seculo III. iam notæ fuere 294. ad statum rei Romanæ formatæ 294 sq. quandoque plures provinciæ ciuiles vnā ecclesiasticā constitutere 295
<i>Purgationis</i> vulgaris species 204 sq. canonicæ vsus 209

Q.

<i>Quarta pauperum</i> an hodie in ecclesiis cathedralibus reduci possit 261
--

R.

<i>Reconuentio</i> quando admittatur 46. in quibus causis 49. quem habeat effectum 49
<i>Reformandi</i> sacra ius principi debetur 211 potest pactis restringi 212. & lege publica 213. quousque eo vtantur protestantes in suis territoriis 214
<i>Regum</i> vnctiones 213. non faciunt reges 213 sq.
<i>Relationes</i> ad pontificem legibus ecclesiasticis augmentum dederunt 420. Pontificis potestatem auxerunt 326

INDEX.

<i>Reprobatio</i> quomodo fiat	89
<i>Reservatum ecclesiasticum</i> beneficium ecclesiasticum adimit	187
<i>Resignatio</i> quid 178. quomodo facienda 179 seq. ex quibus causis 180. in fauorem tertii 181. effectus	181
<i>Reservationes</i> papales in beneficiis 244. in mensibus papalibus	245
<i>Rotuli publicatio</i>	72

S.

<i>Sacrilegium</i> quid & quot species habeat	207
<i>Sacerdotium</i> episcopis olim non competiit 368. 371. reipubl. Iudaicæ proprium 369 sq. & regia cum potestate 370 sq. in Anglia disputatum de sacerdotio Episcoporum 372. Seculo III. inualuit 373. seq. Episcoporum potestas inde aucta 375 inde opinio orta de independentia 377. ciuili potestati prælatum 378. mala inde orta	379
<i>Salaria</i> clericis debentur	258
<i>Schisma</i> quid	198
<i>Schola</i> sunt corpus eccles. 153. subsunt confistoriis 154. olim in monasteriis & capitulis 155. quomodo hodie instituantur 156. de earum disciplina	157

INDEX.

<i>Scrutinium</i> in electione quomodo fiat	127 sq.
quomodo publicandum	128
<i>Sedes prima</i> in presbyterio magnam habebat auctoritatem	317. ex multis causis
	318 sq.
<i>Separatio</i> quoad chorum & mensam vnde	274
<i>Sepulcrum</i> cur ad ius sacrum spectet	277. circa
eius solennia princeps dispensare potest	277. vbi facienda 277 sq. olim extra vrbes
in priuatis fundis	440. in cryptis 441.
martyrum intra urbem facta	441. & quidem in ecclesiis 441 sq. eadem quoque
concessa Imperatoribus & Episcopis	442
post alii eam ambierunt in templis	442
sq. concessa tandem ad murum ecclesie	444. & alicubi in templis 445. & generaliter in vrbe 446. vnde cœmiteria circa
templa orta	447 sq.
<i>Sequestrum</i> quomodo decernendum	61
feminarum	62
<i>Sententia</i> definitiua & interlocutoria quomodo differant	96. quid respiciendum
in ferenda ea	97 sq. eius publicatio 98
sq. publicationis effectus	99. executio eius
	99
<i>Sigillum confessionis</i> vnde ortum	436
<i>Simonia</i> quid 199. eius pœnæ	200

INDEX.

<i>Spolij</i> exceptio vbique opponi potest	113
spoliatus ante omnia restituendus	113
actionis spolij singularia	114
<i>Sponsalia</i> de futuro 262. de præsenti	263
huius diuisionis confusio in terris protestantium 264 sq. absurdæ inde applicationes iuris canonici 265 sq. de futuro possunt fieri de præsenti 266. pura & conditionata 266. an pœnam admittant	267
<i>Sortes</i> S. Apostolorum	200
<i>Sortilegium</i> qua pœna coerceatur	201
<i>Substitutiones</i> permixtæ ex iusta causa,	189
<i>Successores</i> quandoque sibi constituerunt, Episcopi 380 sqq. qui tamen deinceps eligendi erant 381. iusta causa requirebatur	382
<i>Suspensiones</i> ab officio incommodæ & eliminandæ	189
<i>Syndici</i> num iure canonico distinguantur a procuratoribus	37
<i>Synodorum</i> origo 19. 303 seqq. prouinciales quid 19. 306. quid sint in genere	303
non quæuis coitiones Synodum constituunt 304. sunt iudicia ecclesiastica	305
Decreta eius auctoritatem habebant ex pacto & vnione ecclesiarum 307. vnde creuerit earum auctoritas 307 sq. in quem finem	

INDEX.

finem habendæ 307. generalis	308
confirmatæ a Cæsaribus	309

T

<i>Templariorum origo</i> 402. interitus	404
<i>Templorum ædificatio</i> cur restricta 253. auctoritate episcopi facienda	254.
eius requisita 254 sequent. in terris protestantium quid in ea observandum 255. eorum reparatio quomodo facienda 256. quotuplica 256, sq. consecratio	257
<i>Testes reprobandi</i> quinam 67 seq. delictum eis obiici potest 68. coguntur ad testimonium dicendum 69. quinam cogi nequeant 69 sq. quomodo & quando producendi 70. quando vnus plene probet 70. Iuramenta obstringuntur 71. eorum examen 71 seq. tertia eorum productio admittitur 72. ad perpetuam rei memoriam quando possint examinari 73. quomodo fieri debeat	74
<i>Teutonicæ ordinis origo</i>	401
<i>Transactio</i> suadenda 39. qui eam inire possint 39. de quibus rebus 40. differentia eius a pacto remissorio	40

Trans.

INDEX.

Translatio quid 182. quomodo suscipien-
da 183. auctoritate superioris 183 sq.
effectus 184

Translocatio quid & quomodo a translatione
differat 184

Transsubstantiatio in S. cœna cum suis effe-
ctibus 226 seq.

Tortura antiquissimus vsus 205. an in foro
ecclesiastico obtineat 205

V.

Vacantia ecclesiæ incommoda 188. quamdiu
durare debeat 188 sq. quis vacanti eccle-
siæ providere debeat 190 sq.

Vicarii Episcoporum olim incogniti 386. archi-
diaconis plura commissa 387. inde vica-
rii eorum facti 387. vt & archipresbyteri
in sacris 388. post alios vicarios generales
assumerunt 389

porochorum 390

canonicorum 391

Vicarios perpetuos papa constituit archiepi-
scopos 331. seu legatos natos 343

Visitatio ecclesiastica antiqua 115
domestica necessaria 115 sqq.

Vnio ecclesiarum quid 14. fieri debet ex justa
causa 14. qui possint illam facere 15. quæ
ecclesiæ vniri possint 15. quomodo fiat 16

F I N I S.

Addenda ad p. 410. §. II.

In *Capite XIIIX.* actum est de origine *Monachatus*, vbi obiter §. II. obseruavi, vitam solitariam, vnde *Monachatus* originem traxit, non tantum obtinuisse apud christianos, sed etiam apud *Iudeos*. (vti contextus corrigendus est) id quod adhuc illustratione quadam indiget, vt inde eo clarius de vita hac solitaria, in christianismum deducta, constet. *Solitaria* seu *philosophica* hæc vita, prout vocatur, apud *Iudæos* antiquissima & *Essenorum* philosophiæ propria erat. Hi potissimum commendantur, ob morum sanctitatem pietatemque: præterea etiam solitarium, vita genus a preputu urbano remotum sectabantur, & plura alia instituta peculiaria habebant, summatim relata a Dn. Buddeo in *histor. de philos. Hebræor.* §. 21. Meminit quoque *Eusebius lib. II. c. 17.* quorundam, solitariam vitam agentium, quos *Therapeutas* vocat, contenditque, eosdem *Christianos* fuisse, & ex *Hebræis* originem duxisse. Ast in eo falli *Eusebium*, & *Therapeutas* hos non christianos sed *Iudeos* fuisse notat *Henricus Valesius ad cit. Eusebii locum*, de quo etiam egi *dissert. II. ad Plinium II. §. 12* quin quod ipsi *Esseni* fuerint, docente *Thoma Brunone in dissert. de Therapeut.* Quæ cum ita sint, manifestum est, vitam hanc philosophicam & solitariam *Essenis* seu *Therapeutis* propriam fuisse, quam

quam Eusebius *cit. l.* ex Philone describit, aitque simulatque ad hoc philosophandi gentes se contulerint Iudæi, omnibus eos bonis a propinques suos transmissis ultro cedere. Deinde abiecta omnium rerum humanarum cura, extra urbem progressos in hortis agellisque devotis degere, quippe qui intelligant, dissimilis propositi hominum contubernia & commercia plurimum obesse philosophia. De ædibus eorum post pauca ita pergit: In singulis domiciliis est quoddam sacellum, quod *σενεῖον* & monasterium appellatur, in quo soli remotis arbitris sanctionis vite mysteria peragunt &c.

Quemadmodum itaque hæc vita philosophica apud Iudæos usitatissima erat & speciem singularis pietatis & devotionis præ se ferebat, ita negari nequit, Christianos quoque, qui mores Iudæorum in plurimis retinuerunt, ad hanc vitam philosophicam excollendam iuductos fuisse (1) exemplo Iudæorum (2) necessitate, quæ in §. III. adducitur, quamvis superstitione Iudaica careret & ab initio innocentissima esset,